

AZ.

II

T

SECA NAZ.


Manuele III

JIT

D

9

APOLI





Q. F. F. Q. S.
SYSTEMA
METAPHYSICUM,

OMNIS
COGNITIONIS HUMANÆ
FUNDAMENTA CONTINENS,
SCIENTIFICE PERTRACTATUM,
ET
PERPETUIS ILLUSTRATUM
COMMENTARIIS HISTOR. POLEM.,
NEC NON
AD THEOLOGIAM ADPLICATIS.

TOMVS TERTIUS,
PARTIS SECUNDÆ SECTIONEM
PRIOREM
DE
ENTE SIMPLICI ET COMPOSITO
CONTINENS.

AUCTORE
NICOLAO WALLERIO,
LOG. & METAPH. PROF. REG. & ORD. AC. R. SOC. ST. MEMBR.

Cum Grat. & Priv. S. R. M:tis Svec. & S. R. M:tis Polon, ac Elect. Saxon.

STOCKHOLMIÆ, A. O. R. MDCCLI.
Literis & impensis LAURENTII SALVII.





I. N. S. S. T.

SYSTEMATIS
METAPHYSICI

PARTIS POSTERIORIS
SECTIO PRIOR

DE

SPECIEBUS ENTIIUM.

CAPUT I.

DE

ENTE COMPOSITO.

§. 831.

Postquam parte priori confide- *Ratio in-*
ravimus notionem entis, e- *stituti.*
jusque generales proprietates, exigit ordi-
nis suscepti ratio, ut in hac altera Metaphy-
sices parte proxima entis inferiora evolva-
mus. Solent plerique Veterum Metaphysi-
corum, in Speciali hac parte, non nisi de
substantia & accidente agere, quasi omne

discrimen, quo diversæ entium statuuntur species, a modo existendi dependeret: Sed sunt entium determinationes, a modo existendi diversæ, ex quibus fundamentum recte desumitur, separatas entium species statuendi. Pertinent huc inter alias divisio entium in simplex & compositum, ac aliæ, quæ hinc oriuntur considerationes, in reliquis Philosophiæ partibus admodum necessariæ, & ad plenius intelligendam divisionem entis in substantiam & accidens, haud parum contribuentes.

§. 832.

Entis com- *Ens Compositum* dicitur, quod
positi defi- ex pluribus, a se invicem distin-
nitio. ctis, seu extra se invicem positis,
constat partibus.

Ex. gr. Lapis est ens compositum, quia partibus constat, quæ nudis oculis haud raro a se invicem discerni possunt. Eodem modo corpus humanum, ex capite, thorace, abdomine, manibus atque pedibus constans, ens compositum est.

Haud dissiteor multos Metaphysicorum tam late sumere compositi ideam, ut sub se comprehendat quamvis fere pluralitatem, qua unum quid constituitur, & hinc compositum statuere aliud rationis, aliud reale, adque illud inter alia referre compositum ex natura & suppositalitate separabilibus, ex subjecto & attributo, ex attributo & attributo, hasque compositionis species etiam in Deo locum habere:

bere: Reale vero compositum iterum distinguere in proprium & improprium, illudque in Physicum, Metaphysicum, & Hyperphysicum. Haud, inquam, hoc diffiteor, sed simul vereor ne justo laxior sit hæc compositi notio: Primum enim haud video, quo modo, stante hac notione, evitare & effugere possimus falsam Photinianorum & CONRADI VORSTII in Tract. de Deo, pag. 156. & seq. Sententiam, qua putant Tres S. S. Trinitatis personas quia realiter sunt distinctæ, constituere unum compositum, seu, Deum Trinum esse ens compositum. Certe nisi defendatur incompletam esse hanc compositi, qua utuntur Photiniani cum VORSTIO, notionem, in eo collocatam, quod compositum sit id omne, quod pluribus constat, non determinata indole & natura istorum plurium; Orthodoxum dogma, huic Photinianorum oppositum errori, nunquam tueri possent nostrates. Sed si nobiscum dicitur plura ista, quæ ad compositum constituendum requiruntur, debere esse partes a se invicem distinctas, seu, quod idem est, extra se mutuo collocatas, quum nemo sanus statuatur tres in Divinitate personas esse ejusmodi partes, facile vitabitur error, a VORSTIO & Photinianis commissus. His accedit nos diversa entium inferiora evoluturos, talem debere compositi tradere ideam, ut ab altera entis specie, quam simplex adpellare mos est, plane excludatur. Sed si laxior illa compositi assumitur idea, enti quoque simplici, finito omni, & ex parte Infinito attribuenda, quum sic hujus idea illam simul include-

ret, nunquam sine varia & proluxa, ac ad nostram compositi ideam tandem reducta limitatione, statuere liceret, quod tamen admodum necessarium est statuamus, omne ens esse vel compositum, vel simplex.

§. 833.

Latioꝝ compositi idea explicatur. Etsi igitur alio, quam mox expresso (§. præc.) sensu, in determinandis proximis entis inferioribus non accipiamus ens compositum, quia tamen apud Metaphysicos, præsertim Veteres, compositi realis, proprie accepti, frequens occurrit mentio, illius divisionem & explicationem paucis exhibere conabor. Dispersere solent hoc compositum in Physicum, Metaphysicum, & Hyperphysicum. *Physicum* illis est idem, quod nos ens compositum modo diximus (§. 832.). *Metaphysicum* adpellant, quod vel ex Subjecto & accidente, vel ex essentia & existentia, vel denique ex existentia & supposititalitate, separabilibus constat. *Hyperphysicum*, quod ex duabus naturis completis, personaliter unitis, constituitur. Generalis ergo, has compositi species comprehendens, notio, talis exurgit: *Compositum est, quod pluribus constat, vel essentialiter, vel accidentaliter distinctis.* Quid vero essentialis & accidentalis distinctio sit, antea evolvimus (§. 437. 444.).

Physice compositum est v. gr. quodlibet corpus, non inanimatum modo, sed & animatum,

tum, ac speciatim homo. Metaphysicam compositionem agnoscit quodvis ens creatum, sive corpus, sive spiritus fuerit, modo existat: omnia enim hæc contingenter existunt, & separabilem proinde ab essentia habent existentiam, variisque, a se invicem separabilibus gaudent accidentibus. Hyperphysicæ compositionis exemplum, non nisi unicum est, quod, in Christo Salvatore nostro, ex duabus naturis completis, divina & humana personalter unitis, constante, reperitur.

§ 834.

Missis Metaphysica & Hyper- *Compositum* physica compositi acceptionibus, *est totum* ad Physicam, quam alii Metaphysicam appellare solent, præsentisque constituimus evolutionis objectum (§. 832.), redimus perillustrandam. Quocirca se statim nobis offert, *omne compositum esse totum quid*. Est enim compositum unum quid, ex pluribus constans partibus (§. 832.). Non ergo potest non esse idem, cum omnibus suis partibus simul sumtis, & per consequens totum quid constituere (§. 672.).

Habent quidem compositi & totius notiones magnam inter se convenientiam, ubi tamen accuratius pensitantur, utriusque facile deprehenditur discrimen: compositum enim dicitur ratione habita ad nexum partium, totum vero, quatenus idem est cum his ipsis partibus, simul spectatis, adeoque ratione identitatis omnium partium, simul sumtarum, cum

uno. Plura itaque involvit idea compositi, quam totius, illa, una cum dicta identitate simul includit earundem partium connexionem in uno, hæc contenta est identitate partium cum uno, secus habita, quam diximus, connexionem. Quicquid ergo §. 73. & seq. ex notione totius & partium deduximus, de composito recte pronuncientur, non autem, quæ composito conveniunt omnia de toto adplicari possunt.

§. 835.

Pluralitas in composito. In omni itaque composito ad-
composito. est quædam multitudo (§. 665.). Idem evincit ipsa compositi notio, ad totum non relata, absolvitur enim compositum pluribus a se invicem distinctis, seu, extra se invicem collocatis partibus (§. 832.). Quælibet ergo pars non est unum idemque cum altera, quare in omni composito adest quædam multitudo (§. 665.).

§. 836.

Composito compositi essentia. Ceterum ex notione compositi facile etiam elicitur habere illud suam essentiam. Habet quodlibet ens suam essentiam (§. 831.). Est vero ens compositum ens (§. 832.), quare & illud suam possidet essentiam.

Tantus compositorum, quæ in hac rerum universitate existunt numerus, eripit nobis vel omnem subdubitandi ansam de entitate compositorum, quam exinde quoque perspicimus, quod idea illorum nullam involvat contradictionem.

etionem. Recte itaque statuimus composito competere essentiam, sed quæ illa sit paucis jam evolvere conabimur.

§. 837.

Essentia entis compositi consistit in modo, quo tales partes invicem combinantur. Quoniam in ente composito plures adiunt partes, secum invicem junctæ (§. 832.), illæ ergo sibi mutuo non repugnant, neque repugnat eas eo modo jungi, quo junguntur (§. 145.). Hæc autem non repugnantia, utpote ex compositi idea unice deducta (§. 832.) internam constituit compositi possibilitatem (§. 135.). Est itaque compositum intrinsece possibile per modum, quo tales & non aliæ partes invicem junguntur. Et per consequens ipsa compositi essentia in hoc modo consistit (§. 325.).

Idem hac ratione ostenditur. Ipsa entis compositi idea (§. 832.) satis indicat, nihil modo, quo tales & non aliæ combinantur partes, poni posse prius in ipso composito. Constituit ergo modus ille conceptum entis compositi primum (§. 315.), & per consequens essentiam ejusdem absolvit (§. 322.).

Illustrationis gratia attendamus ad horologium, quod ens compositum esse omnes ultro fatentur. Adsunt in illo certæ partes, certo junctæ modo. Qui qualitatem partium intelligit, modumque, quo illæ inter se conjunguntur,

rationem perspicit omnium, quæ horologio conveniunt, atque adeo essentiam sibi habet perspectam. Idem in omnibus patet machinis quocunque veniant nomine.

Abfit tamen hinc fluere putes corporis cujusvis essentiam modo compositionis partium unice absolvi. Agimus heic de essentia compositi in generalissimo suo conceptu, non autem in specifico & ad corpus adplicato. Nemo vel parum in Phycis versatus ignorat corporis ideam, præter compositionem plura adhuc involvere, ex compositione, qua tali, haud derivanda. Evincit hoc inter alia impenetrabilitas, seu, soliditas, quæ corpori æque ac compositio est essentialis, ex hac tamen minime determinatur. Idem probat, quod vere statuunt emunctioris naris Phyci, ignotam nobis etiamnum esse corporis in genere essentiam. Certe si hanc nobis haberemus perspectam, possemus sine dubio a priori rationes eorum reddere, quæ corpori constanter conveniunt, quum tamen nihil in hoc puncto sine experientia valeamus.

§. 838.

Quod compositum non competit. Quicquid ergo repugnat modo compositionis talium, atque talium partium, id absolute impossibile est, ut composito, qua tali conveniat (§. 326.).

Horologiorum ex. gr. quæ pendulo & ponderibus, vel etiam elastro agitantur, compositionis modo repugnat motus, sine ponderum elevatione, vel elastri tensione, aliquando suscipien-

cienda, perpetuus, qui ergo horologiis absolute attribui nequit.

§. 839.

Eodem modo, ex mox evolutis *Essentia* (§. 837.), sequitur duo, nec plu- *compositi* ra, nec pauciora *requisita.* essentiam compositi absolvere, *qualitatem* scilicet, *parti-* um, *modumque combinationis earum:* Absolvitur enim essentia compositi conjunctione talium atque talium partium (§. 837.). Neque plura ex generali compositi idea deducere licet *requisita* (§. 832.). Solis ergo his duobus essentia compositi absolvitur.

Haud asseruerim præter hæc duo plura non esse hujus vel illius compositi in specie, v. gr. corporis essentialia *requisita*, quæ omnino plura esse facilis largior; contendo tamen ad essentiam compositi in genere constituendam plura non desiderari *requisita*, quæ plane sufficiunt ad statuendum compositum, illiusque differentiam a simplice agnoscendam.

§. 840.

Entia composita A & B quæcun. Composito- que essentialiter sunt similia, si sin- *rum simili-* gule partes in A ejusdem sunt cum *tudo unde.* singulis partibus in B qualitatis, modusque compositionis in A idem est cum modo compositionis in B. Constituitur essentialis similitudo identitate essentialium qualitatum (§. 508). Consistit autem essentia compositi in qualitate partium modoque compositionis (§. 839.), qui,

qui, ut quilibet sua sponte intelligit, sine alio assumpto, per se intelligitur, & ideo qualitatibus recte adnumeratur (§. 459.). Essentialis itaque similitudo compositorum continetur identitate qualitatuum partium in illis; modique compositionis, seu, sunt composita essentialiter similia, si inter se relata habent condiciones.

Ex. gr. Si fuerint figuræ polygonæ, quæ eodem modo in triangula resolvuntur, & hæc triangula, singula singulis relata, ejusdem utriusque sunt qualitatis, h. e. sunt similia; admittunt istæ figuræ essentialem inter se similitudinem. Hujus propositionis conversam demonstravit aliunde Euclides El. VI. prop. 20. Sed *ais requiri eundem triangulorum numerum, si totæ polygonæ similes pronuntientur, & hinc facile intelligi ad similitudinem essentialem compositorum constituendam desiderari quoque identitatem numeri partium, quam tamen in præsentī propositione nos omisisse putas.* Numerum partium non omisimus, sed tacite subintellectum voluimus, quatenus enim desideramus NB *singulas* partes in composito A, ad singulas in B relatas ejusdem debere esse qualitatis, catenus etiam eundem statuimus partium numerum. Nam si plures in A quam in B essent partes, daretur in A aliqua pars, cui deesset sigillata relatio ad aliquam in B. Habeat ex. gr. A partes *e, d, f, g.* B autem partes *b, k, l.* Sit *i* ejusdem qualitatis cum *b, d,* cum *k, f,* cum *l, g,* verò habeat nullam partem in B, ad quam sigillatim referatur, quum tamen ad similitudinem con-

constituendam postulemus singulas in A occurrentes referre debere, ad singulas in B deprehensas. Vides ergo ex nostra de similitudine compositorum adsertione non excludi identitatem numeri partium in iis, sed potius inde determinari & fluere.

§. 841.

Entia composita A & B quaecunque essentialiter sunt dissimilia, si rum essentialiter partes in A & B, sigillatim ad se tis dissimiliter invicem relate ejusdem non sunt tudo unde qualitatis; vel in A, datur pars, estimanda cui deest correspondens in B; vel diverso modo inter se junguntur eadem illae partes. Quoniam enim essentialiter compositi qualitates absolvuntur qualitate partium in illis, modoque compositionis (§. 839.), dissimilitudo autem essentialis constituitur disconvenientia qualitatum essentialium (§. 509.); Entia composita essentialiter sunt dissimilia, si vel partes, quibus constant, ad se mutuo sigillatim relate, diversae sunt qualitatis, vel aliqua in uno composito occurrit, cui deest correspondens in altero, vel diverso modo inter se junguntur eadem illae partes.

Ex. gr. Molae, frumentariae & ferrariae diversae compositionis partibus combinantur, sunt ergo essentialiter dissimiles. Sic similia tria-
gula, numero licet aequalia, diverso tamen inter se composita modo, dissimilia efficere polygona Geometria docet, docet quoque tria
v. gr.

v. gr. triangula in una figura. Similia tribus in altera, deficiente autem triangulo in illa, cui respondeat quartum in hac, dissimiles quoque generare figuras.

§. 842.

Compositorum simili- Si in duobus entibus compositis partes unius fuerint similes & ætudo & æqualitas. partes unius fuerint similes & æqualitas. singulis, eademque in quolibet composito partium combinatio; tota composita sunt essentialiter similia & æqualia. Ex Similitudine, h. e. identitate qualitatum (§. 491) partium eodemque utrobique combinationis modo, essentialiter similia generari composita, demonstratum mox est (§. 840.). Sint jam compositi A partes *e, f, g*, compositi B, partes *h, i, k*, quæ singulæ singulis sunt & æquales & similes (per hypoth.). Ergo pars *e*, æqualis & similis est parti *h*, pars *f*, parti *i*, pars *g*, parti *k*. Idem quoque inter has partes est compositionis modus (per hypoth.). Ergo *e, f, g* simul, hoc est totum A, æquale est *h, i, k* simul, hoc est, toti B (§. 689.). Sunt itaque composita hæc & similia & æqualia.

Hinc *Euclides* El. XI. def. X. æquales & similes figuras solidas definiturus dicit esse illas, quæ similibus planis multitudine & magnitudine æqualibus continentur. Hinc etiam duorum pluriumve polygonorum, super æqualibus rectis uno eodemque modo constitutorum, simili-

similitudinem & æqualitatem facile evincere possemus, & evincunt quoque Geometræ.

Ex iisdem, quas assumimus, hypothesebus colligit Illustris *Wolffius* §. 538. Ontol. composita hinc oriri absolute eadem. Fateor se ita habere rem, si spectantur composita, ut composita tantum, hoc est, unice sub generali, seu, universali sua notione (§. 832.), quo sensu non existunt (§. 542.). Ast si considerantur ut existentia, longe alia habere possunt & habent prædicata, quam quæ modo compositionis talium partium earumque æqualitate continentur (conf. quæ diximus ad §. 837.), quorum respectu nondum ostensa est compositorum existentium perfecta identitas, saltem non unice pendet ex his allegatis principiis.

§. 843.

Genera, Species, & differentia specificæ compositorum determinantur per qualitates partium, & modum, quo partes istæ inter se conjunguntur. Tum enim genus *Generum, Specierum, & different. spec. determinatio in compositis.* (§. 563.), tum species (§. 547.), tum differentia specificæ (§. 569.), ex essentialibus entium desumuntur determinationibus. Sunt vero qualitates partium & modus, quo partes istæ inter se conjunguntur essentielles compositorum determinationes (§. 839.). Ex his ergo determinantur eorum genera, species, & differentia specificæ.

Hac utuntur regula plerique Historiæ Naturalis Scriptores, ex diversis partium qualitatibus,

bus, & modo, quo hæc inter se junguntur, diversas vegetabilium, animalium, & mineralium constituentes species, diversa quoque genera.

§. 844.

Magnitudinis definitio. Multitudo partium, totum ali-
quod constituentium, *Magnitudo*
dicitur, vel etiam *Quantitas mo-*
lis. Et ens, quod habet hanc magnitudi-
nem dicitur *Magnum* vel *quantum molis*.

Ita in omni linea datur multitudo partium, sal-
tem adsignabilium, quibus illa tanquam to-
tum constituitur. Hinc omni lineæ magnitu-
dinem tribuimus.

Eodem sensu, acervo lapidum, quia multitudine
partium, quæ heic sunt lapides, tanquam
totum quid constituitur, magnitudinem com-
petere affirmamus.

Solent plerique veterum quantitatem continu-
am cum magnitudine confundere, aliquod ta-
men utriusque dari discrimen suo mox osten-
surus sum loco. Latior scilicet est idea ma-
gnitudinis, quam quantitatis continuæ, hæc
sub illa continetur, illa autem hanc conceptu
non adæquat. Acervo lapidum tribuimus ma-
gnitudinem, non tamen dicimus illum esse
continuum quid, quia partes ejus communi
termino *adparere* non uniuntur.

§. 845.

Magnitudinis & partium homogeneitas. Omnis magnitudo parti-
bus constat cuicunque, debet esse homo-
genea. Constituitur magnitudo multi-

multitudine partium (§. præc.), quæ quatenus constituunt unum totum (§. cit.), eatenus per eandem hanc notionem, ex toto scilicet desumptam, agnoscuntur, & per consequens merito considerantur ut unitates eadem (§. 664.). Involvit ergo omnis magnitudo numerum partium (§. 666.), sive assignabilem, sive inassignabilem, sed refertur unitas ad omnem numerum (§. 666.), hoc est, unitas, aliquoties repetita, numerum istum superare potest. Atque adeo unitas numeri est suo numero homogenea (§. 679.). Sunt autem partes magnitudinis, ut unitates eadem numeri (per demonstr.). Quælibet ergo earum toti magnitudini esse homogenea.

Idem sic ostenditur: In magnitudine partes constituunt unum totum (§. 844.). Partes autem, sive aliquotæ, sive aliquantæ suis totis sunt homogeneæ (§. 681.). Nec aliæ præterea dantur partes (§. 686.). Sunt ergo magnitudinis partes ipsi magnitudini homogeneæ.

Ita pars lineæ quævis, quia aliquoties repetita, illam superare potest, toti lineæ est homogenea. Idem valet de parte superficiæ quoad ejus notionem, & solidi portione quoad ejus notionem. Eodem sensu in acervo lapidum spectatur quilibet lapis ut pars illius acervi, tanquam totius. Consequenter quatenus acervo tribuimus magnitudinem, & in specie soli-

ditatem, eatenus sub notione solidi, hoc est, sub eadem ac totum ipsum, spectatur quælibet pars. Non ergo mirum, lapidem quemvis esse, hoc respectu, acervo homogeneum.

§. 846.

Magnitudo augmenti & decrementi est capax. *Omnis magnitudo augeri potest & minui.* Constituitur enim magnitudo partium multitudine (§. 844.). Quam ob rem, quæ parti homogenea sit magnitudo ipsa (§. 845.), una vel pluribus partibus adjectis sit major, una autem vel aliquot ablatis sit minor (§. 677.). In priori igitur casu augetur, in posteriori minuitur magnitudo (§. 685.).

Concipiamus lineæ, ex. gr. rectæ aliam, illa minorem adjici, vel ab illa aliquam auferri partem. Cuius patet in priori casu illam augeri, in posteriori autem minui.

§. 847.

Magnitudini competit quantitas. Augeri & minui potest omnis magnitudo (§. præc.). Sed quod hanc habet indolem quantitas est (§. 686). *Omnis ergo magnitudo est quantitas.*

Possem aliis adhuc modis eandem hanc ostendere veritatem, sed quid in re cuius obvia & manifesta opus est prolixitate? Ipsa magnitudinis notio (§. 844.), statim insinuat illam sine alio assumpto intelligi haud posse, adeoque quantitatum classi jure accensendam esse (§. 459.).

§. 848.

§. 848.

Habet omne compositum magnitudinem. Nam in omni composito est pluralitas, seu, multitudo partium, inter se connexarum (§. 834.): Omnis autem multitudo partium, totum aliquod constituentium, magnitudo dicitur (§. 844.). Magnitudine igitur gaudet omne compositum.

Scilicet ex notione magnitudinis facile elicitur, competere illam omnibus rebus, in quibus partes distinguere licet, totum constituentes. Hinc etiam celebritati, motui, calori, aliisque ejus generis magnitudinem recte tribuimus.

§. 849.

Omne igitur compositum augeri potest & minui (§. 846.).

In horologio ex. gr. licet proportio partium, ei debita, mutari nequeat, salva ejus manente essentia, quaelibet tameti ejus pars & rota major & minor constitui potest, Servata reliquarum ad hanc proportionem. Idem judicium esto de quavis alia machina. Hinc & majores & minores machinas ejusdem generis & speciei conspiciere licet. Continuo crescunt animalium & vegetabilium corpora, nec non mineralium in ipsis terræ visceribus. Nec quocunque attentionem & oculos in hac universitate convertimus, repetite licet ullum compositum, quod vel actu ipso non augeatur & minuitur, vel augeri & minui nequit.

Sed ais *magnitudinem composito essentialiter & necessario competere* (§. 848.), *illam ergo incrementi & decrementi esse incapacem* (§. 612.). Est magnitudo omni composito essentialis, largior. Hinc tamen non sequitur hanc & non aliam eidem competere. Est triangulo essentialiter tribus includi lineis, & per consequens, habere magnitudinem, nemo tamen ideo negaverit triangulum vel majus vel minus constitui posse.

§. 850.

In augendo & minuen- do composito nullus ad- signari pot- est finis. Compositum eousque auctum, ut, absolute sensu, nullius ulterius aug- menti sit capax, vel etiam eo- usque minutum, ut minui am- plius nequeat, est absolute impossi- bile quid. Habet enim omne compositum magnitudinem (§. 848.), ideoque & quan- titatem (§. 847.), seu, quantum quid est. Sed quantum, eousque auctum, ut nullius augmenti sit capax, vel eousque minutum, at minui amplius nequeat, est absolute impossi- bile (§. 687. 688.). Compositum ergo, eodem modo consideratum, est absolute impossi- bile quid.

Quam amplæ utilitatis sit præsens assertio in decidendis variis controversiis dici haud pote- rit. Inservit contra *Cartesium* ostendendo fi- nitam hujus mundi extensionem. Facit ad o- stendendam compositorum contingentiam, plu- raque hujus generis alia recte intelligenda & sta- tuenda.

§. 851.

Compositum, quod limites agnoscit magnitudinis, *Limitatum* dicitur. E contra *Illimitatum* est, si nullos magnitudinis suæ admittit terminos. Involvit limes, magnitudini, & per consequens quantitati adplicatus, defectum ulterioris magnitudinis (§. 482.), alioquin scilicet compossibilis. *Compositum ergo limitatum* est, quod quo ulterioris magnitudinis compossibilis, defectu laborat. *Illimitatum* vero, quod omnis ejusmodi expers est defectus.

Sic linea A—B, utrinque in punctis A & B terminata, limitata est magnitudinis. Nam si linearem concipis extensionem C—D, vel etiam quamvis, majorem aut minorem, longitudini AB semper compossibilem; involvit illa AB hujus ulterioris compossibilis magnitudinis defectum. Si autem dari posset linea, sine omni protensa limite, comprehendens adeo omnem compossibilem linearum magnitudinem, esset illa exemplum compositi illimitati.

§. 852.

Omne compositum est limitatum, nec dari potest illimitatum compositum. Compositum aut laborat aliquo ulterioris magnitudinis compossibilis defectu, aut nullum ejusmodi admittit defectum (§. 63.). Si

Compositi limitati affirmatio, & illimitati contradictio

prius limitatum, si posterius illimitatum auctum (§. 851.). Omne ergo compositum est vel limitatum, vel illimitatum. Compositum illimitatum, quod sine omni defectu ulterioris compossibilis, magnitudinis concipitur (§. cit.), eousque ponitur auctum, ut absoluto sensu nullius augmenti sit capax: quodcunque enim sine ullo compossibilis magnitudinis est defectu, ei nulla accedere potest homogenea, omnisque ergo incapax est augmenti (§. 685.). Sed compositum eousque auctum, ut nullius ulterius augmenti sit capax, est quid absolute impossibile (§. 850.). Compositum ergo illimitatum dari nequit. Consequenter, quia omne compositum est vel limitatum vel illimitatum (per dem.), omne, quod datur & dari potest compositum limitatum est.

Concipiunt quidem Mathematici magnitudinem illimitatam, sed non eo sensu, ac si plane ac absolute respueret omne sui augmentum, verum eo, quod magnitudinis ejus nulla finita arte, finitisque viribus assignari possint limites, quod & nos, facta ad mundi extensionem applicatione, faciles largimur, certissimi ex hoc concessio nihil pati nostram assertionem detrimendi, quæ non eodem sensu sumit magnitudinem illimitatam.

§. 853.

Monitum Perspicue hinc elucescit super-
hinc fluens. vacaneam esse restrictionem, a
 limi-

limitatione compositi deductam, quam quidam adhibent, determinatam composito magnitudinem adtributuri: Dicunt enim: *Omne compositum limitatum determinatam habet magnitudinem*, quasi daretur aliquod compositum illimitatum, quum tamen omne compositum sit limitatum, & proinde determinatam agnoscat magnitudinem: talem enim agnoscit, quæ augeri potest (§. 849.).

§. 854.

Ens compositum absolute perfectum esse nequit, & vicissim, Ens, quod est absolute perfectum, compositum esse nequit. *Compositi et Entis absolute perfecti diversitas.*

Omne enim compositum magnitudinem (§. 848.), & per consequens, quantitatem habet (§. 847.). Nulla autem quantitas realitatis absolutæ titulo insigniri debet (§. 746.). Idcirco, quia omnis realitas est vel absoluta, vel respectiva (§. 743.), si quantitas est realitas, esset realitas respectiva. Quam ob causam si ens compositum esset absolute perfectum, ei inessent omnes realitates absolutæ (§. 752.), cum respectivæ realitatis mixtura. Fieri autem nequit, ut alicui enti simul insint realitates absolutæ cum realitatum respectivarum mixtura (§. 751.). Ens itaque compositum nequit esse absolute perfectum.

Vicissim. Ens absolute perfectum est, cui omnes realitates absolutæ insunt (§. 752.).

& quod ergo nullam admittit quantitatem, realitatum absolutarum numero non comprehendendam (§. 746.). Omni autem composito quantitas competit (§. 847. 848.). Ens ergo absolute perfectum compositum esse nequit.

Haud denegamus composito perfectionem, quam in suo genere summam habere potest, etiam si in illo nonnisi respectivæ dentur realitates (§. 779.). Absolutam vero ei tribuere perfectionem, quia inde sequeretur aliquod simul esse absolute & simul respectively perfectum manifestam involvit contradictionem.

De cetero liquet hinc Apostolum PAULUM Rom. I. 22. 23. jure reprehendere gentiles, quod contra rectæ rationis dictamen mutaverint incorruptibilis Dei, Entis, Illius absolute Perfecti, gloriam in efformatam imaginem corruptibilis hominis, & volucrum, & quadrupedum & reptilium. Certe si ad id attendissent, vel attendere voluissent, quod absoluta perfectio, cum compositione, quæ omni Imagini efformatæ competit, consistere haud possit, nunquam tantæ absurditatis & impietatis se reos reddidissent.

Inter gentiles Philosophos primus fuit ANAXAGORAS, Sectæ Jonicæ addictus, qui Deum, sive mentem infinitam, a materia separavit, cui ejus antecessores Deum ita immertere, ut ex Eo atque materia unum existere principium crediderint. Hic autem, quem laudavimus, Anaxagoras tribuit Deo naturam, compositioni & materiæ contrariam, Eumque
men-

mentem esse purissimam, constare intellectu omnia movente & dirigente, nihil esse in eo mixti, rectissime statuit, quum e contra, materia nec ipsa intelligere & se movere queat, & ex innumeris particulis diversissimæ naturæ mixta sit. Anaxagoram deinde insecuti sunt gentilium saniores, Deum a materia discernentes, licet multi eorum in eo cum Platone erraverint quod materiam ejusdem cum Deo æternitatis dixerint, quam opinionem suo examinaturus sum loco.

§. 855.

Partes, quibus constat compositum, absolute necessitate inter se non cohererent. Ponamus aliquod compositum habere partes, absolute necessitate inter se connexas, absolute ergo erit impossibile ullam ab hoc composito auferre partem (§. 596.), imminui itaque haud posset (§. 685.). Habet vero compositum quodvis determinatam magnitudinem (§. 848. 853. §. vi. cujus, demta aliqua parte, minui potest (§. 849.). Fieri itaque nequit ut partes ullius compositi absolute inter se cohercant necessitate.

Scio equidem nonnullos putare spatii partes absolute inter se necessitate coherere, quum, si supponeretur, ex eo ablata esse partem, adhuc restaret ablatæ perfectæ conveniens, non ergo esset ablata. Oro ne imaginationi plus tribuas quam rectæ rationi. Nam ex præsentis propositionis demonstratione elucescit impossibilem esse ejus-

B §

modi

modi spatii ideam, & re ipsa nullam. Alio in sequentibus usus sum argumento ad infringendam hanc de spatio opinionem,

§. 856.

Partium in compositis dissolubilitas. Quia ergo partes compositi absoluta necessitate non cohærent (§. præc.), in se nullam involvit repugnantiam illas a se mutuo dissolvere (§. 596.). *Omne itaque compositum, in partes, quibus constat, dissolvi potest.*

Illustrant hanc assertionem varia, quæ in hac universitate existunt corpora animalium, vegetabilium, mineralium, aliarumque rerum, quæ in partes vel putredine, vel vi externa ignis, vel alia causa dissolvi possunt,

§. 857.

Ex nihilo oriri, & annihilari quid! *Ens aliquod ex nihilo oriri* dicitur, quod ita existere incipit, ut ante illius existentiam, nihil eorum, quibus constituitur, existat. *Annihilari* vero, si ita existere desinit, ut post illius existentiam, nihil eorum, quibus constituebatur, existat.

Ex. gr. Ponamus arborem suam ita incipere existentiam, ut nihil materiæ, ex qua existat, in hac detur universitate, oriretur sic ex nihilo, h. e. ex non-existente. Ubi vero secundum ordinarium naturæ cursum ex semine, terræ foecundæ commisso, ortum trahit arbor, vel in hoc semine, ut quidam volunt Physicorum, antea delitescens, vel saltem ex hoc semine aliquid suæ materiæ trahens, ex nihilo non

non oritur arbor, quæ iterum si ita existere desinat ut nihil materiæ, qua constituebatur, in universo amplius supersit, annihilabitur. Ast si secundum naturæ consuetudinem putredine in partes dissolvitur, quarum major pars per ærem dispergitur, post hujus arboris existentiam materiæ partes, quibus constituebatur, adhuc existunt in hac universitate. Hoc igitur in casu non annihilatur arbor, licet existere desinat. §. 858.

Composita oriri possunt citra ortum ex nihilo, & interire citra annihilationem. Quandoquidem ens oritur, dum existere incipit, cum antea non existeret (§. 308.), *Modus, quo oriri & interire possunt, composita.*

omneque ens eo existit modo, quem ejus infert essentia (§. 335.); liquet quodvis ens eo oriri modo, quem ejus exigit essentia. Consistit vero compositi essentia in modo, quo tales & non aliæ partes invicem combinantur (§. 837.). Oriri itaque potest compositum, quando partes, ante disjunctæ, possibili quodam modo conjunguntur. Enimvero, quum partes illæ, quæ jam conjunctæ constituunt ens compositum, sine ulla contradictione ante existere ponantur, quam existit illud compositum, ita existere hoc incipit, ut ante ejus existentiam partes, quibus constituitur, existant. Oritur itaque citra ortum ex nihilo (§. 857.).

Interit ens quando existere desinit (§. 308.), quum igitur per hanc præcise partium combina-

combinationem existat hoc ens compositum & non aliud (§. 837. 335.). quodvis etiam compositum in partes sit dissolubile (§. 856.); illud interire potest facta harum partium dissolutione, quæ quum adhuc existere possint, etiam si totum non amplius existat; perspicuum est interire posse hoc vel illud compositum citra annihilationem (§. 857.).

Non est mihi mens semper & ubique oriri omne compositum citra ortum ex nihilo & interire citra annihilationem, inde enim sequeretur auctu ipso ortum esse hunc mundum ex præexistente æterna materia, ipsumque non aliter interiturum, quam facta partium dissolutione, his semper remanentibus, quæ fuit veterum quorundam Philosophorum Opinio. Non, inquam, nam hæc opinio & Scripturæ Sacræ & rectæ rationi, e diametro adversatur. Non ergo de prima compositorum origine, quæ utique ex nihilo seu, non-existente fuit, nec de ultimo eorum interitu, quo in nihilum iterum abibunt, heic loquor, sed sermo mihi est de ortu & interitu compositorum, inter hæc duo extrema intermediis, de possibili; non autem omni actuali compositorum ortu.

Thesis, quam tueor, confirmat de cetero constans experientia. Nemo nescit corpora artificialia, quorsum pertinent omnes machinæ, ex præexistentium partium varia combinatione existere, partemque quamvis ex præexistente materia oriri, interire vero facta partium dissolutione, remanente licet earum materiæ existentia. Oriuntur itaque machinæ citra ortum ex nihilo, & intereunt citra annihilationem.

lationem. Nec eundem ortus & interitus modum respuunt naturalia, quæ in hac universitate reperiuntur corpora. Crescunt & oriuntur vegetabilia ex semine, accedentibus partibus aliis & solidis & liquidis, tam ex terra, quam aëre. Generantur animalia ex commixtione seminum maris & fœminæ, nutriuntur & adolefcunt vario assumpto cibo. Crescunt in visceribus terræ minerali ex halitu quodam minerali, vel etiam ex viscida quadam materia. Singula hæc intereunt dissolutione partium. Immo ausim dicere tot hujus rei ex Physicis tradi posse exempla, quot in globo nostro terra-aqueo existunt diversa corporum genera, diversæque species. Ut adeo admodum perspicua sit, quam præsentī thesi defendimus assertio.

§. 859.

Ortus atque interitus entium De ortu & compositorum notio distincta formari potest. Oritur enim, ut mox in §. 858. evici, compositum cum tales partes invicem combinantur. Singulæ ergo, quæ compositum ingrediuntur partes, recenseri possunt, modusque, quo singulæ singulis junctæ hoc & non aliud efficiunt compositum, doceri & tradi potest. Quam ob causam, quia distincta est notio, ut Logica docet, quando notas caracteristicas, hoc est, interna rei prædicata & constitutiva sigillatim repræsentare & exhibere licet; or-
tu

tus compositorum distincta formari potest notio. Q. E. U.

Interit, seu, existere desinit compositum, si partes ejus a se mutuo dissolvuntur; vel ipsæ partes existere desinunt (§. 837.). Quare, quia nihil est sine ratione sufficiente (§. 88.); dantur rationes cur partes vel dissolvantur, vel pereant. Explicari igitur & intelligi potest, quomodo partes tales; tali modo junctæ, a se invicem divelli, & destrui possint. Interitus adeo compositi distinctam formare licet notionem. Q. E. A.

Veritatem hujus rei ostendunt ortus & interitus corporum artificialium, quorum distinctam ideam animo formare possumus. Et quamvis multa sint in mundo naturalia corpora, quorum ortum distincte explicare non valemus; hoc tamen non impedit, quominus statuamus in se possibilem esse distinctam ejusdem explicationem.

§. 860.

*Corruptibilis & incorruptibilis definitio-
nes.*

Corrumpi dicitur quod dissolutione in partes interit. Est itaque *Corruptibile*, quod dissolutione in partes; quibus constat, interire potest. *Incorruptibile* autem, quod dissolutione in partes interire nequit.

Corpori humano, dum partes ejus putrefactione dissolvuntur, & in aërem disperguntur, corruptionem, & per consequens, corruptibilitatem

litem tribuere solemus. Idem ostenditur aliis quibusvis exemplis, ad quæ corruptibilis applicamus terminum. Haud mihi ignotum est quosdam cum *Scharffio* in *Metaph. Exempl. L. 11. cap. IV. §. 2. p. 193.* latius extendere corruptibilis notionem ad omne id, quod mutari potest ab esse ad non esse, quo sensu omne creatum ens, siue simplex, siue compositum fuerit, corruptibile dicitur; sed juxta scio eodem corruptibile aliquod ad intra constituere, quod in se plura includit, ex quibus est conflatum, adeoque iterum in eadem resolvi potest; reliqua omnia, quæ partibus scilicet non constituuntur, creata, appellare corruptibilia ad extra, quatenus in se non continent principia; interitum molientia, ita tamen affecta sunt, ut ab alia vi externa queant immutari & destrui. Nos vero non tam respicientes quomodo quid a causa externa mutari possit & destrui, sed potius ad internam corruptibilis naturam, debuimus illam, quam alii *ad intra* vocant, corruptibilis comprehendere notionem, rejecta, quæ externæ vi suam debet originem.

§. 861.

Omne compositum est corruptibile. Corruptibile, & quodcunque est corruptibile, cum compositum est ens compositum. Omne compositum recipitur. Omne compositum interire potest citra annihilationem (§. 858.), per solam partium, quibus constat, dissolutionem (§. cit.). Est ergo corruptibile (§. 860.). Q. E. U.

Quod est corruptibile, illud dissolutione in partes.

partes, quibus constat, interire potest (§. 860.). Omne autem compositum dissolutione in partes interire potest (§. 858.). Quod ergo est corruptibile, illud est ens compositum. Q. E. A.

Quod in tota hac universitate dantur corpora, tot hujus rei luculentissima sunt testimonia. Corpora animalium & vegetabilium putrefactione dissolvuntur & corrumpuntur; mineralia quævis vel igne, vel alia vi externa, agitata, quam intus possident, ostendunt corruptibilitatem. Abit aqua in vapores, pristina, quam tenuit, pereunte substantia, vapores iterum in guttas pluviales conjunguntur, crescunt hinc & generantur Vegetabilia, amissa aquea, quam habuerunt, natura. Et quid quæso magis in natura rerum est consuetum, quam generationis & corruptionis perpetua successio, ut recte observat *Aristoteles* L. I. Cap. III. de Generat. & corrupt. Dicit quidem L. I. C. III. de Coelis, corruptionis pariter ac generationis expertem esse coelum; sed observant accuratiores Astronomi neque astris suas deesse mutationes, ex quibus eodem modo eorum sequitur corruptibilitas, quo & aliorum naturam, corruptioni obnoxiam, ipsis nostris conspiciamus oculis.

§. 862.

*Compositi
contingen-
tia.*

Compositum omne est contingens.
Est magnitudo inter internas compositi determinationes referenda (§. 848.), vi cuius augeri & minui (§. 849.). &

& per consequens majus & minus constitui potest (§. 685.), ita ergo, ut ejus, post augmentum, pars sit æqualis priori toti, & ita, ut illud totum, post decrementum sit æquale parti prioris totius (§. 677.). Iunt pars & totum diversum quid (§. 672. 390.). Potest ergo compositum, quoad internam determinationem, quæ ei omni, dum existit, inest, fieri diversum ab eo, quod est, & per consequens mutabili existit ratione (§. 592.). Proindeque contingens est ens (§. 594.).

Idem alio adhuc ostenditur argumento: Quodcunque dissolutione partium, quibus constat, interire potest, illud ex existente potest fieri non-existens (§. 308.), sed existens & non-existens diversissima esse nemo nescit (§. 210. 390.). Quodcunque ergo interire potest, admittit diversitatem ab eo quod est, est itaque mutabile (§. 592.), & contingens (§. 594.). Omne autem corruptibile & consequenter omne compositum (§. 861.), dissolutione partium interire potest (§. 860.). Omne ergo compositum contingens est.

Maximæ utilitatis est præsens assertio ad ostendendam mundi contingentiam, ejusque infinitam a Deo, Qui ens necessarium est, differentiam. Largiuntur athei, & quidni largiantur, oculorum convicti testimonio, mundum

dum esse ens maxime compositum, & ex diversissimis rebus apte conflatum, quare etiam vi hujus propositionis simul largiantur necesse est, mundi contingentiam, & per consequens essentielle ejus ab ente Necessario discrimen.

CAPUT II. DE EXTENSIONE, SPATIO, ET LOCO.

§. 863.

*Extensionis
definitio.*

Ubi aliquod consideramus ut totum, ex pluribus, extra se invicem positis, sed conterminis, constans partibus ideam nanciscimur *Extensi*. Hinc *Extensionem* collocamus in magnitudine, quæ partibus constat conterminis, seu, cujus partes communi termino copulantur. *Communi autem termino copulari* dicuntur, quæ uno utuntur termino, seu, quæ incipiunt & desinunt in uno eodemque termino.

Ex. gr. Lineæ tribuimus extensionem, quatenus partibus constat, extra se invicem positis, quæ omnes communi utuntur termino: duæ enim quævis, proxime se excipientes, incipiunt & desinunt in eodem puncto, quod terminus est harum partium. Sic in superficie partes ejus lineâ, quæ heic communis est terminus,

nus, copulantur. In solido communis terminus est superficies.

Est hæc notio extensionis Mathematicis usitatissima, immo & Physicis, corpori extensionem tribuentibus, illamque cum corpore non confundentibus. Neque his, quibus Aristotelica placet Philosophia, inutilata est hæc extensionis notio: Nam *Job. Micrelius* in Lex. Phil. p. 417. extensionem definiturus, dicit eam esse *quantitatis per partes dilatationem, qua totam dicitur habere partes extra partes*, tacite supponens ex his partibus non modo fieri unum totum, sed & inde oriri quantitatis dilatationem, hoc est, magnitudinem. Plerique hinc statuunt extensionis formale consistere in positione partium extra partes, simul affirmantes extensionem esse corporum affectionem, qua longitudinem, latitudinem, & profunditatem habent, longitudinem autem latitudinem & profunditatem continui species facientes, illudque per id definientes, cujus partes communi termino copulantur. Extensionis ergo ideam, a nobis traditam, Veterum Philosophorum non tam verbis, quam potius menti ex asse convenire liquet.

Hanschius in Princip. Phil. Leibn. Geom. demonstr. def. 199. ad mentem Illustris *Leibnitii* definit extensionem *per perceptionem continuitatis in diversis coexistentibus, sive, continuitatem diversorum coexistentium in subiecto individuo representatam*. Ad continuitatem vero Def. 50. postulat multitudinem partium, in uno ita compositarum, ut nullarum partium admittant existentiam intermediam, h. e. ex mente ejus, ut com-

muni copulentur termino. Cum Leibniana ergo definitione consentit, quam nos ex mente Veterum dedimus, quibus præterea non displicuit extensionem *quantitatis continuæ* titulo subinde insignire.

§. 864.

Necessaria extensionis affectio. Ad unam ergo eandemque constituendam extensionem non sufficit qualiscunque partium, vel plurium, extra se invicem existentium positio, vel si placet, unio, sed desideratur ut partes ejus sint conterminæ, hoc est, ita unitæ, ut nullarum partium admittant existentiam intermediam.

Ex. gr. In acervo lapidum plura quidem observantur coexistentia, non tamen ita unita, ut ex illis fiat unum extensum, quin potius plurium extensorum cumulus. Eodem modo tum inter planetas primarios inter se relatos, cum inter secundarios, relatos ad suos primarios & ad se mutuo, dari certam connexionem & unionem ostendunt Physici, hinc tamen non sequitur planetas unum extensum constituere, quum plurium aliorum corporum admittere queant existentiam intermediam.

§. 865.

Compositi & extensum identitas, tum discrimen. Hinc omne extensum est compositum, sed non omne compositum est extensum. In omni extenso plures adsunt partes, extra se invicem positæ (§. 863.), est ergo ex-

extensum compositum quid (§. 832.). Ad compositum constituendum nihil requiritur amplius, quam ut ex partibus, extra se invicem existentibus fiat unum quid (§. 832.). Extensi autem idea postulat insuper, ut partes illæ communi copulentur termino (§. 863. 864.) Adest itaque in extenso determinatio, quæ compositum, quæ tale, non ingreditur. Non ergo omne compositum est extensum.

Lator scilicet est compositi, quam extensi idea, hæc enim illius est species, illa autem hujus genus. Acervum lapidum compositum quid jure vocaveris, non tamen unum extensum recte dixeris, quia partes ejus, quæ in dato exemplo sunt separati lapides, communi termino non copulantur.

§. 866.

Quoniam omne extensum est *Varie Ex-*
compositum (§. 865.), de extenso *tensi affe-*
recte adplicantur, quæ de compo- *ctiones.*

sito in genere antea sunt demonstrata (§. 848 & seqq.). Scilicet. *a)* Omne extensum est *limitatum*, nullumque dari potest illimitatum (§. 852.) *β)* Habet determinatam magnitudinem (§. 853.). *γ)* Non est ens absolute perfectum (§. 854.) sed *δ)* est contingens (§. 862.). *ε)* Ortum & interitum admittit (§. 858.). *ζ)* Nec partes ejus aliqua inter se coherent necessitate (§. 855.). *η)* Sed corruptibile potius manet (§. 861.).

§. 867.

Compositi & extensi mensurabilitas. Quodvis compositum & extensum est mensurabile. Habent enim, quæ composita & extensa sunt determinatam magnitudinem (§. 853, 866.), & proinde, quantitatem (§. 847.). Sunt ergo mensurabilia (§. 824.).

Modum metiendi ens compositum & extensum docet Geometria, considerans extensa, quatenus extensa sunt, quam ergo adeat mensuram compositorum & extensorum instituere studens.

§. 868.

Figure definitio. Limes extensorum & compositorum *Figura* vocatur.

Ex. gr. Ponamus aliquod planum quatuor terminari rectis, oritur figura, quæ *Euclidi* quadrilatera vocatur. Pari ratione si solidum continetur tribus parallelogrammis æqualibus & similibus, duabus triangularibus basibus æqualibus, figura oritur solida, quæ prisma triangulare vocatur. Eodem sensu, cumulo arenæ, qui ob separatas, quibus constat, partes, ens compositum est, licet non sit unum extensum, certam tribuere solemus figuram; ultimæ enim arenæ particulæ ita ordinantur, ut determinatam constituent superficiem.

Sumimus hoc loco figuram eodem, quo Geometræ, modo, haud ignorantes illam in Logicis aliam, aliam in Rhetoricis, aliam in Grammaticis habere significationem, quæ tamen vel circa certam positionem medii termini cum subjecto & prædicato conclusionis, ut in Logicis,

gicis, vel circa certas dictiones, certosque modos commovendi animos auditorum, ut in Rhetoricis; vel circa Orthographiam, etymologiam, prosodiam & syntaxin vocum, ut in Grammaticis, occupata Metaphysici non est fori, quod de rerum ipsarum agere debet figura, quam hoc loco explicare volumus.

Ceterum non abhorre hanc, quam dedimus, figuræ definitionem, a Vetustissimorum Philosophorum placitis ex *Plutarcho* L. I. de Plac. Phil. cap. 24. Tom. II. Opp. p. 885. haud obscure colligitur. Dicit enim ille *Figuram esse superficiem & circumscriptionem atque terminum corporum*. Non putat Plutarchus superficiem, circumscriptionem & terminum denotare diversum quid, sed vult additione vocabulorum *circumferentiae* & *superficie* clarius indicare quid per terminum intelligat. Re ergo ipsa existimat figuram nihil aliud esse quam terminum, seu, limitem corporum. Non ergo differt Plutarchi definitio a nostra, nisi quod illa justo videatur angustior, corporibus unice adstricta, non autem spatio, cujus mox demonstrabimus existentiam, competens.

§. 869.

Quia omne extensum (§. 866.), *Figurata* omneque compositum (§. 852.), *sunt extensum & compositum omne.* est limitatum, limes autem extensorum & compositorum figura vocatur (§. 868.); *Quodvis extensum & compositum figurata sunt, seu, certam habent figuram.*

Adserti veritatem illustrat constans experientia, quodcunque enim oculis tuis in hac universitate consideraveris extensum, certa præditum esse figura observabis. Hinc est, quod, quem ad modum extensionem, ita figuratum esse inter affectiones corporis referre soleant Physici.

§. 870.

Figura mutabilis. *Figura, & addendo & demendo & transponendo partes compositorum & extensorum, mutari potest.* Novarum enim partium additione, vel priorum ablatione & transpositione, in limite compositorum & extensorum diversum quid fieri posse, quam ante erat, quivis per se ipsum facile adsequitur. His igitur modis mutari potest compositorum & extensorum limes (§. 592.), qui quum figuram dicat (§. 868.), simul patet iisdem modis mutabilem esse figuram.

Ita si cubo additur, vel aufertur solidum parallelopipedum, ejusdem cum cubo altitudinis & latitudinis, ex cubica figura oritur parallelopipedalis. Si vero in partes secatur, illæque diverso modo transponuntur, variae oriri possunt figuræ. Mensa circularis abit in quadratam, si per modum, quo quadratum circulo inscribitur, abscinduntur partes. Idem in aliis innumeris obtinet casibus.

§. 871.

Quid sit in infinitum divisibile. *In infinitum divisibile* dicitur, quod ita dividi potest, ut numerum

rum partium, quibus constat, nullo determinato & assignabili numero exprimere valeamus, seu, quod ita est affectum, ut nulla finita divisione, siue mentali, siue reali, pervenire liceat ad partes; in alias irresolubiles. Brevius. *In infinitum divisibile est, in quo minuendo nullus assignari potest finis.*

In Mathesi finitam vocamus quantitatem, quæ suis terminis a nobis designari potest: Infinitam contra dicimus, quæ major est quavis data, finita & homogenea. Hinc originem trahit divisibilitatis infinitæ idea, quam recte sic a nobis traditam esse intelligis, & quam, si placet, alio adhuc modo illustrare conabor. Scilicet id involvit divisibilitas infinita, quod si dicas corpus aliquod constare mille partibus, ostendere possum illud possidere decies mille partes. Neque putabis hunc esse summum numerum partium, qui in dato corpore reperiatur, nam demonstrare valeo in eodem me assignare posse millionem, billionem, trillionem, & sic porro partium, ita ut nullum numerum tam magnum edicere possis, quin adhuc majorem esse partium corporis numerum demonstrare valeam.

De cetero non confundas præcor divisibilitatem cum actuali divisione vel separatione; non de hac, sed & de illa agit præsens assertio, ultra divisionis possibilitatem, partiumque diversarum, vel plurium assignabilitatem meram non adscendens.

§. 872.

*Extensio- Omne extensum est divisibile in
 jusvis infi- infinitum, sive in partes numero
 nita divisi- infinitas. Quia omne extensum
 bilitas.* habet magnitudinem (§. 866.),
 & proinde est quantum quid (§. 847.): im-
 possibile est illud concipere eo usque immi-
 nutum, ut absoluto sensu amplius minui ne-
 queat (§. 688.). Quam ob rem in imminu-
 endo extenso quovis nullus assignari potest
 finis, est itaque illud in infinitum divisibile
 (§. 871.).

Hanc extensio-
 nis cujusvis proprietatem, quam
 Metaphysico jam evici argumento, Geome-
 tricis quoque extra omnem dubitationis aleam
 ponunt, qui data opera de hac differunt ma-
 teria. Quædam ex Geometricis adferrem ar-
 gumenta, si præsens id ferret institutum, & alicui,
 in Geometricis vel parum versato, essent igno-
 ta, vel, quod caput rei est, si quis adversari-
 orum, argumentorum istorum convincendi
 vim animo non sentiret, etsi varia contra illa
 sed vana quærant effugia, quasi quod de ex-
 tenso in genere demonstratur non valeret de
 quavis ejus specie, de quovis corpore etiam
 minutissimo. Potissimam, qua contra mate-
 riæ infinitam divisibilitatem pugnare solent,
 jam antea occupavimus (§. 682.), instantiam,
 reliquæ vix nominari merentur: adeo enim
 facile solvuntur a quovis in Geometricis &
 Physicis vel parum versato.

§. 873.

Distantiæ Si inter duo extensa tertium est *definitio.* interpositum, vel iis immotis interponi potest, illa duo inter se *Disflare* dicuntur. Est autem *Distantia* linea brevissima inter duo contenta.

In serie continua sex librorum primus distat a sexto, interpositione secundi, tertii, quarti, & quinti, secundus a quinto interpositione tertii & quarti. Vel si series librorum non fuerit continua, primus a secundo distat, quatenus inter illos collocari potest alius liber, iis immotis. Ab uno extenso ad aliud duci haud raro possunt plures lineæ rectæ, diversæ longitudinis, ne ergo distantia vagum quid denotaret, placuit illam hoc modo determinare, quod sit linea brevissima inter duo contenta. Quæ vero præterea distantis determinandis interserviant ex Geometria addisci debent.

§. 874.

Extensum, quod inter eosdem, quibus continetur, limites, non admittit positionem alterius extensi, *Impenetrabile* vocatur. Quod autem admittit intra limites suos positionem extensi alterius, *Penetrabile* dicitur.

Impenetrabilis & penetrabilis Extensi definitiones.

Omnia & singula, quæ in hac universitate existunt corpora impenetrabilia esse uno quasi ore fatentur omnes Physici, variis id, cum circa solida, tum fluida, immo, ipsum aërem institutis experimentis & observationibus confir-

firmantes. Transeunt quidem per aquam & aërem alia corpora, non tamen per eorum substantiam corpoream, sed vel per poros horum fluidorum, vel separando partes eorum a cohaesione mutua, vel eas ante se pellendo. Manet itaque omnis materiae massa, in se spectata impenetrabilis. Extensum penetrabile nonnisi unum novimus, quod Spatii nomine venit, a nobis mox explicandi.

§. 875.

Extensi divisio. Omne extensum est vel penetrabile vel impenetrabile. Omne extensum limitatum est, seu, limites agnoscit (§. 866.), quare, quia quodlibet est, vel non est (§. 63.), aut intra eosdem, quibus continetur illud, terminos, seu eundem limitem, poni potest aliud extensum ejusdem cum priori magnitudinis, aut aliud ejusmodi extensum poni nequit. Si prius, penetrabile, si posterius, impenetrabile audit (§. 874.). Omne ergo extensum est vel penetrabile, vel impenetrabile.

Volunt quidem Cartesiani impenetrabilitatem esse necessarium extensionis consequens, & penetrabilem proinde extensionem non dari, sed condigno suam sententiam defendere non valent argumento, quum tota opinionis eorum summa innitatur confusio in extensionis in genere & in abstracto spectatae cum extensione corpora, quasi quod de hac affirmatur, de illa quoque valeret. Quod vero ex idea extensionis

sionis generali (§. 863.), nam determinetur penetrabilitas, vel impenetrabilitas adeo perspicuum esse putaverim, ut nulla de eo vel subdubitandi ansa oriri possit. Etenim quæ quæso consequentia: extensum constat partibus, extra se positis & conterminis. Ergo ex suis limitibus, intra quos continetur, excludit aliud extensum? nulla sane. An falsam putas & impossibile quod supponunt Mathematici, quo parallelopipeda, super eadem basi & inter eadem parallela plana, constituta esse, atque adeo unum extensum posse penetrare alterum? minime gentium. Nemo enim dixerit Geometriam falsa & impossibilia tractare. Non ergo ex extensione sequitur impenetrabilitas, nec male dispecimus extensum in Penetrabile & impenetrabile.

Sed insurgit Doctissimus *Joach. Georg. Daries* in Elem. Ontol. §. 8. contendens omne ens esse impenetrabile, & per consequens extensum penetrabile, a nobis explicarum, esse non ens, divisionem ergo inter extensum penetrabile & impenetrabile reipsa esse nullam. Duplici utitur Dominus Daries argumento ad inferendam propositionem: *omne ens est penetrabile*. Nam 1) *Ponamus*, inquit, *A & B esse entia*, & *B existere in A*, ergo *B erit entis A determinatio*, atque adeo *non-ens*. *Absolute* ergo *impossibile est*, ut *ens existat nisi extra aliud*. Ergo *omne ens, quod ens, impenetrabile est*. Respondemus ad hoc argumentum facili instantia: *Animam & corpus entia esse omnes facile conceduntur*. *Ponamus animam existere in corpore*, ergo erit illa hujus determinatio, atque

adeo

adeo non ens, consequenter absolute Impossibile est, ut existat anima nisi extra corpus. Quicquid mihi respondes, tibi simul responsum esto. Sed directe ad ipsum argumentandi nervum: Dicis omne illud, quod in alio ente existit, esse ejus determinationem. Sed quò quæso argumento? Id sane non sequitur ex notione determinationis, a Te concessa §. 39. Phil. Prim. quæ dicis Determinationis, scilicet, internæ, nomine venire, quæ in aliqua re sumuntur ut determinata, i. e. interna rei prædicata, quæ ad rō esse ejus constitutivum & distinctivum pertinent. Prius itaque probes necesse est ens illud B, quod inesse ponitur enti A, pertinere ad rō esse ejus, quam inferas ens B esse determinationem entis A. Deinde quis ignorat internas entis determinationes esse vel essentialia, vel attributa, vel accidentia (§. 417). Sed ens unum licet insit enti alteri, non tamen inter ejus vel essentialia, vel attributa, vel accidentia referri debet. Obstant enim horum prædicatorum definitiones, cum ente hoc non conciliandæ. Alterum Opponentis argumentum est: *Ens, quæ ens, separatim ab aliis existere potest, & si existit, ab aliis separatim existit. Fieri ergo non potest, ut ens existat nisi extra aliud, atque adeo omne ens est impenetrabile.* Largior quodlibet ens distinctam & separatam habere essentiam, indeque posse omne ens ab alio & extra aliud quodvis separatim existere. Sed ab hac possibilitate ad actualitatem & ab affirmatione hujus possibilitatis ad negationem alterius non valet

let consequentia Firmo igitur fundamento non innititur Doctissimi Viri argumentatio.

§. 876.

Extensum impenetrabile uno *Corporis* nomine *Corpus* dicitur. *definitio.*

Non est mea mens, quod extensio & impenetrabilitas absolvant totam corporis essentiam, quum, ut alia taceam, mobilitatem præterea habeat, ex extensione vel impenetrabilitate haud derivandam, non, inquam, sed quod extensio & impenetrabilitas sufficiant hætenus distinguendo corpori ab omni eo, quod corpus non est; nam per extensionem distinguitur a simplici, per impenetrabilitatem a spatio. Ceterum quæ de corpore adhuc observari merentur non sunt hujus loci, sed Physicæ considerationis.

§. 877.

Extensum penetrabile *Spatii* nomine nobis venit, seu, *Spatium* *definitio.* est extensum, recipiendorum corporum capax.

Ut hæc spatii idea eo evadat clarior, concipiamus duas superficies planas, *Spatii* sibi mutuò parallelas, & distantes, *possibilitas.* continebitur inter illas aliqua extensio (§. 873.), in qua corpus definitæ magnitudinis, pro distantia planorum, locari & moveri potest. Quoniam vero plana ista non faciunt intermediam extensionem, sed eam solummodo terminant, tolli possunt, remanente nihilominus extensione ejusdem, ut mox diximus, indolis, sed hætenus non limitata.

Extensio-

Extensionem hanc inter duo plana, vel, quæ his remotis, remanet, spatii titulo communiter insignire solemus. Conceptum itaque spatii recte exhibuimus. Multa insuper sunt argumenta, quæ adferre solent Mathematicorum & Physicorum præstantissimi, ad spatii, ita concepti, realitatem vindicandam, quæ singula recensere longum foret & extra propositum. Unum tamen admodum facile in gratiam juniorum adferre placet: Omnes largimur faciles totum mundum, cunctaque & singula in illo existentia, maxima, minima, a conservatrice & creatrice Dei manu dependere. Deum ergo tollere posse aliquam partem reliquis remanentibus. Nihil itaque est repugnantiae dicere Deum posse ex hac phiala vitrea tollere omnem existentem materiam, remanentibus phialæ parietibus, remanente etiam inter latera phialæ extensione mera, quæ corporis definitæ magnitudinis locationi intervit, & spatii nomine, inter parietes phialæ intercepti, recte venit. Sed excipiunt, qui spatium, a nobis conceptum, merum imaginationis foetum contendunt; *ex pressione circumambientis fluidi frangi debere latera phialæ, sublata omni, quæ intus erat, materia.* Ast vanus est metus, quasi Deus, Cui infinita competit potentia, non posset ab omni externa vi conservare latera phialæ. Non franguntur latera vitrei recipientis, quamvis arte humana, opæ antliæ pneumaticæ, ex illo extrahatur omnis aer. Quid ergo infinitis viribus præstari posse putetis? Salva utique conservari possunt latera dictæ phialæ ab omni externa vi, licet

licet destruat^{ur} omnis, quæ intus adest materia. Urgent adhuc, qui Cartesianas tuentur partes; *Si vacua esset hæc phiala, prorsusque corpore privaretur, parietes oppositi & discreti concipiendi essent contigui: Ea quippe dicuntur sese tangere, inter quæ nihil mediat, at falsum est, immo impossibile, ut parietes oppositi & discreti sint contigui, Ergo pariter falsum & impossibile est, ut a dicta phiala extrahatur omnis materia.* Sed tota hæc instantia incompletæ nititur notioni *t̃ tangere*: illa enim non solum se mutuo tangere dicuntur, inter quæ nihil mediat, sed ea quoque inter quæ nihil mediare potest. At jam subsumo, inter parietes phialæ vacuæ mediare potest aliud corpus, ergo illa se non mutuo tangunt, ergo non impossibile est ut ex phiala ista pellatur omnis materia. Satis itaque probavi ab omni contradictione immunitatem esse, quam posui, spatii ideam.

Sed quid multis ostendam spatii possibilitatem, quum actualitas ejus in Spatii huius universitate, ubivis se prodat, ius actualitatis defendit. Non finit temporis & instituti ratio singula evolvere argumenta, dicitur.

quibus vacui, h. e. meri extensi penetrabilis, seu, spatii, corporibus non repleti, probare solent existentiam acuratiores Physici, quæ tamen nobis videntur captui juniorum reliquis magis facilia, paucis adferre conabimur. Mirum forte videbitur, si dixerò nos non posse vel digitum versus cœlum promovere nisi existat, quod dixi, vacuum; certam tamen & immotam hoc continet veritatem. Non tam exigua est, ut vulgus putat,

tat, stellarum fixarum a tellure distantia. Docent Astronomorum observationes angulum parallaxeos annuæ esse longe minorem uno minuto secundo, habeat tamen, ex abundantia, hanc amplitudinem. Sirii ergo stellæ distantia a tellure tanta erit, quam globus, ex tormento bellico expulsus, eademque semper celeritate motus, 104166666636, annorum spatio emetiri tantum possit. Absunt aliæ stellæ, præsertim in via lactea, infinite majori adhuc intervallo. Ponamus in tota hac distantia, quod occurrit spatium, esse materia repletum; columna itaque materialis, quæ digito, quem versus cælum promovere intendis, obvertitur, longe erit major totius telluris massa. Sed hanc eo minus loco movere valet exigua digiti vis, quo certius est illam non sufficere, vel unico, in tellure nostra, monti promovendo. Teste tamen experientia, cuivis obvia, digitum versus cælum promovere valemus. Plena ergo omnia esse nequeunt in toto hoc intervallo, sed dabitur necessario aliquod Spatium, nihil materiæ continens, ejus tamen indolis, quod sit extensum, in quo locari & moveri possunt corpora, nec ullius corporis motui resistat.

Alterum, quo probare solent existentiam hujus spatii, argumentum desumunt ex diversa resistantia corporum, per diversa fluida motorum. Resistentiam corporum ex vi earum inertiae oriri docent Physici, illamque, quia æque in subtilissimis ac in maximisprehenditur corporibus, esse proportionalem quantitati materiæ in iis. Moveatur jam corpus A per Mercurium, magnam id patietur resistantiam. Si idem corpus

pus

pus movetur, eadem celeritate, per aquam, resistentia quater & decies minor datur, per aërem resistentia quatuordecies millies minore est, quam per mercurium. Sed si hæc fluida in suis interstitiis essent plena, nec in iis darentur vacua loca, quia eadem columna eidem corpori obvertitur, & vis inertiae, uti mox diximus, ex qua dependet resistentia, quantitati materiae est proportionalis, eandem resistentiam sentiret idem corpus dum movetur per aërem, ac per aquam, & sic porro. Sed repugnat hoc experientiae, omnia ergo plena esse nequeunt, danturque proinde vacua interstitia.

Tertium in robur sententiae nostrae argumentum ex diversa corporum gravitate specifica haurire licebit. Sint duo globi ejusdem voluminis, alter ex plumbo, alter ex ligno, si omnes & singuli pori, in his contenti, materia ita essent pleni, ut nihil plane in illis daretur vacui; in utroque hoc globo eadem daretur materiae quantitas. Quam ob rem, quia invictum est Physicorum Theorema; pondera corporum sunt proportionalia quantitati materiae in illis, eadem deprehenderetur globi lignei ac plumbei gravitas. Sed huic rei reclamant constans experientia. Neesse ergo est fateamur non tantum materiae dari in globo ligneo, ac in plumbeo, & ideo in illo plus esse vacui, quam in hoc. Præter plures veterum inter recentiores usus quoque est hoc argumento Acutissimus KEIL. In Introd. ad veram Phys. Lect. X. p. 97. Huic autem in Aërometria Latina, quæ anno 1709 Lipsiæ prodiit, se opposuit Illustris WOLFIUS, contendens in hoc veterum & Keiliano ar-

gumento aliquod in demonstrando vitium esse commissum: *Existimat enim corpora, quia in subtilissima & fluidissima quadam materia, quæ per poros eorum penetrat, natant quasi, tantum sui ponderis amittere, quantum ponderat fluidum istud ejusdem cum corporibus voluminis. Æque ergo impossibile putat, ut fluida hæc materia, in poris corporum comprehensa, eorum augeat pondus, ac fieri nequit ut aqua, in vase, sub aquis submerso, comprehensa, quamdiu sub aquis est vas, vasis augeat pondus.* Et si hæc instantia multis videretur invicta, non tamen dubitavit Dominus KEIL ulterius suam confirmare sententiam in Actis Lipsiensibus pro Anno 1710. p. II. perspicue ostendens Wolsium ad nervum argumenti non attendisse: Quoniam enim in loco, aëre vacuo æque celeriter descendunt corpora, siue in aliquo fluido subtili natent, siue minus, & ex hoc phænomeno evidenter fluit pondera corporum esse quantitati materiæ, in iis contentæ, proportionalia, nihil in thesi mutatur, licet vel maxime nobis cum Wolsio imaginemur corpora omnia in subtilissimo fluido natate. Eleganti deinde theoremate demonstrat Keil, si subtilissimum aliquod daretur fluidum, quod per poros corporum transiret, & in quo illa natarent, tunc, ab eadem altitudine demissa, non æque celeriter descenderent. Quod tamen experientiæ inimicum deprehenditur. Hinc Wolsius, actualitatem subtilissimæ suæ materiæ ostensurus, contendit (vide Acta Lips. pro Anno 1710. p. 78.), gravitatem non esse vim, corporibus insitam & primitivam, neque ab immediata Dei operatione dependere, quoniam

tamen

tamen gravitate vel actu ipso descendunt corpora, vel minimum, descendere conantur. Statuit porro, ex principio rationis sufficientis, dari debere aliquam hujus descensus & conatus rationem sufficientem, atque ideo locum habere materiam aliquam gravificam, quæ gravitatis existat causa, nec ideo ipsa sit gravis, libere quoque per corporum poros transeat, neque, quia gravitatem excitaret, ad moti corporis materiæ quantitatem numerari possit. Sed pace maximi Viri dixerim, vitia in hac argumentatione committi, quæ ipse in Logicis proscribit. Primum enim sine demonstratione supponit gravitatem non esse vim insitam, & a Sapientissimo Creatore in creationis initio corporibus inplantatam; deinde ex præsentia rationis sufficientis cito nimis concludit ad existentiam materiæ gravificantis. Nemo enim, ut credo, huic argumentationi assensum præbebit; *datur gravitatis ratio sufficiens, ergo datur materia gravificans*. Tandem addit vir Illustris huic materiæ ejusmodi affectiones, quæ ipsam tollent: facile enim, si opus esset, demonstrare possemus, fluida non agere in corpora ~~non~~ ratione quantitate materiæ in iis, sed ratione superficie; nihilo tamen secius, non hoc, sed illud de materia ista gravificante adseritur, quasi illa, etsi sit fluida, a communi tamen fluidorum lege esset exempta. Esset ergo sine dubio fluida, & simul non fluida, quod contradictorium. Arbitratur Vir Illustris materiam hanc quæ fingitur, gravificantem libere transire per corporum poros, & tamen pellere corpora versus terram. Hoc idem mihi videtur, ac si statu-

eret materiam istam in corpora exercere impulsus, & simul non. Multa porro addi possent, quæ plenariam hujus controversiæ solutionem concernant, sed ne Physica cum Metaphysicis confundere videar, in viam iterum redeo.

§. 878.

Notionis imaginariæ *Notionem imaginariam* adpello, qua ob quandam similitudinem fingitur quid, quale non est, nec esse potest, ut per imaginem quandam definitiones. veluti oculis præsens sistere valeamus, quod in eos non incurrit. Hinc *ens imaginarium* vocari sivevit, quod per notionem imaginariam exhibetur.

Ejusmodi notio imaginaria est memoriæ, repræsentatæ per receptaculum idearum, quale illa, ob simplicitatem animæ humanæ, cui competit, non est, nec esse potest, fingitur tamen tale per quandam similitudinem. Nam quem ad modum ex receptaculo diversarum materiarum seorsim depromere licet materias, ita memoria recognoscit anima ideas, prius habitas. Quamdiu ergo ultra similitudinis, seu, comparisonis tertium non extenditur notio imaginaria, non modo nihil habet vitii, sed usum potius præstat eximium, aliquam abstractarum rerum notitiam animis eorum ingenerandi, qui sensualibus hactenus immersi ad abstracta, pro uti sunt, capienda, mentem non habent exercitatum.

Debuimus vero heic explicare ens imaginarium, ut inde iudicium ferre possimus, quid & quale

le ad illud sit referendum, ne cum incautis, omne illud, quod vel non capiunt, vel præconceptæ opinioni adversatur, inter imaginaria numeremus, cujus rei statim exhibiturus sum exemplum.

§. 879.

Spatium a nobis explicatum, (§. Spatium non 877.), non est ens imaginarium. est imaginarium.

Spatium enim, a nobis definitum, per extensum penetrabile, non modo nihil involvit contradictorii, sed et ei respondet in hac universitate existentia (§. 877.). Representatum itaque per extensum penetrabile, per nullam similitudinem fingitur quale non est, nec esse potest, sed re ipsa tale est. Consequenter spatium, a nobis conceptum, nulla exhibetur notione imaginaria (§. 878.). Non ergo est ens imaginarium (§. cit.).

Qui *Leibnitio* atque *Wolffio* favent, spatium non nisi per ordinem simultaneorum definientes, & extra hunc ordinem illud nihil esse contendentes, rotundo ore Spatium, a nobis conceptum, imaginarium clamitant; sed tantis Philosophis condigno id demonstrandi genere omnino destituti. Metuunt ne ex nostra spatii notione sequatur illud cum Deo vel ejus immensitate, ut quidam voluerunt, esse confundendum. Vanum autem esse hunc metum mox demonstrabitur appertius. Existimant deinde ex adserta spatii, quale nos defendimus, realitate, siquidem, ut statim declarabitur, partibus constat

simillimis, sequi aliquid principio identitatis indiscernibilem inimicum, sed quam lubrico & potius nullo innitatur hoc principium fundamento, suo jam loco prolixè demonstravimus.

§. 880.

Vacui & *Spatium* quod corporibus reple-
pleni defi- tum non est, repleti tamen potest,
nitiones. *Vacuum*, vel *Inane* Philosophis vo-
 cari solet. Quod autem actu corpore est re-
 pletum, *Plenum* dicitur.

Qui ante Leibnitii tempora, ex Aristotelica tan-
 tum informati Philosophia, putarunt vacuum
 non dari, illud *Spatium imaginarium* adpellave-
 re, quem admodum illud, quod plenum nobis
 dicitur, *Reale*, & *Positivum* vocavere.

An vacuum detur? omni fere tempore inter Phi-
 losophos non exigua fuit desceptatio. Non da-
 ri vacuum putavit olim *Thales Milesius*; Deum
 enim Statuit esse mundi animam immo & lo-
 cum, totumque mundum sua diffusionè ita per-
 vadere, ut nihil relinquatur vacui. Hæc sen-
 tentia a Thalete ad *Anaxagoram* usque inter
 Philosophos viguit, qui quidem simul negavit
 vacui existentiam, spatium tamen cum Deo
 non miscuit, sed omnia potius particulis infi-
 nitè materialibus repleti, hocque sensu non da-
 ri vacuum putavit. Contra hos autem, & ali-
 os, cum his facientes insurgunt *Leucippus* &
Democritus, corpuscularis Philosophiæ aucto-
 res; quorum hic vacuum defendit magnitudi-
 ne infinitum, ut narrat *Aristoteles* de Gen. L.
 I, cap. 1. L. V. cap. 8. Phys. L. I, cap. 6. de
 Cœ-

Cœlo L. III. cap. 4. Ille, ut perhibet *Laërtius* L. IX. S. 30. universum esse infinitum statuit, hujusque partem, plenam esse partem inanem, & sic vacuum a *Thaletis* ætate non admissum, ex exilio quasi revocavit. His consensus præbuit *Epicurus*, Spatium, ut distinctum quid a corpore considerans, ac solum & per se incorporcum esse statuens, naturæ intactilis, expers omnis soliditatis, nec capax actionis, vel passionis ullius, sed motum duntaxat, quam liberrimum transeuntibus per se corporibus præbere. Hoc ipsum ens, corpore destitutum appellavit *inane*, occupatum a corpore, *locum*, trajectum a corpore *regionem*, in se vero diffusum, hoc est extensum. Contra *Democritum* & *Leucippum* prolixè disputat in *Physicis Aristoteles*, ex existentia motus vacuum e natura rerum tollere studens. Putavit enim, quia in vacuo neque est superius neque inferius, neque pars ulla, ad quam motus tendat, posito vacuo, tolli debere motum, hoc autem posito, negari debere vacuum. Censuisse tamen cum *Stoicis Aristotelem*, extra mundum dari inane, perhibet *Plutarchus* cap. 18, p. 883. T. II. Opp. Extra mundi ergo pomerias relegatum est ab *Aristotele* & ejus sequacibus Spatium illud vacuum. Sed illud iterum revocavit strenuus *Epicureæ* sententiæ vel interpres, vel restaurator *Petrus Gassendus* *Phys.* L. II. cap. 2. Gassendo calculum præbent complures recentiorum, ut *Lockius*, *Keilius*, *Wisthonius*, *Newtonus*, *Gravesandius*, *Musschenbroekius*, multique alii cruditionis fama celebratissimi viri. Quicquid demum iis ob-

vertat *Cartesius*, spatium cum corpore confundens, illudque ab hoc, tantum in modo, quo concipi solent, differre Part. 2. Princip. §. 10. *Cartesium* excipiunt Illustres Viri *Leibnitius* atque *Wolffius*, qui quidem Spatium & corpus re ipsa non unum dicunt idemque esse, vacui tamen omnis, & magni illius, quod extramundi limites ponunt *Aristotelici*, & illius, quod in natura rerum dispersum, vel disseminatum statuitur, acerrimi hostes. Dari vero vacuum, quod disseminatum vocari solet, extra omnem dubitationis aleam ponunt argumenta, quæ ex *Physicis* antea adduximus ad §. 877. De vacuo extramundano mox apertius agam, præmissis aliquot attributis, quæ ex notione spatii necessario fluunt.

§. 881.

Spatii contingentia. *Spatium a nobis conceptum, ens necessarium esse nequit, sed est & manet ens contingens.* Spatium enim a nobis conceptum, est extensum quid (§. 877.), & ideo compositum (§. 865.), consequenter ens contingens est (§. 862.). Proindeque necessarium esse nequit (§. 599.).

Alio adhuc argumento in capite de Ente Infinito & finito ostensurus sum, quam ingens detur inter ens necessarium & spatium discrimen, & quam vanus sit eorum metus, qui ex admissio, prout nos illud concipimus, spatio sequi putant illud vel ipsum Deum esse vel aliquod ejus attributum.

Erro-

Erroneam hanc & falsam sententiam, qua Deus cum spatio confunditur, post *Theailetem Milestium*, cujus mox (§. 880.) adduximus opinionem, multi veterum Philosophorum approbaverunt, eandem etiam suam fecere ex antiquissimis Christianorum Doctoribus non ultimi, in quibus sunt *Theophilus Antiochenus*. *Arnobius* & alii, quos recenset *Job. Alb. Fabricius* ad sexti Empirici L. X. adv. Mathematic., p. 639. Neque aliud his verbis dicere videtur *Job. Damascenus* de Orthodoxa fide L. I. Cap. 13. *Deus suimetipsum locus est, omnia implens, ac super omnia existens, omniaque ipse complectens*. Cujus Damasceni, quum ingens semper fuerit inter Græcos auctoritas, nihil mirum est, magnum Græcorum Doctorum agmen, idem post eum dogma inculcasse. Ex Judæis diu ante hos *Philo* Libro de Profugis Deum τόπον εἶναι πάντων locum omnium rerum esse statuit. Cum his consentiunt multi fanatici, cum principe suo *Bæmio*, Deum esse *obscurum nihil*, i. e. spatium inane, esse essentiam omnium essentiarum fingentes. Neque desunt inter hujus & prioris seculi Philosophos magna nomina, eidem addicta agmini. In his sunt *David Derodon* in Principiis suis Phil. id quod *Petrus Baylius* observat Letres chois. T. III. n. CCLVI. p. 373. *Josephus Raphson* in Conamine Mathematico-Metaphysico: de spatio reali, seu, Ente Infinito *Henricus Morus* in Enchirid. Metaph. Cap. VIII. *Clarkius* in Epistolis ad Leibnitium *Whistonius* in Prælectionibus Physico-Mathematicis. *And. Rydigerus* in Phys. Div. L. I. cap. 8. sect. 4. conf. Appendix de monitis cen-

rum

rum p. 790. *Isacus Newtonus*, Physicorum ille & Mathematicorum Princeps, qui in Optices opere Qu. 20. p. 315. putat *Deum in spatio infinito, tanquam sensorio suo, res ipsas intime cernere, penitusque perspicere, totasque intra se præsentem præsentem complecti*. Adde quæ ex *Edmundi Halley* dissertatione, quæ in Vol. XXXI. *Transact. Phil. Extat*, excerpta sunt ab *Armando de la Chapelle* Biblioth. Anglois T. X. P. II. p. 358. f. *Vorstius* in refutatione Saldi spatium ut ens increatum concipit. Non permittit instituti & temporis ratio, ut ponderemus argumenta, quibus hi suam inædificant opinionem, certum enim immo certissimum manet, omnia uno conculcari ictu demonstrata spatii contingentia, & hinc pendente limitata ejus natura. Sed ut radicatus extirpetur tam falsa de spatio sententia, quam hi defendere non verentur, aliquot adhuc ejus eruamus affectiones, quibus ab Ente Infinito infinite distinguitur.

§. 882.

Spatii mutabilitas. Ex ostensa spatii contingentia (§. præc.), Statim sequitur ejus mutabilitas (§. 594.).

Nescio itaque quo pacto possint adversæ sententiæ defensores putare, quod ex nostra, de spatio, idea sequatur illud esse immutabile, & cum ente Infinito confundendum, quum tamen suam mutabilitatem prodat non modo ratione existentiae, quod possit existere & non existere, quia contingens est, sed etiam ratione limitum, quos possidet, augeri potest & minui. Certissima, si quæ alia, mutabilitatis indicia.

De

De cetero vel hinc abunde liquet quam egregie errent, fingentes Spatium ne quidem a Deo destrui posse. Haud negaverim imaginationi aliter non videri, quam destructo mundo, adhuc restare spatium in quo erat collocatus, & hoc destructo, simile adhuc restare, & sic non esse destructum. Sed oro ne plus tuæ imaginationi tribuas quam rectæ rationi, quæ contingentiam & mutabilitatem spatii bene perspicit, cum indestructibilitate non conciliandam. Destructo spatio manet quidem ejus in mente idea, sed ab idearum, hoc est, possibilitatum indestructibilitate, quam tuemur, ad rerum existentium indestructibilitatem non valet argumentatio, nisi cum Spinoza & aliis fingere velis possibilia cum existentibus esse cōextensa. Sed hoc figmentum antea profligavimus.

§. 883.

Spatium, a nobis conceptum, est Spatium limitatum. Quod nos concipimus *limitatum* spatium est extensum penetrabile (§. 877.), sed omne extensum est limitatum, nullumque dari potest illimitatum (§. 866.). Spatium ergo, a nobis conceptum, limitatum esse recte statuitur.

Errant itaque, qui cum *Clarkio*, *Raphsonio*, ceterisque volunt Spatium infinitum & illimitatum esse, indeque inferunt illud a Deo non differre. Sublato fundamento, corrui tota domus, negata itaque, negandam enim esse demonstravimus, illimitata spatii natura, subvertitur totum hoc ratiocinium, nudumque & omni

mni robore spoliatum relinquitur. Sed ais: *quo-*
usque ex porrectum concipio spatium, semper tamen
deprehendo illud tale ut angere possit, idque in infi-
nitum, nec possum concipere limites nisi iterum ex-
tra eosdem simile ponatur spatium, & sic in infi-
nitum, cum reliquis spatii partibus semper conne-
xum. Recte ergo concludis, defendo illimitatam
spatii magnitudinem. Verum implicite tibi hac
 objectione contradicis. Statuis & quidem re-
 cte non tantam esse spatii extensionem, quin
 adhuc augeri possit, sed quid hinc aliud sequi-
 tur, quam ipsam spatii magnitudinem augmen-
 ti semper esse capacem. Illimitatam ergo ei
 tribuere nequis, tribuis tamen in posteriori ob-
 jectionis membro. Tibi igitur ipse hac obje-
 ctione contradicis. De cetero dum statuis te
 non posse concipere spatii limites, nisi simul
 concipias extra eosdem simile spatium, confun-
 dis possibilitatem spatii cum ejus actualitate.
 Non nego posse extra spatium produci aliud,
 producto ex asse simile, nego tamen & illud
 & hoc actu ipso esse illimitatum. Deinde faci-
 lis largior imaginationem nostram non posse
 terminos adsignare spatio, inde tamen nihil
 detrimenti capit argumentum principis rectæ
 rationis innixum.

§. 884.

Extensum u- *Extensum dicitur Uniforme,*
niforme & dif- *cujus partes, quibus constat,*
forme quid. *perfecte sunt similes. Difforme*
autem vocatur, cujus partes dissimilitudi-
nem inter se habent.

Hoc

Hoc modo supponimus extensionem uniformem in auro, quousque enim in subtilissimas laminas & exilissima filamenta hactenus fuit ulla arte divisum, nulla tamen qualitatum deprehensa est disconvenientia, quum quaelibet pars etiam minutissima eandem auri possideat naturam. Corpora vero animalium solidis & fluidis constant partibus, inter se ergo dissimilibus, quæ proinde extensa difformia merito vocantur. De cetero si cum veteribus Extensum uniforme vocare velis homogeneous, difforme autem heterogeneous, per me licebit, nam res eodem recidit. conf. §. 179.

§. 885.

Spatium est extensum uniforme. Spatii uniformitas.
Quoniam enim spatium aliam non formitas. habet considerationem & qualitatem, quam quod sit extensum penetrabile (§. 877); quaelibet spatii pars, siquidem spatium est, eandem habet indolem. Sunt itaque partes spatii ex assè inter se similes (§. 495.), extensumque proinde uniforme constituentes (§. 884.)

Largiuntur, quantum quidem mihi constat, omnes spatium, a nobis conceptum, extensum esse uniforme, partesque continere perfecte similes, sed inde simul sequi putant, qui in Leibnitii & Wolfii militant castris, spatium hoc non reale esse, sed imaginarium, quum secundum suum principium identitatis indiscernibilium fieri non posse putent, ut duo existant perfecte similia. Demonstravi autem in ante

ce.

cedentibus (§. 507.) principio isti universalem non convenire veritatem, nec principii nomine dignum esse. Hinc itaque nihil præsidii habent, qui ex uniformitate spatii nostri ad imaginariam ejus colligere volunt indolem. Quin potius quum re ipsa existat, quale nos concepimus spatium (§. 877.), cum *Clarkio* in Epist. IV. ad Leibnitium, inferimus hinc sua universalitate destitui principium identitatis indiscernibilium Leibnitii.

§. 886.

Spatii extramundani existentia negatur.

Hiscæ jam præmissis, verbo uno alterove de spatio, quod *Extramundanum* dicitur, differendum est. *Putaverim ejusmodi spatium non dari.* Mundus est complexus omnium existentium corporum, si igitur spatia darentur extramundana, nullius illa corporis locationi & motui inservirent. Est spatium contingens (§. 881.), non itaque existit, nisi habeat existentiae suæ rationem sufficientem (§. 95.), est præterea nihil aliud quam extensum, recipiendorum corporum capax (§. 877.). Ratio itaque cur existat spatium, est quod inserviat corporum locationi & motui, saltem nos aliam rationem existentiae spatii non perspicimus. Spatium igitur extramundanum si existeret, existeret sine ratione sufficiente. Quod quum fieri nequeat (§. cit.), hætenus neganda est spatii extramunda-

mundani existentia, quatenus ejus nullam nos perspicimus rationem.

Annotavi antea ad §. 880. ex Plutarcho, Stoicos cum Aristotele spatia extramundana admisisse, indeque inter Peripateticos & Scholasticos diu lateque vagasse hanc opinionem, etiam ab *Henrico Moro*, *Glarkio* allisque adprobatam. Dabimus eorum potiora argumenta, quibus, pro spatiis pugnant extramundanis: *Aut*, inquirunt, *mundus hic suæ extensionis limites habet, aut non habet. Si limites habet, extra eos certe dabitur spatium vacuum, immensa extensione diffusum. Si mundus autem suæ extensionis limites non habet, erit immensus, quem ad modum Deus est. Quis neget hoc absurdum esse. Habet mundus suæ extensionis limites, largior, quo tamen inde argumento probabis dari spatium extramundatum? Dicis hoc certum esse, sed unde? Fundamentum non allegasti. Immotum ergo adhuc manet, quod pro negativa adduxi sententia argumentum: Falsum de cetero est, dari posse spatium immensa extensione diffusum. Oro quoque ne plus tuæ imaginationi quam rectæ rationi tribuas. Conf. 882. 883. Tandem si ex immensitate mundi, hypothetice assumpta, colligere velis ad ejus cum Deo Mixturam, cur ni etiam idem deducis ex immensitate spatii extramundani, a te adserta, quum utriusque par sit argumentandi ratio. Repercuttitur ergo in nos vibratum telum. Ulterius obijciunt: *Aut hic mundus potest moveri & alio transferri, quam ubi nunc quidem locatus est, aut non potest moveri. Si non posse moveri dixeris, erit ali-**

E

quid

quid vel in eo, vel extra eum, quod motui obstat. Nihil potest in eo esse quod motui resistat: Nam si singula in mundo corpora moveri possunt, quibus tamen alia, quæ circumjacent, resistunt, quanto minus habebit in se mundus, quod motui reluctetur, cum utique mundus a nullo alio circumdatus sit. Si quid extra mundum sit, quod motui resistat, tum datur aliquid extra mundum, quod est absurdum: Mundus enim est rerum creatarum universitas. Itaque mundus potest moveri. Si mundus moveri potest, movebitur in spatio, quod extramundanum est, de cujus natura quæritur. Datur ergo spatium extramundanum vacuum. Quia non agitur de actuali universitatis motu, sed possibili tantum; si tibi concesserim mundum posse moveri, inde tamen nihil sequitur aliud, quam posse existere spatium extramundanum, quod vero actu detur inde non obtinebis, quum a posse ad esse, ut dicitur, non valeat consequentia. Negamus heic existentiam ejusmodi spatii, de possibilitate ejus parum solliciti. Regeris: *Motus possibilitas, quia ille est mutatio loci continua, supponit spatii existentiam.* R. Quem ad modum motus actualis supponit actualitatem spatii, ita motus possibilis non præter meram spatii possibilitatem postulat aliud. Sic nos antea ad §. 877. ab actualitate motus ad actualitatem spatii collegimus. Adhuc objiciunt: *Aut datur possibilitas plura respiciendi & ordinandi corpora, præter ea, quæ in hoc mundo recepta & ordinata sunt; aut non datur.* Si datur talis possibilitas plura respiciendi & ordinandi corpora: tunc datur spatium extramundanum, quid enim tale est spatium, quam possibilitas plura capiendi corpora, quam quæ mun-
do

do continentur? Si non datur possibilitas plura Capienti corpora quam quæ in mundo sunt: tum Deus alium mundum, præter hunc, creare non potest; erat igitur hic mundus unice possibilis, quod absurdum. Totum hoc argumentum nihil infert aliud, quam præter hunc mundum possibile esse alios, & præter hoc mundanum spatium, aliud, dari possibile, alii mundo subservitum. Largior spatia diversa ab eo, quod mundus hic occupat, possibile esse, sed ita ut nihil feriat præsentem quæstionem, de spatii extramundani non possibilitate, sed actualitate institutam.

De cetero magis curiosam, quam utilem putaverim totam hanc de spatii extramundano controversiam, neque tantum, ut quidam existimant, momenti habet in negotio omnipræsentiae Divinæ, quin, spatii isto vel ignorato, vel prorsus negato, nihilosecius salva maneat omnipræsentiae Divinæ consideratio. Ut in Theologia Naturali D. V. demonstrabitur.

§. 887.

Spatium, quod hætenus explicuimus, *Absolutum* est, *Relativum* autem, quod ad corpora refertur, per quorum ordinem determinatur & mensuratur. Quod ergo non incongrue definitur per ordinem simultaneorum, seu coexistentium. *Spatii absoluti & relativi, nec non simultaneorum definitiones.* Dicuntur vero A, B, C, D, *Simultanea*, si dum A existit etiam B, C, D. existunt.

Dum enim plura A, B, C, D; &c. extra nos &
E 2 ex-

extra se invicem observamus corpora, modumque, quo A coëxistit ipsi B, distinguimus a modo, quo reliquis C, D, coëxistit, pari ratione, modum, quo B coëxistit ipsi C, a modo, quo ceteris A & D coëxistit seorsim spectamus, & sic in reliquis, quatenus tali ordine inter se collocantur, ut distantia inter A & D, sit diversa a distantia inter A & C, & inter idem A. & B. Hæc corpora in certo spatio esse affirmare solemus, intelligentes vero nonnisi spatium relativum, quo corpora inter se referuntur.

Illustres Viri *Leibnitius* atque *Wolffius*, Spatium absolutum penitus negantes, illudque nonnisi imaginarium esse contendentes, aliud spatium, ut reale, quam quod in ordine simultaneorum consistit, non admittunt. Contrarium autem antea demonstravimus, quare spatium, quod Laudatissimi viri definiunt, non est nisi relativum. Adprobamus itaque definitionem Spatii Leibnitianam & Wolfianam, alio tamen, quam illi fecere sensu.

§. 888.

Ut existat spatium relativum, quid requiritur. Absolvitur spatium relativum ordine simultaneorum, seu coëxistentium (§. 887.), *Spatium ergo illud existere nequit, nisi existant simultanea, & extra se invicem posita.*

Hoc scilicet differt spatium relativum ab absoluto, quod illud existat, quam primum existere ponuntur simultanea, desinat vero, quam primum eadem existere desinant, nec unquam sine his existere possit. Hoc autem, seu spatium absolutum, quamvis remotis corporibus
sine

sine ratione sufficiente existere ponatur; in se tamen non repugnat, ut existat, etiamsi tollantur illa simultanea, quorum ordine ejus existentia non determinatur.

§. 889.

Spatium tam absolutum, quam relativum diversum est a corporibus eorumque existentia. Quia penetrabile & impenetrabile sibi mutuo opponuntur (§. 874.); extensum penetrabile diversum est ab extenso impenetrabili (§. 429.). Illud spatii absoluti (§. 877. 887.); hoc corporum (§. 878.) nomine venit. Spatium ergo absolutum differt a corporibus, & per consequens illius existentia ab horum distinguitur (§. 431.).

Spatii & corporum discrimen.

Quia aliud est ordo, aliud res ordinatæ (§. 693.), spatium autem relativum est ordo simultaneorum scilicet corporum (§. 887.); spatium ergo relativum differt a corporibus, eorumque existentia (§. 431.).

Confundunt Cartesiani spatium cum corpore, completa tum corporum, tum spatii notione, carentes. Putant enim essentiam corporum in sola extensione consistere, unde non mirum est eos existimasse spatium, quod absoluto sensu, ut merum extensum repræsentatur, cum corpore coincidere. Non autem sufficit extensio ad ideam corporis determinandam, sed adsunt insuper Impenetrabilitas aliaque prædicata, ex extensione haud derivanda, quæ spatio non

conveniunt, fundantque proinde inter hoc & corpora discrimen satis manifestum.

§. 890.

Loci definitio & divisio. Quem ad modum spatium ita locus est vel absolutus, vel relativus.

Locus absolutus est pars spatii absoluti, a corpore occupata. *Locus autem Relativus* est determinatus modus, quo corpora coëxistunt. Scilicet dum corpora certo coëxistunt ordine, modus quo A coëxistit ipsis B, C, D, distingui potest a modo, quo B ipsis A, C, D, coëxistit, & sic porro. Cuiuslibet ergo simultaneorum determinatus convenit modus, qui, ut diximus, loci relativi nomine nobis venit.

Non minus de loci quam spatii notione inter Philosophos, omni fere ævo fuit disputatio. *Aristoteles* L. IV. *Phys.* cap. 4. post longam de loci natura institutam disputationem, dicit locum esse *continentis corporis extremum immobile primum*, seu, *superficiem immobilis corporis circumambientis*. Hunc qui Aristotelicæ favent Philosophiæ, vocant *locum externum*, quem dicunt esse *Superficiem primam & immobilem corporis ambientis*. Ubi per superficiem primam intelligunt eam, quæ proxime & immediate locatum ambit. Eam autem debere esse immobilem contendunt, quum id, quod movetur, necessario locum suum deserat, quem deserere non posset, si una cum mobili movetur. Videntes porro superficiem istam primam ambientis corporis, v. gr. aëris, circa turrim moveri,

ri, immota ipsa turri, vario modo se torquent, ut hanc Aristotelis tueantur definitionem, vide *Chauvini Lex. Phil. Sub. tit. Locus*. Ab hoc loco externo distinguunt *internum*, quam definiunt per spatium, sive capedinem, quæ corpus recipit, atque continet. Quoniam ergo Aristotelici per locum *internum* aliud non intellexere, quam partem spatii, a corpore occupatam, & ei æqualem; per *externum* vero, hujus corporis ad proximæ circumambientia aliquam relationem; putarunt Recentiores Philosophi atque Physici clariorem esse loci distinctionem, in absolutum & relativum, quorum illud partem spatii absoluti, a corpore occupatam, denotat, hoc corporum determinatum coëxistendi modum involvit.

§. 891.

*Non repugnat, ut locus relativus Loci absoluti
idem maneat, quamvis absolutus sit ti mutatio,
alius. Quatenus enim corpora e non mutato
undem determinatum coëxistendi relativo.
modum retinent, eatenus idem manet locus
relativus (§. 890.); Quatenus vero una cum
his corporibus defertur per diversas spatii ab-
soluti partes, eatenus una cum his absolutum
mutat locum.*

Egregium hujus rei exemplum præbet homo, navi vectus, qui quoad proximæ in navi circumambientia corpora locum suum retinere potest relativum, etiamsi una cum navi in diversas spatii absoluti partes feratur.

§. 892.

Loci relativi Eodem liquet modo posse lo-
mutatio non cum relativum mutari, etsi abso-
mutato abso- lutus maneat idem. Quia locus
luto. relativus est determinatus modus
 coëxistendi cum aliis (§. 890.), mutato hoc
 coëxistendi modo simul mutatur locus rela-
 tivus. Sint simultanea A, B, C, D, hoc, quo
 jam collocantur, coëxistentia ordine. Non
 repugnat ut B occupet locum τ D, & hoc
 vicissim illius, remanente A. Fit hinc ejus-
 modi coëxistentium ordo A, D, C, B, in quo
 A determinatum coëxistendi modum cum D
 habet, quem antea cum B tenuit. Mutatus er-
 go est τ A locus relativus (§. 890.), non au-
 tem absolutus, quatenus eandem spatii abso-
 luti partem adhuc retinet A.

Ex. gr. Adsideant plures personæ, Sempronius,
 Titius, Graccus, Petrus, Johannes, eidem men-
 sæ. Sit Titius ad lævam, Graccus ad dextram
 Sempronii, Petrus vero & Johannes situm te-
 neant, Sempronii locum diametraliter oppositum.
 Immotus jam sedeat Sempronius. Sed abeant
 Titius & Graccus in loca Petri & Johannis, hi
 autem jam occupent lævam & dextram Sem-
 pronii; quilibet perspicit hujus locum relati-
 vum esse mutatum, sed absolutum manere e-
 undem.

§. 893.

Situs Situs est ordo simultaneorum, inter
quid? se distantium, quatenus coëxistunt.

Ex.

Ex, gr. Si in urbe plures una deprehendimus turres, unamque, tanquam primam sumimus, unicuique reliquarum respectu hujus certum tribuere solemus situm. Eodem modo quatenus consideramus diversas unius ejusdemque corporis partes, ut inter se distantes, eatenus dum sumimus unam harum pro prima, reliquis quoad hanc certum assignare solemus situm.

Latius heic sumitur vocabulum *situs*, quatenus convenit omni corpori, omnique ejus parti, certo cum reliquis ordine dispositæ. Angustius vero acceptum, quatenus prædicamentum *situs* Aristotelicis denotare solet restringitur ad corpora viventia, sumiturque pro dispositione partium corporis animalis in ordine ad locum & varias loci partes. Hoc igitur prædicamento respondere solent ad quæstionem, quomodo partes animalis dispositæ sint, an v. gr. jaceat, stet, an sedeat, an habeat brachium thoraci adjunctum, an sejunctum, &c. Sed ut ab hoc stricto vocabuli sensu recedamus, jubet communis & receptus usus, laxiorem vocabulo tribuent sensum. Quæri enim non modo solet, quem situm habeat hominis v. gr. pes dexter vel sinister, sed etjam quem possideat hæc vel illa urbs, hæc regio, quoad reliquas simul existentes.

§. 894.

Liquet hinc situm plurium ad unum per distantias ab hoc uno determinari. Quam ob rem *eundem inter se situm* habent, quæ æquali distantia a se in-

E 5

vicem

vicem removentur. *Diversum* vero, quorum inæqualis est distantia.

§. 895.

Qua ratione determinatur modus coëxistendi simultaneorum?

Si plura simultanea inter se distant, modus coëxistendi uniuscujusque determinatur per situm ad coëxistentia cetera. Sint plura inter se distantia, veluti A, B, C, D, evidens est unicuique eorum determinatum competere situm quoad cetera B, C, D (§. 893.), nec, quia cuilibet particularis & separata assignatur distantia (per hypoth.) fieri potest, ut id, quod ab A est diversum, eundem simul cum ceteris habeat situm (§. 894.). Habent vero A, B, C, D, certum inter se coëxistendi modum (per. hypoth.), non sane aliam ob causam, quam quod ipsis B, C, D, sigillatim competat hæc & non alia distantia ab ipso B. Modus itaque coëxistendi determinatur per situm ad coëxistentia cetera (§. 894 & 194.).

Quidam hinc Cartesium secuti definiunt locum relativum per situm corporis respectu aliorum, in sensus incurrentium, & quibuscum comparatur. Nobis tamen magis placet Wolfiana, quam antea adhibuimus (§. 890.), loci relativi definitio, ex qua hæc Cartesianæ haud obscure deducitur.

§. 896.

Locus relativus determinatur per distantias exi-

existentis a duobus vel pluribus coë- *Loci relati-*
xistentibus, quæ simul alii coëxisten- *vi determi-*
tium convenire nequeunt. Nam lo- *tio.*
 cus relativus est determinatus coëxistendi
 modus, cuilibet simultaneorum conveniens
 (§. 890.). Sed hic modus determinatur per
 situm ad coëxistentia cetera, (§. 895.), con-
 sequenter per distantias a coëxistentibus ce-
 teris (§. 893.). Jam vero per loci determina-
 tionem nihil intenditur aliud, quam id, un-
 de is ab alio quovis dignoscitur. In loci i-
 gitur determinatione non aliæ nec plures at-
 tendendæ sunt distantia existens datæ a coë-
 xistentibus aliis, similiter datis, quam quæ
 simul alii coëxistentium convenire neque-
 unt.

Quam egregium habeat hæc propositio usum
 in Locis stellarum determinandis docet Illu-
 stris *Wolffius* in notis ad §. 607. *Ontol.* quas a-
 deat nexum *Astronomiæ* cum *Metaphysica* in-
 trospicere studens.

§. 897.

Locus tam absolutus, quam rela- *Locus differt*
tivus differt a corporibus, eorum- *a corporibus.*
que existentia. Est enim Locus absolutus pars
 spatii absoluti (§. 890.), a quo itaque non
 nisi magnitudine differt. Sed absolutum spa-
 tium differt a corporibus eorumque existen-
 tia (§. 889.). Ergo etiam locus absolutus a
 corporibus eorumque existentia eodem dif-
 fert modo. Lo-

Locus relativus est determinatus coëxistendi modus (§. 890.); quivis vero adsequitur aliud esse coëxistendi modum, aliud coëxistentia ipsa. Locus itaque relativus a coëxistentibus eorumque existentia differt (§. 431.).

Locum; quatenus situm notat, non autem rem aliquam existentem, h. e. quatenus relative sumitur (conf. §. 895.); non tam rei existentis, quam nostræ cogitationis & considerationis nomen esse, & ideo a corporibus eorumque existentia differre observat *Joannes de Raei* in *Clavi Philosoph. Nat.* p. 706. Cartesianis de loco inhærens principiis. Non male hæc, modo extra ideam spatii relativi non extendantur, indeque cum *D. Daries* in *Elem. Ontol.* §. 136. non inferatur locum, qua locum, i. e. absolute sumtum; non esse ens, vel cum Cartesianis locum absolutum non differre a corporibus ipsis. Prioris absurditatem evincunt argumenta, quibus tum possibilitatem, tum existentiam spatii absoluti probavimus (§. 877.), posterioris fallaciam vario modo detexere accuratiores *Physici*

§. 898.

In loco esse, *In loco esse* dicitur, quod certam & determinatam spatii absoluti partem implet. *Illud vero partem spatii absoluti implet,* quod ejusdem est cum hac parte extensionis. Quam ob rem in loco est, quod cum eodem est coëxtensum,

Sic

Sic quærenti in quonam fuerit loco v. gr. liber, quem manu tenemus, digito designare solemus eam spatii partem, in qua ante erat, eamque limitibus suis circumscribere, ejusdem cum hoc libro extensionis.

§. 899.

*Omne corpus est in loco, quod vero Quod ens
extensum non est, id in loco esse ne- in loco est?
quit.* Nam in loco quid esse dicitur, quod ejusdem est cum parte, quam occupat, spatii extensionis (§. 898.). Quodcunque ergo extensionem habet, cui semper aliqua pars spatii æqualis statui potest, illud, dum existit, in loco existit, quod vero nullam habet extensionem, in loco esse nequit. Possident omnia corpora extensionem (§. 876.). Illa ergo in loco sunt.

Perspexit hoc suo tempore *Aristoteles*, qui ubi L. I. Phys. C. I. narravit existimasse quosdam veterum, omne, quod est, esse in loco, non determinantes, an proprie, vel improprie, L. IV. Phys. cap. 5. t. 45. suam aperit sententiam, contendens, *corpus omne quod aut latione, aut accretione mobile est, per se in loco esse.* Et text. 47. *non in loco esse, quicquid est, sed corpus.* Aristotelem sequuntur plerique recentiorum. Dissentit vero cum quibusdam aliis *Frid. Genzkenius* in *Metaph.* p. 16. 17. putans non corpora modo, sed & omnes spiritus finitos determinata occupare spatia & in loco esse. Sed nullam Is suæ sententiæ allegat rationem eodem itaque modo negatur, quo ab illo affirmatur. Negativa ergo, quam tuemur, ad-

adfertio, quia argumento est firmata, tamdiu manebit intacta, quamdiu veritati inconcussæ sua constat certitudo.

CAPUT. III.

DE

DURATIONE ENTIIUM ET AGNATIS NOTIONIBUS.

§. 900.

*Successivum
definitur.*

Si dum A existit, B non existit, A autem existere desinente, B existere incipit, dicuntur A & B *Successiva*. A quibus differunt simultanea prius a nobis explicata §. (887.).

Flores hortum æstate una exornantes, simultanea sunt; qui vero, aliis pereuntibus, existere incipiunt, *successiva* dicuntur.

§. 901.

*Ens permanens
& successivum
definiuntur.*

Ens permanens dicitur, cujus determinationes essentielles simul existunt. *Ens successivum* vero vocatur, cujus determinationes essentielles successive existunt.

Hoc modo Deus, angeli, anima humana sunt, entia permanentia, quia ob simplicitatem, quæ illis competit, non possunt habere determinationes essentielles, successive se exipientes. Est

et-

etiam homo ens permanens, quatenus determinationes, quibus constat, essentielles, anima scilicet rationalis & corpus organicum, non possunt, non simul existere, ipso existente homine. E contra motus est ens successivum, componitur enim ex partibus, se mutuo excipientibus. Huc etiam pertinet omnis actio & passio, quæ eum motu fit, ut locatio, cantatio &c.

§. 902.

Liquet hinc omne ens successivum Entis successive mutabile & contingens. Nam in ^{cessivi-mu-} ^{tabilitas &} ^{contingen-} ^{tia.} ente successivo determinationes essentielles successive existunt (§. 901.) h. e. una existere desinente, altera incipit (§. 900.). Et quatenus determinatio quævis, præcisis subjectis, cui inest, ut ens inspectari potest (§. 226.) & proinde una earum absolute eadem esse nequit cum altera (§. 395) ens successivum constanter sit diversum ab eo quod ante erat (§. 390.), constanti ergo mutationi subjectum est ens successivum (§. 592.), ideoque mutabile est (§. cit.), & quidem, ut vidimus ratione existentiae determinationum essentialium, Quam ob causam non potest non idem ens simul esse contingens (§. 630.).

Hinc non inferas præcor, quia enti successivo opposuimus permanens (§. 901.), omne permanens necessarium esse & immutabile: Nam non opponuntur inter se eodem, quo ens necessarium &

& contingens, modo, quali permanentis existentia, fundata esset in ejus essentia, successivi non item, sed quod illud habeat determinationes essentielles, simul existentes, sive existentia in essentia contineatur, sive minus: hoc autem determinationes suas essentielles non habeat simul existentes. Quare non repugnat statuere ens permanens vel necessarium, vel contingens. Illud Deus est, hoc entia creata, Illud ratione existentia suæ est absolute immutabile, hoc mutabile. Illud omnem successionem respuit, hoc admittit successionem, minimum accidentalem, quia simul non habet omnia, quæ habere potest.

§. 903.

Determinationum essentialium in ente successivo differentia.

Determinationes essentielles entis successivi realiter inter se distinguuntur. Sint ejus determinationes essentielles A, B, C, D.

quæ igitur non simul, sed successive existunt (§. 901). Quare dum existit A nondum existit B, sed existere desinente A, incipit B existere, & existente B, nondum existit C, sed existere desinente B, incipit τ C existentia, & sic exist etiam τ C, excipit existentia τ D. (§. 900.). Habent ergo A, B, C, D, singulatim separatam a se mutuo existentiam, ideoque inter se distinguuntur realiter (§. 439.)

Sic in motu distinguere licet partem ejus A a parte B, & sic porro, quia cuilibet separata convenit existentia, et si una alteram constanter excipiat.

§. 904.

§. 904.

Ens itaque successivum recte re- *Ens successi-*
presentatur, ut compositum & ex- *vum est ut*
tensum quid. Constat enim deter- *extensum.*
 minationibus essentialibus, realiter inter se
 distinctis (§. 903.), tanquam partibus diver-
 sis. Est ergo ens compositum (§. 832.).

Sunt hæ essentialès determinationes, seu
 partes successivæ (§. 901.), ideoque ubi una
 earum existere definit, altera incipit (§. 902.),
 & sic, per consequens, ut communi termi-
 no copulatæ recte considerantur (§. 863.).
 Quam ob rem, totum hinc emergens, ut exten-
 sum quid recte exhibetur (§. 863.).

Dixere hinc Veteres Philosophi omne ens suc-
 cessivum habere partes, in fluxu positas, & es-
 se continuum quid, quia existentia ejus per ac-
 quisitionem continuatam producit, ut patet
 in motu, tempore, aliisque similibus.

§. 905.

Ens Infinitum dicitur, quod o- *Ens Infini-*
mnia, quæcunque habere potest, *tum & fi-*
habet simultaneo actu. Finitum *nitum defi-*
contra ens est, quod non omnia *niuntur.*
actu habet simul, quæ habere potest. Illud
ergo ens, ratione existentiaæ suæ nullam a-
gnoscat successionem: hoc vero, qua existen-
tiam suam, successivum est.

Præsentis non est instituti integram de Ente In-
 finito & finito exponere theoriam, id enim suo
 loco, Entis Infiniti favente gratia, quantum vi-

res permiserint, præstabimus, non inquam, sed hoc solum inter utrumque ens discrimen ὡς ἐν παράδειγμα, annotare, ut notio durationis & temporis eo distinctius evolvatur.

§. 906.

Duratio Quicquid eo ipso momento, seu, *definitur*. in eo ipso puncto, quo existit, vel existere incipit, non simul desinit, illud in *Existendo perseverare*, vel *Continuare existentiam suam* dicitur. Ipsaque hæc existentia continuatio *Durationis* venit nomine.

Lubens fateor eam esse mentis humanæ imbecillitatem, ut hanc in existendo perseverantiam, absolute spectatam, remota scilicet successionis idea, concipere vix valeat, hanc tamen, quantum potui, ab illa abesse jussi. Si vero dixeris vocabula: *momentum*, *non simul*, in allata definitione occurrentia tacitam involvere successionem, scias hoc præter omnem meam esse mentem, & substituas, si placet, vocabula meliora, & ab omni mixtura quantitatis & successionis aliena, rem mihi & aliis facturuses gratissimam. Interea ego adducta contentus sum definitione, vel explicatione, in qua observes me studio posuisse hæc vocabula: *quo existit, vel existere incipit*, disjunctive, non autem copulative: *existit & existere incipit*. Vel sigillatim: *existere incipit*. Hæ enim posteriores phrasæ valent de ente finito & contingente tantum, non vero de Ente Infinito. Nos ergo, universalem desiderantes durationis notionem, enti tam Infinito, quam finito adtribuendam, disjunctivam illam, assumere debuimus locutionem.

Sed

Sed dicis melius esse si cum *Illustri Wolfio* §. 578.

Ontol. definiatur duratio per *existentiam simultaneam cum rebus pluribus successivis*, quum non illud omne, quod successivis coëxistit, successivum sit, sed vel successivum, vel non successivum; atque adeo tam generalem, heic tradi definitionem durationis, ut enti etjam Infinito competat; esse præterea nostra definitione longe clariorem. Sed si Wolfiana hæc durationis idea, ut putas, enti Infinito conveniret, statuendum omnino foret res successivas & creatas ab omni æternitate extitisse, & in omnem æternitatem exituras esse: Nam si aliquando incepere res successivæ, ante earum ortum non coëxistebat Deus quibusdam successivis consequenter secundum datam Wolfii definitionem duratio tunc Deo non conveniebat. Idem dicendum est si successivæ res omnes existere desinerent. His accedit durationem entis cujusvis a Wolfio statui mensurabilem §. 180. Ontol. & ideo enti absolute perfecto non tribuendam (§. 827.). Non itaque nostrâ melior est Wolfii definitio, quin potius putemus illam huic esse præferendam, Wolfiana enim melius ad Deum adplicari potest. De cetero scias Wolfii definitionem explicare, unde nos sciamus aliquod, scilicet finitum, durare, seu tradere mensuram durationis finitæ, quæ ex rebus successivis semper desumitur, & quæ *Durationis externæ* nomine Philosophis venire solet; non autem exponere quid *duratio intrinseca*, & in se considerata sit, quam illi ut

contradistinctam considerare solent Philosophi,
& quam nos heic explicare volumus.

§. 907.

Enti Infinito, æque ac finito, *Duratio* succuatenus existunt, suamque existensia *seffiva & si*ntentiam non habent destructam, *multanea de*vel sublatam, competit hæc du*finiuntur.*ratio (§. 906.), sed modo longe diverso. Illud enim, quia omnia quæ habet, habet simul (§. 905.), suam existentiam sine successionem continuat: Hoc vero, quia ratione existentia suæ, successivum est (§. cit.), successive suam continuat existentiam. Durationem hinc distinguimus in *successivam & simultaneam*. Illa est successiva in existendo continuationio; hæc simultanea. Illa enti cuicunque finito, hæc Infinito competit.

Videntur quidem nonnulli durationem Deo denegare, inter quos imprimis innotuit *Le Grand*, qui in Instit. Phil. P. II. C. 8. §. 4. existimat Deo recte quidem tribui æternitatem & necessariam existentiam, errare autem eos, qui æternitatis vice durationem Deo competere affirmant, quia Dei existentiam ab ejus essentia separare non licet, nec Ille prius & posterius in existendo agnoscit, quod tamen de omni duratione valere putat. Quoniam vero hic Philosophus durationis vocabulum sensu vulgari & strictiori sumit pro successiva existentia continuatione, quæ prius & posterius admittit, verborum potius, quam sententiarum inter nos intercedit discrimen: Neque enim nos enti Infinito

nito adtributam volumus durationem successivam, sed quæ omnis successionis est expers. Quandoquidem enim per durationem, in genere tantummodo indigitatum volumus, existentiam suam continuare statum, vel, illam non esse sublatam atque destructam (§. 906.); Deus vero semper existit, suamque existentiam, essentiæ necessario inclusam, possidet, & ideo sine intermissione existit; ea propter ejusdem generis duratio ei attribuenda est, cum eo tamen discrimine, quod huic sine successione, enti autem finito cuivis cum successione competat. Neque metuendum est, ne durationem, qualem jam descripsimus, Deo attribuentes, existentiam Ejus ab essentia separemus: Par enim ratio est reliquorum Dei attributorum, quæ a se invicem non separantur, etsi ob finitudinem intellectus nostri, diversas de singulis ideas nobis formare cogamur.

§. 908.

Hæc successiva duratio, quia vi *Durationis* definitionis suæ involvit successi- *successiva*
vam in existendo continuationem *indoles.*
(§. 907.). & per consequens, quia definitio, ut Logica docet, essentiam rei exhibet, ut ens aliquod successivum (§. 901.) & proinde ut ens aliquod extensum (§. 904.), haud inepte repræsentatur.

Absit existimes durationem hanc, vel re ipsa esse aliquod extensum, vel efficere rem, cui tribuitur, extensam: Quoniam enim omne extensum, reale scilicet, est vel penetrabile, vel

impenetrabile (§. 875.), illud spatium audit absolutum (§. 877.), hoc corpus (§. 876.); durationem vero successivam vel spatium vel corpus esse nullus unquam dixerit; re ipsa non est hæc duratio aliquod extensum, multo igitur minus, res, quibus tribuitur, extensas constituit, sed possunt illæ vel extensæ esse, vel minus. Non itaque dixi, durationem quam loquor, successivam *esse aliquod extensum*, sed NB. *ut extensum quid representari posse*, notione scilicet imaginaria, idque ob similitudinem, cuiusvis obviam, quæ inter extensum & hanc durationem successivam intercedit: Nam quemadmodum in extensione sunt partes conterminæ, extra se invicem positæ (§. 863.); ita in successiva hac duratione momenta, seu, partes adsunt, se continuo excipientes, sine quibus ne concipi quidem potest. Quam ob causam modo ultra hoc comparisonis tertium non extendatur hæc imaginaria notio successivæ durationis, nihil habet illa vitii, sed multum potius commodi & usus in theoria motus, quam Physici tradere solent, plenius evolvenda.

§. 909.

Temporis absoluti definitio.

Successiva hæc duratio, alio nomine, *Tempus absolutum*, mihi dicitur.

Multum sane inter se disputarunt Philosophi & Veteres & Recentiores de vera & genuina temporis idea. Quod animorum & sententiarum divortium alios adeo commovit, ut putarent vel cum *Augustino* L. II. confess. Cap. 14. tempus verbis distincte explicari non posse, vel cum

Cud-

Cudwortho in *System. Intell.* p. 756. Tempus esse incomprehensibile quid. Et certe nunquam obtinebis veram & genuinam temporis notionem, nisi studiose discreveris tempus absolutum à relativo, quorum illud præsentì comitate explicare volui, hoc autem præmissis præmittendis, statim expositurus.

De cetero temporis absoluti a nobis adducta definitio, non nova est, sed Veteribus quoque nota Philosophis: Nam *Zvarexius* Disputationis *Metaph.* 50. sect. 8. inchoaturus, dicit durationem rerum successivarum successivam se adpellare tempus. Neque hanc definitionem improbavit *Thomas Campanella*, acutissimus alioquin Scholasticæ Philosophiæ censor: rotunde enim dicit tempus esse durationem successivam rerum. His consensum præbent plures alii, tempus absolutum eodem modo definientes.

§. 910.

Quatenus itaque actu dantur entia finita, quibus duratio successiva competit (§. 907.), eatenus etiam actu datur tempus absolutum (§. 909.). Quod itaque, remota entium finitorum existentia, amplius existere nequit.

Tempus dari nequit, remota entium finitorum existentia.

Egregie itaque falluntur qui tempus absolutum, remotis licet omnibus successivis, existere fingunt. Hi enim imaginariam temporis absoluti ideam, qua ut extensum aliquod repræsentatur (§. 908.), a reali distinguere nescientes, & simul concedentes se nullam prorsus distinctam

habere posse temporis sui absoluti ideam, propria ignorantia se ipsos statim confutant, & in ejus qualicunque explicatione sibi contradicunt: Probaturi enim temporis sui absoluti existentiam ita argumentantur: *Si vel omnes cogitare desinerent homines, immo motus cessaret omnis, futuram tamen esse in orbe terrarum durationem aliquam, ex quo sine controversia patet, falli, qui ad rationis entia tempus absolutum abire jubent.* Videatur *Mashevius* in notis ad *Cudworthi System. Intell.* p. 779. Nihil profecto aliud infert hoc argumentum, quam tempus absolutum in idea sua non determinari ex relatione ad motum & nostras cogitationes sed ex consideratione entis, successiva duratione præditi. Quod ergo probat, sublata entium finitorum existentia, quæ semper successiva est, non dari tempus absolutum.

Objicit *Clarkius* Ep. IV. §. 15. realitatem temporis, a rebus successivis discreti, defensurus: *Si tempori, a rebus successivis distincto, sua denegaretur realitas, Deus mundum citius vel serius, quam fecit, non potuisset condere, nec citius vel serius eum destruere posset, quam revera destruendus sit. Hoc vero quum nemo, nisi in summam Dei libertatem plane injurius, Eius impossibile affirmaverit, tempori, a rebus successivis discreti, sua constabit realitas & actualitas.* Ad Deum, Cui nihil successivi inest, sed omnia in perpetuo videntur sunt, citius & serius nullam habere potest relationem, non ergo nisi ad ens extra Deum successive existens, & ab illo dependens. Quod igitur aut mundus est aut pars substantialis, in illo comprehensa. *Sit ipse mundus, Deus itaque,*
secun-

secundum Clarkii hypothefin, potuiffet mundum, quoad ipfum mundum, creare citius vel ferius. h. e. loco harum rerum fucceffivarum creare aliam feriem, vel maiorem vel minorem, confequenter, quum non maneat idem individuum illo vel tantillo alterato (§. 529.), loco huius individui mundialium mundum producere. Hoc autem non confirmat, fed potius destruit Clarkii hypothefin de tempore, a rebus fucceffivis discreto. *Sit fubftantia*, in mundo comprehenfa, quoad eam mundus hicce citius & ferius creari non potuit, nifi mutato iterum ipfo mundo, cujus pars hæc ftatuitur fubftantia. Hoc itaque membrum in prius, mox profligatum refolvitur. *Eadem, regeſis, ſeries non mutata, potuit citius creari.* Sed fingis quod nondum probaſti, ante mundum fluxiſſe ſucceſſionum momenta, in quibus prioribus mundus creari potuit. Verum enim vero ante mundum ejusmodi fingere momenta, quia ſine ſubjecto, cui convenient, concipi non poſſunt, nihil eſt aliud, quam fingere tempus ante tempus, fingere aliquod tempus non creatum, quod temporis naturam plane evertit.

§. 911.

Tempus abſolutum, quale nos concipimus, non eſt nihil, nec ens ali- *Tempus non eſt nihil.*
quod rationis. Nihilo enim nulla reſpondet notio (§. 75.), tempori autem abſoluto ſua convenit, per durationem ſucceſſivam exhibita (§. 909.), quæ non fingitur, ſed, re ipſa, entibus finitis, quatenus exiſtunt, con-

venit (§. 907.). Tempus itaque absolutum non est nihil. Ens rationis est non-ens (§. 275.), quod cum nihilo recipitur (§. 261.), sed tempus absolutum non est nihil (per dem.). Non ergo est ens rationis.

Tempus esse nihil quid putat *Burgersdicius*, qui in *Intit. Metaph. L. I. cap. 21. th. 9. Explicatu*, inquit, *non erit difficile, quid sit esse in tempore, si concipiamus infinitum quoddam spatium temporale, quod nec principium habet, nec finem habebit, quod item nec substantia est, nec accidens, nec quicquam aliud, sed merum nihil, quod tamen concipimus, ac si esset temporalis quantitas.* Facem huic errori præbuisse olim videntur *Sceptici*, qui ex constanti dogmaticorum in definiendo tempore dissensu intulere incertum esse an ei ulla conveniat realitas. Neque ab his multum dissentire videtur *Thomas Hobbesius*, qui *tempus esse phantasma motus, quatenus in motu imaginamur prius & posterius, sive successionem*, putat, quasi extra phantasiam nostram tempori non daretur locus, cuius tamen opinionis mox demonstravi contrarium (§. 910.).

§ 912.

Temporis absoluti, quoad entia, quibus competit, natura,

Tempus absolutum est accidens entium finitorum perpetuum.
Tempus absolutum est successiva duratio (§. 909, quæ successivam in existendo involvit continuationem entibus finitis, quatenus existunt, attribuendam (§. 907.). Est itaque tempus absolu-

lutum existentiae entium finitorum ita implicatum, ut ab illa separari haud possit (§. 910.). sed ens finitum, quia non omnia actu habet, quæ habere potest (§. 905.), est mutabile (§. 592.), & ideo contingens (§. 594.). Ejus ergo existentia est ei accidentalis (§. 626.). Tempus itaque absolutum, existentiae entium finitorum implicatum est eorum accidens, & quidem, quia a dictis existentis separari nequit (per. dem.), est accidens eorum perpetuum (§. 383.).

Non heri aut nudius tertius inter Philosophos Disputari est inceptum, an *tempus sit substantia vel accidens, vel an sub Aristotelis κατηγορίαις possit comprehendi?* Mirum quantum torserant hæ quæstiones Philosophorum, imprimis scholasticorum cerebella, qui distincta temporis notione destituti, ignari quoque, quod inter tempus absolutum & relativum intercedit, discriminis, immensum disputationum chaos pro & contra congestere. Sed ex præsentī, quam stabilivimus, thesi, facile solvuntur propositæ quæstiones. Accidens est tempus, substantia ergo esse nequit, nec propriam in natura rerum habet substantiam.

§. 913

Tempus absolutum recte nobis Temporis ab-
representamus, ut extensum quid. soluti notioi-
 Est enim Tempus absolutum suc- *maginaria.*
 cessiva entium finitorum duratio (§. 909.),
 sed

sed hæc, ut extensum quid, recte repræsentatur (§. 908.), Ergo etiam & illud.

Quod antea, dum durationem successivam ut extensum quid repræsentari posse ostendimus (§. 908.), a nobis est notatum, heic quoque observari meretur, ne quod imaginarium est cum reali confundamus.

Ceterum ex hac temporis notione imaginaria pendet quod Mathematici atque Physici tempus absolutum per lineas rectas vel curvas sibi repræsentent, in comparandis corporum motibus, aliisque ejus generis quæstionibus digne evolvendis occupati, quorum distincta alioquin notitia non sine magno vitæ & disciplinarum utilissimarum incommodo destitueremus.

§. 914.

Quantitas Tempori absoluto competit magnitudo quedam & quantitas. Est prædicatur. tempus absolutum successiva duratio (§. 909.) quæ successiva entium finitorum in existendo continuatione absolvitur (§. 907.) In omni autem successivo plura adsunt, realiter a se distincta (§. 903.), & se mutuo excipientia, quæ simul sumta successivum, ut totum quid constituunt (§. 900.). Quam ob rem, quia pluralitas partium, totum aliquod constituentium, magnitudo dicitur (§. 844.), tempori absoluto sua convenit magnitudo, sua idcirco quantitas (§. 847.).

Potuit hæc eadem assertio exinde quoque demonstrari, quod repræsentetur tempus absolutum,

ut

ut extensum quid (§. 913.), sed nolui ex indole temporis imaginaria derivare, quod ei realiter convenire putaverim, ne cui præberetur existimandi ansa, hoc æque ac illud imaginarium esse.

Est quidem existentia, quatenus possibilitatis involvit complementum, *Existentia est qualitas.* quo apta est ad agendum vel patientium (§. 207.), interna entis determinatio (§. 201.): sine alio, ut patet, assumpto, intelligibilis. Est, inquam, ideo qualitas rerum existentium, non autem quantitas (§. 459.). Neque ergo continuata existentia, quia re ipsa nihil denotat aliud quam existentiam non esse sublatam, vel destructam (§. 956.); quantatum sed qualitatum classi est accensenda. *Duratio in genere est qualitas.* Quare nec duratio in genere (§. cit.), enti quoque Infinito & absolute Perfecto, omnis plane magnitudinis & quantitatis experti (§. 746. 752.), attribuenda (§. 907.), quantitatem involvit, sed qualitatem. Quatenus autem qualitatum, non prout enti Infinito, sed finito conveniunt, possibilis est quantitas (§. 486.), eatenus non repugnat durationi, prout enti competit finito, certam attribuere quantitatem, ex successiva ejus indole dependentem: Impossibile enim est successionem sine momentorum pluralitate concipere, neque repugnat ut momentis A, B, C, D, E, addantur in eadem serie momenta F, G, H, prioribus homogenea, quo major, quam ante erat, redditur series (§. 677.). Nihil autem dici potest & debet majus vel minus nisi ratione quantitatis (§. 678.). Denuo igitur liquet durationi huic

huic successivæ, &, per consequens, tempori absoluto (§. 909), quantitatem recte attribui.

§. 915.

Temporis illimitati- con- *Tempus absolutum, initio & fine simul carens, seu, utrinque & prorsus illimitatum repugnat.* Facile, vel me non admonente, patet, tempus absolutum, initio & fine destitutum, dici ratione quantitatis, quam possidet (§. 914.). Et quatenus omni initio destitutum ponitur hoc tempus, eatenus ab ea parte, quoad momentorum præteritorum successionem, eousque aucta fingitur hæc quantitas, ut ei nulla antecedentia addi possint momenta, prioribus homogenea, ut ergo nunquam ab ea parte augeri amplius possit (§. 685.). Daretur ergo quantitas, quæ, qua alteram sui partem, eousque aucta esset, ut augeri amplius non posset. Evicimus autem ejusmodi quantum, absolute loquendo & sine ulla facta restrictione, repugnare (§. 687.). Simul ergo repugnat Tempus absolutum, omni carens initio.

Ut clarior evadat, quam præsentī commate tueor, assertio, exhibeatur tempus absolutum, ita enim licet (§. 913.), per lineam

X - - - A B C, versus
X illimitatam, seu, omni destitutam initio.
Ergo linea ista a quovis in illa assumpto puncto

Acto B, versus X punctum indefinitum exporrecta, actu ipso eo usque supponitur aucta, ut augeri amplius non possit. Quoniam vero extensioni lineari rectæ composibilis est alia recta, ut ex Geometricis novimus; si linea AB versus X eo usque aucta esset, ut omnis ulterioris incrementi plane esset incapax; possideret illa, versus X, omnem possibilem linearem extensionem rectam. Nihil itaque linearis extensionis daretur amplius, quod parte ejus BC versus C addi posset, neque ergo versus X, neque versus C ullius augmenti capax esset linea ista. Itiusmodi autem lineam impossibilem esse nemo non sua sponte largitur, & ex antea (§. 687.) sufficienter demonstratis intelligit. Repugnat ergo simul existentia temporis absoluti, initio simul ac fine destituti. Merito hinc damnatus Epicureorum recentiorum opinionem, qua putant tempus esse fluxum quendam, ab omni motu diversum, ex infinitis partibus sibi invicem continuo ac immediate succedentibus constantem & quidem sine initio & fine. Merito, inquam, quum propositioni nostræ, sufficienter demonstratæ, manifesto contradicat. Deinde qui potuit esse fluxus ille ab æterno, quem hi fingunt ante mundum conditum, quum nulla res tunc extiterit fluens? Certe ens rationis est ejusmodi tempus absolutum, nec altioris conditionis est ejusmodi fluens, sine ullo fluente.

§. 916.

Non repugnat ut detur tempus absolutum,
ba-

Tempus absolute habens initium, sed sine destitutum.
lutum, sine, Est tempus absolutum duratio
non autem initio carens, non successiva (§. 909.), involvitque
repugnat. adeo successivam in existendo
 continuationem, rebus finitis attribuentiam (§. 907.). Quam ob rem, quum illa sint successiva, quorum unum post alterum existit (§. 900.), tempus absolutum, sine carens, nihil denotat aliud, quam quod cum prioribus ejus momentis in continua serie semper & constanter conjungi possint alia & alia momenta, quorum unum post alterum existere incipit; non autem quod actu ipso idque sine termino possideat omnia compossibilia momenta. Hinc ergo, quia possidere vel non possidere initium & finem, hoc est, terminos, de tempore absoluto prædicatur ratione quantitatis (§. 484), quam habet (§. 914.), neque repugnat quantitatem constanter & sine fine augere, omnis enim quantacunque fuerit augmenti est capax (§. 687. 688.); neque repugnabit statuere tempus absolutum, sine successione suæ carens. Repugnat vero temporis absoluti existentia, initio simul ac sine carentis (§. 915.), non tamen repugnat illud sine esse destitutum (per demonstr.) Nihil ergo repugnantiaæ habet statuere tempus absolutum, initio, non autem sine gaudens.

Scilicet ideo, ut antea vidimus (§. præc.), repugnat tempus absolutum, initio & sine simul

carens, quia illud quoad partem priorem consideret omnia compossibilia momenta, ut nihil eorum parti posteriori addendum restaret. Sed tempus absolutum, initium habens, fine autem carens, quoad partes posteriores, non eousque, ut ita loquar, absorpsit & exhausit omnia compossibilia momenta, quin restent aliqua, numero indefinito, parti posteriori quæ addi possint. Sic repugnat existentia lineæ, eousque versus X auctæ, ut nihil ei amplius, qua eam partem addi possit, non autem repugnat addere eidem lineæ aliam & aliam homogeneam partem successive, idque sine fine, quum eousque non concipi possit aucta, quin constanter aliquod incrementi semper sit capax (§. 688.).

§. 917.

Tempus absolutum est mensurabile. Habet enim illud quantitatem *mensurabile*. (§. 914.). Sed quod quantitatem possidet mensurabile est (§. 824.). Tempus ergo absolutum mensuram admittit.

Est hæc assertio adeo perspicua & cuivis obvia, ut nihil magis in vita communi sit frequens, quam temporis inire mensuram. Sed quæ illa sit, & quo modo determinetur, paucis evolvere conabimur.

§. 918.

Tempus absolutum metiri licet Modus generatione, quam habet ejus successio, ralis metiendi ad alia entia successiva, a nobis adi tempus. nimadversa. Enti successivo cuivis eadem competit notio (§. 901.), quodvis eodem modo,

do, ut extensum repræsentatur (§. 904.), quod aliquoties repetitum, alterum superare vel æquare potest. Successivo igitur homogeneum est aliud successivum (§. 679.). Involvit tempus absolutum durationem successivam (§. 909.), ei itaque homogeneum est ens, successive fluens. Consequenter inter tempus absolutum & alia entia successiva dari potest ratio (§. 819.). Illud ergo per rationem, quam ad hæc habet, metiri licet (§. 820.). Et quoniam hoc modo alia illa entia mensuram temporis absoluti constituunt (§. cit.), debent illa nobis cognita & perspecta esse (§. 822.).


Sed dicis alia illa entia successiva, quatenus successiva sunt, involvere etiam durationem successivam, & per consequens tempus absolutum (§. 909.): Adeoque, quum ponatur illa metiri tempus absolutum, idem est ac si statuatur tempus absolutum esse mensuram temporis absoluti, mensuram idem esse cum mensurato, quod absurdum videtur. Verum nihil est absurditatis metiri successionem per aliam successionem. Homogenea, esse debet mensura mensurato (§. 823.). Contradictionem ergo involveret, si statueretur aliud quam successivum metiri posse tempus absolutum. Longitudinem metimur in Mathematicis alia longitudine, cognitæ & determinatæ quantitatis, inde tamen nemo dixerit nos metiri idem per idem, incognitum per æque incognitum. Et si itaque largiar ens illud successivum, mensuræ loco, ad determinandam quantitatem temporis

poris absoluti, assumtum, quatenus successivum est, involvere durationem successivam, & tempus proinde absolutum; inde tamen non magis sequitur, mensuram & mensuratum esse unum idemque, quam in Geometricis, lineam rectam, quam mensuræ loco assumimus, esse unum idemque cum linea recta mensuranda.

§. 919.

Tempus absolutum mensurari Modus specialis
potest motu æquabili alicujus obje- li metiendi
cti. Ponamus objectum a, quod tempus.

instar puncti supponere licet, motu æquabili procedere in periphèria circuli, in duodecim æquales partes divisi; AB, BC, CD, DE, EF, &c. Quicquid in mundo existit, quod



omne finitum est & contingens, cui successiva duratio (§. 907.), & in tempore absoluto existere convenit (§. 909.), quicquid inquam existit, dum punctum *a* ab A per singulas peripheriæ partes AB, BC, CD, &c. revolvitur, illud coëxistit motui per has partes. Est autem hic motus successivum quid, æquabili fluens modo (per hypoth.), & quia partes peripheriæ æquales sunt (per hypoth.); æquali igitur tempore absoluto absolvit punctum *a*, motum per AB, BC, CD &c. Adeoque duratio motus per partem AB se habet ad durationem motus per AC, ut unum ad duo, ad AD, ut unum ad tria, ad AE, ut unum ad quatuor, & sic porro. Consequenter inter motum hunc æquabilem & tempus absolutum, datur ratio (§. 818.). Ostensum vero modo est tempus absolutum mensurari posse per rationem, quam habet ejus successio ad alia entia successiva, a nobis animadverta (§. 918.), & inter motum hunc æquabilem, ut ens successivum, a nobis animadvertum, tempusque absolutum datur ratio (per dem.). Hoc ergo mensurari potest motu æquabili alicujus objecti, a nobis observati & cogniti.

Convenit præsens propositio praxi communi atque vulgari, horologiis enim, quæ condimus, tempus metiri solemus, sed in illis index æquabili revolutione per peripheriam circuli, in
duo-

duodecim partes æquales, quas horas vocamus, divisi, circumfertur. Tempus igitur motu metiri solemus æquabili, quem, in horologiis antea desideratum, felici successu præstitit *Hugenius* pendulo ad horologia singulari artificio aptato. Hoc quidem in artificialibus, sed an in naturalibus detur, motus semper & ex asse æquabilis, ad quem, tanquam ad amissum, temporis periodos metiri liceat, ego statuere non aulam. Certe, quod ad motus corporum cœlestium in orbitis suis attinet, quibus, ut objectis insignioribus, & notabilioribus uti solent mortales in temporibus dimetiendis, juxta institutum Divinum Gen. 1: 14. illos ex asse æquabiles esse eo minus affirmare possumus, quo certius ex recentiorum imprimis observationibus constat, corpora ista cœlestia ob inclinationem orbitarum, magis aut minus ad figuram ellipticam accedentium, adproximationem cum aliis corporibus, indeque fluentem gravitationem, multasque alias causas, in motu nunc retardari, nunc accelerari, immo, & interdum, ut *Flamstedius* aliique observarunt, turbari. Ideoque Mathematici, quorum hæc inprimis res est, plurium horologiorum aliorumque instrumentorum, motum, quantum fieri potest, æquabilem servantium, collatione, motusque æquabilis solis ficti & inæquabilis veri comparisone, æquationes instituunt, certam temporis mensuram ut determinent.

§. 920.

Oritur hinc idea *Temporis relativi*, quod est temporis abso-

Temporis relativi definitio.

luti ad alia entia successiva ratio, a nobis animadversa. Sed quoniam motu æquabili alicujus objecti temporis instituere solemus mensuram (§. 919), dicere cum aliis licet *Tempus relativum*, sive *apparens* nihil esse aliud, quam temporis absoluti per motum scilicet æquabilem & a nobis animadversum, facta mensura.

Involvit tempus absolutum certam magnitudinem & quantitatem (§. 914), quare sine alio, mensuræ loco adsumto, distincte tradi & intelligi nequit. (§. 459.). Videmus hinc necessitatem concipiendi aliquod tempus relativum, huic satisfactorium fini, & simul addiscimus, cur quidam Philosophi, veteres præsertim, sensum communem & vulgarem, quo nonnisi ad tempus hoc relativum attendi solet, sequentes in definiendo tempore, non nisi temporis relativi notionem tradidere. *Timæus* Lacrus Pythagoreus, ὁ θεός, inquit, ἐκόσμησεν τὰς περιόδους σὺν κόσμῳ ἃ γὰρ ἦν πρὸ κόσμου ἄστρα. *Deus tempus, seu, conversiones temporis una cum mundo ordinavit. Nec enim ante mundum astra erant.* Aperte indicat se per tempus intelligere motum astrarum, seu, quod idem est mensuram temporis absoluti. Timæum ut in aliis multis, sic etiam in tempore definiendo, sequitur *Plato*, tempus statuens αἰῶνος εἰκόνα κινητὴν καὶ τὴν τῷ ὅλῳ φεραν. Quam Platonis sententiam interpretatur *Plutarchus* L. I. de Plac. Phil. cap. 21. per mobilem æternitatis imaginem, aut motus mundi intervallum. *Eratosthenes* tempus explicuit per τὴν

τὴν τῆς ἡλίου πορείαν. *Solis motum, Aristoteles L. IV. Phys. cap. 10.* testatur tempus ab aliquibus dictum *universi motum & sphaeram ipsam.* Ipse vero Aristoteles c. l. definit tempus per *num-
rum motus secundum prius & posterius,* quæ tem-
poris partes momento præsentis conjunguntur,
sicuti puncto lineæ partes. Non vero intelligit
Aristoteles numerum Arithmeticum, sed nu-
merabilitatem, hoc est, motum ipsum, quate-
nus potest numerari. Aristotelis hanc defini-
tionem, ex eo reprehendit *Straton Physicus,*
quidam ex Aristotelis successoribus, quod nu-
merus sit quantitas discreta, tempus autem con-
tinuum quid, ideoque maluit ille tempus defi-
niri per *mensuram motus & quietis.* Quod vero
utrumque vel ideo improbandum recte cen-
set *Gassendus* in *Animadv. in Libr. Laërtii* pag.
609. quod motus rectius dicatur mensura tem-
poris, quam hoc illius: omnis enim mensura
mensurato debet esse notior. Interim tamen
mirari convenit, cur multi iique Eruditissimi
Philosophi, quibus alioquin Aristotelis dogma-
ta parum jucunde sapuisse sæpissime invenimus,
hanc Aristotelicam temporis definitionem pro-
pemodum retinuerint. In his sunt *Cartesius,*
qui in *Princip. Phil. part. 1. §. 57.* dicit tem-
pus esse *numrum motus in genere,* Et *Jos.
Just. Scaligerus,* qui in *Isagog Chronolog. Ca-
non. L. II. Cap. I Def. 1.* explicat tempus per
intervallum motus cælestis. Sed his, quos modo
recensui, viris, temporis, ut satis patet, non-
nisi relativi idea, confusa autem & incomple-
ta, obversata fuit: lidem enim inter tempus
absolutum & relativum distinguere nescive-
runt,

runt, ad id unice attendentes, quod vulgus temporis titulo insignere solet, de interna ejus natura parum solliciti.

§. 921.

Tempus absolutum & relativum essentialiter non differunt.

Quia tempus relativum est temporis absoluti per motum facta mensura (§. 920.), diversam temporis speciem non designat, sed unum idemque est tempus, scilicet, absolutum, cum hoc saltem discrimine, quod eatenus dicatur relativum, quatenus nos; illud determinaturi, ad certam id referimus mensuram; eatenus vero absolutum vocetur, quatenus sine hac, quoad ipsum tempus, externa relatione, spectatur.

Monemus hoc in gratiam juniorum, qui videntes nos distinguere tempus in absolutum & relativum, putarent nos ponere duas diversas species, sub aliquo genere, cujus ideam, quia illam non dedimus, desiderarent, collocandas. Sed sunt tempus absolutum & relativum unum idemque tempus, cum externo tamen, quid diximus, discrimine. Non ergo consideramus tempus absolutum & relativum ut duas diversas species. Non itaque debuimus aliam temporis generalem tradere ideam, quam quæ notionem temporis absoluti continetur.

§. 922.

Temporis tria In omni tempore absoluto tria momenta. nimum adsunt momenta, se continuo excipientia. Tempus seorsim a rebus successi-

cessivis & finitis non existit (§. 910.). Habet vero omne tempus initium (§. 915.), ideoque ens finitum existens, aliquando existere cœpit. Sed eodem indivisibili, quod quidem cogitari solum potest, momento, quo existere cœpit ens finitum, non potest simul desinere: alias enim res aliqua, eodem indivisibili momento, adeoque simul & esse & non esse deberet, quod implicat (§. 52.). Necesse ergo est, ut circa omnem rem finitam existentem statuamus aliud esse, momentum, quo existere incipit, aliud, quo desinit, ipsaque hæc duo momenta punctum aliquod divisionis admittere, quod momentum tertium audit, & quo ens finitum neque existere incipit, neque desinit. Sed existit solum. Competit autem omni enti finito successiva in existendo continuatio (§. 907.). Hæc ergo tria momenta continuo se excipiunt, ipsamque durationem successivam (§. cit.), & tempus absolutum constituunt (§. 909.). In omni itaque tempore absoluto tria minimum adsunt momenta, se continuo excipientia.

Non nego plura in tempore dari posse momenta, sed contendo tantum tria minimum adesse debere, sine quibus nullum a nobis concipi potest tempus, simul existimans reliqua, si quæ adsunt, momenta ad hæc tria commode reduci posse. Quoniam enim tempus durationem successivam involvit (§. 909.), momenta ejus in existendo se continuo excipiunt (§. 900.).

Illā igitur aut extitēre, aut existunt, aut extitura sunt. Ad hæc ergo tria reduci potest omne tempus.

§. 923.

Præsentis, Oriuntur hinc ideæ temporis *præteriti* & *præteriti*, *præsentis* & *futuri*. Sci-
futuri defini- licet *Præteritum* momentis, quæ
nitiones, extitēre, absolvitur, *Præsens* mo-
 mento existente. *Futurum* momentis extitu-
 ris. Sed quatenus, ut antea observavimus (§. 910. 920.), tempus absolutum sine ulla facta
 relatione ad entia successiva determinate in-
 telligere haud possumus, eatenus explicare
 licet *tempus Præsens* per momentum tempo-
 ris absoluti, quod designatur per existentiam
 rei actu mihi coëxistentis. *Præteritum* per
 seriem momentorum temporis absoluti, de-
 signatam successivis, quæ existere disierunt,
 seu, ab actu in statum possibilitatis recidē-
 re. *Futurum* per seriem momentorum tem-
 poris absoluti, quæ designatur per existentias
 rerum successivarum, quæ, ut e potentia phy-
 sica ad actum deducenda considerantur.

Omne præsens tempus in puncto, nostro cogi-
 gitandi modo, indivisibili consistit. Ideoque i-
 dem est præsens in tempore, quod punctum in
 linea: Sicut enim punctum non est pars quæ-
 dam lineæ, quippe quod indivisibile concipi-
 tur, nulla tamen linea sine puncto dari & con-
 cipi potest, absolute enim infinita vel illimi-
 tata repugnat (§. 866.), & omnis ex fluxa pun-
 cti

cti oriri & generari concipitur: Sic etiam præsens, quod dicitur tempus, accurate loquendo, nulla temporis pars est; interim tamen nullum omnino tempus, nec præteritum, nec futurum daretur, si præsentis sua denegaretur existentia: Etenim & præteritum & futurum ex continuo præsentis fluxu, seu mutatione generatur, quæ, relative ad alia, in aliud præsens abit & a futuro excipitur, quod in relatione ad successive tunc coexistentia præsens dici debet, sine ulla tamen confusione præsentis, præteriti & futuri.

§. 924.

Explicuimus durationem in genere per continuationem in existendo (§. 906.). Sed quod suam continuat existentiam, aut id facit sine initio & sine suæ existentia, aut cum initio & fine, vel conjunctim, vel separatim. Si prius *Durationis Defectibilis & indefectibilis definitiones.* *Duratio* adpellari jam sivevit, *Indefectibilis*, item *Infinita*, quæ explicatur per durationem initio & fine carentem, Si posterius, *Defectibilis* vel *finita* vocari solet, consistens in duratione, quæ initium & finem habet, vel conjunctim, vel separatim.

De qualibet hac durationis specie sigillatim nobis est agendum, primum quidem de defectibili, deinde de indefectibili.

§. 925.

Quia omne existens est vel necessarium, vel

Duratio defectibilis quibus competat entibus. vel contingens (§. 625.), illi ortus & interitus repugnant (§. 671.), huic autem competere possunt uterque (§. 632.); quicquid ortum & interitum, hoc est, initium & finem in existendo habet (§. 308.), vel conjunctim, vel separatim, contingens est. Sed contingens potest existere & non existere (§. 630.), non omnia igitur simul habet, quæ habere potest, & ideo finitum est ens (§. 905.). Liquet itaque habere initium & finem in existendo vel conjunctim, vel separatim, non nisi de entibus finitis prædicari. *Quare nec duratio defectibilis valet de aliis entibus, quam finitis (§. 924.).* Duratio autem his tribuenda omnibus est successiva (§. 907.). *Successiva ergo est, quæ defectibilis dicitur.*

Durationem defectibilem enti Infinito non esse tribuendam, omnes, saltem saniores, uno faterentur ore, & qui non fateantur? Est illud Ens, ut suo demonstrabitur loco, absolute perfectum, cui præter realitates absolutas competit nihil (§. 751. 752.). Sed duratio defectibilis, quia cum defectu est conjuncta (§. 924, realitatis absolutæ titulo insigniri nequit (§. 743.). Illa ergo enti Infinito competere non potest.

§. 926.

Duratio defectibilis sub tempore absoluto continetur.

Recte hinc statuitur durationem defectibilem esse tempus absolutum, initium habens & finem vel conjunctim, vel separatim.

tim. Omnis enim successiva duratio tempus est absolutum (§. 909.), sed duratio defectibilis durationis successivæ tuetur indolem (§. 925.). Est ergo illa tempus absolutum, & quidem, initium habens & finem vel conjunctim, vel separatim (§. 924.).

§. 927.

Quoniam duratio defectibilis *Temporalitas* est absolutum, initium habens & finem vel conjunctim, vel separatim (§. 926.), videtur illa *Et æviter- nitatis natura expenditur.* triplicem admittere divisionem, nimirum esse vel *tempus absolutum*, initium simul & finem habens; vel, initium quidem, sed non finem habens, vel denique initio destitutum, finem vero possidens. Videtur, inquam, sed ubi ad prius demonstrata animum advertimus, haud obscure colligitur tempus absolutum, carens initio repugnare, etiamsi finem habere ponatur (§. 915.), tempus autem absolutum, habens initium, sed fine destitutum non repugnare (§. 916.), quem ad modum, ut quilibet sponte intelligit, non repugnat tempus utrinque terminatum. Non ergo nisi duæ restant defectibilis durationis species, quarum *altera* durationem successivam, seu tempus absolutum involvit, initium simul & finem habens; *altera* tempus absolutum dicit, initium, sed non finem habens. Prior stricto sensu *Temporalitas*, posterior *Æviterinitas*, vel etiam

iam Sempiternitas vocari solet. Est itaque *Æviternum*, quod initium durationis suæ successivæ, finem autem non agnoscit.

Æviternitas spirituum & speciatim cœlicolorum. *Æviternitas* hæc tribuitur spiritibus creatis, angelis scilicet & animabus rationalibus: Habent enim hi spiritus, quatenus creati sunt initium existentiae suæ, sed simul possident,

ut Pneumatologia docet, immortalitatem, ob quam accedente conservatrice Dei manu, sine fine durant. Eandem æviternitatem tribuunt Theologi corporibus tam beatorum, quam damnatorum post resurrectionem, illis quidem in statu semper duraturæ gloriæ, his in statu pœnarum internalium, quæ sine fine impios vexabunt. Sed dubitas, an ævum, vel æviternitas, cœlicolis attribuenda, possit, quem ad modum nos fecimus, per tempus absolutum explicari, quum post mundi interitum in beata illa, quam post hanc caducam exspectamus, vita, nullus motui astrorum detur locus. Fateor tempus illud in beata vita, ob sensum gaudii & voluptatis summæ, ab hocce nostro multum differre; attamen licet tempus externum & relativum, quod ex motu astrorum deducitur (§. 920.), cum interitu mundi cesset, cum non amplius erunt luminaria in expanso cœli; non tamen plane cessabit ac desinet tempus internum & absolutum, per quod æviternitatem explicamus. Nam quamvis in summo, coque, quod describi & enarrari nequit, gaudio collocatæ sint beatæ animæ, sunt tamen & manent Spiritus finiti, successionis ergo expertes esse nequeunt, non tantum ratione idearum

rum successivarum, quas mens finita semper producit, sed & ratione negotiorum suorum, quæ, ut scriptura docet, successive administrantur. Horum autem descriptionem, utcunque exiguam, quum ratio sibi relicta tradere nequeat, illorum, ut & temporis, post fata mansuri, explicationi ulterius non immorabimur, in viam iterum redeuntes.

§. 928.

Durationem indefectibilem, quam *Æternum* antea explicuimus, & defectibili op- *definitur.* posuimus (§. 924.), uno nomine æternitatem adpellare solent. Est ergo *Æternitas* duratio initio & fine simul carentis Hinc *Æternum* dicitur ens, quod nec initium, nec finem suæ durationis habet, seu, quod nec initium, nec finem in existendo agnoscit (§. 906.).

Habet hoc vocabulum: *æternitas*, varias apud scriptores acceptiones, nam nonnunquam sumitur *pro tempore diuturno*, ut in Scriptura Sacra frequenter. Sic leges Mosaicæ Ceremoniales æternæ dicuntur, quia diu ad adventum usque Messiae durare debebant; *Interdum pro spatio, totius vitæ curriculum æquante*, quorum pertinent æterna servitus, æterna amicitia, æternum fœdus, & alia generis ejusdem; *Nunc pro duratione, non quidem initii, finis tamen experte*; hoc est pro ipsa æviterinitate (§. 927.). Hinc adpellationem duxit vita æterna, mors æterna. Sunt hæ æternitatis acceptiones improprie,

Æternitatis variæ significationes.

priæ, proprie vero accipitur pro duratione, initii & finis simul experte. Cum qua æterni definitione prorsus coincidit illa Apostolica Hebr. VII. 3. *Neque initium dierum, neque finem ultæ Habens.* Nec differt ab illa, quam *Isidorus* tradit L. V. Orig. Cap. 38. *ævum esse ætatem perpetuam*, dicens, *cujus neque initium, neque extremitas nascitur.* Neque multum ab illa abit *Origenes* L. I. Perias. Cap. 3. *Sempiternum*, inquit, *vel æternum proprie dicitur, quod neque initium, ut esset, habuit, neque cessare unquam potest esse.* *Xenophanes*, gentilis, qui Eleaticam sectam apud Græcos condidit, licet in eo multum erraverit, omne, quod est, æternum esse itatens, vere tamen & nostræ convenienter sententiæ dixit æternum esse, *quod neque principium habet, unde extiterit, neque finem.*

Qui putant terminum durationis successionem semper involvere, recte jubent illum a notione æternitatis abesse, quam omnis successionis expertem esse mox ostendam. Nos autem, durationem in ea sumentes latitudine, qua, pro diversa determinatione, potest esse vel successiva, vel non successiva (§. 907.), non veremur, ne, adhibito durationis vocabulo, in explicanda æternitate aliquid committamus vitii.

§. 929.

Æternitas Constituitur æternitas initii & finis experte duratione (§. præc.), *est prædicatum existens.* duratio autem involvit perseverantiam in existendo (§. 907.). *Non ergo de ente predicari potest æternitas, nisi ratio-*

tione existentiae ejus. Ut adeo proprie non dicatur aliquod ens æternum, nisi quod existit.

De ente necessario, cujus essentia realiter non differt ab existentia, (§. 628.), essentialiter quidem prædicatur æternitas, non tamen conceptu formali, quatenus essentia alium, quam existentia involvit conceptum, sed, ut dixi, realiter, quatenus essentia Ejus & existentia idem sunt. Enti autem contingentì, cujus essentia & existentia realiter differunt (§. cit.), Si competere æternitas, de existentia realiter differunt (§. cit.), si competere æternitas, de existentia ejus unice prædicaretur, minime autem de essentia, prout, præcisa existentia, sumitur. Sed de hac re statim apertius.

§. 930.

Ens. Necessarium est æternum. Æternitas
Repugnant enim enti Necessario *de ente necessario* & interitus (§. 631.). Simul *cessario prædicatur.* itaque ei repugnant initium & finis existentiae (§. 308.). Est itaque æternum ens (§. 928.).

Idem indirecte sic ostenditur. Fingamus ens Necessarium non esse æternum, posset ergo aliquando non existere (§. 928.), essetque ideo non-existentia ei possibilis, per consequens, existentia eidem non esset absolute necessaria (§. 596.), quod absurdum (§. 623.). Enti igitur necessario æternitas competit.

Liquet igitur, quam dedimus, æternitatis ideam (§. 928.), non fictitiam esse, sed respon-

dentem sibi habere naturam, entis scilicet Necessarii, cui vere & realiter ea omnia insunt, quæ in data definitione enumerantur. An vero præterea competat ulli enti contingenti, statim examinabo.

§. 931.

Æternitas *Æternitas nequit esse duratio successivæ* *cessiva.* Nam si successiva esset duratio *est expers.* ratio, tempus esset absolutum (§. 929.). Quoniam vero æternitas durationem dicit, initio & fine carentem (§. 928.), esset illa, sub hac hypothese, tempus absolutum, initii & finis simul expers. Sed ejusmodi tempus est absolute impossibile quid (§. 915.), aut ergo, quia absolute impossibile est non-ens (§. 259), implicat ens æternum, ipsaque idcirco æternitas; aut concedendum æternitatem, alicui enti attribuendam, non esse successivam (§. 63. & demonstr.). Prius est absurdum, nam enti Necessario, cui existentia non repugnat (§. 623.), adeoque verum ens est (§. 226.), competit æternitas (§. 930.). Posterius ergo, ut veritati consonum, admitte debet.

Idem hoc modo demonstratur: *Æternitas*, qualem definivimus (§. 928.), non nisi ratione existentiae de ente prædicatur (§. 929.), & convenit enti Necessario, (§. 930.), quod ratione existentiae suæ est absolute immutabile (§. 629.). *Æternitas* ergo, qualis a nobis est defi-

definita, absolutam tenet immutabilitatem. Est autem omne successivum mutabile (§. 902.). Æternitas ergo, qualem definivimus, omnis successionis est expers. Sed præter æternitatem, a nobis explicatam, alia non datur, proprie loquendo, eodem digna nomine, ut ad §. 928. notavimus. Recte ergo statuimus æternitatem nullius successionis esse capacem.

Atque hoc est, quod indigitatum voluerunt, qui dixere æternitatem esse durationem invariabilem, eodem modo se semper habere, esse expertem plane omnis successionis, excludere prius & posterius, non admittere temporis vicissitudines ac differentias, consistere in unitate, esse perpetuum vov, & nunc semper stans. Metaphorico scilicet sensu, ut, quem ad modum in momento nulla est Successio, sic in æternitate nullam quoque concipi debere significarunt. Hæc doctrina, si non originem, certe tamen præcipuam sui culturam Scholæ debet Platonice. Nam Plato dicit in Timæo, id quod semper est, neque ortum habet, eodem semper modo habere. Atque porro: *Errore quodam, ait, duci homines inloquendo, qui partes illas temporis, erat & erit, in æternam substantiam imprudentes transferunt. Dicimus enim de illa, erat, est & erit, sed illi revera solum est competit: at erat & erit ad generationem, quæ in tempore procedit, referri convenit. Motus enim sunt. Quod autem semper eodem modo se habet immobiliter, neque vetustius, neque recentius esse unquam oportet; neque nunc fuisse, neque deinceps fore.* Hæc Plato. Horum locorum priorem sic declarat ejus

commentator *Proclus* L. II. in *Tim.* ut id quod semper est, procul esse ab omni vicissitudine temporis dicat. Ad posteriorem explicat discrimen inter tempus & æternitatem, hanc in eo, quod sit nunc quid consistere affirmans, illud in quodam intervallo, h. e. successivo ponens. Quibus consimilia & princeps *Platonica* sectæ, *Plotinus*, ex ipsius *Platonis* mente, compluribus in locis docet. Præsertim L. VII. cap. 3. *Enead.* contendit æternum ens, vitam, quam habet, totam possidere, neque accepisse quicquam, neque accepturum esse. His etiam conformia tradit *Chalcidius* in *Comment.* in *Timæum* *Platonis* § 2. p. 285. & §. 199. p. 250. Quo & *Numenius* accedit, *Pythagoræus* atque *Platonicus*, apud *Eusebium* L. XI. de præpar. Ens æternum stabile esse & semper in eodem statu perseverare affirmans. Præter hos *Plutarchus*, multique alii, & ex *Judæis*, *Philo*, æternitatem per partes non evolvi, sed omni differentia præteriti & futuri carere statuerunt. Transiit deinde hæc veritas ad scriptores *Ecclesiasticos*, *Platonica* inprimis *Philosophia* faventes, quos magno numero idem inculcare leges: Primum enim *Zacharias Mitylenus*, in *Dial.* de opif. Mundi, cum æternitate arcte connectit invariabilitatem. Deinde *Tertullianus* L. I. contr. *Marc.* cap. 8. pulchre ostendit in Deum non cadere tempus. Atque ideo concludit *Gregorius Nyssenus* L. I. contr. *Eunom.* nec præteritum, nec futurum in Deo dari. Quibus consentit *Augustinus* pluribus in locis, nec non *Gregorius M.* L. XVI. *Moral.* cap. 20, affirmans æternitatem semper esse habere, in qua nulla pars suæ longitudinis præterit, ut pars aliq̃ succedat,

dat, sed ejus esse, totum simul esse. Sexto, post natum Salvatorem, seculo, acute ac ingeniose pro stabili hac æternitate pugnavit *Severinus Boëtius*, qui L. V. de Consol. Phil. Prof. VI. æternitatem definit *per interminabilem vitæ totam simul & perfectam possessionem.* Hanc definitionem, agmine veluti factò, adprobarunt & Theologorum & Scholasticorum Doctores. Mansit itaque hoc dogma donec impuris suis vocibus æternitatem Dei lacerare non veriti fuerint Sociniani, successivam fingentes æternitatem, Deo attribuendam. His, in oppugnandis Dei attributis, se adjunxit *Conradus Vorstius* in Tr. de Deo & attrib. Div. fol. 226. ac ex Arminianis *Simon Episcopus*, L. IV. Instit. Theol. Sect. 2. cap. 9. & 14. Nec non *Stephanus Curcellæus*, in instit. Relig. Christ. L. II. cap. 3. Horum argumenta examinant & expendunt *Scherzerus* in Collegio Antisociniano Disp. V. Th. IV. *Hebenstreitius* in Theol. Nat. Exercit. XIV. & alii plures.

Gravissimum, quod adversariis videtur, argumentum, desumunt ex existentia Divinæ cum nostris temporibus successivis coexistentia, inferre studentes, *simultaneam Dei durationem haud esse, eo quod sic neutiquam nostræ successivæ durationi coexistere posset, nisi hoc ipso admittatur, nostrum præsens, præteritum & futurum ex flere simul, quippe quæ eidem indivisæ æternitati pariter coexistent.* Sed deest huic ratiocinio suum fundamentum, cui, tanquam majori propositioni, totum innititur. Reddere scilicet debebant Adversarii rationem, ob quam non coexistere possint entia disparis naturæ, & quorum alterum

alio se habeat modo ac alterum; nam alioquin nulla legitima ex præmissis fluit consequentia. Coëxistit permanens successivo, non tamen ideo illud in hoc, vel hoc in illud mutabitur. Sic æternitas Dei, semper sibi permanens & simultanea, coëxistit tempori nostro, non tamen ideo illa erit successiva. Lubens fateor mentem nostram, tot undiquaque circumscriptam limitibus, modum ipsum hujus coëxistentiæ distincte explicare haud posse; videntur tamen Philosophi non omnino nihil dixisse, quando contendunt *æternitatem totam coëxistere tempori, & singulis ejus partibus, præterito, præsentī, futuro.* Et partes quidem non simul sumunt, sed seorsim spectant, ita ut æternitas tota concipiatur hodie coëxistere dici hodierno, cras crastino, & sic porro. Ex quo sequitur, æternitatem, successivis temporum differentiis coëxistentem, exinde minime reddi successivam, aut vicissitudini obnoxiam, sed intrinsece competere hanc vicissitudinem creaturis, quibus coëxistit æternitas, et successionis denominationem, quæ inde in æternitatem resultat, esse extrinsecam duntaxat. Haud inepte *Guilielmus Twissus*, Reformatus Theologus, L. II. de scientia Dei med. p. 378, hanc rem illustrat. *Quem ad modum, inquit, palus, in fluvio fixus, immobiliter successive coëxistit aquis præterlabentibus, non propter successionem aliquam intrinsecam sui, sed propter successionem extrinsecam aquarum præterfluentium: ita coëxistentia Dei partes habet per denominationem extrinsecam.* Deinde observent adversarii in allata objectionē, qua nostrum præsens, præteritum & futurum simul existere, quia indivisæ æternitati coëxistunt, in-

inferre student, nullam esse sequelam, sequeretur si affirmarem Deo convenire verum aliquod præteritum & futurum, quod cum præsentis Eiusdem sit idem. Tunc enim uti Dei præteritum coincideret cum præsentis, ita quoque nostrum præteritum, quod coëxistisset præterito Divino, coincidere deberet cum nostro præsentis. Sed nunquam asseruimus, nec, ob veritatem præsentis, quam tuemur, propositionis apodictice evictam asserere possumus. Nulla ergo in adversariorum objectione est consequentia. Tandem si ulterius urgeant suam hanc objectionem, ex coëxistentia Dei cum rebus successivis deductam, quæro an ideo velint Deum extensum, quia omni extenso omnique eius parti, vi suæ omnipræsentiae, coëxistit? Negant se hoc velle, negant hoc sequi, recte quidem, sed cur non simul negabunt ex coëxistentia æternitatis cum successivis sequi illius successivam indolem? utrobique, ut vel cæcus videt, idem est argumentandi nervus. Tandem videant precor, ne plus heic tribuant imaginationi suæ, quam rectæ rationi, cuius ductu, sufficienter, ut arbitror, evicti, æternitatem non esse successivam, etsi lubens fatear nulla imaginationis vi id unquam capi posse. Instant Crellius atque Vorstius, *Scripturam S. æternitatem Dei describentem, eam nunc triplici temporum differentia complecti, quando scilicet dicit Apoc. I. 4. IV. 8. Est, erat, erit. Nunc in duas eam partes dividere, præteritum videlicet & futurum, quando ait Ps. CX. 2. quod sit a seculo in seculum. &c.* Temporibus differentias in sacris literis Deo multoties tribui fatemur, sed juxta

nobis constat eandem scripturam a Deo removere vel vicissitudinis adumbrationem & transmutationem Jac. I: 17. Quoniam verq scriptura seipsam quovis interprete clarius explicat, nec sibi unquam est inimica; eadem Deo, temporum differentias tribuens, aliud intendit nihil, quam Dei τὸ πῶν coexistere omni tempori, sine ulla existentiae suae successione. Potius itaque nostrae quam adversariorum sententiae favet Scriptura.

§. 932

Falsa æternitatis divi- Sic mere imaginaria est distin-
sio rejicitur, cam & extrinsecam æternitatem
 fingunt, quasi illa esset intrinseca entis. Necessarii duratio, omnis successionis expers; hæc autem intervallum illud, quod duratione entis Necessarii infinita trahitur: hoc est, tractus ille, uti loqui amant, durativus, externus, immensus, & ex innumeris seculis, sibi mutuo succedentibus, constans, quem extra Ens Necessarium & æternum, Ipsi æqualiter coextensum concipiunt, tanquam in quo illud inde ab æterno usque duraverit, atque etiamnum duret, ac duraturus porro sine fine fit. Vocant æternitatem hanc extrinsecam, tempus infinitum, pro cujus etiam certa quadam parte habent tempus extrinsecum. Sed duplici potissimum nomine peccat hæc extrinsecæ æternitatis appellatio: Nam primum fingitur duratio sine subjecto durante.

rante, vel, quod idem est, extra subjectum durans ponitur. Deinde retenta eadem generali æternitatis notione, prius data, statuitur successiva. Sed utrumque absurdum esse palam faciunt & declarant prius ostenta. Est duratio in genere continuata rei existentia (§. 907.). Illa ergo, extra rem existentem, nunquam concipi potest. Evicimus quoque (§. 931.) æternitatem esse durationem, omnis expertem successionis, tempusque, quod statuitur, infinitum, initio scilicet & fine simul carens, repugnare (§. 915.). Quare simul repugnat extrinseca ista, quibusdam adprobata, æternitas.

Inter alios præcipuus est Gassendus, qui hanc æternitatis divisionem sibi imaginatur. Nam L. II. Physl. cap. 7. p. 222. hæc habet verba: *Quippe & prius, quam res ullæ forent fluxisse tempus intelligimus; unde & profitemur potuisse eas prius (hoc est, tempore, seu brevi, seu longo, seu etiam æterno) a Deo produci, quam productæ fuerint; & nunc; dum res sunt, illud fluere intelligimus eodem, quo prius, tenore fluebat; & si Deus res omnes in nihilum redigat, intelligimus adhuc perinde fluxurum; ac simul capimus, si Deus reproducere eas voluerit, tempus aliquod, seu breve, seu longum inter destructionem & reproductionem interceptum iri. Atque postea: quo etiam modo tempus cum adjuncto æterni, idem est, ac æternitas, ut cum dicitur ab æterno, supple, tempore; aut in æternum, supple, tempus: Idem est enim cum eo, quod dicitur, ex omni æternitate & in omnem æternitatem.*

tem. Præter ea, quæ in allatæ divisionis refutatione modo adduximus, responsionis loco heic quoque notari merentur, quæ contra Clarkium de citiori vel tradiori creatione monuimus (§. 910.).

§. 933.

Alia æternitatis divisio arguitur falsitatis.

Multi Theologorum pariter ac Philosophorum æternitatem distinguere solent in *Fixam* & *successivam*, *illam* dicunt esse durationem invariabilem, initio & fine carentem; *hanc* variabilem, seu, *successivam*, initii licet & finis expertem. Sed mox ostendimus (§. 931.) æternitatem nullius successionis & variationis esse capacem. Non ergo nisi fixa est æternitas, nec ideo a contradictione immunis est adducta æternitatis divisio.

In controversia, quæ illis cum Socinianis est, adhibent hanc æternitatis divisionem nostri Theologi, non quod illam adprobent & veram putent, sed ut determinent terminos, de quibus cum Socinianis controvertitur, firma negantes fiducia *successivam*, quam illi somniant, æternitatem.

§. 934.

Æternitatis & temporis discrimin.

Æternitas non est tempus. Nam duplex potissimum discrimin æternitatem inter & tempus, vi eorum, quæ antea sunt demonstrata, statuere licet. Nam primum, æternitas non est duratio *successiva* (§. 932.), tempus autem ejusmodi

modi est duratio (§. 909.). Æternitas ergo non est tempus. Deinde, æternitas initio & fine suæ durationis destituitur (§. 928.), sed tempus, initio & fine destitutum dari nequit (§. 915.). Æternitas ergo non est tempus.

Quantum ab æternitate distet tempus olim perspexit Plato cum reliquis; quos antea citavi (§. 931.), æternitatis invariabilitatem temporis vero successionem recte defendentibus. Sociniani autem cum Arminianis & Petro Gasfendo æternitatem cum tempore infinito coincidere finxere; quibus hanc opposuimus thesin, qua discrimen inter æternitatem & tempus detegit.

§. 935.

*Æternitas enti finito & contin- Æternitas
genti competere baud potest. Omnis creaturis
duratio, quæ enti finito compete- communi-
re potest, successiva est (§. 907.), cari nequit.
sed æternitas duratio successiva esse nequit
(§. 932.). Enti ergo finito competere nequit
æternitas. Ens finitum non omnia actu ha-
bet, quæ habere potest (§. 905.), est itaque
mutabile (§. 592.), & proinde contingens
(§. 594.). Seu ens finitum & contingens u-
num idemque est ens. Sed enti, quatenus fi-
nitum est, repugnat æternitas (per dem.), ei-
dem ergo, quatenus contingens est, compe-
tere nequit æternitas.*

Idem alio demonstratur modo: Ponamus æternitatem enti finito competere posse. De-

notat

notat æternitas durationem, initii & finis expertem (§. 928.), duratio autem, quæ enti finito attribui potest, alia quam successiva esse nequit (§. 907.). æternitas itaque enti finito si tribueretur, durationem involveret successivam, initio & fine simul carentem. Est autem omnis duratio successiva tempus absolutum (§. 909.), æternitas igitur, enti finito si tribueretur, tempus esset absolutum, initio & fine simul carens. Ejusmodi autem tempus absolutum plane repugnat (§. 915.), repugnat ergo, ut enti finito & contingenti competat æternitas.

Alio adhuc argumento eadem ostenditur veritas. In mundo dari entia & successiva & simultanea, inter se copulata, & hunc individuum mundum constituentia, nemo vel parum attendens negat. Mundo igitur, quem contingentem esse constat, & a quovis sanæ mentis conceditur, contra negantes autem suo loco demonstrabitur, si competere posset æternitas, nec successiva nec simultanea eandem respicerent. In successivis dantur, quorum alterum alterius existentia est ratio sufficiens, idque constanter, quod ut alia rationem in generationibus hominum & animalium conspicitur. Sint hæc successiva A, B, C, D &c. si horum successivorum seriei competere posset æternitas, ratio existentia ipsius A, dependeret ex præexistente B, hujus

jus ex præexistente C, & sic in infinitum, absque ullo initio (§. 928.). Quodlibet horum successivorum ens contingens est (§. 902.). Daretur ergo, vel dari posset, sub dicta hypothese, series contingentium, in infinitum, seu, sine initio, ita currens, ut ratio existentis unius, in illa entis, in altero, sine initio daretur. Sed repugnat hoc prius de natura contingentium demonstratis (§. 633.), progressuique rationum in infinitum profligato (§. 105.). Fieri ergo nequit, ut ejusmodi successivorum seriei competat ab æterno, seu, sine initio existere. Neque igitur integro mundo idem tribui potest prædicatum.

Duplicem hæc thesis, sufficienter jam demonstrata, detegit & contundit errorem, alterum, qui ponit mundum & materiam ab externo extitisse, alterum qui actualem quidem mundo non concedit æternitatem, possibilem tamen, ponitque mundum ab æterno creari potuisse. Priori se commacularunt vitio Ægyptii & vetustissimi in Græcia Philosophi. Horum omnes, qui ex nihilo, hoc est, non existente, nihil fieri decreverunt, materiam statuisse æternam existimat *Mosheimius* in notis ad System. Intell. Cudworthi. p. 209. Qui & duplicis eos facit originis, alii, materiam seperatim extra Deum extitisse ex infinito tempore, statuebant; alii ex omni æternitate cum ipso Deo conjunctam fuisse docebant. Ad priores referuntur Stoici, qui fato materiæque Deum alligant,

runt, aliique, ut *Anaxagoras*, *Archelaus*, *Atticus*, & complures adhuc alii, immo Platonici, contententes mundum non secus ac radios e sole, ex omni æternitate, ex Deo emanasse, Deoque idcirco non tempore, sed natura, posteriorem esse. Alteram classem illi constituunt, qui semper quidem intra Deum reconditam fuisse materiam arbitrantur, at certo tamen & definito tempore ab Eo protrusam & formatam esse, judicant. Cui quidem opinioni tot inter veteres & recentiores, ipsos etiam Judæos & Christianos, favent, ut incredibile sit dictu, vid. *Hinkelmanni* detectio fundam. Boehmiani. Conferantur quoque notæ nostræ ad §. 635.

Sed qua maximam partem jam diu sepultum jacuit veterum illud de materia æterna figmentum. Potius resuscitavit recentior ætas quæstionem, magnis olim animorum motibus inter veterum Christianorum Doctores & Platonicos agitatam: *Utrum Deus ab æterno mundum condere potuerit nec ne?* Affirmativam hujus quæstionis responsionem non absurdam esse putavere *Athanasius* Orat. II. contr. Arianos, *Durandus*, *Gregorius de Valentia*, & *Svarezius*. His assensum præbent *Gassendus*. l. c. §. 9; 2. & *Scheiblerus* L. II. Metaph. Cap. 3. quorum hic ostendere conatur, nec a parte Creatoris nec a parte creati, nec a parte ipsius creationis repugnare, Deum creasse mundum ab æterno. Ex recentioribus *Syrbius* Part. II. cap. 3. Phil. Prim. §. 7, p. 400. *Jaquelottus* in dissertat. de existentia Dei, Gallicè editis p. 131. *Buddeus* in Phil. Theor. Part. III, cap. 7. §. 3. *Bülfin-*

fingerus in Dilucid. Phil. 6. 192. & complures adhuc alii, contendunt hanc quæstionem difficulter ex ratione decidi posse, nec affirmativam esse adeo absurdam. Quoniam tamen hi, Doctissimi, cetera, viri, mundi largiuntur contingentiam & a Deo dependentiam, ex iis, quæ demonstravimus, animo facile firmantur, de impossibili mundi æternitate: sunt enim hæc duo, si quæ alia, maxime contradictoria: *Mundus a Deo dependens & tamen æternus*. Prius ponit seriem successivorum, quorum alterum est ratio existentiae alterius, in infinitum retro non currere, sed ultimam existentiae rationem extra seriem istam in Creatore esse quærendam; posterius, seriem istam ita in infinitum retro exporrigi fingit, ut ratio existentiae ultima non detur, nec extra seriem reperiatur. Deus quidem ab omni æternitate est Omnipotens, inde tamen non sequitur mundum potuisse ab æterno existere. Diversa enim sunt: *mundus existens & mundus ab æterno existens*. Prius a parte rei non repugnat, posterius vero in se & sua natura contradictorium esse ostendunt a nobis demonstrata. Illud ergo omnipotentiae divinæ, quæ ad impossibilia extendi non debet, est objectum, hoc non item. Sed ajunt. *Repugnat fatemur, mundo tribuere æternitatem, qualem Deo convenire concedimus, non autem repugnat ej adsignare diversam, & indoli contingentium conformem, hoc est, successivam*. Non affirmo laudatos viros, possibilem mundi æternitatem vel defendentes, vel de ea, ut non absurda, suum suspendentes judicium, eandem Deo atque mundo tribuere æternitatem, sed illius ita-

statuere fixam & invariabilem, hujus vero variabilem & successivam. Demonstravi autem neque successivam, quæ fingitur, æternitatem mundo competere posse, immo in se implicare (§. 931.). Nihil ergo in assumpta æternitatis divisione habent præsidii.

§. 936.

Æternitas participata potest de distinctione, quam qui *rejecitur*. dam tradunt inter *æternitatem formalem*, seu, *simpliciter talem*, & *participatam*, seu, *secundum quid talem*. Illam dicunt competere enti, cui absolute repugnat non-existere, hanc, cui id non repugnat. Ens, cui non-existere absolute repugnat, necessarium est (§. 623.), cui vero id non repugnat, contingens est (§. 624.) Formalis itaque æternitas est entis Necessarii, participata entis contingentis, sed huic nulla convenit, vel convenire potest æternitas (§. 935.). Nulla ergo dari potest participata, quæ statuitur, æternitas.

Ex *Welthemii* Instit. Metaph. p. 620. & *Calovii* Metaph. div. cap. VII. de duratione, p. 363. Opp. Phil. habet hanc æternitatis distinctionem D. *Daries*, recentissimus in Metaphysicis scriptor. §. 83. Ont. p. 76. qui sibi perivadet durationem in genere esse quantitatem existentiae, darique quantitatem illimitatam, quæ vel potest, vel non potest limitari. Quoniam vero duratio in genere enti etiam competit infinito & absolute perfecto, omnis plane quanti-

titatis experti (§. 827.); durationem in genere cum quadam quantitate concipere non licet. Nec rei veritati congruit quantitatem statuere illimitatam, hoc est, eousque auctam, ut augeri amplius non possit (§. 687.). Sua itaque fundamento destituitur distinctio ista æternitatis, Domino Daries adprobata.

§. 937.

Ens æternum est ens necessarium. Æterni entis unum. Ens æternum dicitur, quod *necessitas.* nec initium, nec finem in existendo agnoscit, seu, quod æternitatem possidet (§. 928.). Sed omne ens aut est necessarium, aut contingens (§. 625.), huic æternitas competere nequit (§. 935.). Ens ergo æternum necessarium est.

Est hæc propositio, prioris, quæ æternitatem enti Necessario adjudicavimus (§. 930.), conversa, quam, nisi præmissis, quibus innitur, principiis, priori loco demonstrare non potuimus, methodo scientificæ studentes.

§. 938.

Ens Necessarium est æternum *Entis Necessarii & æterni* (§. 930.), & vicissim, æternum *entis Necessarii & æterni* (§. 937.). *identitas.* Perspicimus itaque *æternum & necessarium unum idemque ens esse, & præter ens Necessarium aliud dari æternum.*

Inter ens necessarium & æternum formale dari discrimen, diversis notionibus expressum (§. 623. & 928.), facilis concesserim, realem vero nullam hæc dari differentiam præsentī con-
fectorio ostendimus.

§. 939.

Quæ entia in tempore sint, & quæ non? *Ens æternum non est in tempore, omnia autem entia finita in tempore sunt.* Enti æterno competit æternitas (§. 928.), durat itaque sine omni successione (§. 931.). Tempus vero non datur, nisi ubi duratio est successiva (§. 909.). Ens ergo æternum non est in tempore.

E contra: Enti finito cuicunque convenit non nisi duratio successiva (§. 907.). Ei ergo, sine discrimine, omni in tempore esse competit (§. 909.).

Esse in tempore nihil involvit aliud, quam successive durare, nullum ergo ens, nisi cui successiva competit duratio, in tempore esse potest.

§. 940.

Æternitas incrementi & decrementi non est capax. *Æternitas augeri nequit & minui.* Quod initio & fine destituitur, nec initium & finem admittere potest, ei nihil addi, nihil demi potest; Nam si quid addi posset, aliquid ei deesset, & sic vel initium, vel finem haberet, vel utrumque admitteret terminum; si autem quid demi posset, aliqua jam sui parte minutum, haberet vel initium, vel finem. Neutrum ergo horum de eo statui potest, quod initio & fine destituitur. Nihil vero augeri & minui potest, nisi quod adjecto & ablato homogeneo effici possit majus

jus vel minus (§. 685.). Quod igitur initium & finem non, admittit nec admittere potest, id nullius augmenti & decrementi est capax. Est æternitas duratio, initio & fine carens (§. 928.), nec, quia non enti contingenti (§. 935.), sed enti necessario unice (§. 938.), cui non-existere repugnat (§. 623.), competit, initium & finem admittere potest. Æternitas ergo augeri & minui nequit.

Alio argumento idem ostenditur: Denotat æternitas durationem, initii & finis expertem, (§. 928.). Si itaque ullius augmenti vel decrementi esset capax, daretur homogenea duratio, quæ ei addi, vel auferri posset (§. 685.). Est autem omnis duratio vel simultanea vel successiva (§. 907.). Si ergo augeri posset & minui æternitas, aliquid durationis vel simultaneæ, vel successivæ ei addi, vel demi posset. Est duratio successiva æternitati prorsus heterogenea (§. 931.), illa igitur neque augeri neque minui potest æternitas (§. 685.). Simultaneam vero durationem æternitati addi vel demi posse, duplici implicat nomine, primum, quod si æternitas contra ea, quæ mox demonstravimus (§. 931.), per partes evolvi conciperetur, a se mutuo vel separabiles, vel separatas, prius pro ablatione, posterius pro additione: Deinde, quod simultanea duratio, quatenus alia ei addi, vel demi posset, pos-

set non omnia actu habere, quæ habere potest, non ergo esset entis infiniti (§ 95.), quod repugnat (§. 907.). Quamobrem, quia neque simultanea, neque successiva duratione, augeri potest & minui æternitas (per demonstr.), & præterea aliud durationis genus, quo augeatur, vel minuatur æternitas, non datur; liquet æternitatem augmenti & decrementi prorsus esse incapacem.

§. 941.

Æternitati Manifesto hinc colligitur *æter-*
quantitas *nitati nullam competere quantita-*
denegatur. *tem.* Hanc enim si haberet æternitas, augeri posset & minui (§. 686.), quod tamen mox demonstratis repugnat (§. 940.).

Demonstravimus antea (§. 914.), tempori, quantum successivam involvit durationem, certam competere quantitatem. Æternitas vero nec tempus (§. 934.), nec duratio successiva (§. 932.) est, sed simultanea (§. 907.). Nunquam ergo per partes se explicat & evolvit, nunquam cum magnitudine & quantitate est concipienda.

§. 942.

Æternitas est Negata & sublata quantitate,
immensa. tollitur omnis mensura, metiendique possibilitas (§. 824.), respuit vero quantitatem æternitas (§. 911.). *Æternitatem ergo vere immensam statuimus (§. 828.).*

Qui æternitatem tempus infinitum imaginantur,
can-

eandem tempus immensum adpellant, quod non improbandum ubi cum vulgo & indoctis negotium fuerit, qui confusis tantum diriguntur notionibus, ægre, quod ab imaginibus est separatum, concipientes. Absit vero eam concedamus Philosopho licentiam, qui distinctas rerum notiones investigare, & imaginarium a reali sollicitè discernere debet.

§. 943.

Quia quod immensum est, ab *Æternitatis* solutam infert perfectionem (§. *perfectio quæ?* 830.), & immensa est æternitas (§. 942.), *absolutam eadem dicit perfectionem.*

Idem evincit prius data æternitatis notio, quæ non potest non absolutam involvere realitatem: Est enim æternitas duratio, initii & finis (§. 928), omnisque successionis expers (§. 931.). Involvit ergo existentiae continuationem, in realitatibus sine dubio referendam, sine ullo ulterioris continuationis defectu, realitatemque idcirco absolutam dicit (§. 743). Liquet hinc ejus, quod antea demonstravi (§. 935.), nova ratio, cur scilicet enti finito & contingenti, cui omnis realitas absoluta, & absoluta perfectio est deneganda, communicari nequeat æternitas, enti Necessario unice attribuenda (§. 938.).

§. 944.

Nullum dari potest tempus, quo Tempus & æternitatem metiri licet. Si enim æternitas aliquod daretur tempus æternitatem metiens, esset illa mensurabi-
sunt incom-
mensurabiles

lis (§. 820.), non ergo immensa (§. 828.). Quod, per mox demonstrata (§. 942.), absurdum. Dari itaque nequit tempus, quod æternitatem metiatur.

Idem alio ostenditur modo: Est tempus duratio successiva (§. 909.), æternitas vero non est duratio successiva (§. 931.); illud initio & fine simul carere nequit (§. 915.), hæc & initii & finis prorsus est expers (§. 928.); illud est entium finitorum & contingentium (§. 939.), hæc entis necessarii (§. 938.), non autem contingentis (§. 935.). Diversissimæ ergo indolis sunt tempus & æternitas, illud ergo, utcumque repetitum hanc superare nequit, quam ob rem hæc illi prorsus est heterogenea (§. 679.), illudque idcirco hujus mensura esse nequit (§. 823.).

Idem alio adhuc demonstratur modo: Nihil aliud est metiri, quam iterata mensuræ adplicatione ad mensuratum determinare, quoties illa in hoc contineatur (§. 820.). Sit jam tempus, quantumvis magnum, æternitatis mensura, deberet ergo illud æternitati mensurandæ adplicari. Ast in æternitate non est initium (§. 928.), in quo adplicationem incipiamus. Nec concipi potest numerus, quoties mensura illa sit repetenda, ut æternitati fiat satis, finis namque in illa non datur (§. 928.). Æternitatem ergo nullum metitur tempus.

Et si

Et si æternitas, enti Necessario attribuenda, immensum adeo nostro tempore sit dispar, nihilque faciant successive existentia ad æternitatem, in se spectatam; non tamen nego, quin ad juvandum nostrum qualem cunque æternitatis conceptum, utile sit eam cogitare per relationem aliquam ad tempus, quod novimus maximæ extensionis, ita, ut mens nostra illam facilius repræsentet, nec incommode tanquam durationem excedentem omne tempus & actuale & possibile. Cogitemus sphaeram, cujus semi diameter æqualis sit distantiae telluris a proximis stellis fixis, arena adimpleri, & qualibet annorum billione elapsa, unum arenae granulum auferri, donec tandem nihil remaneat. Stupendæ magnitudinis prodit tempus: Et enim, ut antea ad §. 877. adnotavi, tanta est stellæ fixæ, quæ Sirii habet nomen, a tellure distantia, ut globus tormentarius, eadem semper celeritate, qua quolibet minuto temporis secundo sexcentos pedes percurrit, latus, eam emetiri non possit, nisi absolutis annis 104166666636. Reducitur hæc annorum numerus ad pedes, ubi ad numerum pedum, quos quolibet minuto secundo emetitur idem globus, attendimus, & simul observamus quartolibet anno adjiciendum esse diem intercalarem. Deinde ubi novimus quot digitos cubicos contineat memorata sphaera, & quot arenae granula in quolibet digito cubico comprehendantur, distincte simul scimus quam immensus prodeat annorum numerus, si, qualibet annorum billione absoluta, unum arenae granulum ex hac sphaera auferatur, donec nihil amplius remaneat.

neat. Sed hoc, quantum est tempus, non tamen sufficit æternitati exprimendæ, quæ illud immensa adhuc ratione superat. Arque jam multo magis intelliges, quid sibi velit æternitatis immensitas, a nobis adserta, cum ne tanti quidem numeri replicatione exhauriri possit. Imaginationi ergo sistitur æternitas, ut de ea cogitantes in stuporem veluti rapiamur, ubi tempus stupendæ magnitudinis distinctæ percipere conamur, idque pro mensura æternitatis accipi non posse cogitamus.

§. 945.

Questio de æternitate essentiarum expenditur. Restat in hoc capite paucis exponendum an & quousque æternitas de essentiis rerum finitarum & contingentium predicari possit?

Quocirca statim contendo æternitatem his essentiis, proprie loquendo, attribui non posse. Æternitas, proprie loquendo, competere nequit enti, nisi quatenus existit (§. 929.), hoc est, nisi cum essentia, ab æterno, conjunctam habet existentiam. Essentiæ autem rerum finitarum & contingentium ab æterno existere nequeunt (§. 935.), illis ergo, quæ proprie ita dicitur, attribui nequit æternitas. Sin veto improprio & laxo significato, nullo habito ad existentiam rerum respectu, æternum dicas, quod nullam intrinsecam admittit mutabilitatem & successionem; largior essentias rerum finitarum, quia absolute sunt necessariae (§. 609.), & immutabiles (§. 610.), proinde

indeque aliter nunquam se habere possunt, quam quo se habent modo (§. 597.), largior, inquam, eas esse æternas. Deinde si de essentiarum *tā existere, non reali & separato* extra intellectum, sed *ideali* in ipso intellectu scilicet Divino, ex quo unice dependent (conf. not. ad §. 609.), tibi fuerit sermo; concedo & simul urgeo ex prius demonstrata essentiarum absoluta necessitate (§. 609), sequi earundem æternitatem, quia ab æterno Dei intellectu dependent, & in eodem ab omni æternitate continentur, seu, in illo idealiter existunt.

Essentias rerum esse æternas in prisca *Platonis & Aristotelis* Philosophia fuit assertum, ut immotam, firmam, atque necessariam dari rerum notitiam, contra scientiarum interseccores, evincerent hi, suæ ætatis acutissimi Philosophi, quum, secundum mentem Aristotelis, *caducarum rerum neque demonstratio sit, neque scientia* L. I. Post. Anal. cap. 8. conf. L. I. Metaph. cap. 6. & L. XIII. Metaph. Cap. 4. Sed circa æternitatem essentiarum alia Platonis, alia Aristoteli fuit mens. Illi essentiarum nomine, hoc in negotio, veniebant formæ, a sensibilibus abstractæ (*ideas* ipse adpellabat); huic formæ sensibilibus immersæ. Illi essentia erant æternæ, quia *mundum intelligibilem*, in quo *ideæ*, huic vero, quia *mundum sensibilem* faciebat æternum. Sed quoniam formas non perinde corruptibiles ponere potuit Aristoteles in mundo sensibili & sublunari, ut Pla-

to in intelligibili; ideoque coactus fuit eis tribuere æternitatem non *puram*, ut Plato fecit, sed *impuram*, hoc est, corruptibilitati permixtam. Quod ipse sic enunciavit: *esse eas incorruptibiles per se, corruptibiles per accidens*, culpā videlicet compositi, quod per se corrumpereetur. Ac similiter dixit eas per accidens esse generabiles. Vid. *Jacob Thomafius* in Dilucid. Stahlianis p. 22. Sed ut melius intelligas æternitatem essentiarum, his Philosophis adprobatam, observes cum eodem Thomasio l. c. p. 24. essentias rerum trifariam considerari potuisse: 1:o) *Ut sunt in Deo*, 2:o) *ut in creaturis*, 3:o) *ut extra Deum pariter ac creaturas*. Quod non ita capiendum volo, quasi status earum, ut ita loquar, vere sit triplex, tertius enim hic, ut mox patebit, est fictitius; sed ut melius intelligantur Philosophi, essentiarum statuentes æternitatem. Disputant inter se viri, in veterum scriptis egregie versati, quo sensu statuerit Plato ideas, seu, essentias rerum æternas, an ut in Deo, an ut extra Deum & res creatas? Nam in eo facile conveniunt non voluisse Platonem idearum realitatem in ipsis rebus creatis quærere. Qui *Mosheimio* in notis ad Cudworth. p. 651. & 662. favent, existimant non tam verba Platonis & assecularum, sed potius mentem viri esse spectandam; ei, quia acri ingenio & acuto judicio præditus erat, non tam absurdam & ineptam adfingendam esse opinionem de mundo intelligibili; seu, secunda, quam statuit, Trinitatis Personæ, quasi ideis, seorsim existentibus, esset coagmentata; exstare apud Platonem ejusque amicos magnam vim di-

dictorum, quæ nihil aliud sibi velle hanc sectam declarent, quam hoc; non extra sed intra divinum intellectum ex omni æternitate fuisse rerum universalium ideas, ut in animo fabri est idea operis, quod meditatur. Certe si hæc fuit Platoni, circa æternitatem idearum, mens, non modo nihil habet absurdi, sed & veritati quam maxime est congrua: recte enim statuitur essentias rerum in intellectu Divino contineri, & hoc sensu, ideali videlicet, æternas esse. Hæc explicandi ideas Platonis sententia non placet Jacobo Brückero in Hist. Critica Philosoph. T. I. p. 697. & seq. qui monet non confundendas esse notiones animæ Logicas, si-
 ve τὰ εἶδη, cum ideis Physicis, seu, Metaphysicis, non illas, sed has, per emanationem e Divino intellectu eductas, separatim extra intellectum Divinum existere statuisse Platonem, esse itaque has ideas *æterna rerum sensibilibus exemplaria*, quæ propria subsistentia gaudent, & ratione atque intelligentia continentur; essentia, quæ peculiari gaudeant substantia, in regione tamen idearum, seu, λόγῳ Dei comprehensa. Ita Plato ipse in Timæo, vocat has ideas æternas, eodem se semper modo ἔσθ' ὁμοίως se habentes; speciesque, quæ semper eadem sunt, sine ortu atque interitu, quæ nec accipiunt quidquam aliunde, nec ipsæ procedunt ad aliud quidpiam, sensuque corporis nullo percipiuntur, ἔσθ' ἀπὸ τῆς αὐτῆς νοῦς. Et in Parmenide hanc habet Plato idearum definitionem: ἐστὶ γένος πᾶσι καὶ ἑκάστω, καὶ ἑστία αὐτῇ καθ' αὐτήν, est genus rei uniuscujusque ἔσθ' ἡ οὐσία ἡ αὐτὴ ἐκ τῆς αὐτῆς. Aristoteles, qui præceptorem suum, Platonem, opu-

pugnandum sumfit, & plenius ac nos mentem ejus intelligere potuit, haud obscure in Metaphysicis indicat Platonem *ideis suis æternis separatam & a Deo, & a creaturis attribuisse existentiam*. His accedit, quod *Cudworthus* in System. Intellect. p. 649. observat ideas, in mundo intelligibili Platonis comprehensas, esse tot Deos minores, quos intelligibiles quidam Platonici vocant, a prima tamen Trinitatis Persona genitos & productos, ut ex *Proclo* in Platonis de republ. libros, & *Plotino* colligitur. His, ubi addimus, quod appositæ ad rem præsentem monet *Jacobus Thomassius* Orat. XIII. p. 299. & loco prius citato p. 23. timuisse Platonem in Deo ideas multiformes ponere, quia Deus simplex est, nec multitudo in Eo locum habet, vel aliquod coagmentatum, sed in mente, a Deo proxima, quam & *mundum intelligibilem* vocat, alicubi & *Filium Dei*, item *Deum Secundum*. Nimirum tres Deos agnoscebat, eosque impares inter se. Nec dubium, quin ex hac Philosophia pullulaverit Arianismus, ac similes pestiferæ hæreses, ubi, inquam, hoc addimus, multum causæ deprehendimus Brückerum habere statuendi Platonem suis ideis vel essentiis æternam existentiam, non in Deo idealem, nec in creaturis realem, sed extra Deum & creaturas, & nihilo tamen secius realem. Facile vero agnoscimus hujus sententiæ absurditatem: Ponit enim ideas esse a Deo productas, adeoque non posse non finitas esse & contingentes, quibus æternam attribuere non licet existentiam (§. 935.). Taceo alias, quæ ex Platonis sententiâ, fluunt absur-

absurditates, concludo solum essentias rerum, eo, quem voluit Plato, sensu, nunquam statuendas esse æternas. *Aristotelem*, cui, ut jam observavimus, essentiarum nomine veniunt formæ, sensibilibus immersæ, eas extra Deum considerasse, & impuram, hoc est, corruptibilitati permixtam, eis assignasse æternitatem, nemo ambigit. Nec minus certum videtur Platoniciis ideis valde affinia inter Scholasticos, ut perhibent, statuisse *Scotum* (quem tamen post alios excusat *Theoph. Raymaudus* Dist. VIII. Theol. Nat. N. 13.), *Henricum Gandavensem*, & nonnullos alios, qui arbitrati sunt creaturas ab æterno habuisse quoddam esse reale actuale, extra Deum, quod vocaverunt *esse essentiae*, & ab *esse essentiae* separarunt. His oppido absurdis, inter Scholæ doctores se opponunt *Nominales*, seu, *Oceanistæ*, prorsus negantes essentiarum æternitatem. Neutra vero Thomæ & asseclis probatur opinio, qui æternas quidem volunt rerum essentias, sed ut intra Deum, h. e. in intellectu Ejus idealiter spectatas. Et hoc sensu nos cum aliis Christiani orbis Doctoribus, defendimus essentiarum æternitatem, non quod ab æterno, vel intra, vel extra Deum actu ipso existerint, sed quod in meris rerum possibilitatibus comprehensæ, immutabiliter & necessario, in æterno Dei intellectu, repræsententur. Nihil itaque, ut quidam putant, hoc dogmate præter Deum facimus æternum, sed solum æternas tuemur Divini intellectus repræsentationes.

CAPUT. IV.

DE

MOTU ET COMPOSITORUM
MUTATIONIBUS.

§. 946.

*Cut & quo-
modo heic de
motu agatur.*

Quamvis doctrina de motu, qua singulas, quibus continetur, circumstantias, conditiones, & causas, effectusque singulos, propriam in Physicis inveniat sedem; quatenus tamen Metaphysicus plenariam compositorum in genere exhibere non valet theoriam, eorum, quæ ex illa fluunt, usui multum subservituram, nisi præmissa motus notione in genere, illam, & quæ inde sine magno deducuntur circuitu, suo jam diu ad propriare siveit foro, speciali motus expositione Physico reservata.

§. 947.

*Motus, quietis
& mobilis de-
finitiones.*

Ubi observamus corpus A, re-
lictæ loco *b*, per *c*, ad *d* transfer-
ri, corpus A moveri dicere so-
lemus. Est itaque *Motus* continua loci mu-
tatio. *Quies* autem permanentia in eodem lo-
co. Ipsumque corpus A, quod locum mu-
tat, seu, movetur, *Mobile* appellari solet.

Est

Est hæc motus notio, usu maxime recepta, licet non negem alias tubinde induere idem vocabulum acceptiones. Nam 1.^o) sumitur *pro transitu quovis rei ab uno in alium statum*. Sic creatio, ut & quævis rei productio, immo mutatio, motus dicitur. Hoc sensu Deus vocatur Aristoteli *Primus motor*, non modo quod primus res moveat, sed etiam quod eas produxit. 2.^o) *Pro transitu rei existentis, præsertim corporeæ, ab uno in alium statum, abstrahendo ab eo, quod fit in instanti, vel successive*. Hoc sensu generationem quamvis motum adpellant. 3.^o) *Pro transitu per se successive rei existentis ab uno termino ad alterum*. Sicque accretio & alteratio sunt motus quædam species. 4.^o) *Pro motu locali, quæ hujus loci est acceptio*. Quoniam omnes mutationes, quas subeunt corpora & entia composita, motu fiunt & peraguntur, ut mox demonstraturi sumus clarius; recte judicant oculatiores, tres illas priores motus acceptiones, quatenus de mutationibus compositorum naturalibus sumuntur, sub motu locali, quo mediante instituuntur, comprehendendi. Quæris, anne sufficiat in definiendo motu dicere illum esse *mutationem loci*? Postulas ergo rationem, cur addatur, mutationem hanc debere esse continuam. Attendas itaque & intelliges prægnantem facti causam. Mutatio continua opponitur interruptæ, & ei, quæ per saltum fieri ponitur. *Saltus* est, cum mobile A è loco *b* in alium *f* pervenit, interjacentes *c*, *d*, *e*, non percurrens. An unquam concipere vales mobile A è loco *b* in *f* pervenire posse, non percurrendo partes intermedias? minime. Sic enim daretur quid ratione

nc

ne sufficiente destitutum, quod implicat (§. 95.).

§. 948.

Cui Competit. Quilibet, vel me tacente intelligit moveri, git, mutari locum non posse, nisi quod sit in loco, quare quum corpora in loco sint, non autem, quæ non sunt extensa (§. 899.); *corporibus competit moveri, non autem enti non-extenso* (§. 947.).

Observe tamen nos heic agere de motu locali, quem non-extensis denegamus. Quid vero de motu non locali sit sentiendum docebitur D. V. in Tomo IV.

§. 949.

Motui tribuitur duratio. *Motui competit aliqua duratio.* Est enim motus mutatio loci (§. 947.); non possibilis, sed actualis, seu, actu existens: aliud quippe est mobilitas, aliud morus, illa possibilitatem mutandi loci dicit, hic possibilitatis illius complementum, seu, actualitatem infert, prout vel consula motus notio cuivis facile insinuat. Est vero motus mutatio loci continua (§. cit.). Involvit ergo continuationem existendi in diversis locis. Quam ob rem, quum existendi continuatio duratio sit (§. 906); perspicuum est motui certam competere durationem.

Non confundas durationem cum motu, vel putes omnem durationem motu absolvi. Nam durat etiam, quod in absoluta quiete est positum, modo

modo existat. Convenit quoque duratio enti infinito, cui tamen motum localem nemo assignet.

§. 950.

Motus est ens successivum. Quo- *Motus est*
niam mutabile diximus (§. 592.), *successi-*
quod potest fieri diversum ab eo, *vum quid.*
quod est; mutatio est illa affectio, qua quid
fit diversum ab eo, quod erat. Denotat mo-
tus continuam loci mutationem (§. 947.),
adeoque continuo in alio & alio loco exi-
stit mobile, & per consequens, non simul, sed
successive in diversis existit locis (§. 900.).
Exprimit Definitio, ut Logica docet, defi-
niti essentiam, vel quod loco essentiae stare
potest, successivæ igitur hæc in diversis locis
existentiæ, ex motus definitione, uti jam
patet, deductæ; non possunt non motus
constituere determinaciones essentielles, qua-
rum altera alteram in existendo excipit. Est
itaque motus ens successivum (§. 902.).

Exemplum hinc entis successivi exhibitori ad
motum provocavimus (§. 902.). Neque re-
pugnat quod in prioribus exempli loco allega-
gatur, demonstratione munire in sequentibus.

§. 951.

Facile hinc deducimus *omnem In tempore*
motum fieri in tempore, seu, quod *fit motus.*
idem est, *motui competere esse in tempore.*
Motui, qui ens successivum est (§. 950.).

— K

compe-

competit certa duratio (§. 949.). quæ ergo alia, quam successiva esse nequit. Est autem tempus successiva duratio (§. 909). Motui itaque competit esse vel fieri in tempore.

Putavit olim *Cartesius* cum ætælis ab hac lege excipiendam esse luminis propagationem, quam credidit non successivam, sed instantaneam. Patemur maxima celeritate lucem ab astris ad nos pervenire, hoc tamen non obstat, quominus defendamus motum luminis successivum, quum impossibile sane sit concipere motum, successionis expertem. Observavit de cetero *Dominus Romerus* Eclipses Satellitum Jovis, cum terra inter Jovem & solem posita est, septem circiter vel octo minutis citius accidere, quam secundum tabulas fieri debebant. Ubi autem terra, ex adverso, Jovi ultra solem opposita est, tum easdem eclipses, septem fere, vel octo minutis tardius contingere, quam secundum tabulas debebant, non sane alia de causa, quam quod lumen satellitum in posteriori casu, spatium, diametro orbis magni longius, quam in casu priori, emittitur. Colligit hinc *Illustris Newtonus* in præclaro Optices Opere Prop. XI. p. 236. luminis convenire successivum motum, & in transitu suo de sole in terram septem circiter vel octo minuta impendere.

§. 952.

Motus ab- Diximus motum esse continu-
soluti & am loci mutationem (§. 947.).
 est

est autem locus vel absolutus, vel *relativus*. (§. 890.). Datur ergo *definitio* motus & *Absolutus* & *Relativus*, *nes*.
 ille est loci absoluti, hic relativus mutatio.
 Eodem sensu distinguitur quies in *Absolutam* & *Relativam*, illa explicatur per permanentiam in eodem loco absoluto, hæc per perseverantiam in loco relativo.

Sic absolute movetur, qui in navi sedens, eundemque, quoad latera navis, partesque in illa contentas, servans situm, una cum navi mota in diversas spatii absoluti partes fertur. Si autem idem mutat situm, quoad reliqua cum in navi circumambientia corpora, quæ situm suum non variant, relative movetur.

§. 953.


Quia non repugnat, ut maneat *Possibilis* idem locus relativus, etsi absolutus *est motus* mutetur (§. 891.), possibile *absolutus* est, ut moveatur corpus absolute *sine relativo*. licet relative quiescat (§. 952.).

Ex. gr. Qui in navi eundem servat situm, quoad latera navis, & res in illa comprehensas, relative in navi quiescit, etsi una cum navi absolute moveatur.

§. 954.

Non autem potest unum idem *Motus* *que corpus relative moveri, & relativus si* *absolute quiescere, seu, quod idem* *ne absolu-* *est, motus relativus non datur* *tonenda-* *sine absoluto.* Exhibeat periphe- *tur.*

ria circuli; cujus centrum C , spatium absolutum, existant in hoc corpora $A, B, F,$



$E, D,$ quæ certam ab A teneant distantiam, qua locus ipsius A relativus determinatur

(§ 896).

Fieri autem

potest ut locus corporis A relativus mutetur, etsi absolutus idem maneat (§. 892.).

Transeat itaque D in d , E in e F in f , B in b , liquet horum corporum distantias ab A esse jam mutatas. Atque adeo corpus A non habere amplius eundem locum relativum

(§. 896). Retinet vero A eundem locum absolutum (per hypoth.), & ideo absolute quiescit (§. 952.).

Neque ipsorum B, E, F, D , ab A , distantiarum mutatio, qua locus &

A relativus mutatur, corpus A afficit, ita, ut ei imprimat aliquam mutationem vel internam vel externam, quod & per se est evi-

dens,

dens, & ex reali differentia inter locum, tam absolutum, quam relativum & corpus (§. 897.), haud obscure colligitur. Sed ex definitione motus data (§. 947.) perspicuum est, corpus non moveri, nisi quatenus actu ipso mutet suum locum. Hoc igitur casu nullus est in corpore A motus, consequenter, nec absolutus, nec relativus (§. 952.). Fieri itaque nequit ut corpus relative moveatur, & absolute quiescat.

Huic enunciato constans respondet experientia. Exhibeat circulus propositus mensam rotundam, corpora A, B, F, E, D, personas mensæ affidentes. Licet personæ hæc D, B, E, F mutant sua loca, indeque locus relativus personæ A mutatus videatur, nemo tamen nostrum dicit personam A, quæ eidem mensæ pæncto constanter affidet, ullo motam esse modo. Idem in aliis omnibus obtinet exemplis, ut adeo tuti colligamus motum relativum non dari, nisi simul detur absolutus.

§. 955.

Quia motus relativus non datur sine absoluto (§. 954.), *omne quod movetur corpus debet absolute moveri (§. 952.), consequenter, quum motus absolutus consistat in mutatione loci absoluti (§. cit.), omnis mutatio loci absoluti motum ita infert, ut sine illa, huic non detur locus.*

§. 958.

II. modus. Si quedam coëxistentium congeries spectatur tanquam ens unum. & ad alia coëxistentia refertur, quæ loca sua non mutant, atque illius ad hæc distantia mutantur, congeries ista coëxistentium movetur. Quoniam coëxistentium congeries spectatur tanquam ens unum (per hypoth.), eidem existens unum A substituere licet. Sed si unum existens A mutat distantias quoad existentia B, D, E, quæ loca sua non mutant, movetur idem A (§. 957.). Si ergo integra coëxistentium series, quoad alia coëxistentia fixa, distantias mutat, movetur eadem series.

Hoc modo tribuimus homini cum aliis, in navi constitutis, motum, quatenus illam distantias à litoribus mutate deprehendimus, litora cum arboribus, quæ in illis crescunt, tanquam fixa & immota spectantes. Spectatori, in navi locato, litora aliaque corpora circumjacentia moveri quidem videntur, eadem, qua navis fertur, celeritate, & in contrariam plagam. Sed hujus adparentiæ ratio ex Opticis facile depromitur. Quoniam enim omnia, quæ videntur, corpora, imaginem sui in fundo oculi depingunt, quæ quiescente quiescere videtur objectum, & illa mota, hoc moveri videtur, omnes vero partes, in navi collocatæ eundem inter se & ad oculum observant situm, litora autem, vel potius navis quoad litora, variant situm, quoad oculum; litorum ergo, non ipsius navis

navis motum percipit idem oculus. Eadem est causa cur homines telluris, cujus superficiem insistant, non sentiant motum, arbitantes stellas, quæ fixæ sunt, perpetua ferri revolutione.

§. 959.

Si B, D, E, eandem inter se III. modus. invicem distantiam servant, ipsius vero A ab iisdem distantia mutantur, estque ratio mutationis in A, A movetur. Quia enim distantia inter B, D, E, non mutantur, distantia tamen inter A & B, A & D, A & E, mutantur (per hypoth.); quia etiam mutatio distantia infert mutationem loci absoluti, ut ex iis liquet, quæ in §. 957. ostendimus; aut ergo locus ipsorum B, D, E absolutus mutantur, aut ipsius A, aut hujus & illorum simul, plures non esse possibiles casus quilibet ex hypothese data facile intelligit. Est per hypothese ratio mutationis in A tantum, non vero in B, D, E, neque in B, D, E, & A simul, nullaque, ut quis dabit (§. 95.), sine ratione sufficiente, locum invenit mutatio loci absoluti. Non ergo nisi A mutat locum suum absolutum, & per consequens movetur (§. 955.).

Plura hujus rei ex Astronomicis peti possunt exempla. Notum est nos, loca reliquorum siderum in cælis determinaturos; illa referre ad stellas fixas, eandem inter se servantes distantiam. Quare ubi observamus cometam in

ne sufficiente destitutum, quod implicat (§. 95.).

§. 948.

Cui Competit Quilibet, vel me tacente intelligat moveri. git, mutari locum non posse, nisi quod sit in loco, quare quum corpora in loco sint, non autem, quæ non sunt extensa (§ 899.); *corporibus competit moveri, non autem enti non-extenso* (§. 947).

Observe tamen nos heic agere de motu locali, quem non-extensis denegamus. Quid vero de motu non locali sit sentiendum docebitur D. V. in Tomo IV.

§. 949.

Motui tribuitur duratio. *Motui competit aliqua duratio.* Est enim motus mutatio loci (§. 947.), non possibilis, sed actualis, seu, actu existens: aliud quippe est mobilitas, aliud motus, illa possibilitatem mutandi loci dicit, hic possibilitatis illius complementum, seu, actualitatem infert, prout vel consula motus notio cuivis facile insinuat. Est vero motus mutatio loci continua (§. cit.). Involvit ergo continuationem existendi in diversis locis. Quam ob rem, quum existendi continuatio duratio sit (§. 906.); perspicuum est motui certam competere durationem.

Non confundas durationem cum motu, vel putes omnem durationem motu absolvi. Nam durat etiam, quod in absoluta quiete est positum, modo

modo existat. Convenit quoque duratio enti infinito, cui tamen motum localem nemo attinget.

§. 950.

Motus est ens successivum. Quo. *Motus est* niam mutabile diximus (§. 592.), *successivum* quod potest fieri diversum ab eo, *quid.* quod est; mutatio est illa affectio, qua quid fit diversum ab eo, quod erat. Denotat motus continuam loci mutationem (§. 947.), adeoque continuo in alio & alio loco existit mobile, & per consequens, non simul, sed successive in diversis existit locis (§. 900.). Exprimit Definitio, ut Logica docet, definiti essentiam, vel quod loco essentiae stare potest, successivæ igitur hæ in diversis locis existentiae, ex motus definitione, uti jam patet, deductæ; non possunt non motus constituere determinationes essentielles, quarum altera alteram in existendo excipit. Est itaque motus ens successivum (§. 902.).

Exemplum hinc entis successivi exhibituri ad motum provocavimus (§. 902.). Neque repugnat quod in prioribus exempli loco allegatur, demonstratione munire in sequentibus.

§. 951.

Facile hinc deducimus *omnem* In tempore *motum fieri in tempore*, seu, quod *fit motus.* idem est, *motui competere esse in tempore.* Motui, qui ens successivum est (§. 950.).

— K

compe-

competit certa duratio (§. 949.), quæ ergo alia, quam successiva esse nequit. Est autem tempus successiva duratio (§. 909). Motui itaque competit esse vel fieri in tempore.

Putavit olim *Cartesius* cum ætæ ab hac lege excipiendam esse luminis propagationem, quam credidit non successivam, sed instantaneam. Patemur maxima celeritate lucem ab astris ad nos pervenire, hoc tamen non obstat, quominus defendamus motum luminis successivum, quum impossibile sane sit concipere motum, successionis expertem. Observavit de cetero *Dominus Romerus* Eclipses Satellitum Jovis, cum terra inter Jovem & solem posita est, septem circiter vel octo minutis citius accidere, quam secundum tabulas fieri debebant. Ubi autem terra, ex adverso, Jovi ultra solem opposita est, tum easdem eclipses, septem fere, vel octo minutis tardius contingere, quam secundum tabulas debebant, non sane alia de causa, quam quod lumen satellitum in posteriori casu, spatium, diametro orbis magni longius, quam in casu priori, emittitur. Colligit hinc *Illustris Newtonus* in præclaro *Optices Opere* Prop. XI. p. 236. luminis convenire successivum motum, & in transitu suo de sole in terram septem circiter vel octo minuta impendere.

§. 952.

Motus ab- Diximus motum esse continu-
soluti & am loci mutationem (§. 947.),
 est

est autem locus vel absolutus, vel *relativi*,
relativus (§. 890.). Datur ergo *definitio*
motus & *Absolutus* & *Relativus*, *nes*.

ille est loci absoluti, hic relativi mutatio.
Eodem sensu distinguitur quies in *Absolu-*
tam & *Relativam*, illa explicatur per per-
manentiam in eodem loco absoluto, hæc
per perseverantiam in loco relativo.

Sic absolute movetur, qui in navi sedens, eun-
demque, quoad latera navis, partesque in il-
la coprentas, servans situm, una cum navi
mota in diversas spatii absoluti partes fertur.
Si autem idem mutat situm, quoad reliqua
cum in navi circumambientia corpora, quæ
situm suum non variant, relative movetur.

§. 953.


Quia non repugnat, ut maneat *Possibilis*
idem locus relativus, etsi absolu- *est motus*
tus mutetur (§. 891.), possibile *absolutus*
est, ut moveatur corpus absolute *sine rela-*
licet relative quiescat (§. 952.). *tivo*.

Ex: gr. Qui in navi eundem servat situm, quo-
ad latera navis, & res in illa comprehensas, re-
lative in navi quiescit, etsi una cum navi ab-
solute moveatur.

§. 954.

Non autem potest unum idem- Motus re-
que corpus relative moveri, & lativus si-
absolute quiescere, seu, quod idem ne abso-
est, *motus relativus non datur* *lutione*
sine absoluto. Exhibeat periphe- *non da-*
tur.

ria circuli; cujus centrum C , spatium ab-
solutum; existant in hoc corpora $A, B, F,$



E et D ,
quæ cer-
tam ab
 A tene-
ant di-
stanti-
am, qua
locus
ipsius A
relati-
vus de-
termi-
natur

(§. 896).

Fieri au-

tem potest ut locus corporis A relativus mu-
tetur, etsi absolutus idem maneat (§. 892.).

Transseat itaque D in d , E in e , F in f , B in b ,

liquet horum corporum distantias ab A esse
jam mutatas. Atque adeo corpus A non ha-

bere amplius eundem locum relativum
(§. 896). Retinet vero A eundem locum

absolutum (per hypoth.), & ideo absolute
quiescit (§. 952.). Neque ipsorum $B, E, F,$

D , ab A , distantiarum mutatio, qua locus &
 A relativus mutatur, corpus A afficit, ita,

ut ei imprimat aliquam mutationem vel in-
ternam vel externam, quod & per se est evi-
dens,

dens, & ex reali differentia inter locum, tam absolutum, quam relativum & corpus (§. 897.), haud obscure colligitur. Sed ex definitione motus data (§. 947.) perspicuum est, corpus non moveri, nisi quatenus actu ipso mutet suum locum. Hoc igitur casu nullus est in corpore A motus, consequenter, nec absolutus, nec relativus (§. 952.). Fieri itaque nequit ut corpus relative moveatur, & absolute quiescat.

Huic enunciato constans respondet experientia. Exhibeat circulus propositus mensam rotundam, corpora A, B, F, E, D, personas mensæ affidentes. Licet personæ hæc D, B, E, F mutant sua loca, indeque locus relativus personæ A mutatus videatur, nemo tamen nostrum dicit personam A, quæ eidem mensæ pñecto constanter affidet, ullo motum esse modo. Idem in aliis omnibus obtinet exemplis, ut adeo tuti colligamus motum relativum non dari, nisi simul detur absolutus.

§. 955.

Quia motus relativus non datur sine absoluto (§. 954.), *omne* ^{vetur, lo-} *quod movetur corpus debet abso-* ^{cum abso-} *lute moveri* (§. 952.), consequenter, quum motus absolutus consistat in mutatione loci absoluti (§. cit.), *omnis mutatio loci absoluti motum ita infert, ut sine illa, huic non detur locus.* ^{tabit.}

Recte quidem ex mutatione loci relativi colligitur ad motum, sed non nisi in iis casibus, ubi locus absolutus simul est mutatus, quod, ut alia taceam, modo ostensa (§. 254.) perspicue declarat.

§. 956.

Ad quæ attendere debet motum observaturus. Quoniam spatii absoluti partes sunt uniformes (§. 885.). & ideo a nobis ut a se mutuo diversæ observari nequeunt (§. 884.), quia etiam motus absolutus est mutatio

loci absoluti (§. 952.), qui est pars spatii absoluti (§. 890.); motus absolutus a nobis observari nequit, nisi relatione facta ad situm cum aliis corporibus, qui locum relativum efficit (§. 895. 890.), mutari qui potest non variato absoluto (§. 892.), sine cujus tamen mutatione nullus datur motus (§. 955.). Ut ergo sentiamus aliquod corpus reipsa motum esse, vel moveri, necesse est attendamus ad situm ejusdem cum aliis, & ex illius mutatione non qualicunque (quævis enim loci relativi mutatio, ut modo observavimus, non infert motum ejus, cujus situs cum aliis est mutatus), sed certis & determinatis instituta modis, ad motum corporis colligamus.

Hos modos pro more suo, hoc est, nervose & erudite, evolvit *Illustris Wolfius* in *Ontol.* §. 643. & seqq. cujus ergo ductum sequamur, de illis quædam tradituri.

§. 957.

§. 957.

Si fuerint coëxistentia A, B, 1. modus D, E. & aliunde certum sit B, D, colligendi E, loca sua non mutasse, di- ad motum stantia tamen ipsius A, à ceteris corporis. B, D, E, mutata deprehenditur; A motum fuit. Etenim quum corpus A hoc momento non easdem habeat distantias, à B, D, E, quas ante habuerat, B tamen D & E, loca sua non mutarint (per hypoth), adeoque easdem à se distantias habeant nunc, quas antea tenuerunt (§. 896); inter A & B, A & D, A & E, aliud jam interponi potest extensum majoris vel minoris magnitudinis, quam antea (§. 873.), adeoque inter eadem datur jam spatium absolutum, vel majus, vel minus (§. 877.). Quare non potest non idem A, alium jam occupare locum absolutum, quam antea (§. 890.). Motum itaque est A corpus (§. 955.).

Hoc principio utuntur Astronomi, corpori cœlesti, verb. gr. cometæ motum attribuentes: Ponunt enim stellas fixas, eandem inter se servare distantiam, deinde ex mutata sideris à fixis distantia ad ejus motum rectissime colligunt, tacite supponentes hanc generalem, quam evicî, propositionem, cujus propria in Metaphysicis est sedes. Specialem ergo vides casum, quo Astronomiæ inservit Metaphysica, omnimodam illi concilians certitudinem.

K 4

§. 958.

§. 958.

II. modus. Si quedam coëxistentium congeries spectatur tanquam ens unum. & ad alia coëxistentia refertur, quæ loca sua non mutant, atque illius ad hæc distantia mutantur, congeries ista coëxistentium movetur. Quoniam coëxistentium congeries spectatur tanquam ens unum (per hypoth.), eidem existens unum A substituere licet. Sed si unum existens A mutat distantias quoad existentia B, D, E, quæ loca sua non mutant, movetur idem A (§. 957.). Si ergo integra coëxistentium series, quoad alia coëxistentia fixa, distantias mutat, movetur eadem series.

Hoc modo tribuimus homini cum aliis, in navi constitutis, motum, quatenus illam distantias à litoribus mutate deprehendimus, litora cum arboribus, quæ in illis crescunt, tanquam fixa & immota spectantes. Spectatori, in navi locato, litora aliaque corpora circumjacentia moveri quidem videntur, eadem, qua navis fertur, celeritate, & in contrariam plagam. Sed hujus adparentiæ ratio ex Opticis facile depromitur. Quoniam enim omnia, quæ videntur, corpora, imaginem sui in fundo oculi depingunt, quæ quiescente quiescere videtur objectum, & illa mota, hoc moveri videtur, omnes vero partes, in navi collocatæ eundem inter se & ad oculum observant situm, litora autem, vel potius navis quoad litora, variant situm, quoad oculum; litorum ergo, non ipsius navis

navis motum percipit idem oculus. Eadem est causa cur homines telluris, cujus superficiei insistant, non sentiant motum, arbitantes stellas, quæ fixæ sunt, perpetua ferri revolutione.

§. 959.

Si B, D, E, eandem inter se III. modus. invicem distantiam servant, ipsius vero A ab iisdem distantie mutantur, estque ratio mutationis in A, A movetur. Quia enim distantie inter B, D, E, non mutantur, distantia tamen inter A & B, A & D, A & E, mutatur (per hypoth.); quia etiam mutatio distantie infert mutationem loci absoluti, ut ex iis liquet, quæ in §. 957. ostendimus; aut ergo locus ipsorum B, D, E absolutus mutatur, aut ipsius A, aut hujus & illorum simul, plures non esse possibiles casus quilibet ex hypothese data facile intelligit. Est per hypothesein ratio mutationis in A tantum, non vero in B, D, E, neque in B, D, E, & A simul, nullaque, ut quis dabit (§. 95.), sine ratione sufficiente, locum invenit mutatio loci absoluti. Non ergo nisi A mutat locum suum absolutum, & per consequens movetur (§. 955.).

Plura hujus rei ex Astronomicis peti possunt exempla. Notum est nos, loca reliquorum siderum in cœlis determinaturos, illa referre ad stellas fixas, eandem inter se servantes distantiam. Quare ubi observamus comitum in

hac vel illa cœli constellatione, & postero die deprehendimus inter eandem & prius observatum constellationis sidus aliam esse distantiam, motum cometæ certi inde colligimus: Constat enim nobis rationem mutationis distantiae non in fixis, sed in cometa esse quærendam. Ex eodem fundamento motum lunæ & reliquorum planetarum inferre solemus.

§. 960.

IV. modus. Si plura simultanea A, B, D, E, situm inter se invicem mutant, inter se moventur. Mutato enim situ horum plurium, mutantur simul distantiae, quas inter se invicem habent (§. 893.). Sunt hæ mutationes situs mutæ (per hypoth.), ita ut tum A, tum B, tum D, tum E situm suum actu ipso mutant. Distantiarum ergo mutationes, ex situs mutationibus pendentes, tales sunt, ut ratio mutationis in singulis plurium istorum deprehendatur. Infert autem mutatio distantiae mutationem loci absoluti, ut ex iis patet, quæ in §. 957. ostendimus. Plura igitur ista inter se invicem mutant loca sua absoluta, motumque adeo inter se exercent mutuum (§. 955.).

§. 961.

Mobile describit lineam, quam describit lineam, dum motus durat. Quamvis mobile sit corpus, quod movetur (§. 947.), certamque ideo extensionem habeat

beat (§. 876.), id tamen in motu non spectatur, nisi quatenus locum mutat, nulla habita consideratione magnitudinis (§. 947.). In motu itaque instar puncti Geometrici concipitur, quod nullas habet partes, nullamque magnitudinem. Quoniam vero idem mobile, quamdiu motus durat, continuo in alio & alio existit loco (§. cit.), & ex fluxu puncti continuo lineam describi docent Geometræ; rectè statuitur mobile lineam describere, quamdiu motus durat.

Potest hæc linea esse vel recta, vel curva, prout mobile vel simplici vel composita fertur vi, centrifuga præsertim & centripeta, nam alias non diffiteor mobile in recta ferri linea, etsi vi moveatur valde composita. Verum de his, harumque diversitate differit Mechanica, quæ est scientia virium naturalium, quibus peragitur motus. In Metaphysicis sufficit circa generalem motus notionem, & quæ sponte inde fluunt consectaria, subsistere.

§. 962.

Linea hæc à mobili descripta, *Spatium* quamdiu motus durat, *spatium percursum percursum*, vel etiam *Via percur-* definitur. *sa* vocari solet.

Concipitur itaque hoc *Spatium*, ut unica solum constans dimensione, longitudine scilicet. Differt proinde à spatio absoluto, quod antea definitivimus (§. 877.), & quod trina dimensione instructum consideratur, in quo, quia omnis

in

in eo peragitur motus, descripta concipitur
hæc linea, spatii percurſi gerens nomen.

§. 963.

Terminus a quo & ad quem designantur. *Terminus a quo* dicitur locus vel punctum, à quo mobile recedere conatur. *Terminus ad quem* appellatur locus vel punctum, ad quod mobile accedere conatur, vel ad quod tendit.

Ex. gr. Si mobile fertur in linea horizontali ab oriente occidentem versus, oriens est terminus a quo, occidens terminus ad quem. Neque vero necesse est, ut ad terminum a quo & ad quem designandum, semper respiciamus punctum, quod initio motus tenuit mobile, & punctum, quod dum desinit moveri, occupat; sed sumi possunt duo quævis puncta in eadem recta, qua mobile initio motus hæret, sita, etiam extra puncta initii & finis collocata: Ubi enim per terminos istos indicare non intendimus ipsum spatium percursum, sed directionem modo, seu, rectam lineam, ut mox dicemus, qua mobile tendit, perinde est, quæ demumcunque hujus rectæ sumantur puncta ad terminos istos a quo & ad quem denotandos.

§. 964.

Terminus a quo & ad quem, in omni motu. Quia in omni motu mobile ab uno in alium locum continuo tendit, neque fieri potest, ut uno eodemque temporis articulo ad diversa simul tendat loca, vel opposita, vel in diversis

diversis collocata rectis lineis. Necesse ergo est, ut omne mobile a loco, in quo hæret, recedat, & ad alium certum & definitum tendat. *In omni itaque motu habemus terminum a quo & terminum ad quem* (§. 963.). Consectarii hujus veritatem constans illustrat experientia, qua in omni motu hos ipsos adesse terminos deprehendimus, sine quibus ne fingi quidem potest ullus in natura rerum motus.

§. 965.

Directio mobilis est linea recta, a puncto, in quo illud hæret, versus punctum, ad quod in dato momento progreditur, vel progredi nititur, ducta. *Directio mobilis definitur.*

Non negamus dari motum curvilineum, sed directionem mobilis explicaturi, illud non consideramus complexive toto illo tempore, ex variis momentis composito, quo motum suum continuavit, quoque respectu linea percursa potest esse vel recta vel curva, sed incomplete pro nisu, quem habet quolibet dato temporis momento, infinite parvo, ut cum Mathematicis loquar. Potest etiam quævis linea curva in partes infinite parvas, temporis particulis, quibus singulis nisu mobilis consideratur, respondentes, dividi, quarum quælibet, ut recta aliqua exhibetur. Recte ergo explicamus directionem mobilis, per lineam rectam, in qua mobile, quovis dato momento, moveri nititur.

§. 966.

Definita directio datur in motu. Quoniam punctum, a quo mobile recedere conatur, vel in quo initio motus haeret, dicitur terminus a quo, & punctum, ad quod tendit, terminus ad quem adpellatur (§. 963.); perspicuum est *directionem consistere in relatione termini a quo ad terminum ad quem, dato quovis momento (§. 965.), & per consequens, in motu, quovis dato temporis articulo, certam & definitam dari directionem (§. 964.).*

Directio mobilis est necessaria motus determinatio; sine qua nullus concipi potest motus, qui continuam involvit loci mutationem (§. 947.). Fingas sine certa & determinata directione dari motum, non igitur in illo daretur determinatus terminus a quo & ad quem, motus itaque sine his terminis daretur, adeoque sine continua loci mutatione. Quod absurdum (§. 947.). Est ergo determinatio mobilis necessaria motus determinatio (§. 489.).

§. 967.

Directionis mutabilitas. Quod mobile quodvis, in se spectatum, absolute non repugnat, seu, absolute possibile est, illud alia & alia ferri directione. Mobile enim nihil est aliud, quam corpus, quod locum mutat (§. 947.). Est vero omne corpus extensum impenetrabile (§. 876.), cui non repugnat esse in loco (§. 844.). Quam ob rem,
quia

quia locus est pars spatii absoluti (§. 890.), cui competit penetrabilitas (§. 877.), non repugnat corpori esse in alio & alio loco (§. 874.). Ex quocunque ergo loco in alium moveri potest (§. 447.). & per consequens, secundum quamvis directionem (§. 965.).

Non dico quodvis corpus, prout jam existit, quoad ordinem naturæ, seu, Physico sensu, posse moveri secundum aliam quamvis directionem, quam secundum quam movetur. Obstant enim vires impressæ, quæ secundum hanc & non aliam directionem movent corpus. Non, inquam, sed de eo loquor, quod corpori, in se spectato, non Physice sed absolute est possibile. Quo sensu nemo dicere potest corpori, positis scilicet aliis & aliis viribus, secundum aliam & aliam directionem agentibus, repugnare in alia & alia ferri directione. Potest idem globus plumbeus, prout tormenti bellici vertitur apertura, vel ab oriente in occidentem, vel ab occidente in orientem, vel a meridie in septentrionem, & sic porro in aliam & aliam plagam ferri. Idem palam faciunt alia exempla, vel sexcenta. Corpori quidem, ex gravitate descendenti, sensu physico non competere potest alia directio, quam quæ perpendicularis est ad superficiem terræ; non tamen repugnat, quod idem corpus vi externa, quæ vim gravitatis vincat, vel oblique in terram dejiciatur, vel perpendiculariter in altum projiciatur. Experientia hoc testatur; non autem testaretur, si corpori, absolute.

solute loquendo, repugnaret alia & alia directio: Quod enim absolute est impossibile, nunquam fieri potest existens (§. 134).

§. 968. *Velocitas*. Si mobile A, idem vel æquale spatium, percurrit minori tempore, quam aliud mobile B, dicitur A *celerius* moveri, B, *tardius*. Est itaque *Velocitas*, seu, *celeritas* ea motus determinatio, qua datum spatium, dato tempore percurrit mobile.

Ex. gr. Si corpus A percurrit spatium non gentorum pedum una temporis hora, sed B, idem vel æquale spatium non absolvit nisi tribus horis, triplo celerius movetur corpus A quam B, & hoc triplo tardius, quam A.

§. 969.

Velocitatis determinatio-nes varia-æ. Definitionem celeritatis non ingreditur nisi relatio, quæ datur inter spatium & tempus mobilis (§. 968.). Omnis vero essentialis rerum diversitas pendet ex diversitate determinationum essentialium (§. 418.), quæ definitionem earundem rerum ingrediuntur, ut Logica docet. *Duorum ergo pluriumve mobilium velocitatum diversitas*, si spatia percurta sunt æqualia, *ex diversitate temporum*, quibus æqualia percurruntur spatia; Si spatia sunt inæqualia, tempora vero æqualia, *ex diversa longitudine spatiorum percursorum*; si vero tum tempora, tum spa-
tia

tia sunt inæqualia, ex diversitate temporum & spatiorum simul est desumenda.

Hæc ulterius exponunt Physici, ostendentes in primo casu se habere velocitates duorum mobilium in ratione inversa temporum; In secundo casu, in ratione directa spatiorum percursorum; Et in tertio denique casu; in ratione composita ex directa spatiorum & reciproca temporum. Sed de his, aliisque ejusmodi fufius agendi in Metaphysicis non est locus.

§. 970.

Ceterum ex data velocitatis de- *Velocitas*
finitione sequitur, in omni motu est necessa-
certam & determinatam adesse *ria motus*
velocitatem, Nam in omni motu, *affectio.*
quamdiu durat, describitur linea (§. 961.),
quæ spatium percursum vocatur (§. 962.).
Omnis etiam motus certo peragitur tempo-
re (§. 951.). Illa vero determinatio, qua
datum spatium, dato tempore percurrit mo-
bile, velocitas adpellatur (§. 968.), quæ,
in determinato, qualis supponitur, motu,
non potest non esse determinata. Omnis
itaque motus certam & determinatam habet
velocitatem.

§. 971.

Est celeritas, quantitas quæ. Velocita-
dam, & proinde augeri potest & is affectio.
minui. Est enim velocitas determinatio
motus, qua mobile datum spatium dato tem-
L pore

pore percurrit (§. 968.). Quoniam vero tum spatio percurso, quia linea est (§. 962.), cui quantitatem attribuere nemo dubitat; tum tempori omni certa competit quantitas (§. 914.), sine qua neque illud, neque hoc concipi possunt; neque celeritati sua denegabitur quantitas. Augeri itaque & minui potest omnis celeritas (§. 686.).

Exinde quod velocitas augmenti & incrementi sit capax, alii, & quidem recte, intulere ad ejus quantitatem & magnitudinem (§. 686.). Posse vero celeritatem & majorem & minorem fieri, atque infinitos capere gradus, prolixam atque difficilem non exigit demonstrationem: Quivis enim intelligit, neque spatium, quod omne penetrabile est (§. 877.), neque tempus, quod sine fine augeri potest (§. 916.), quicquam impedire quominus mobile majori vel minori feratur velocitate. Nemo itaque dubitat posse mobile A spatium v. gr. unius pedis percurrere intra horam, intra ejus $\frac{1}{60}$, intra $\frac{1}{3600}$ partem, &c. Sed est tum celeritas 3600 major quam prima, secunda superat primam sexagecies. Taceo, quod demonstrant Physici, velocitates corporum, ex gravitate descendantium, quolibet temporis articulo augeri; contra autem suam gravitatem adscendentium constanter minui, & in priori casu incrementa, in posteriori decrementa esse sicut tempora. Taceo per vim aliam & aliam impressam idem corpus & tardius & celerius moveri posse, taceo, inquam, hæc & alia plurima, quæ Physica ubertim subministrat:

nistrat: Nemo enim non sua sponte laegitur augmenti & decrementi capacem esse velocitatem.

Docet ostensa hæc velocitatis affectio. *Cur ve-*
cur Physici, ejus vel mensuram, vel *locitates*
 comparisonem cum alia data decla- *repræsen-*
 raturi, illam per lineas rectas, di- *tentur per*
 versæ, pro illius diversitate, longi- *lineas?*
 tudinis, sibi repræsentent. Quoniam enim,
 ut vidimus, quantitatem admittit & magnitu-
 dinem velocitas, cujus partes nulla alia a se
 mutuo distinguuntur determinatione, quam
 diversa quantitate, qualitatemque idcirco ha-
 bent eandem (§. 461.), & ideo inter se sunt
 similes (§. 491.); Quia porro in omni recta
 linea, prout illam concipiunt Geometræ, par-
 tes tum inter se, tum toti sunt similes; per li-
 neas rectas commode & sine vitio repræsen-
 tantur velocitates.

§. 972.

Ob hanc velocitatis affectio- *Varie mo-*
 nem, vi cujus corpus aliquod, in *tus divisio-*
 cursu suo, vel eandem, vel di- *nes.*
 versam habere potest velocitatis quantitatem,
 varie dividitur motus; Nam est vel *æqua-*
bilis, vel *inequabilis*. In illo, quamdiu
 motus durat, movetur mobile eadem, qua
 incepit celeritate & directione, atque ideo
 æqualia spatia æqualibus temporibus descri-
 bit; in hoc non eadem semper, qua incepit,
 movetur celeritate; inæqualia ergo spatia
 æqualibus percurrit temporibus. Si corpo-

ris, in eadem directione moti, velocitas augetur, exsurgit *motus acceleratus*, qui iterum vel *æquabiliter*, vel *inæquabiliter est acceleratus*; in illo, temporibus æqualibus, æqualia velocitatis incrementa adduntur; in hoc, æquali tempore, corpori moto inæqualia accedunt celeritatis augmenta. Si autem corpori moto detrahatur secundum eandem plagam, velocitas, *motus* oritur *Retardatus*. Qui etiam vel *æquabiliter*, vel *inæquabiliter* est retardatus. Ille locum habet, cum corpori moto, æqualibus temporibus, æqualis velocitatis quantitas detrahatur. Hic autem obtinet, cum æqualibus temporibus, inæqualis velocitatis quantitas auferatur.

Sufficiant nobis impræsentiarum allegatæ notiones; arbitror enim, quæ porro de diversitate horum motuum dici possint & debeant, quia Mathematicis & Physicis innituntur principiis, non in Metaphysica, quæ reliquarum omnium disciplinarum princeps & mater est, sed Physica esse pertractanda. Conabor tamen in juniorum præsertim gratiam allatas definitiones exemplis illustrare physicis. Observavimus antea (§. 919.) in natura rerum vix ac ne vix quidem motum dari æquabilem; quoniam tamen in vacuo, nulla, quæ in corpus agat, supponitur causa, & secundum legem motus primam Newtonianam: *omne corpus perseverat in statu suo quiescendi, vel movendi uniformiter in directum, nisi quatenus a viribus*

bus impressis cogatur statum illum immutare. Motus ergo corporis, quod simplici fertur vi in vacuo, æquabilis est, seu, eadem semper, secundum eandem directionem movetur celeritate. Motus inæquabilis varia dantur exempla, quæ tamen potissimum occurrunt in gressu hominum & animalium, nunc celerius, nunc tardius, secundum eandem directionem instituto. Motus æquabiliter accelerati exemplum, maxime existans, in lapsu gravium deprehenditur; Quoniam enim quolibet temporis momento grave est corpus, eandemque, si non major fuerit a tellure altitudo, constanter in quolibet lapsus puncto retinet gravitatem; addit gravitas, secundo lapsus momento, corpori descendenti gradum celeritatis, in eadem directione agentis, priori, quem, secundum memoratam motus legem, retinet corpus, æqualem. Est itaque celeritas jam dupla. Eodem modo, tertio momento tripla celeritate fertur idem corpus, & sic porro. Quare in lapsu gravium motum deprehendimus æquabiliter acceleratum, quem ad modum in adscensu gravium perpendiculari, obsemper & æquali modo renitentem gravitatem, motum observamus æquabiliter retardatum.

LEVI. Prop. 2da. S. 973.

Motui, quæ tali, præter directionem, secundum quam motus dato quovis momento peragitur, & velocitatem, nulla competit alia determinatio, ut ad il-

Motus omnes determinationes recensentur.

lum pertinens. Est namque motus, in se spectatus, nihil præterea aliud, quam continua loci mutatio (§. 947.). Omnis itaque determinatio, motui, qua tali, tribuenda, vel loca respicit, quorum unus post alterum occupatur, vel continuitatem afficit in alio & alio existendi loco. Priori respectu nihil cogitare possumus nisi locum, qui initio motus occupatur, vel a quo tendit mobile, & locum, quem deinde occupat idem mobile, seu, ad quem tendit. Habemus ergo ex hac consideratione nihil nisi terminum a quo, & terminum ad quem (§. 963.), & per consequens, aliquam directionem (§. 966.). Posteriori respectu in eodem motu nihil cogitare licet, nisi dictæ mutationis successionem continuam (§. 950.), & seriem locorum, quæ successive & continuo, durante motu, occupantur (§. 961.). Illud dat tempus (§. 909.), quo motus omnis peragitur (§. 951.), hoc lineam constituit, quam, durante motu, describit mobile (§. 961.) spatiumque percursus absolvit (§. 962.). Posteriori itaque consideratione nihil præter datum spatium habemus, quod dato tempore percurrit mobile, nihil ergo præter velocitatem (§. 968.), omni motui adtribuendum (§. 970.). Recte itaque colligimus in motu, qua tali, præter directionem, secundum quam motus, dato quovis momen-

momento, peragitur, & velocitatem, nullam dari aliam motus determinationem, quæ ad illum pertineat.

Antea quidem ostendimus omni motui certam competere directionem, certamque velocitatem, ut adeo nullum sit dubium, quin hæc determinationes motui sint attribuendæ; Quia tamen multum conducit in variis, etiam gravioris momenti, controversiis nosse quot determinationes, motui qua tali convenient, ut de integra motus indole eo exactius & accuratius inde ferre possimus iudicium; volumus & simul debuimus præsentire, quam demonstravimus, thesi evolvere & proponere quot in motu occurrant determinationes.

§. 974.

Intelligimus itaque motum Determinari, determinatis directione & velocitate. Plures enim in motu, quæ tali, non adsunt determinationes (§. 973.). Sed determinatis omnibus, quæ ad rem pertinent, determinationibus, ipsam, quæ ex illis constat, determinari rem, nemo non intelligit. Velocitate itaque & directione determinatis, simul determinatur motus, quæ talis.

Ne confundas, precor, motum, in se spectatum, cum quantitate motus; ille abstractivè a corpore moto consideratur, hæc concretivè, quatenus huic vel isti inest corpori moto. In illo, præter directionem & velocitatem,

aliā concipere non licet determinationem, in hac non ad directionem, sed ad velocitatem & massā corporis moti attendimus. Quare *quantitas motus* definiri solet per compositum ex massa corporis moti & ejusdem velocitate.

§. 975.

Motus con- *Omnis motus contingenter ex-*
tingentia. isit, seu, quod idem est, corpori
nonnisi contingenter competit. Est namque
omnis motus ens successivum (§. 950.), &
ideo contingens (§. 902.).

Idem alia ratione ostenditur: In motu, præter directionem & velocitatem, nullam concipere licet determinationem, quæ ad illum pertineat (§. 973.). Sed in se non repugnat, ut idem corpus alia & alia feratur directione (§. 967.), mutabiliter itaque (§. 592.), & per consequens contingenter (§. 594.), fertur corpus hac & non alia directione. Omnis velocitas augeri potest & minui (§. 971.), alia itaque & alia esse potest, mutabilis ergo est (§. 592.), & contingens (§. 594.). Quicquid igitur in motu datur contingens est, motumque ipsum contingentem constituit.

Multæ sane utilitatis est nosse motus contingentiam, non ergo pigebit plura adhuc addere, eandem uberius confirmatura veritatem. Dicās, quicumque negas motus contingentiam, motum corpori contingenter non competere.

Quam

Quam ob rem, quia inter necessarium & contingens non datur medium (§. 591.), quia etiam omne necessarium, est vel absolute, vel hypothetice tale (§. 596.), & hoc cum contingenti, absolute spectato, coincidit (§. 600.); absoluta necessitate tribuendus esset corpori motus. Absolute ergo impossibile esset, ut corpus non moveatur (§. 596.), vel, quod idem est, ut quiescat (§. 947.). Quiescit tamen nonnunquam, teste experientia, saltem quiete relativa, nec impossibilis est conceptus quietis absolutæ, quæ involvit permanentiam corporis in eodem loco absoluto (§. 952.): Differt enim locus absolutus a corporibus, eorumque existentia (§. 897.), nihilque contribuit ad corporis intrinsecam constitutionem. Potest ergo corpus, salva sua essentia, permanere in eodem loco absoluto, seu, absolute quiescere. Corpori itaque, in se spectato, æque possibile est quiescere ac moveri. Nequit ergo motus esse absolute necessarius (§. 596.). Omnis idcirco, quæ motui competere potest necessitas, alia quam hypothetica esse nequit (§. cit.), quæ contingentiam ejus non tollit, sed potius stabilit (§. 600.). Dabo planetarum circa axin, tum circa solem, & secundarios circa suum primarium constanter revolvi, pernici celeritate moveri cometas, neque stellas fixas in suis locis penitus quiescere; dabo igitur, quicquid in hac universitate existit corporei, etiam in illis totalibus comprehensi, absolute non quiescere, sed constanti ferri motu, etiamsi a nobis non semper observabili; Dabo sine motu non permanens hunc mundum

di adspectabilis ornatum, horrendis tenebris & infinito torpore res omnes occupatas & detentas iri; a motu pendere dierum & noctium vicissitudines, frigoris & caloris, nivis, pluviae & serenitatis, sese mutuo excipientium varietatem; per motum crescere plantas, nutrirī arbores, vivere animalia, immo, in ipsis terrae visceribus generari metalla & mineralia. Verbo, dabo veritatem dicti Aristotelici L. III. Phys. cap. i. ἀναγκάσιν ἀγνοομένης αὐτῆς κινήσεως, ἀγνοῦνθαι καὶ τὴν φύσιν. Dabo, inquam, hæc omnia, sed vicissim mihi dabit, qui motus contingentiam negat, in se omnino possibile esse, ut sistatur motus v. gr. solis, vel, ut magis Astronomice loquar, telluris & Lunæ, quod tempore Josuæ factum esse legimus. Dabit quoque, modo principiorum Physices non sit ignarus, fieri posse, ut lapis vel globus v. gr. eadem celeritate, qua terra circa axin ab occidente in orientem revolvitur, in occidentem e tormento projiciatur, & proinde, ob hanc virium æqualitatem mutuan, secundum contrarias directiones in se agentium, destruaturs omnis lapidis motus progressivus, quem tellus mota illi imprimebat. Quiescet ergo hic lapis, vel globus, in spatio absoluto, minimum, tempusculo infinite parvo, quo motum, a gravitate deinceps in lapide vel globo oriundum, abstrahere licet. Alia sciens prætereo exempla, quæ ex Physicis adduci possunt. Vides ergo, nisi omnia me fallant, & ipse non penitus occoecatums teneas animum, corpori, in se spectato, non repugnare quietem absolutam. Vides proinde
corpus

corpus non necessario, sed contingenter moveri.

Sed ne diversissima confundas, & putes nos de possibilitate motus agere, vel eam una includere, quando motus defendimus contingentiam; scias nos ambabus, uti ajunt, largiri manibus motus possibilitatem, ut & reliquarum rerum, sine exceptione, omnium, esse absolute necessariam (§. 607.), sine dubio in essentia corporis fundatam (§. 622.), & mobilitatis titulo insignitam; motus vero actualitatem, de qua unice impræsentiarum differimus, non esse absolute necessariam, sed contingentem, corporique cuivis nonnisi contingenter competere.

§. 976.

Æternitatem ei, quod contin- *Motus æ-*
genter existit, competere haud pos- *ternus re-*
se, antea evicimus (§. 935.), *non pugnat.*
ergo datur, neque dari potest motus æter-
nus (§. 975.).

Putavit olim *Aristoteles* L. VIII. Phys. cap. VII. æternum esse motum. Quam opinionem satis subtili confirmare coatur argumento: *Movens*, inquit, *et mobile vel ab æterno sunt, vel tempore aliquo initium accipere. Si cœpere in tempore, motus esse cœpere, atque adeo ante primum motum, alius erit admittendus, a quo initium duxerit movens et motus, quod contradictionem implicat.* Respondeo, falsum esse, quod ponit *Aristoteles*, si motus incepit, debuisse illum motu incipere, nam potuit etiam incipere, & incepit quoque sola activitate DEI libera, sine ullo motu locali. Re ergo ipsa admittit consequens

quens conditionalis propositionis, qua utitur Aristoteles, duo membra disjuncta: Si cœpere motus & mobile, aut motu, aut activitate alicujus entis, non locali, cœpere existere; Si prius, sequeretur, quod urget Aristoteles absurdum, Si vero posterius, nihil exsurgit contradictorii. Pergit Aristoteles *Si aeterna sunt quidem*, motus scilicet & mobile, *non tamen moventur ab aeterno*, *eius rei ratio, vel in eo posita sit oportet, quod movendum ad motum fuerit ineptum, vel in eo, quod nimis a movente fuerit remotum. At neque alia ratione movendum magis aptum reddi potuit, neque propius motori admoventi, quam per motum: unde rursum consequeretur, ante primum motum, motum exstitisse.* Respondeo. Nullum corpus essentialiter est ineptum ad motum, quum mobilitas omni corpori sit essentialis. Neque quoad DEum, qui omnibus rebus est præsentissimus, aliquod dici potest, magis vel minus remotum. Taceo ante existentiam motus & rerum, illas non fuisse extra DEum, vel ab Eo diffitas, sed in intellectu Ejus idealiter comprehensas. Nihil itaque pro motus æternitate habet Aristoteles præsidii in allato argumento.

§. 977.

Motus non est de essentia corporum. *Motus, actualis scilicet, de quo unice loquimur, esse nequit de corporis essentia, neque de ejus attributis, sed est ejus accidens.*

Sunt rerum essentia, cum omnibus & singulis ejus attributis, absolute necessariae (§. 609. 613.). Neque igitur aliam habere potest

potest indolem corporum essentia cum suis attributis. Est vero motus contingens & corpori contingenter competit (§. 975), absolutam ergo possidere nequit necessitatem (§. 599.), & ideo de essentia corporis, ejusque attributis esse nequit.

Omne, quod rei cuicunque contingenter competit, accidens ejus rei est (§. 617.); motus autem contingenter competit corpori (§. 975.). Est ergo motus corporis accidens.

Nobis objicitur: *Concedunt omnes, qui adcuratius Philosophantur, intimam corporum essentiam fugere nostrum intellectum, quomodo ergo statuamus corpus per essentiam non determinari ad motum? quin potius concedamus, posse corpori essentialem quandam competere qualitatem, nobis licet hactenus incognitam, ex qua determinetur motus.* Sed nulla est in hac objectione consequentia: Quis enim adeo pusilli & angusti esset judicii, ut in hunc modum argumentaretur: intimam scarabæi essentiam non perspicimus, ergo dabitur in illa aliquid occulti, quo possit in equum & asinum transformari, salva tamen manente essentia Scarabæi: Non novimus intimam aquæ essentiam, ergo dabitur aliquid, nobis incognitum, quo ignem & flammam concipiat aqua, salva manente aquæ essentia. En egregias consequentias! Faciles quidem & nos largimur plenam materiæ essentiam nobis hactenus esse ignotam, certi tamen scimus, quod contingenter rei competit, non esse ejus essentiale, quam-

quamcunque demum habeat illa essentiam. Nos ergo, ex contingentia motus argumentantes ad accidentalem ejus in materia indolem, non occultæ cuidam in materia qualitati, ad quam provocat opponens, sed firmissimo innititur principio. Haberet speciem objectio, si ex notione corporis, prius data, (§. 876.), ad accidentalem motus naturam in hunc colligeremus modum: Si motus corpori est essentialis, fundamentum ejus quærendum est in corpore, vel quatenus extensum, vel quatenus impenetrabile est: nam præter extensionem & impenetrabilitatem plures in notione corporis non possumus determinaciones (§. cit.). Sed non determinatur motus ex extensione, quia sic competeret omni extenso, &, per consequens, Spatio vacuo (§. 877.), cui tamen immobilitatem attribuere communiter solent. Taceo ex notione extensi, qua dicitur illud constare partibus, extrapartes, inter se conterminis, intelligi haud posse, quod mutet, quem occupat, locum, hoc est, quod moveatur, quum extensum quiescens, & tamen extensum, nullam, uti patet, involvat contradictionem. Neque determinari potest motus ex impenetrabilitate, nam quamvis corpus in absoluta ponatur quiete, i. e. non mutet locum absolutum, quem occupat, potest tamen nihilo secius excludere positionem alterius extensi intra eosdem, quibus illud continetur, terminos, adeoque manere impenetrabile (§. 874.). Haberet, inquam, objectio speciem, si ex his præmissis ita subsumeremus: at in corpore plures non sunt

sunt determinationes essentielles; quam extensio & impenetrabilitas, ex quibus, per demonstrata, nullus sequitur motus; indeque colligeremus; Ergo motus per essentiam corporis non determinatur. Nam quatenus dilemmaticum est argumentum, eatenus postulat plenam enumerationem membrorum disjunctorum: heic vero, ut fateor, & antea (§. 876.) falsus sum, plene non recensentur omnia corporis essentialia. Nondum ergo universaliter concludere licet, non dari essentialem determinationem corporis, ex qua motus fluat localis. Quod quamvis ita se habeat, nihil tamen contra nos valet, hoc argumento dilemmatico, tanquam palmario, non utentes ad demonstrandam motus accidentalem naturam. Neque in se prorsus contemnendum iudico hoc ratiocinium, quod egregie ostendit, neque ex extensione, neque ex impenetrabilitate materiæ sequi ejus ad motum determinationem, a vero itaque discedere *Cartesium*, qui Part II. Princip. §. 64 putat omnia naturæ phænomena, etiam quæ motum concernunt, ex Geometrica corporum consideratione, seu, eorundem extensione demonstrari & deduci posse.

§. 978.

Demonstrata sic accidentali motus natura (§. 977.). sua veluti sponte sequitur, posse corpori competere hoc accidens & non competere (§. 366.), non tamen simul, unum quippe excludit alterum (§. 53.), sed successive, hoc

*Indifferen-
tia corporis
ad motum
& quietem
nec non ad
varias for-
mas.*

est,

est, posse corpus esse vel in motu, vel in quiete, salva manente ejusdem essentia. *Nulum itaque corpus est per essentiam suam determinatum ad statum motus, vel quietis* (§. 194). Quoniam vero nullum accidens inesse potest enti, nisi quod vi essentiae suae illud recipere possit, habeatque ad illud recipiendum essentialem dispositionem (§. 376.) habet omne corpus dispositionem essentialem, qua aptum est ad quietem & motum, & quascunque hujus determinationes recipiendas (§. 973.). Vocari hæc solet dispositio corporis essentialis, ad neutrum oppositorum actu vi essentiae determinata, *Indifferentia corporis, vel indifferentia materiae*. Hæc ergo omni corpori essentialiter competit (per demonstr.).

Quivis vel me tacente intelligit per hanc indifferentiam, corpori essentialiter adjudicatam, non ejusmodi denotari dispositionem, per quam corpus in hac rerum universitate existens, nihil omnino resisteret mutationi status quietis & motus: Hoc enim posito sequeretur corpus quodvis, etiam maximum, summa velocitate motum, minima quavis vi æque bene sisti posse ac maxima; aut si quiesceret magnum illud corpus, ab alio quovis minimo, æque ac maximo, propelli, idque absque ullo velocitatis decremento, in corpore impellente. Hoc autem vi corporum inertiae, quam experientia duce, eis inesse novimus, & per quam resistit corpus omni mutationi status & quietis, e dia-

metro

metro repugnat, non ergo constituit, quam loquor indifferentiam, in eo unice collocatam, quod corpus ex sua essentia non magis ad motum, quam quietem propendeat, nec magis resistat transire a statu quietis ad motum, quam a motu rursus ad quietem redire, & in motu positum non magis renuat hanc, quam aliam ejus assumere determinationem.

§. 979.

Regulae motus, sunt illæ, juxta *Regula* & quas motus incipit, varias assu- *leges motus*
mit determinaciones, quoad dire- *definiun-*
ctionem scilicet & celeritatem *tur.*
(§. 973.), & tandem sistitur. *Leges* autem *motus* sunt generalia harum regularum principia.

Leges hæc motus ab *Illustri Newtono* in Princip. Phil. Nat. numerantur tres, quarum prima est: *Omne corpus perseverat in statu suo quiescendi, vel movendi uniformiter in directum, nisi quatenus a viribus impressis cogitur statum illum mutare.* Altera est: *Mutatio motus est semper proportionalis vi motrici impressæ, & fit semper secundum rectam lineam, qua vis illa imprimitur.* Tertia lex est: *Actioni semper contraria & æqualis est reactio, seu, corporum duorum actiones in se mutuo æquales sunt, & in partes contrarias diriguntur.* In collegio Physico, adhuc Mæsto, quamlibet harum legum singulatim exposui, & simul ostendi, quam multis inde demonstrandis inserviat quælibet harum legum.

§. 980.

*Existentia
harum le-
gum pro-
batur.*

Dari ejusmodi motus leges, præterquam quod experientia extra omnem dubitationis aleam ponat, etiam ex indole motus, mox demonstrata, haud obscure colligitur. Motus enim omnis, non modo qua initium & finem, sed etiam, qua determinationes suas, celeritatem puta & directionem (§. 973.), contingens est, & contingenter corpori competit (§. 975.). Dabitur itaque ratio sufficiens & incepti & continuati, & finiti in corpore motus (§. 95.), proindeque locum invenient certæ motus regulæ (§. 979.), certæ harum regularum principia, quibus positis, ratio sufficiens motus reddi potest. Existunt ergo certæ motus leges (§. cit.).

Veteres Philosophi, ut recte observat *Bülfingerus* in *Dilucid. Phil.* §. 167. incurii fuerunt earum legum, secundum quas corporum motus succedunt. Nostri autem ævi Philosophi, videntes, quam multum utilitatis hauriat rerum naturalium scientia ex cognitione harum legum, solertes eas indagare studuerunt. Cartesius illas a priori, more Geometrico, erucere conatus est, uti antea annotavimus (§. 977.), sed falsus in plerisque illum in hoc errore secuti sunt haud pauci, ut *Lippstori*us, qui Cartesianas motuum regulas ordine Geometrico defendere aggressus est in *Speciminibus Philosophiæ Cartesianæ* Part. II. *Langius* junior, aliique plures. Donec alii solertiores naturæ in-

daga-

dagatores, variis experimentis, secundum artem institutis, detexerint plerasque illas leges Cartesianas; aberrare ab iis, quas natura rerum observat. Primus in hac parte elaboravit *Christianus Hugenius*, qui ejusdem rei specimina in Ephemeridibus Gallicis exhibuit anno 1672. In easdem meditationes incidit eo tempore Societas Regia Londinensis, & illius hortatu *Wallisius* leges corporum durorum, *Wrennus* elasticorum investigavit, consentientesque illas cum Hugenianis exhibuit. Hos secuti sunt *Newtonus* pluresque alii.

§. 981.

Has easdem motus leges non Legum esse absolute necessarias, sed con- motus con-
tingentes contendimus. Sunt e- tingentis.
nim hæc motus leges principia generalia regularum, secundum quas motus incipit, determinatur, & definit (§. 979.). Declarant itaque cur hac occasione & in his circumstantiis potius moveatur corpus, quam quiescat, cur hac & non alia directione, cur hac & non alia velocitate feratur. Quam ob rem si absolutam possiderent memoratæ leges necessitatem, essent absolute immutabiles (§. 598.), aliæque proinde & ab his, quæ ponuntur, diversæ poni haud possent (§. 597.), consequenter, quia non aliunde quam ex hoc, quo feruntur corpora, motu sunt deductæ, in se impossibile esset corpora non moveri, moveri alla directione &

de actuali corporis continuatione in statu semel incepto agens, ex essentia corporis determinari, & absoluta laborare necessitate. Necessesse quidem est, ut corpus semel motum, cum aut continuet, aut non continuet, sed ut ex indifferentia sua, vel perseveret in motu, vel quiescere incipiat, id non sequitur, nisi a posse; quod & non aliud dicta illa involvit indifferentia, ad esse necessariam valere conclusionem absurde statuere velis (§. 147.). Concedit porro hæc prima motus lex posse corpus e statu suo quietis, vel motus turbari per causam externam, sed si continuatio in statu isto corpori esset essentialis & absolute necessaria, nulla causa valeret ei, quod sic absolute immutabile esset (§. 598.), vel minutissimam inducere mutationem. Nullius namque potentiae objectum sunt absolute impossibilia.

Per secundam motus legem: *Mutatio motus semper est proportionalis vi motrici impressæ, & fit semper secundum rectam lineam, qua vis illa imprimitur.* In limine & statim concedit hæc lex motus mutationem, adeoque & contingentiam (§. 594.) Indicat deinde hanc motus mutationem debere esse in motrici impressæ proportionalem, ita ut una vis unam, dupladuplam, tripla triplam, & sic porro, generet proportionem. Possidet corpus essentialiter indifferentiam (§. 598.), qua ad quietem æque dispositum est, ac ad motum, ad hanc motus mutationem, æque ac ad aliam quamvis (§. cit.). Per essentiam itaque corporis non repugnat ut vis impressa quævis, quamvis in

motu producat mutationem, sibi vel proportionalem, vel non proportionalem: utraque enim per indifferentiam istam est in se possibilis. Non ergo ex essentia corporis determinabitur, quod mutatio motus sit vi motrici impressæ semper proportionalis; Neque, per consequens, laborabit hoc ulla absoluta necessitate (§. 622.). Postulat tandem altera hæc motus lex, *quod mutatio motus semper fiat secundum rectam lineam*, h. e. secundum eam directionem (§. 965.), *qua vis illa imprimitur*. Mox vero ostendimus (§. 967.), corpori, in se spectato, h. e. qua essentiam suam considerato, non repugnare alia & alia ferri directione. Quod ergo motus mutatio fiat secundum eam directionem, qua vis impressa agit, id in se immutabile & corpori essentialiale, & per consequens, absolute necessarium (§. 598. 622.) esse nequit. Perspicue itaque intelligimus alteram hanc motus legem, qua singula sua momenta, ab absoluta necessitate esse remotam.

Tertia, quæ allegatur, motus lex, infert *actioni semper contrariam & æqualem esse debere reactionem*, hoc est, per actionem & reactionem æquales motus mutationes in corporibus, in se invicem agentibus, produci, & has mutationes versus contrarias directiones imprimi. Est corpus per essentiam suam indifferens ad motum & quietem (§. 978.), neutri itaque per essentiam resistit. Involvit reactio resistantiam, actioni oppositam, non id igitur essentialiale corpori est, ut reagat, non absolute necessari-

sarium (§. 622), multo minus ut actioni æqualis sit reactio, quum salva manente corporis essentia æque sit possibile, ut certum reactionis gradum habeat, ultra quem non adsurgat corpus, quantacunque sit impingentis actio. Taceo, quod mox ostendimus, per essentiam corporis non determinari hanc & non aliam motus directionem, non ergo absolute necessarium esse, ut secundum contrarias directiones motus mutationes imprimantur. Nulla itaque necessitatis legi subjacet hæc tertia motus lex. Nec majori difficultate demonstratur contingentia reliquarum omnium motus legum, quas vel ex his generalibus deduxere, vel experientia duce detexere solertissimaturæ indagatores. Sed sufficiant hæc de legum naturæ contingentii indole.

§. 982.

Quoniam ab omni absoluta *Legum necessitate* remotæ sunt motus *leges* (§. 981.); alienæ quoque sunt *Legum naturæ mutabilitas*, ab omni absoluta immutabilitate (§. 598.). In se ergo possibile est, ut vel tollantur, vel suspendantur, vel aliæ his, quæ existunt, substituantur (§. 597.).

Habet hoc conspectarium insignem in Theologia usum: Si enim absolute immutabiles essent motus leges, neque ab infinita DEI potentia, quæ ad absolute impossibilia se non extendit, sunt quippe merum nihil (§. 132.), unquam mutari possent vel suspendi, nullus ergo concederetur miraculis locus. Dici vix potest,

quam propa hinc sit ad spinozismum & fatalismum via, quam misera etiam esset miraculorum, quorum meminit Scriptura Sacra, vel a DEO ipso, vel a sanctis DEI viris ad nutum divinum editorum explicatio. Omnia sane & singula ad insolitos naturæ effectus, quorum causas ignoramus, ut Spinoza finxit, reducerentur. Sed sunt, ut evicimus, naturæ leges, in se mutabiles, nullam ergo potentiam adiungunt DEO committendi miracula. In se itaque non repugnat ut ferrum natet in aqua; ut non defluat aqua in declinatione alvei in flumine, & ad perpendicularum adscensa subsistat; ut recedat umbra indicis in horologio solari.

De cetero notes nos non qualemunque legibus motuum attribuire mutabilitatem, sed absolutam tantum, infinitis DEI viribus subiectam. Nam ex negata legum harum absoluta necessitate, sequitur earundem mutabilitas, non ergo nisi absoluta, minime gentium respectiva, quasi sine ulla accedente supremi Entis virtute, in natura rerum & creaturis mutabiles essent. Hoc enim sensu, Physico scilicet, constantes & immutabiles esse defendimus has naturæ leges: omnis enim alioquin periret adspectabilis mundi ornatus, & jucundissima rerum harmonia, eundem v. gr. ex aqua, ac ex igne haberemus effectum, illa igitur huic extinguendo amplius non inserviret; ferri consistentia in suberis abiret; viverent animalia sine sanguinis constanti circulatione; nullæ darentur noctium & dierum vicissitudines, verbo, totus hic destrueretur mundus. Physico igitur sensu necessariae sunt hæ motus leges, nec ullam

ullam hoc respectu agnoscunt mutabilitatem.
Sed de hac re alias plura.

§. 983.

*Nulla composito accidere potest Quæ com-
mutatio, nisi quoad magnitudi- posito ac-
nem, figuram, situm partium in- cidere que-
testinum, & locum totius. Nul- at mutatio.*
la mutatio, quia accidens ejus entis est,
cui competit (§. 618.), enti composito at-
tribui potest, nisi quæ per essentiam ejus-
dem est possibilis (§. 375.). Constat au-
tem compositi essentia in modo, quo tales
partes invicem junguntur (§. 837.), nec
plura, præter hæc duo, compositi essenti-
am ingrediuntur (§. 839.). Composito igitur
alia accidere nequit mutatio, quam quæ
vel per partes, vel per modum compositio-
nis earum est possibilis. Ubi vero compo-
situm spectatur, ut partibus constans, alia
de eo concipi nequit mutatio, quam quæ
vel *additione novarum partium*, quæ aut
extrinsece adponuntur, aut inter ceteras
interponuntur, vel *ablatione partium*, quæ
antea aderant, instituitur. Sed additione
& ablatione partium figura compositi muta-
ri (§. 870.), ipsumque augeri & minui (§. 685.)
ideoque, qua magnitudinem, quam possidet
(§. 848.), mutari potest (§. 846.). Ubi au-
tem modum compositionis partium cogita-
mus,

mus, alia de composito concipi nequit mutatio, quam quæ earundem partium transpositione absolvitur, qua iterum vel figura mutatur (§. 870), vel partium ad se invicem situs (§. 893.) Mutationes itaque in composito intrinsecæ aliæ accidere nequeunt, nisi magnitudinis, figuræ, ac situs partium. Quod si vero totum compositum in alias & alias partes spatii absoluti transfertur, movetur (§. 915.), & locum suum continuo mutat (§. 947.). Est hæc mutatio compositi extrinseca, quam, salva sua existentia, subire potest. Quoniam vero omnis mutatio, quæ composito accidere potest, est vel intrinseca vel non intrinseca (§. 63.), h. e. vel intrinseca, vel extrinseca; & intrinseca versatur circa magnitudinem, figuram & situm partium, extrinseca vero circa locum totius (per dem.); recte statuimus nullam composito accidere mutationem posse, nisi quoad magnitudinem, figuram, situm partium interitum & locum totius.

Tot hujus enunciati occurrunt in natura rerum exempla, quot unquam observare licet mutationes. Generantur & crescunt in visceribus terræ metalla partibus, quas halitus mineralis, vel fluidum quoddam viscosum apponit, minuuntur & decrescunt, quando ictibus mallei contunduntur, vel vi ignis liquefcunt, aliquibus inde separatis partibus & dissepatis, quo ipso aliam, quam antea habuerunt, induunt

figu-

figuram. Eadem metalla, dum sub forma liquida fluunt, alium, quam sub forma consistente habuerunt, tenent situm partium. Immo e fodinis suis extracta, e loco in locum moventur. In hoc igitur exemplo, & aliis innumeris ad oculum patent, quas dixi mutationes.

Sed objicis : *Omnes hæ mutationes, quoad figuram, magnitudinem situm partium, & locum totius, competunt quidem composito, sed quatenus magnitudinem habet, seu, certa quantitate molis est instructum. Non vero inferunt alias composito impossibiles esse mutationes, ex qualitatibus partium, quibus constant, pendentes. Habent composita ex qualitate partium componentium, seu, elementorum suorum, quod horum status internus continuo mutetur (conf. Wolfii Cosmol. § 197.), ex modificatione vis activæ, cuilibet attribuendæ elemento, oriundum. Hæc autem mutatioque prius memoratas non continetur. Possibiles ergo sunt & actu dantur in composito aliæ mutationes, quam quoad figuram, magnitudinem, situm partium & locum totius. Sed nititur hæc obiectio falsa, de monadibus, seu simplicibus, hypothese, quasi ex illis, inter se coagmentatis, constaret quodvis compositum. Falsam, dico, evidenter enim ostensurus sum loco compositorum elementa, si quæ dentur, non esse, neque esse posse veri nominis simplicia, sed sensu saltem Physico talia, quæ compositionem omnem non respuunt. Et quid miri? Habet omne compositum certam magnitudinem (§. 848.), certisque & a se invicem distinctis constituitur partibus (§. 32.), quarum quælibet indolem habet, toti suo homoge-*

mogeneam (§. 843.). Possidere ergo nequeunt partes componentes qualitatem, a qualitate totorum, ad quæ referuntur, diversam. Sed conceditur in objectione proposita composito, ut totum spectato, nullam accidere mutationem, nisi quoad magnitudinem, figuram, situm partium & locum totius, neque ergo parti componenti alia contingere potest mutatio. Tandem observes vim activam, quam recentior Philosophia elementis compositorum attribuit, & cujus modificatione mutari ponitur status cujuslibet elementi internus, efficere in compositis vim motricem (conf. §. 180. Cosmol. Wolfianæ.), & hinc pendentem motum partium intestinum (§. 170. c. l.). Quoniam vero, secundum hunc eundem auctorem, omnis modificatio vis activæ consistit in variatione celeritatis (§. 153. c. l.), quæ motus localis internam constituit determinationem (§. 973.); Quoniam etiam motus partium intestinus absolvitur continua mutatione situs partium in composito, & proinde ut species sub mutatione situs partium in genere continetur; liquet, si vel maxime poneremus, quod ponit recentior Philosophia, compositorum partes esse entia simplicia, aliam tamen inde in compositis non oriri mutationem, quam quæ sub antea memoratis comprehendatur. Ex utroque igitur latere, si vel scilicet recentioris Philosophiæ placita admittas, si vel eadem rejicias, te impugnatum, immo expugnatum sentis, qui adducta objectione urges, præter sæpius recensitas, alias adhuc possibles esse, in composito mutationes.

§. 984.

Quia compositum, sub quo *Quæ in*
 tanquam species continetur exten- *extenso fig-*
 sum, ab hoc non differt, nisi qua- *ripotest*
 tenus hujus partes communi ter- *mutatio.*
 mino copulentur, ad quod in compositi id-
 ea non attendimus (§. 865); & quia ex hac
 differentia alia in extenso accidere nequit
 mutatio, quam quæ remotione partium a
 communi termino, quo copulabantur, ab-
 solvitur (§. 863.), partiumque proinde a se
 mutuo distantia constituitur (§. 873.), ea-
 rundemque, proinde a se invicem situs mu-
 tatur (§. 893.); patet *neque in extenso ali-*
am locum habere mutationem, quam quæ
magnitudinem, figuram, situm partium
intestinum, & locum totius concernat
 (§. 983.).

Qui omne compositum statuunt extensum, non
 opus habent de extenso sigillatim ostendere,
 quod de composito antea fuit evictum. Nobis
 vero, qui aliquod inter extensum & compo-
 situm statuimus discrimen, in natura rerum,
 ut putamus, fundatum, sine vitio, quod Lo-
 gici saltum in argumentando dicere solent, id
 licentiæ non erat permissum. Debuimus er-
 go, quod de composito ostendimus (§. 983.),
 omnis de eo tollendi dubii causa, de extenso
 ex ejus a composito differentia demon-
 strare.

§. 985.

Eadem & non aliæ mutationes de corpore prædicantur. *Neque corpus, quatenus est extensum impenetrabile (§. 876.), & ad motum quietemque indifferens (§. 978.), aliam subire potest mutationem, quam quoad magnitudinem, figuram, situm partium intestinum, & locum totius. Dum enim ad extensionem corporis scorsim attendimus, statim occurrit dictarum mutationum possibilitas (§. 984.). Ubi autem impenetrabilitatem respicimus, nihil hujus intuitu concipi potest in corpore mutabilitatis. Illud enim impenetrabile diximus, quod non admittit positionem alterius extensi intra eodem, quibus illud continetur, limites (§. 874.), seu, quod non permittit alteri extensio transitum per ipsum, quem occupat, locum. Nulla itaque respectu impenetrabilitatis, quam omne possidet corpus (§. 876.), concipi potest mutatio, nisi admittere velis in impenetrabilitate dari gradus, unumque corpus altero magis esse impenetrabile, alterum ergo, saltem ex parte, esse penetrabile, quod sane tollit datam corporis ideam (§. cit.), & constantissimæ Physicorum experientiæ adversatur. Qua impenetrabilitatem igitur nullam subire potest corpus mutationem. Ex indifferentia corporis ad motum & quietem nihil sequitur aliud*

aliud, quam posse corpus vel moveri, vel quiescere (§. 978.), h. e. vel mutare locum, vel in eodem permanere (§. 947.). Omnis ergo, quæ hinc originem trahere potest mutatio, circa locum totius corporis versatur. Siquidem igitur ex consideratione extensionis nulla corpori accidere potest mutatio, nisi quoad magnitudinem, figuram, situm partium intestinum, & locum totius. Ex consideratione autem impenetrabilitatis nullam plane, ullius nominis, subire potest. Et ex intuitu indifferentiæ, præter mutationem, quoad locum totius, nullam admittere potest corpus aliam (per demonstr.); recte statuimus corpus, quatenus est extensum impenetrabile, & ad motum quietemque indifferens, aliam non admittere posse mutationem, quam quoad magnitudinem, figuram, situm partium intestinum, & locum totius.

An corpus præter extensionem. impenetrabilitatem, indifferentiam, & quod ex his vel mediate, vel immediate pendet, nihil contineat aliud essenziale, incertum nobis hætenus esse fateor, utcumque quidam sibi arrogant completam corporis essentiæ cognitionem. Id vero cerum & extra omnem vel minutissimam dubitationis aleam positum est memorata corporis prædicata esse ei essentialia, sufficientia quoque ad dignoscendum corpus tum ab omni ente simplici, tum a spatio, adeoque

ab omni eo, quod præter corpus vel existere, vel possibile esse novimus. Haftenus ergo pro plenaria prædicatorum corporis essentialium enumeratione haberi possunt extensio, impenetrabilitas, & indifferentia ad motum & quietem. Indeque recte colligimus corpori non possibilem esse aliam mutationem, quam quoad magnitudinem, figuram, situm partium intestinum, & locum totius. Malui autem in ipsa thesi, quam demonstrandam sumsi, has mutationes de corpore affirmare, sub restrictione, quatenus extensionem, impenetrabilitatem, & indifferentiam possidet, non absolute; ne cui suspicandi daretur an si sua universalitate destitui thesin, quam tamen sine omni exceptione tueretur, & ita quidem, ut in contrariam partem ex natura rerum, adduci nequeat ullum ullius corporis mutati exemplum. Sed putas forte possidere corpus multas qualitates sensibiles, ut colores, odores, sapores, quæ non minus ac figura, magnitudo, situs partium intestinus, & locus totius, mutari possunt, & actu mutantur. Enumeratas ergo in thesi mutationum classes, non comprehendere omnes, quas subire potest corpus, & adeo experientiam Universalitati theseos nostræ obfistere. Sed notes velim per præsentem propositionem patere, quod non mutantur nisi figuræ, magnitudines & situs partium, dum qualitates istæ sensibiles mutantur, quod plurimis exemplis, e Physica depromptis, illustrare liceret, nisi discursu Physico transcenderem limites Metaphysicæ considerationis.

§. 986.

*Nulla composito accidere pot- Sine motu
est mutatio nisi per motum. Nul- nulla in
la composito accidere potest mu- composito
tatio, nisi qua magnitudinem, fi- mutatio.)
guram, situm partium intestinum & locum
totius (§. 983.). Figura & magnitudo com-
positi mutantur, partium additione, inter-
positione & ablatione (ut ex his, quæ in
citata §. sunt demonstrata, perspicue colli-
gitur). Partium additione, interpositione
& ablatione mutantur, ut quilibet sua intel-
ligit sponte, harum partium distantia, quas
antea ad ipsum compositum habuere, mutan-
tur, inquam, ita ut hujus mutationis ratio,
quæ omnino dabitur (§. 95.), sit vel in par-
tibus istis, vel in composito, vel in utrisque
simul (§. 63.). Si primum, moventur partes
ad compositum (§. 959.); si alterum, move-
tur compositum ad partes, sive, ab illis suo
motu recedit (§. cit.); si tertium, moven-
tur & partes & compositum simul (§. cit.)
Magnitudinis ergo & figuræ compositi mu-
tatio non potest non per motum fieri. Par-
tes, quibus constat compositum, sunt plura
in eodem simul existentia (§. 932.), muta-
tio itaque situs partium intestini involvit mu-
tationem situs plurium simultaneorum mu-
tuam, ideoque & motum intestinum mutu-
umque (§. 960.). Tandem nemo non intel-*

N

ligit

ab omni eo, quod præter corpus vel existere, vel possibile esse novimus. Haftenus ergo pro plenaria prædicatorum corporis essentialium enumeratione haberi possunt extensio, impenetrabilitas, & indifferentia ad motum & quietem. Indeque recte colligimus corpori non possibilem esse aliam mutationem, quam quoad magnitudinem, figuram, situm partium intestinum, & locum totius. Malui autem in ipsa thesi, quam demonstrandam sumsi, has mutationes de corpore affirmare, sub restrictione, quatenus extensionem, impenetrabilitatem, & indifferentiam possidet, non absolute; ne cui suspicandi daretur an si sua universalitate destitui thesin, quam tamen sine omni exceptione tuctur, & ita quidem, ut in contrariam partem ex natura rerum, adduci nequeat ullum ullius corporis mutati exemplum. Sed putas forte possidere corpus multas qualitates sensibiles, ut colores, odores, sapes, quæ non minus ac figura, magnitudo, situs partium intestinus, & locus totius, mutari possunt, & actu mutantur. Enumeratas ergo in thesi mutationum classes, non comprehendere omnes, quas subire potest corpus, & adeo experientiam Universalitati thesios nostræ obsistere. Sed notes velim per præsentem propositionem patere, quod non mutantur nisi figuræ, magnitudines & situs partium, dum qualitates istæ sensibiles mutantur, quod plurimis exemplis, e Physica depromptis, illustrare liceret, nisi discursu Physico transcenderem limites Metaphysicæ considerationis.

§. 986.

Nulla composito accidere potest sine motu est mutatio nisi per motum. Nulla in la composito accidere potest mu- *composito mutatio.* tatio, nisi qua magnitudinem, figuram, situm partium intestinum & locum totius (§. 983.). Figura & magnitudo compositi mutantur, partium additione, interpositione & ablatione (ut ex his, quæ in citata §. sunt demonstrata, perspicue colligitur). Partium additione, interpositione & ablatione mutantur, ut quilibet sua intelligit sponte, harum partium distantia, quas antea ad ipsum compositum habuere, mutantur, inquam, ita ut hujus mutationis ratio, quæ omnino dabitur (§. 95.), sit vel in partibus istis, vel in composito, vel in utrisque simul (§. 63.). Si primum, moventur partes ad compositum (§. 959.); si alterum, movetur compositum ad partes, sive, ab illis suo motu recedit (§. cit.); si tertium, moventur & partes & compositum simul (§. cit.) Magnitudinis ergo & figuræ compositi mutatio non potest non per motum fieri. Partes, quibus constat compositum, sunt plura in eodem simul existentia (§. 932.), mutatio itaque situs partium intestini involvit mutationem situs plurium simultaneorum mutuum, ideoque & motum intestinum mutuumque (§. 960.). Tandem nemo non intel-

N

ligit

ligit mutationem loci totius compositi, totius inferre motum (§. 947.). Ostendimus itaque singulas, quæ composito accidere possunt mutationes, motu peragi, ut adeo universaliter concludere liceat, nullam composito accidere posse mutationem nisi per motum.

Diffundit se hujus propositionis eximia utilitas non modo per universam Physicam, ubi a mutationibus in aliquo corpore deprehensis ad motum, ceu modum necessarium, quo illæ fiunt, colligimus; per Psychologiam quoque, ubi contra materialistas occupati sumus in ostendenda immaterialitate mentis humanæ.

§. 987.

*Nulla in corpore si-
ne motu
mutatio.* Quia neque extenso (§. 984.), neque corpori, quatenus est extensum impenetrabile, & indifferens ad motum & quietem (§. 985.), alia accidere potest mutatio, quam quoad magnitudinem, figuram, situm partium intestinum, & locum totius. Hæ autem omnes mutationes, ut ostendimus (§. 986.), per motum fiunt; Perspicuum ergo est *nullam extenso & corpori, quatenus est extensum impenetrabile & indifferens ad motum & quietem, contingere posse mutationem nisi per motum.*

Hinc itaque perspicimus quam necessaria sit adrite in Physicis Philosophandum motus doctrina,

na,

na, quippe sine qua ne minimum quidem naturæ opus investigari potest.

CAPUT. V.

DE

NOTIONE ENTIS SIMPLICIS,
EJUSQUE
DISCRIMINE AB ENTE
COMPOSITO.

§. 988.

Enti composito, quod parti- *Entis sim-*
bus constat (§. 932.), com- *plicis defi-*
muni omnium consensu op- *nitio.*
poni solet. *Ens simplex*, quod ergo ejus-
modi ens est, quod partibus plane caret
(§. 426.).

Ejusmodi entia simplicia sunt DEus & anima
humana, ut in Theologia Naturali & Psycho-
logia uberius commonstrabitur. Eximia hinc
elucet doctrinæ, quæ de ente simplici agit,
utilitas. Sed quantæ est hæc utilitatis, tantæ
quoque est difficultatis, tantoque majorem me-
retur attentionem. Consuetudinem percipi-
endi sensibilia, quæ composita sunt, ab ipsis,
ut ajunt, incunabulis contraximus. Nihil
itaque miri, majori difficultate premi distin-
ctam simplicium cognitionem, quam compo-
sitorum; Conabimur tamen has vincere diffi-
cultate-

cultates non adminiculo sensuum, sed ductu rectæ rationis: Huic enim non illis suam debet originem, quicquid de ontē simplici vere scimus.

Est quidem, quam dedi, simplicis notio negativa, nihil tamen ideo vitii habet. Docet Logica in contradictoriis explicandis, uno contradictorium positive definito, permissum esse definire alterum negative. Explicuimus positive quid compositum sit (§. 932.), cui quum simplex contradictorie opponatur, illud definire licet per ens, quod partibus caret omnibus, vel, cum *Musæo* in Instit. Metaph. Cap. XXX. §. 22. *quod ex alijs non est compositum*. Caveas vero, ne hinc inferas ens simplex esse negativum quid, esse non-ens (§. 289.). Nam quia generis loco in allata simplicis definitione ponitur ens, simplici conveniunt omnia illa positiva prædicata, quæ ex notione entis in genere fluunt & consequuntur. Ubi deinde attendimus simplex opponi composito, & de oppositis opposita valere (§. 426.), simul perspicimus simplici competere prædicata, opposita iis, quæ composito attribuimus. Tandem dum hæc prædicata cum prioribus, iusto ratiocinandi modo, contenduntur, varia inde eruere licet, quæ non negativam, sed positivam docent simplicis naturam.

Laxior Qui compositi ideam tam late sumunt,
simplicis ut sub illa comprehendant quamvis fe-
notio re- re pluralitatem, qua unum quid con-
ijcitur. stituitur, vi oppositorum, dicere de-
 bent

bent, simplex esse, quod quamvis excludit pluralitatem. Sed justo laxiorem, immo, & erroris plenam esse illam compositi ideam ante ostendimus (§. 932). Eodem igitur vitio laborat laxior hæc simplicis idea. Hæc enim posita, & DEO, qui prædicatorum formalem admittit pluralitatem, & Angelis reliquisque spiritibus finitis, qui & formalem & modalem possident prædicatorum pluralitatem, denegaretur simplicitas, quod multifariis & maxime periculosis premitur difficultatibus, vel cæco obvis. Non ergo in ea latitudine sumi debet simplicis notio, sed sensu, quem expressi, & quo oppositur enti, quod partibus constat.

A Veteribus in Græcia Philosophis *Veterum*
 sæpius quidem adhibita fuere voca- *Græcorum*
 bula αἰσώματος & ἀπλῶν, quæ La- *& Latino-*
 tini per vocem, *simplex*, denotare *rum de en-*
 volunt, multis tamen ostendit *Mos-*
te simplici
bemius in notis ad *Cudworthi Syll.* *notio.*

Intell. p. 76. §9. 441. hos Philosophos non eandem nobiscum huic termino adjungere notionem, qua enti simplici omnem plane partium denegamus pluralitatem, sed aliam, qua simplex dixere, quod crassioris quidem materiæ est expers, subtilissimis tamen constat particulis. Hoc modo *Aristoteles* L. V. Metaph. cap. 8. elementa sua, ignem, ærem, aquam, terram vocat τὰ ἀπλᾶ, & quæ ex his constant σάματα. Eodem sensu quaerit *Cicero* L. IV. cap. 39. Academ. Quæst. *An simplex*

unusque sit animus? si simplex, utrum sit ignis, an anima, an sanguis? Sed relicta hac veterum acceptione entis simplicis, manemus in semel stabilita & proposita, qua illud omni composito, etiam ei, quod subtilissimis constat partibus, e diametro opponitur, Physicis non denegantes sua elementa, aliaque corpora, quæ ex aliis mixta non putantur, vocare simplicia, modo sibi caveant a simplicitate, quam nos explicamus, Metaphysica.

Leibnitii Illustri *Leibnitio* vocatur ens simplex & *Pythamonas*, quam adpellationem sine dubio *goreorum* ex *Pythagoreis* hausit, qui numerum *de mona-* in intellectualem & scientificum divisere: *dibus do-* Illum dixere in Divina mente ante *Arina.* omnia subsistere, a quo & ex quo omnia in ordinem sunt disposita, & per seriem indissolubilem stant distincte connumerata: *Hunc* voluere esse extensionem & operationem rationum seminalium, quæ monadi, seu, unitati insunt, & productionem in actum, sive progressionem multitudinis a monade incipientem, & regressionem in eandem desinentem. Hinc distingvendum putarunt inter *μονάδα καὶ ἓν*, unitatem & unum, unitatem in intellectualibus subsistere, unum in numeris, vel ut *Moderatus* habet, unitatem in numeris unum in numerabilibus, Licet *Archytas* & *Philolaus* unitatem & unum indiscriminatim, adpellaverint, teste *Dione Smyrneo*. Mathem. Plat. cap. 4. Hinc *μονάδα* explicuerunt per quantitatem, quæ decrescente multitudine, omni numero privata, quietem ac statum accipit. Quare *Moderatus* apud *Stobæum*

Stobæum cap. 2. *Phys. Ecl.* voluit *μονάδα* dici ἀπὸ τοῦ μένεν, quod stet, atque in eadem semper ratione maneat, vel ἀπὸ τοῦ μέμονεσθαι, quod a multitudine separetur, Vocaturque mens, hermaphroditus, Deus, bonum, materia, & omnium receptrix, chaos, ratio seminalis, simplex exemplar, forma, ac species, Jupiter, & his similia. Vide *Stanleji Hist. Phil.* p. 718. & seq. & quoad nomina monadis, p. 721. 722. Quid vero potissimum in Pythagoreorum Schola per *μονάδα* sit intellectum explicatu videtur difficile, tum ob magnum Pythagoreorum de hac re divortium, tum ob varia, & sæpe obscurissima nomina, quibus unitatem suam appellare, vel potius celare voluerunt. *Ecphantus* Syracusanus, Pythagoræ discipulus, *μονάδας* Pythagoræ corporeas dixit, seu, esse individua corpuscula, & rerum omnium principia. Sunt etiam inter Pythagoræ sequaces, qui informem materiam, ex qua sunt omnia, *μονάδα* dixerint, quod ex mente *Empedoclis* recte dici observat *Moshemius* l. c. p. 446. qui simul ad mentem Pythagoreorum addit ex hac unitate *δυάδα* profluxisse, bina nimirum prima elementa, *aquam*, & *aërem*, ex qua concreta, *terram*, sensim enatam esse; ex aëre *ignem* emicuisse. Et sic nos habere quaternarium illum elementorum numerum, quem testibus multis Pythagoras posuit: cunctis enim rebus compositis, cum initia adscriberent hi Pythagorei ex simplicibus, ea monades dixere, licet ex sensibiliū classe essent. Alii non pauci inter veteres, quorum nonnullorum testimonia col-

legit *Cudworthus* Syst. Intell. p. 444. Statuunt Pythagoram per *μονάδα* intellexisse DEum, per *δυάδα* autem materiam, ex qua DEus orbem hunc construxit. *Jac. Brückerus* in Hist. Crit. Phil. p. 1078. T. I. mentem Pythagoræ expressurus dicit illum sub *μονάδα* comprehendere rerum omnium in uno comprehensionem & principium, non tantum activum, DEum scilicet, sed & passivum, materiam puta crassiorem, DEum vero Pythagoræ nihil aliud esse quam ignem mundi subtilissimum, activa movendi, formandi, fingendi, certisque legibus cuncta disponendi facultate præditum, qui licet in se subtilissima materia sit, sensu tamen, veteribus receptissimo, incorporalem haberi, & crassioris materiae dimensionibus non esse subjectum. Hunc ipsum ignem, quum naturali & intrinseca vi polleat se movendi, cuncta intimo & essentiali nexu secum juncta, ita movere, ut tandem formam consequantur visibilem. Sed quorsum tam multa ais de Pythagoræ monadibus? ut pateat quousque cum monadibus Leibnitii conveniant, ne ultra justos limites Pythagoræ & Leibnitianæ Philosophiæ extendamus consensum. Uterque & Pythagoras & Leibnitius censuere 1:do) Sine concessis & assumtis monadibus rationem rerum sensibilibum & compositarum ultimam dari non posse. 2:do) Monades esse vel DEum, vel elementa rerum materialium, cum hoc tamen discrimine, quod DEum dicat Leibnitius *monadem originariam, primitivam, & increatam*, quæ existere potest nullis aliis existentibus, ab hac differre statuat

mona-

monades derivativas, quæ, non existente monade Originaria, existere nequeunt. Harum diversas facit Leibnitius classes, quarum non nisi infimam elementa rerum materialium constituere arbitratur, quod monadum derivatarum discrimen Pythagoræ, quantum constat, non fuit obversatum. 3:to) Monades in se continere principium activum, immo, quatenus elementa rerum materialium constituunt, possidere quoque principium passivum. 4:to) Videtur quoque Pythagoras, quatenus monadem vocat mentem & animam mundi, ei perceptionem cum Leibnitio concedere. In eo vero ille ab hoc quam maxime dissentit, quod ille omni monadi, ut mox diximus, attribuat aliquam partium multitudinem, seu, compositionem, utcunque subtilem & a sensibilibus remotam: Hic autem doceat monadem esse verum ens simplex, omnis plane compositionis expers. Verum hæc αἵ ἐν παρόδῳ Plura de Leibnitii monadibus alia occasione.

§. 989.

Quamvis non alio, quam mox dictum est (§. præc.), sensu, sumamus ens simplex, quia tamen placeat multis, etiam hujus seculi Philosophis simplex vocare non solum in oppositione ad compositum, quod essentialiter distinctis, sed etiam in oppositione ad illud, quod quidem non essentialiter, modaliter tamen, seu, accidentaliter distinctis constituitur; cum his

Alia simplicis notio, ejusque inde pendens divisio.

distingere debemus simplex in *absolute*, & *secundum quid tale*. Illud est, quod omnem omnino compositionem realem excludit. Hoc vero, quod quidem sua essentia ex aliis intrinsece non est conflatum, admittit tamen plura accidentaliter secum juncta.

Ejusmodi ens, absolute simplex, quod etiam simplicissimum adpellari solet, non datur nisi solus DEus, qui ab omni compositione reali, cujuscunque demum nominis, plane est remotus. Simplicia autem, secundum quid talia, sunt omnes spiritus finiti, Angeli & anima humana, quibus quidem deneganda est omnis compositio essentialis, attribuendaque, quam mox explicui (§. 988.), simplicitas; competit tamen eis compositio modalis, ex essentia & existentia, subjecto & accidentibus, quæ a se mutuo separari possunt, ut ex finita eorum natura haud obscure colligitur. Sed retineamus nostram simplicis notionem, sub qua & DEus & Spiritus finiti comprehenduntur.

§. 990.

Simplicis Quoniam ens compositum par-
& compositi oppositio. tibus constat (§. 932.), de ente autem simplici negantur omnes partes (§. 988.); *composito opponitur ens simplex* (§. 424.). Quod itaque de illo, qua tali, affirmatur, de hoc, qua tali, est negandum. & vicissim, quod de hoc affirmatur, de illo negabitur (§. 426.).

Antea,

Antea, ubi demonstravimus regulam: *de oppositis valent opposita* (§. 426.), exempli loco provocavimus ad ens simplex & compositum, quod ideo nemo, qui inter demonstrationem propositionis, & ejusdem per exempla illustrationem distingvere didicit, ita capiat quasi hoc loco per circulum ostenderetur idem per idem; Nam demonstratio regulæ, ad quam hoc loco provocamus, ex definitione oppositorum data (§. 424.) pendet, nec quicquam præsidii, sed tantum illustrationis habet in exemplis, quæ ibi allegantur. Deinde notes non modo permissum esse, sed & oportere in Systematica disciplinarum pertractatione, quod in prioribus, ut exemplum, adhibetur, suo in systemate loco sigillatim ostendere & declarare, cujus rei perspicuo nobis est documento præsens, de quo loquor, consuetarium.

Quod rem ipsam concernit observes simplex & compositum quoad differentias suas específicas inter se opponi, oppositaque habere prædicata, non autem quatenus considerantur, ut entia; hoc enim respectu inter se non opponuntur, sed communibus gaudent prædicatis (§. 586.), quæ ex notione entis in genere fluent, & deducuntur.

§. 991.

Cuilibet enti sua competit essentia (§. 329.), sua, quæ hinc pendet, attributa (§. 343.). Est vero ens simplex ens (§. 988.), seu sub ente in genere comprehenditur ens simplex.

*Simplici
competunt
essentia &
attributa.*

plex. *Possidet ergo hoc ens essentiam, & quæ ex illa fluunt, attributa.*

§. 992.

*Carentia
partium
loco essen-
tiæ est in
ente sim-
plici.*

Enti composito opponitur simplex (§. 990.), & oppositorum opposita est ratio (§. 427.), ipsaque essentia est ratio sufficiens omnium entis attributorum (§. 322.). Simplicis ergo essentia composito opponitur. Opponitur autem simplex composito per partium carentiam, qua ab omni composito sufficienter dignoscitur (§. 988.). In illa ergo, *essentia simplicis non inepte collocatur.*

Quamvis hoc modo simplicis essentia negativis efferatur terminis, cave tamen credas eam in se negativam esse: mox enim demonstrabitur partium carentiam, quam essentiae loco simplici attribuimus, veram involvere realitatem & perfectionem.

§. 993.

*Simplicis
& extensi
pugna.*

*Ens simplex non est extensum,
& extensum simplex esse nequit.*

Nullum enim ens, quod partibus destituitur, est extensum (§. 863.). Quodvis autem ens simplex partibus caret (§. 988.). Simplex ergo extensum esse nequit Q. E. U.

Quod partes habet extra partes simplex esse non potest (§. 988.), sed extensum ejusmodi

modi ens est (§. 863.). Nequit ergo esse simplex. Q. E. A.

Recte hinc judicant Cartesiani extensione distinguere corpus ab omni ente simplici; non tamen inde, quod iidem volunt, sequitur, corporis essentiam in extensione consistere; Nam existentiam spatii, ut extensi penetrabilis, antea ostendimus (§. 877.). Non ergo omne extensum corpus est.

§. 994.

Ens simplex est indivisibile. Simplicis illud divisibile vocamus, quod in indivisibiles partes, quibus constat, resolvi potest. Sed nullas habet ens simplex partes (§. 988.). Non ergo est divisibile.

Idem sic ostenditur: De composito, quatenus partibus constat, seu quatenus compositum est (§. 832.), affirmatur in partes resolutibilitas (§. 856.), seu, divisibilitas. Quæ ergo de simplici non debet non negari (§. 990.).

Hinc quidam cum *Thoma* formale, h. e. specificam entis simplicis essentiam collocandam censent in *indivisibilitate*. Quoniam vero indivisibilitas partium præsupponit carentiam, sine qua illa ne concipi quidem potest; in definiendo ente simplici, ejusque essentia determinanda, potius ad fundamentum indivisibilitatis, in partium carentia positum, quam ad ejus consequens, attendere debemus.

Thomam præcipue vero *Scheiblerum*, qui L. 1. Met. cap. V. §. 13. dicit simplicitatem significare ipsam entitatem cum negatione divisionis in se, sequi videtur inter recentissimos D. *Daries*, qui §. 2. *Monadol.* collocat essentiam entis simplicis in *impenetrabilitate indivisibili*, h. e., quia existimat impenetrabilitatem esse primum, per quod ens est ens, in entitate indivisibili. Non repetam, quod antea (§. 875.) contra hunc observavi auctorem, impenetrabilitatem cum entitate non esse confundendam. Id solum in præsentī excutiam, jure ne an injuria de simplici prædicetur impenetrabilitas Fateor me non concipere vel affirmare posse ens simplex, vel alteri enti simplici, vel composito liberum concedere transitum: Nam si concederet, quia quodlibet ens, & simplex & compositum, suam habet essentiam (§. 991. 836.), eo, quo transitus peragi fingitur, momento, in eodem ente simplici darentur duo essentialiter distincta (§. 437.), quæ itaque ut duæ simplicis distinctæ partes merito considerarentur, quod per naturam simplicis omnino absurdum (§. 988.). Largior itaque ens simplex alteri enti simplici vel composito transitum per suam substantiam non permittere. Lubens itaque concedo & simul urgeo omne ens simplex hoc sensu esse impenetrabile quoniam tamen penetrabile & impenetrabile ut duas extensorum species antea consideravi (§. 874. 875.), nec video quicquam, quod me ab hoc, satis usitato, dicendi genere amoveat, & præterea omnibus in universum constat simplici repugnare extensionem (§. 993.); neque vel

pene-

penetrabilitas, vel impenetrabilitas de ente simplici, hoc sensu, recte & accurate dicitur. Quæ causa, cur ab hac phrasi in Theoria entis simplicis potius abstinendum esse judicem.

§. 995.

Ens simplex caret magnitudine omni. Nulla sine partium *caret magnitudine* multitudo datur *magnitudo* (§. 844.), sed ens simplex omnibus caret partibus (§. 988.). Nulla ergo vi competit magnitudo.

Non tamen ideo confundas precor punctum Mathematicum cum ente simplici, manifestum enim inter illud & hoc in sequentibus declaraturus sum discrimen.

De cetero non existimes nos cuivis enti simplici denegare omnem quantitatem: nam aliud quantitas, aliud magnitudo, illa hujus est genus, & hæc illius species, illa gaudet ens simplex, si finitum est, hac autem penitus destituitur. Nimirum duplex est quantitas, alia virtutis, alia molis, illam, quæ nihil est aliud quam certus qualitatum gradus, habet ens simplex finitum: hæc autem, quæ alio nomine magnitudo dicitur, simplici, sine manifesta contradictione, tribui nequit.

§. 996.

Ens simplex nullam habet figuram. Nam figura est limes extensorum & compositorum *non est figuratum.*

(§. 868.); Ens autem simplex nec extensum (§. 993.)

(§. 993.), nec compositum est (§. 990.). Nullam ergo habet ens simplex figuram.

§. 997.

Simplicis *Ens simplex neque spatium ali-*
illocalitas. quod implere, neque in loco esse
potest. Nam implere spatium & esse in loco
tantum de extensis dicuntur (§. 898. 899.);
sed simplici deneganda est omnis extensio
(§. 993.) Nequit ergo simplex, vel spati-
um implere, vel in loco esse.

Sed objici solet: *Aut simplicia sunt alicubi, aut*
non sunt. Si sunt alicubi, necesse est ea esse in
spatio. Si non sunt, plane non existunt. Latet
ambiguitas in voce: *alicubi*. Alii enim dicunt
eam denotare ubi-etatem limitatam; Ubi-etatem
autem id esse volunt, quo ens est in aliquo
ubi, seu, alicubi. Ob circulum ergo in de-
finiendo commissum, nullam q̃ alicubi, seu,
ut barbaro cum his Philosophis utar termino,
alicubietatis tradunt notionem. Alii q̃ ubi
cum spatio confundunt, putantes esse in ubi
nihil involvere aliud, quam esse in spatio.
Hunc sensum voci tribuere intendit adducta
objectio, quæ ergo, isthac supposita notione,
in hanc abit formam: *Aut simplicia sunt in spa-*
tio, aut non sunt (scilicet, in spatio, nam ali-
oqui vera & legitima non esset in hac proposi-
tione oppositio), *si sunt in spatio necesse est ea*
esse in spatio, si non sunt in spatio, plane non exi-
sunt. Sed duplici peccat hoc ratiocinium mo-
do, nam ex assumpto, quo simplicia in spatio
esse finguntur, inferre conatur eadem in spatio
existe-

existere, petit ergo id, quod est in principio. Deinde falso & sine omni fundamento concludit nihil nisi in spatio existere: Quoniam enim præter extensa nihil, proprie loquendo, in spatio existit, ex opponentis assertionem sequeretur præter extensa non existere aliud. Quod in Psychologia & Theologia Naturali absurdum demonstrabitur. Relicta ergo hac ubi-tatis notione, ut oppido absurda, alii dicunt se per ubi-tatem non intelligere nisi modum, quo unum ens alteri præsens est & coëxistit, vel saltem coëxistere potest. Hoc sensu recte quidem dicimus omne simplex finitum, quatenus existit, & alteri enti præsens est, esse in aliquo ubi. Inde tamen non sequitur illud implere spatium, seu spatium esse coëxtensum, vel, proprie loquendo, in loco esse, qui pars spatii absoluti est, & relative ad determinatum modum coëxistendi inter corpora restringitur (§. 890.). Nihil itaque valet allata objectio ad thesios nostræ infringendam veritatem.

§. 998.

Ens simplex est incorruptibile. Simplicis
bile. Quodcunque partibus non *incorruptibilis,*
 constat, illud dissolutione in par-
 tes interire nequit. Ens vero simplex omni-
 bus caret partibus (§. 988.). Nequit ergo
 dissolutione in partes interire. Non itaque
 potest non esse incorruptibile (§. 860.).

Idem sic quoque ostenditur: Quodcunque
 est corruptibile, ens compositum est (§. 861.).

O

Sed

Sed ens simplex non est compositum (§. 990.).
Non ergo est corruptibile.

Ea scilicet est simplicis natura, ut non eo, quo intereunt corpora, modo suam amittere queat existentiam, oppositam enim omni enti composito habet naturam (§. 990.). Quod ergo compositorum & corporum est proprium simplici attribui nequit. Caveas tamen ne ex hac adserta entis simplicis incorruptibilitate interas cuivis enti simplici omnem plane repugnare interitum; mox enim demonstrabitur ens simplex, quod contingens est, & ortum & interitum admittere.

§. 999.

Excluditur Omne ens est vel simplex vel compositum in- *positum.* Omne enim ens aut partibus constituitur, aut nullas habet, quibus constituatur, partes (§. 63.). Si partes habet, compositum est (§. 832.). Si omnibus caret partibus, simplex est (§. 988.). Ens igitur omne aut est simplex aut compositum.

Ex Scaligero inferre conatur Lippius in Metaph. Magna L. 1. cap. 111. p. 273. seqq. *Omne ens, præter unum, h. e. DEum, esse compositum.* Putat enim Scaligerus Exerc. 61. S. 5. omne, quod ab alio ratione suæ existentiae dependet, & ideo interire potest, esse corruptibile, & per consequens non actum purum, sed aliquo modo compositum & resolubile; Solum autem DEum esse purum actum. Sed obser-

observamus Scaligerum justo laxiorem tribuere corruptibilitati ideam (conf. 860.), quæ posita, tatemur equidem omne simplex, præter DEum, esse corruptibile; juxta tamen contendimus corruptibilitatem ad intra, ex qua sola veri nominis compositio sequitur (conf. §. cit.), omni enti simplici esse denegandam (§. 998.). Confundunt deinde Scaligerus & Lippius compositum physicum cum metaphysico, hoc recte prædicatur de omni, præter DEum, ente simplici (§. 833.), illud simplici contradictorie opponitur (§. 990.). Salva itaque & incolumis manet nostra assertio, quæ statuimus omne ens esse vel simplex, vel compositum.

§. 1000.

Ens Necessarium est ens simplex. *Ens Necessarium.* Omne ens est vel simplex vel compositum (§. 999.). *Ens quale ens.* Necessarium non modo est ens, sed & *ens* ens dici debet (§. 613.). Ens ergo Necessarium aut est simplex aut compositum. Sed compositum esse nequit, quia illud omne est contingens (§. 862.), ideoque non necessarium (§. 625.). Ens ergo Necessarium non potest non esse ens simplex.

Simplicitas entis Necessarii alio adhuc in sequentibus commonstrabitur argumento.

Ceterum erroris hinc facile convincuntur athei, qui mundum, cui simplicitas plane repugnat, pro ente necessario habent: Nihil enim magi, absurdum & impium excogitari potest unquam quod

quod alio loco plenius, D. V. demonstrabitur. In præfenti vero observes non omne ens simplex esse necessarium, sed dari ens simplex contingens, quod vel exemplo animæ humanæ abunde probat Psychologia,

§. 1001.

Quo sensu ens simplex non est aliquod ens successive, sed permanente. Omne enim ens habet essentiam sibi debitam (§. 329.), seu determinationes essentielles sibi competentes (§. 320.). Hæ autem determinationes, dum ens existit, vel existere incipit aut simul, aut successive una post alteram existunt (§. 63.), si prius ens vocatur permanente, si posterius successive (§. 901.). Omne ergo ens, ratione existentiae essentialium, est vel permanente, vel successive. Consequenter ens simplex alterutrum horum erit: si vero id esset ens successive, possideret determinationes essentielles, realiter a se mutuo distinctas (§. 902.), adeoque esset ens compositum (§. 832.), quod implicat (§. 990.). Vere igitur concludimus ens simplex esse ens permanente, non vero successive.

Studiose caveas ne hinc fluere putes, nullum ens simplex nullo modo esse successive. Dantur enim simplicia contingentia & finita, quæ variam accidentium admittunt successionem, quod exemplo animæ humanæ in Psychologia demonstra-

monstrabitur. Non agimus in præfenti puncto de successione accidentium, sed quæstio volvitur, an ens simplex possideat determinationes essentielles non simul, sed successive, altera post alteram existentes, i. e. an sit ens successivum, ita enim illud antea definimus (§. 901.). Repugnat vero entis simplicis essentiali habere determinationes essentielles, successive existentes. Defendimus ergo ens simplex ratione essentiali existentis non esse successivum, etsi non negemus posse illud quoad modos, varias admittere vicissitudines.

§. 1002.

Ens absolute perfectum est Ens absolute simplex. Ens absolute perfectum, aut est simplex, aut compositum (§. 999.), sed compositum esse nequit (§. 854.). Est ergo simplex.

Duo præprimis heic notari merentur, primum, ne inde, quia separatis propositionibus (§. 1000. 1002.) demonstravimus ens & necessarium & absolute perfectum esse ens simplex, fluere existimes aliud ens simplex esse necessarium, aliud absolute perfectum. Nam in Capite de Ente Infinito & finito, demonstrabitur D. V. ens simplex quod necessarium est, esse simul absolute perfectum, & vicissim; absolutam ergo in existendo necessitatem realiter non differre absoluta perfectione. Deinde observes non omne ens simplex esse absolute perfectum, sed dari ens simplex, ut alia taceam, animam puta humanam, cui absolu-

ta perfectio plane repugnat. Vides itaque, sine dubio, præsentem, quam tuemur, non converti posse thesin.

§. 1003.

Indoles

*simplicitatis positi-
va.*

Ex prono, uti ajunt, hinc fluit alveo, ens simplex, suo formali, quod in carentia partium consistit (§. 988.), positivam dicere indolem & realitatem involvere. Nam 1^o esse ens simplex competit enti absolute perfecto (§. 1002.), non tam quatenus est ens, quam potius quatenus composito opponitur, ut ex allata præcedentis propositionis demonstratione abunde claret. Opponitur autem simplex composito per carentiam partium (§. 990.), quæ ipsum formale entis simplicis, seu, ipsam simplicitatem, constituit (§. 988.). Ipsum ergo hoc formale enti absolute perfecto adtribuitur. Huic autem quicquid competit enti est positivum non autem negativum & privativum (§. 753.). Itaque carentia partium, qua ipsa simplicitas constituitur (§. 988.), positivam dicit indolem & realitatem involvit (§. 271. 279.).

Sed ais forte: quia enti absolute perfecto competit formale entis simplicis, quia etiam præter realitatem absolutam enti absolute perfecto nihil attribui debet, formale entis simplicis absolutam dicere perfectionem, atque adeo præter ens absolute perfectum,

Etum, alia non dari entia simplicia, quod modo dictis repugnat (§. 1002.). Fateor, & quidem non invitus, simplicitatem, prout enti absolute perfecto competit, absolutam dicere realitatem & perfectionem, sed juxta contendo inde non magis sequi, præter ens absolute perfectum, alia non dari entia simplicia, quam quod ex adjudicatis DEO intelligendi & volendi potentiis fluat, præter DEum, non dari alia, intellectu & voluntate prædita. Distinguas itaque inter formale simplicitatis, prout in DEO est, & inter idem prout in genere spectatur. Illud est absoluta realitas, hoc indifferens hætenus ad admittendam vel absolutam, vel respectivam: infert ergo realitatem in genere, & per consequens non negativam vel privativam habet indolem, sed positivam: Nam quo modo quæso alias, retenta eadem notione, eveni posset ad prædicatum entis absolute perfecti, seu, ad realitatem absolutam? Nunquam sane, quum realitatis sit, non autem irrealitatis, in absolutam & respectivam abire realitatem (§. 743.).

Ceterum denuo hinc liquet, quod antea (ad §. 988.) observavi, negativam entis simplicis ideam, quæ per partium exprimitur carentiam, & quæ ipsam entis simplicis formam, seu, ejus ab ente composito differentiam absolvit, negativam entis simplicis non inferre indolem, sed esse illam in se positivam.

§. 1004.

Ipsa simplicitas, quæ carentia partium constituitur, perfectionem dicit. Nam simplicitas *fectio.*

realitatem involvit (§. 1003.), enti Absolute Perfecto attribuendam (§. 1002.). Cujus omnis realitas est absoluta & perfectio absoluta (§. 752. 755.), quæ, tanquam species sub perfectione in genere comprehenditur (§. 758.). Quia vero notio generis ingreditur notionem speciei (§. 576.), perspicuum evadit realitatem istam entis simplicis, quam partium carentia exprimimus, & quæ ipsam constituit simplicitatem, non posse non sub perfectione in genere comprehendendi, seu, quod idem est, perfectionem denotare.

Quod modo evicimus sponte & statim fuit, ex natura perfectionis simpliciter sic dictæ, quam multi veterum ex *Anselmo*, uti antea annotavimus (§. 742.), collocant in realitate, qualis, seu, unice, ut realitas considerata. Ostendimus enim ipsum entis simplicis formale realitatem dicere (§. 1003.), unde secundum hanc veterum definitionem, nostræ conformem (§. 737.), statim colligitur simplicitatem, seu, entis simplicis formale esse perfectionem, simpliciter sic dictam.

Existimavit olim *Cajetanus* de Ente & essentia Cap. 2. simplicitatem, quia denotat negationem partium, seu, compositionis, non esse nomen perfectionis. Ast in oppositum nobiscum abeunt plures, ex veterum schola, Doctores, ut *Soncinus* L. IV. Metaph. Qv. 14. *Scotus* L. 1. Sent. Dist. 8. Qv. 1. *Lychnus* L. 1.

Sent.

Sent. Dist. 8, Qv. 1 qui ultimus cum *Suarezio* Disp. Metaph. XXX, S. 3. n. 3. Cajetanum ex professo refutare conatur. Nos vero multis non habemus opus ad dissipandum & tollendum Cajetani dogma: Desumit enim fundamentum ex negatione partium, simplici recte adjudicata, sed etsi illa negativum quid, non autem positivum dicere videatur, mox tamen demonstratum ivimus, illam in se, hoc est, prout enti simplici competit, nullam involvere negationem, sed positivam inferre indolem. Potius ergo ex assumpto Cajetani dogmatis fundamento deducimus, quem ad modum etiam præsentī thesi deduximus, sententiam verissimam, Cajetanianæ oppositam; nimirum, ens simplex non solum ratione entitatis, quam possidet, sed & ratione carentiæ partium, debitam habere perfectionem, sibi que essentialē.

§. 1005.

Punctum Mathematicum est, *Puncti* definiente *Euclide* El. I. D. I. cu- *Mathe-*
jus pars nulla est. Nihil itaque *matici de-*
involvit aliud quam terminum vel *finitio.*
limitem linearis extensionis. Hinc etiam
def. 3. dicit lineæ terminos esse puncta.

Illustri *Wolfio* §. 215. Cosmo. vocantur hæc puncta, *puncta Zenonica*, propterea, quod *Zenoni*, jure vero an injuria ego non dixerim, tribui soleat ea sententia, qua ex ejusmodi punctis extensa coaluisse fingitur.

§. 1006.

Simplicium & punctorum differentia. Habent entia simplicia, præterquam quod entia sint (§. 988.), & proinde positiva (§. 220.), non negativam, carentia partium denotatam, sed positivam naturam, realitate designandam (§. 1003.). Puncta autem Mathematica meram dicunt partium carentiam & præterea nihil (§. 1005.), seu, merum terminum & limitem rei involvunt (§. cit.), nihil itaque inferunt realitatis (§. 482.). *Entia ergo simplicia puncta Mathematica esse nequeunt, neque hæc illa esse possunt.*

Sunt, ut Historia testatur, qui dum audiunt Wolfium statuere elementa rerum esse simplicia, sunt, inquam, qui putant Wolfium confundere puncta Mathematica cum entibus simplicibus, sed erroris eos confutavit ipse Vir Illustis §. 217. Cosmol. Ex iis quoque, quæ modo demonstravimus suæ opinionis falsitatem agnoscant necesse est. Nullibi elementa rerum cum punctis Mathematicis commiscuit Wolfius. Quousque vero sit ejus de elementis rerum hypothesis rei veritati conveniens, sequenti capite evolvere conabor.

§. 1007.

Atomorum definitio & historia. *Atomus* adpellatur, quod in se divisibile est, sed cui dividendo non sufficiunt causæ rerum naturalium.

Quis

Quis Philosophorum primus atomos docuit, disputant inter se historici. Alii auctoritate *Posidonii*, in Physico opere, ducti, putant cum *Cudwortho* in *Sytem. Intell.* cap. 1. p. m. 14. seq. *Mochum*, sive *Moschum*, Phœnicum Philosophum, atomistici systematis primum fuisse conditorem, & ab hoc ad plerosque Philosophos Græcos, quale postea *Leucippus* & *Democritus* dissolverunt, dimanasse. Alii contra cum *Bruckero* in *Hist. Crit. Phil.* T. 1. p. 231. & seqq. suspectum arbitrantur *Posidonii* testimonium, incertissimum quoque esse quicquid de Systemate atomistico a Moscho Phœnicio invento traditur. Sed hanc controversiam non facimus nostram, potius observantes primum, quousque in veterum scripta cum certitudine retrogredi licuit, fuisse *Leucippum*, qui initia atomisticæ Philosophiæ formavit, eandem deinde auxit *Democritus*, magisque postea perpolire studuit *Epicurus*. Jacuit deinde hæc Philosophia, vel saltim parum de ea cogitatum fuit toto illo tempore, quo *Aristoteles* & *Peripatetica* philosophandi ratio regnum obtinueret, usque ad tempus resuscitatarum in occidente literarum. Caput vero erexere atomi seculo XVII, opera *Danielis Senerti*, qui, videns *Peripateticorum* principia explicandi res naturales incerta esse, vaga, obscura & præcisione mentis precario assumpta, confugit ad atomos *Democriti*, & singulari capite in *Hypomnematis Physicis* L. III. cap. 1. de illis egit. Totum vero atomisticum systema non adeo introspectit *Senertus*, quod sane causa fuit cur *Johannes Chrysostomus Magnenus*,
Medi-

Medicus & Philosophus eximius, Democriti Philosophiam plenius explicare constituerit. Quo consilio edidit librum, cui titulus: *Democritus reviviscens, sive de vita & Philosophia Democriti*. Tricini anno 1646. quem postea librum Batavi iterata editione recusum dederunt Lugd. Batav. 1648. Sed meliori successu & feliciori fidere Democrito-Epicuream Philosophiam resuscitavit magnum superioris seculi in republica literaria lumen; *Petrus Gassendus*. Egregium se hic præstitit interpretem Epicuræ Philosophiæ tum variis in scriptis, tum præsertim in *Syntagmate Philosophiæ Epicuri*. Nactus est Gassendus assecclas in Gallia *Franciscum Bernierium* & *Michaëlem Neuraum*, discipulos Gassendi, dum in vivis esset; in Anglia *Gualterum Charletonum*; in Batavia *Wolferdum Sengverdum*. Neque assertio atomorum admodum displicet *Petro van Musschenbroek*, Physico nostra hac ætate Celebratissimo, aliisque Physicorum. Brevissimam habet atomisticæ Philosophiæ historiam, uno jam alterove verbo monere placet, quid per atomum intellexerint hi Philosophi. Tres voluerunt tum *Democritus*, tum *Epicurus* atomorum affectiones, figuram scilicet, magnitudinem & pondus. *Figura* infinitæ varietatis statuerunt, angulares, non angulares, rectas, rotundas, lævas, asperas, hamulatas, curvatas & quasi aduncas. Quoad *magnitudinem* putarunt illas esse adeo exiguas, ut oculis haud pateant, adeo solidas, ut individuae sint, neque pati atque alterari queant. Quoad *pondus*, unam atomum altera esse graviolem, pro mole, qua se invicem

cem superant. Omnibus vero qualitatibus suas orbarunt atomos. Recte ergo ad mentem horum Philosophorum diximus atomum esse quid in se divisibile, licet ei dividendo non sufficienti causæ rerum naturalium.

Hæc atomus vocatur Illustri *Leibnitio* in Epistola ad *Hanschium* vid. ejus. Th. 7. *Atomus molis*. *Wolffio* §. 186. *Cosmol.* dicitur *atomus materialis*, quam ab atomo naturæ hi Philosophi distinguere volunt, putantes eam esse quid, in se indivisibile, adeoque partibus carere, in quas resolvi posset. Sed de his atomis naturæ, quas pro veris habent corporum elementis, sequenti capite differendi dabitur locus.

§. 1008.

Quia entia simplicia sunt in se *Atomi non* & prorsus indivisibilia (§. 994.). *sunt simplicia* atomi autem divisionis in se sunt *capacia* (§. 1007.); *Atomi ergo nequeunt esse entia simplicia.*

Habent quoque atomi figuram & magnitudinem (§. 1007.), quibus entia simplicia plane destituuntur (§. 995. 996.). Ut adeo multum sit causæ, cur simplicia ab atomis distinguenda esse judicemus. Sin vero atomum naturæ, sensu *Leibnitiano* sumas, largior simplicia ab illis non differre, sed urgeo juxta ejusmodi naturæ atomos, ex quibus conjunctis orirentur composita, non dari, neque dari posse, prout cumulatius jam jam sum ostensurus.

CAP.

CAPUT. VI.

DE
ORTU ET INTERITU
ENTIUM COMPOSITORUM
ET SIMPLICIUM.

§. 1009.

*Præsentis
materie
difficultas
& ratio
eam evol-
vendi.*

Entia composita admittere ortum & interitum antea quidem ostendimus (§. 857. & seq.), sed specialius jam declarandum nobis est, quo potissimum modo generentur & fiant tum composita, tum simplicia. Fateor admodum intricatam esse hanc materiam, multisque undiquaque circumseptam difficultatibus, omnem tamen movebo lapidem, ut, quantum potero, distincte simul & lente progrediar, ne nimium festinando nubem, uti ajunt, pro Junone amplectar. Oriri compositum quando partes inter se conjunguntur antea docuimus (§. 858), hoc igitur loco præprimis inquirendum nobis est, quales sint illæ partes, quibus oriantur composita.

§. 1010.

§. 1010.

Partes, quibus oriri possunt Partium composita & extensa, debent esse in compositis totis, h. e. compositis & extensis, quæ inde resultabunt, homogeneæ. Per se patet partes, quibus oriri possunt composita, dum hæc ex illis originem traxere, ipsa composita & extensa ingredi debere. Habent vero composita & extensa magnitudinem, sine qua ne concipi quidem possunt (§. 848. 866.). Partes ergo istæ tales esse debent; ut ex illis conjunctis oriatur magnitudo. Sed omnis magnitudo parti, qua constat, homogenea esse debet (§. 845.). Partes ergo, quibus oriri possunt composita & extensa, debent esse suis totis homogeneæ.

Idem hac quoque ratione demonstratur. Habent entia composita & extensa magnitudinem (§. 848. 866.), & ideo augeri possunt & minui (§. 846.). Augentur autem novarum partium additione, minuuntur partium, quæ antea conjunctæ adfuerunt, ablatione. Quod, ut cuivis notissimum, sine ulla heic sumo probatione. Oriri possunt composita novarum partium adjectione (§. 858.). Partes igitur quibus oriantur extensa & composita, ejus debent esse indolis, ut illis additis hæc augeantur, & ablatis minuan-

nuantur. Sed augmenta & imminutiones institui nequeunt, nisi per aliquod eis homogeneum, quæ augenda & imminuenda sunt (§. 685.). Partes ergo compositorum & extensorum sunt suis totis homogeneæ.

Habent se composita & extensa ad quamlibet partem haud aliter ac numerus ad unitatem, nam harum, ubi inter se eandem fuerint, collectione prodit ille (§. 666.), qui adeo non potest non ad eandem referri notionem, ad quam refertur quælibet ejus unitas. Perspexit hoc, pro eo, quo excellit, acumine Illustris *Wolffius*, quare §. 10. Arithm. definit numerum per id, quod refertur ad unitatem, ut linea recta ad aliam rectam. Esse vero omnem rectam alteri homogeneam nemo nescit. Simul ergo patet unitatem esse numero, quem ingreditur, vel ingredi potest, homogeneam. Sed ostendimus modo partes compositorum & extensorum esse suis totis homogeneas. Habent se ergo composita & extensa ad quamlibet sui partem haud aliter ac numerus ad unitatem.

Hinc sine dubio intelligis esse heterogeneitatem lineæ & superficiiei causam, cur uno fateamur ore omnes, ex illa utcunque repetita & sumpta, hanc tamen oriri non posse; eidemque deberi causæ cur ex superficie utcunque multiplicata non prodeat solidum. Dicunt quidem dari corpora heterogenea, quorum partes diversæ sunt cum toto naturæ, ut homines, canes, leones, arbores &c. simul tamen constat partes horum corporum esse compositas & extensas,

tenfas, adeoque minimum quoad generalem compositionis & extensionis ideam esse suis totis homogeneas. Taceo, quod Physicorum est plenius evolvere, hæc corpora generari & crescere ex fluida quadam materia, ipsis inde generatis corporibus non prorsus dissimili. Ceterum quod hoc loco de homogeneitate partium & totius compositi demonstravimus, non trahendum est ad homoiomeriam *Anaxagoræ*, qua ille, si *Aristoteli* L. III. *Phys.* cap. 4. L. IIX. cap. 1. & *Lucretio* L. I. v. 830. & seqv. fides est habenda, putavit dari *ὁμοιομερείας* (quæ Latino sermone difficulter exprimuntur, partes similes tamen dixit Cicero), hoc est, partes infinitas, similes, contrarias, tactu continuas, se mutuo sustentantes, neque alio contentas. Ex his itaque formari composita arbitrabatur, ut similes & homogeneæ, quarum quælibet peculiarem naturam, alteri, cui jungeretur, similem haberet, inter se junctæ composita efficerent. Ossa igitur ex particulis ossis, carnem ex carneis, aurum ex aureis, res calidas ex calidis, frigidas ex frigidis & sic porro constare existimabat. Conf. *Brücheri* Hill. *Phil. Crit.* T. I. Erat itaque homogeneitas partium & totius *Anaxagoræ* olim adprobata, specialis & tantum non specialissima. Illa autem, quam nos præsentī propositione tuemur, est solum generalis, partes & totum ejusdem essentiae genericæ esse inferens. Sed si placet tibi contra *Anaxagoram* disputantes cognoscere, evolvas *Aristotelem* & *Lucretium* c. I. quorum rationes ex recentioribus illustrent *Scipio Aquilianus* de Placitis *Phil.* ante

Aristotelem L. I. cap. 3. & *Petrus Bayle* in
 Dict. T. I. art. Anaxagoras nota C, p. 208. &
 n. G. p. 212.

§. IOII.

Partium compositi *Partes, quibus oriri possunt*
naturae ul- *composita & extensa aliquam ha-*
terior. *bere debent magnitudinem.* Po-
 namus has partes omni carere ma-
 gnitudine. Quia vero debent compositis &
 extensis esse homogeneæ (§. IOIO.), ipsaeque
 composita & extensa magnitudinem possi-
 dent (§. 848. 866.), quod magnitudine de-
 stituitur esset magnitudine homogenum.
 Sed illud involvit negationem hujus, opposi-
 tamque idcirco extremorum infert diversita-
 tem (§. 424. 429.). Quare, quæ oppositæ di-
 versam inter se habent indolem, inter se simul
 essent homogenea. Repugnat autem hoc
 indoli homogeneorum datæ (ad §. 679.). Ab-
 surdum ergo (§. 53.). Partes itaque, qui-
 bus oriri possunt composita & extensa ma-
 gnitudinem possidere debent.

Idem hac quoque ratione demonstrare li-
 cet. Mox demonstravimus ex denegata par-
 tibus magnitudine sequi, magnitudine carens
 esse debere magnitudini homogenum. Quod
 si verum foret sequeretur porro, illud vel
 semel vel aliquoties repetitum posse hanc
 superare (§. 679.), id est, posse fieri hac
 majore

maorem (id enim, ut nemo non capit involvit idea *78 superare*), & proinde hanc illo repetito minorem fieri; consequenter hæc esset æqualis parti illius, ex repetitione ista oriundi (§. 677.). Sed pars ejus ponitur magnitudine carens (per assumptum), quare magnitudo esset æqualis carenti magnitudine. Daretur itaque æqualitas quoad magnitudinem, ubi nulla locum habet magnitudinis identitas, quod per notionem æqualitatis (§. 521.) prorsus absurdum (§. 53.). Concludimus ergo fieri non posse, ut pars magnitudinis sua careat magnitudine, consequenter partes, quæ composita & extensa ingrediuntur, non posse non aliquam habere magnitudinem.

Nescio sanè qui fiat, ut hæc veritas recentioribus, tantum non omnibus, intoleranda videatur. Regerunt ex nostra assertionem sequi, quod darentur composita sine componentibus, ita ut compositum v. gr. *A* resolveretur in partes, *b, c, d* &c. iterum compositas, & sic porro in infinitum. Quo posito nulla ultima darentur componentia, ex quibus ratio compositionis derivaretur. Sed suo loco jam demonstravimus (§. 872), omne extensum in infinitum divisibile esse, ita ut quælibet pars extensi iterum sit extensa, idque sine fine. Nihil ergo habet absurdi statuere, partes extensi extensas esse, cum potius assertio, huic contraria, ipsam extensi evertet essentiam. Fateamur nos nulla

imaginationis vi, ex sensibilibus & finitis in
 suo exercitio limitata, hanc extensi infinitam
 divisibilitatem capere posse; sed non conce-
 das, precamur, imaginationi impotens aliquod
 imperium in rectam rationem: Nam non mul-
 tas veritates, sed potius phantasmata & mon-
 stra inde haberes, ab interna rerum indole ni-
 mium distantia. Resolubilitatem extensi in
 partes iterum iterumque extensas adeo eviden-
 tem esse monstravimus, ut nihil supra. Nec
 dubitamus quin hujus rei evidentia videatur,
 ab omni eo, qui ei attendere vult & potest.
Dantur ergo regeis composita sine componentibus?
 Fucum nobis facere intendis. Quid per com-
 pon- itia- intelligis? nonne entia, quibus
 conjunctis prodeat compositum? Sed jam
 argumentaris: si composita constarent par-
 tibus, quarum quælibet magnitudinem pos-
 sideret, idque in qualibet resolutione constan-
 ter, non darentur entia, quibus conjunctis
 prodiret compositum. Quasi vero partes istæ
 non essent ejusmodi entia componentia. Sed
 forte per componentia intelligis partes magni-
 tudine carentes. Ast sic petis id, quod est in
 principio: nam de eo inter nos disputatur:
 an partes magnitudine careant? Instas: *Qua-
 tenus statuuntur ultima componentia esse composita,
 eatenus saltem de his valebit, dari composita sine
 componentibus.* Sed non admittimus ultima,
 quæ tibi vocantur componentia, quæ non ite-
 rum ex aliis sint composita: Obstat enim di-
 visibilitas materiæ infinita (§. 872.). Rege-
 ris: *Componentia continent in se rationem compo-
 sitionis, si ergo nulla ultima darentur componentia,*
sed

sed sine fine quodlibet componens esset iterum compositum ex aliis, daretur progressus rationum in infinitum, quod absurdum. Ingeniosa est instantia, illam itaque penitus examinemus. Sit compositum A, cujus componentia, seu partes sint b, c, d, &c. in partibus b, c, d, conjunctis continetur ratio compositionis A. hoc sine dubio concedit, & quidem ita, ut nullam heic videas progressum rationum in infinitum. Consideremus jam partem b ut compositam ex particulis m, n, r, &c. eodem modo patet in his copulatis contineri rationem compositionis b, idque iterum sine ullo progressu rationum in infinitum. Sumas jam particulam m, constare minoribus particulis r, s, t, &c. neque heic metuendus est progressus rationum in infinitum. Vides itaque, quodcumque sumseris compositum, & quamcunque ejus partem iterum compositam, te semper in quolibet horum compositorum habere rationem compositionis sine ullo progressu rationum in infinitum. Neque confundas divisionem compositorum in infinitum, cum progressu rationis compositionis in infinitum: *illa* a partibus totius ad partes partium, & ab his particulis ad alias ejus particulas, & sic porro, adeoque ab uno composito ad aliud, a priori realiter distinctum, progreditur; *hec* ultra partes cujuslibet compositi non adscendit, sed in quolibet composito & cognitis partibus componentibus, proximis scilicet, terminatur. Nam aliud compositum est totum, aliud quaelibet ejus pars; alia ergo illius, alia hujus compositio, quod, ut alia taceam, omnia composita arte facta vel

ad oculum ostendunt. Vides itaque sine dubio ab infinita extensorum adserta divisibilitate ad progressum rationum compositionis in quolibet composito non valere consequentiam. Neque est quod arbitreris nostram adsertionem inferre progressum causæ materialis in infinitum. Inferret sane si statueremus, quod tamen nunquam statuimus, omne compositum oriri ex partibus præexistentibus. Quid impedit quo minus tibi persvadeas extensum v. gr. A, seu primum chaos, a DEO ita esse productum, ut simul cum omnibus suis partibus existerit, semper divisibilibus, quarum cujuslibet magnitudo, ex non præexistente producta, simultaneo creatoris actu addita magnitudini alterius, eodem modo productæ efficiat extensum A? Nihil plane. Neque sic metuendus est ullus progressus vel causæ efficientis, vel materialis in infinitum.

§. 1012.

Expunctis Mathematicis conjunctis oriuntur composita
Extensa, non esse puncta Mathematica. Carent enim hæc puncta partibus (§. 1005.), adeoque & magnitudine (§. 844.), consequenter ex illis oriri nequeunt composita & extensa (§. 1011.).

Possẽm quidem alia adhuc adferre argumenta, eandem hanc demonstraturam rem, sed putaverim in re manifesta, & hodierno tempore non controversa, nulla opus esse prolixitate. Concipiunt

unt Geometrae fluxu puncti generari lineam, non tamen volunt ex punctis, inter se conjunctis aliquam oriri lineam. Partibus enim destituuntur puncta, non ergo possunt communi copulari termino, conjugii tamen deberent, si extensum aliquod inde resultare posset (§. 863.).

§. 1013.

Partes, quibus oriantur composita atque extensa, nequeunt esse entia simplicia, seu, quod eodem redit: absolute est impossibile ut ex simplicibus conjunctis oriatur extensum. In tota, quam de ortu compositorum habemus, disceptatione est hæc propositio princeps & palmaria, eam ergo variis, iisdemque firmissimis demonstrare conabimur argumentis. Non quod arbitremur ex multitudine argumentorum crescere veritatem, sed, ut adversarii, si non ad singula, ad aliquod saltem eorum adtendentes, desinant tandem hanc absurdam tueri sententiam.

Majoris itaque gratia distinctionis, discretis a se invicem momentis, distincta proponemus argumenta, in quibus hoc esto *primum*: Partes, quibus oriantur composita & extensa, magnitudinem habere debent (§. 1011). Monades autem, seu entia simplicia omni carent magnitudine (§. 995.).

Ex his ergo utcumque conjunctis & juxta se invicem positis, oriri nequeunt composita.

Sive infinitum cum Illustri *Leibnitio*, sive finitum cum Illustri *Wolffio* sumas simplicium numerum ad minutissimum aliquod corpusculum A tibi formandum, eadem valet hæc argumentatio. Nam si infinitum dixeris, quælibet monas erit pars totius A infinitesima. Sin vero finitum volueris, v. gr. trillione exprimendum, tum quælibet monas foret pars totius trillionesima; sunt vero partes, simul sumtæ, æquales magnitudini totius (§. 683.), totumque sibi ipsi æquale (§. 523.), id est, omnibus suis partibus simul sumtis. Una ergo Monas esset in priori casu æqualis magnitudini totius infinitesimæ (cf. *Wolffii* Calcul. Different. §. 2. 3. 5.), in posteriori, trillionesimæ. Sed quomodo quæsumus hoc concipias, nisi monadi adtribuere velis magnitudinem, in priori casu non assignabilem, veram tamen, & in posteriori assignabilem? Verum sic amittit simplex, quam directe nobiscum assignas, indolem (§. 995.). Fieri ergo nequit ut ex monadibus conjunctis prodeat ullum compositum.

H: *Idem* Ens simplex & compositum sunt binæ species, sub ente in genere comprehensæ, sibi contradictorie oppositæ (§. 990. 999.). Si itaque ex simplicibus conjunctis oriretur compositum, illa hujus internam ingrederentur constitutionem, adeoque vel propriam jam retinerent indolem, vel compo-

compositorum induerent naturam; posterius est ob essentialium immutabilitatem absurdum (§. 609.), prius nequit esse verum, nisiingas alteram speciem; alteri contradictorie oppositam, hujus alterius ingredi essentialem & internam constitutionem; atque adeo simul & eodem jure existimes non repugnare, ut ens contingens transeat in essentialiale prædicatum entis Necessarii (Nam hæc entia, sub ente in genere comprehensa, contradictorie etiam inter se opponuntur). Quod manifesto est absurdum. Non ergo ex simplicibus conjunctis oriri potest ullum compositum.

Objicis: *Anima & corpus per notiones suas sibi contradictorie opponuntur, ex illis tamen conjunctis, prodit unus homo; sic etiam unitas & numerus sibi opponuntur, ex pluribus tamen unitatibus, inter se compositis, prodit numerus.* Quod prius attinet exemplum, certum est animam corpori contradictorie opponi. Debes ergo, siquidem nostræ argumentationis vim infringere velis, hinc colligere animam ingredi constitutionem corporis. Sed hoc, ut oppido absurdum, ipse largiris. Neque putabis, animam contradictorie opponi notioni hominis, quam una cum notione corporis organici ingreditur, sine ulla tamen harum substantiarum mutatione. Posterius, quod concernit exemplum, non id sufflammat vim nostri argumenti: Nam quid est numerus? Illum definit Illustris *Wolffius* §. X. Elem. Arithm. per

P §

id,

Ex his ergo utcumque conjunctis & juxta se invicem positis, oriri nequeunt composita.

Sive infinitum cum Illustri *Leibnitio*, sive finitum cum Illustri *Wolffio* sumas simplicium numerum ad minutissimum aliquod corpusculum A tibi formandum, eadem valet hæc argumentatio. Nam si infinitum dixeris, quælibet monas erit pars totius A infinitefima. Sin vero finitum volueris, v. gr. trillione exprimendum, tum quælibet monas foret pars totius trillionesimæ; sunt vero partes, simul sumtæ, æquales magnitudini totius (§. 683.), totumque sibi ipsi æquale (§. 523.), id est, omnibus suis partibus simul sumtis. Una ergo Monas esset in priori casu æqualis magnitudini totius infinitefime (cf. *Wolffi* Calcul. Different. §. 2. 3. 5.), in posteriori, trillionesimæ. Sed quomodo quæsumus hoc concipias, nisi monadi adtribuere velis magnitudinem, in priori casu non assignabilem, veram tamen, & in posteriori assignabilem? Verum sic amittit simplex, quam directe nobiscum assignas, indolem (§. 995.). Fieri ergo nequit ut ex monadibus conjunctis prodeat ullum compositum.

H: dum Ens simplex & compositum sunt binæ species, sub ente in genere comprehensæ, sibi contradictorie oppositæ (§. 990. 999.). Si itaque ex simplicibus conjunctis oriretur compositum, illa hujus internam ingrederentur constitutionem, adeoque vel propriam jam retinerent indolem, vel compo-

compositorum induerent naturam; posterius est ob essentialium immutabilitatem absurdum (§. 609.), prius nequit esse verum, nisiingas alteram speciem, alteri contradictione oppositam, hujus alterius ingredi essentialem & internam constitutionem; atque adeo simul & eodem jure existimes non repugnare, ut ens contingens transeat in essentialiale prædicatum entis Necessarii (Nam hæc entia, sub ente in genere comprehensa, contradictorie etiam inter se opponuntur). Quod manifesto est absurdum. Non ergo ex simplicibus conjunctis oriri potest ullum compositum.

Objicis: *Anima & corpus per notiones suas sibi contradictorie opponuntur, ex illis tamen conjunctis, prodit unus homo; sic etiam unitas & numerus sibi opponuntur; ex pluribus tamen unitatibus, inter se compositis, prodit numerus.* Quod prius attinet exemplum, certum est animam corpori contradictorie opponi. Debes ergo, siquidem nostræ argumentationis vim infringere velis, hinc colligere animam ingredi constitutionem corporis. Sed hoc, ut oppido absurdum, ipse largiris. Neque putabis, animam contradictorie opponi notioni hominis, quam una cum notione corporis organici ingreditur, sine ulla tamen harum substantiarum mutatione. Posterius, quod concernit exemplum, non id sufflaminat vim nostri argumenti: Nam quid est numerus? Illum definit Illustris *Wolffius* §. X. Elem. Arithm. per id,

id, quod refertur ad unitatem, ut linea recta ad aliam rectam. Sed recta rectæ non est opposita, verum homogenea. Ex unitate ergo, duæ numerum ingreditur, colligere nequis alterum oppositorum ingredi alterius constitutionem.

III:tium. Sit extensum *metis* constans simplicibus, quod primitivum vocare solent, distinctum ab extensis derivativis, quæ ex primitivis inter se conjunctis constituantur. Habeat hoc extensum definitum simplicium numerum, verb. gr. trillionem. Est quodvis simplex indivisibile (§. 994.). Primitivum ergo isthoc extensum non modo constaret indivisibilibus, sed etiam dum ad partem ejus trillionesimam, vel actuali, vel conceptibili divisione perventum fuerit, esset id, absolutissimo sensu, ulterius indivisibile. Ast ex demonstrata cujusvis extensi divisibilitate in infinitum sequitur, nulla dari in extenso indivisibilia, nec ullis terminis includi illam divisibilitatem (§. 872.). Fieri ergo nequit, ut dentur ejusmodi extensa primitiva. Sed sine his, ut fatentur ipsi adversarii, aliis derivativis non relinqueretur locus. Ergo ex simplicibus conjunctis nullum compositum & extensum oriri potest.

Illustrem *Wolffium* & sequaces, qui antea tacite, nunc autem expressis verbis, definitum simplicium numerum, ad quodvis corpusculum primi-

primitivum constituendum, postulant, adeo stringit & ferit hoc argumentum, ut contra divisibilitatem in infinitum varias querant elabendi rimas, veras autem & reales nondum potuerunt invenire ullas (conf. §. 872. 682.). Illustri *Leibnitius* ad quodvis monadatum constituendum, non adsignabilem, sed inadsignabilem requirens monadum numerum, hoc quidem in puncto Wolfianis perspicacior & veritati propior videtur; vim tamen huius argumenti penitus effugere nequit: Quia enim monadatum ex meris simplicibus constare putat Vir Illustris, in quolibet composito & extenso darentur aliquæ partes ultimæ, absolute indivisibiles. Sed ex divisibilitate in infinitum adserta fluit nos nulla ne quidem conceptibili, divisione ad indivisibilia unquam pervenire posse, neque dari ejusmodi partes in composito ultimas. Recte ergo ex adhibitis præmissis in genere collegimus ex simplicibus conjunctis nullum compositum oriri posse.

IV: tum. Quod ex partibus constat, nequit simul ex nullis constare partibus (§. 53.). Ea autem est compositi & extensi cujusvis natura; qua sine partibus componentibus ne concipi quidem potest (§. 832. 863.). Absolutam ergo involvit contradictionem statuere compositum & extensum dari, nullis constans partibus. Quoniam vero omnis compositi pars aliquam habere debet magnitudinem (§. 1011.), hypothesis, statuens com-

composita & extensa ex simplicibus, quæ omni carent magnitudine (§. 995.), tanquam partibus constitutivis esse conflata, cum ea plane coincidit, quæ fingit dari compositum & extensum, nullis constans partibus. Hæc autem contradictionem involvit (per demonstr.). Ergo etiam illa. Seu, contradictorium est statuere dari in compositis simplicia componentia.

Si dixeris hoc argumentum cum eo coincidere, quod primo loco allegavimus, non refragabimur, modo concedas illud esse aliter inflexum. Scilicet, quod in illo directe, heic indirecte demonstramus. Illud ante plures annos in lectionibus meis, tum publicis tum privatis in hac eadem controversia proposui; Hoc ex occasione eorum, quæ tradit Celeberr. D. nus *Iusti* in *Ergetzungen*. T. IV. S. 6. §. 26. formavi; Qui tamen, quod quarto hoc loco adhibui, argumentum, cum eo, quo Laudatissimus Vir citato loco utitur, data opera contendere velit, non levem utriusque perspiciet differentiam, in eo præprimis sitam, quod fundamenti loco supponat D. *Iusti* *nullum ens, quod partibus caret, posse esse pars alterius*, ipse autem, qui ex notionibus totius & partium universalitatem hujus propositionis, ut ingenue fateor, nondum demonstrare valeo, nec mihi sufficere videntur, quæ ad hanc ostendendam allegat Vir Celebratissimus in libro *Eristico*, cui titulus: *Die Nichtigkeit aller Einwürfe* & §. 23. & 85. ipse, inquam, proprius malui quam alienis pugnare principiis.

V: tum

Vitum. Antea demonstravimus (§. 997.) de essentia simplicis esse, quod nullum implere queat spatium; Sint jam simplicia A, B, C, D. &c. essentia cujuslibet horum repugnat implere aliquod spatium (§. cit.). Sunt essentiae rerum absolute necessariae (§. 609.) & immutabiles (§. 610.) Etiam si ergo hæc simplicia juxta se invicem ponantur, neutrum tamen eorum dictam amittere valet affectionem, ita ut vel singula, vel aliquod eorum impleant aliquod spatium (§. 597.). Neque ipsa juxta positione simplicium efficitur spatium: fingamus contrarium. Est Spatium Extensum penetrabile (§. 877.) (neque aliam ideam spatii admittit præfens, de qua quæritur, res, respectu prædicati positi, quod est *non implere aliquod spatium*, quod vel ipsis adversariis concedentibus, nihil aliud involvit, quam esse cum spatio coëxtensum (§. 892.))]: Ergo ex plurium simplicium juxta positione prodiret extensum penetrabile, quodlibet igitur simplex aut definitum & indivisibile punctum occuperet, ita ut ex illis punctis inter se junctis oriretur extensum, quod spatii nomine designamus; aut impleret aliquam definitam spatii partem extensam, ita ut ex his partibus conjunctis prodiret totum illud extensum. Posterius repugnat mox demonstratis: Prius admitti nequit, nisiingas ex pluribus

ribus punctis indivisibilibus, & mathematicis generari extensum quod & ante demonstratis (§. 1012.), & ab utraque parte concessis (conf. not. ad §. cit.) contradicit. Taceo hanc ideam extensi repugnare divisibilitati extensi in infinitum (§. 872.). Nihil itaque ex his efficitur aliud, quam plura simplicia, juxta se invicem quomodocunque posita & combinata non posse aliquod spatium implere, & ideo ex illis, quomodocunque juxta se positis & combinatis non posse aliquod resultare, quod implet spatium. Verissimum autem est & ab utraque parte maxime concessum, omne compositum & extensum, a spatio diversum, quod materiæ vel corporum nomine denotare solemus, implere aliquod spatium (§. 893.). Ejusmodi ergo composita & extensa ex simplicibus, quomodocunque combinatis resultare nequeunt.

Contra hanc veritatem sequenti argumento pugnat Illustris *Wolffius* in sua *Cosmologia*: *Elementa rerum materialium, ex principio identitatis indiscernibitum, dissimilia intelliguntur, & per consequens extra se invicem posita existunt* §. 219. *Cosmol.* Et quatenus non in spatio, nec in tempore, nec in alia re extranea, sed in ipsis his simplicibus datur ratio cur hoc potius modo quam alio coëxistant §. 202. *ibid.* inter se unita sunt hæc simplicia §. 220. c. l. Habemus itaque entia plura diversa, seu extra se invicem existentia, in uno coëxistentia.

sientia. Quare quum extensum esse debeat, in quo plura extra se invicem existentia uniuntur, ex simplicium aggregatione oritur unum extensum

§. 221. c. 1. Pace Summi, quem veneror, viri variis laborare hoc argumentum incommodis contendo. Primum enim innititur principio identitatis indiscernibilium Leibnitii, cuius falsitatem, jam suo loco, demonstratam dedimus (§. 507.). Deinde a quavis ratione sufficiente interna, qua intelligitur, cur hoc & non alio modo juxta se invicem positæ existant res, colligit ad earundem unionem, qualis ad continuum, ut extensum, constituendum requiritur. Quæ argumentatio eo minus valet, quo certius est multa hoc titulo juxta se invicem collocari, quæ tamen ideo unum continuum formare nemo dixerit. Sic etsi Mercurius, Venus, Tellus cum Luna, Mars, Jupiter cum Satellitibus, & Saturnus cum suis sint dissimiles & extra se invicem positi, hujusque suæ positionis, quam Systemate Planetario tenent, rationem habeant sufficientem, non in spatio, nec in tempore, nec in ulla alia re externa (Naturali Scil.), sed in ipsis illis planetis, quærendam; nemo tamen, nisi qui plane ignoraverit quid continuum sit, ideo dixerit hos planetas formare unum continuum, ad quod constituendum non sufficit qualiscunque plurium extra se invicem existentium positio, sed desideratur omnino ut plura ista sint contermina, h. e. ita unita, ut nullarum partium admittant existentiam intermediam (§. 864.), quod quamdiu ex præmissis, quibus Vir Illustris utitur, nullo modo sequitur, tamdiu

diu ex simplicibus inter se conjunctis ad unum
 extensum formandum nulla, saltem non adle-
 gata, valet argumentandi ratio. Tandem in
 proposita argumentatione duplici luditur spa-
 tii significatu, uno absoluto, altero relativo;
 Illo, quo spatium denotat extensum penetra-
 bile in quo locari & moveri possunt corpora,
 utitur Vir Illustis, quando nobiscum contem-
 dit ens simplex per essentiam suam non posse
 implere spatium; hunc, quo non nisi ordinem
 simultaneorum, cum vero extenso & continuo
 non confundendum, significamus (§. 887.),
 adhibet, dum ex pluribus simplicibus, juxta
 se positis, spatium aliquod impleri & formari
 arbitratur. Pugnant hæc cum verioris Logi-
 cæ præceptis, quæ ipse Wolfius in egregio
 Logices opere tradidit. Præter hæc obser-
 vandum simul est Virum Laudatissimum eodem
 jure contendere posse, quod tamen, ut fate-
 mur, non contendit, ex pluribus Spiritibus,
 simul positis, unam oriri conglomeratam ex-
 tensionis massam. Nihil in tota argumenta-
 tione immutabo, tantum loco elementorum &
 simplicium ponam Angelos vel Spiritus. Au-
 diamus qualis hoc modo exurgat conclusio:
Angeli, seu, Spiritus, ex principio identitatis in-
discernibilium dissimiles intelliguntur, & per con-
sequens extra se invicem positi existunt. Et qua-
tenus non in spatio, nec in tempore, nec in ulla
alia re externa (nam libera voluntate sunt orna-
ti), Sed in ipsis his spiritibus datur ratio cur hoc
potius modo, quam alio coëxistant, inter se uniti
sunt hi spiritus. Habemus itaque entia plura di-
versa, seu extra se invicem existentia, in uno co-
existenten-

existentia. Quare quum extensum esse debeat, in quo plura extra se invicem existentia uniuntur, ex spirituum aggregatione oritur unum extensum. En præcipitem avernidescensum, ex quo nisi mutata sententia se nunquam liberabunt adversarii: Nam eadem retenta, quicquid nobis hoc loco respondent, eis responsum esto.

VI:tum. Si compositum A coaluerit ex simplicibus *b, c, d, e, f*; Accedat simplex *g*. Quæro aut majus factum est compositum A, aut non? Si *posterius*, tum simplex *G* pro nihilo ducitur, nec proinde aliud accedens simplex *h* & plura alia compositum augebunt (§. 685). Per consequens, quia non nisi ex simplicibus coalescere supponuntur composita, saltim, quæ simplicium defensoribus primitiva vocari solent, nullo modo augeri possent illa composita, quod prorsus absurdum (§. 849). Si *prius*, hoc est, si accessu simplicis *g* majus factum est compositum A, tum habet *g* quantitatem (§. 678.), compositi A magnitudini (§. 848.) homogeneam (§. 685. in notis.), & ideo habet magnitudinem (nam quantitatem magnitudini homogeneam, magnitudinem esse nemo non sua sponte agnoscit). Sed *g* illud ex hypothesi simplex ponitur ens, quod omni caret magnitudine (§. 995.). Prius ergo membrum, æque ac posterius (per mox demonstr), recta in principium contradictionis

Q

nis

id, quod refertur ad unitatem, ut linea recta ad aliam rectam. Sed recta rectæ non est opposita, verum homogenea. Ex unitate ergo, duæ numerum ingreditur, colligere nequis alterum oppositorum ingredi alterius constitutionem.

III:tium. Sit extensum mens constans simplicibus, quod primitivum vocare solent, distinctum ab extensis derivativis, quæ ex primitivis inter se conjunctis constituentur. Habeat hoc extensum definitum simplicium numerum, verb. gr. trillionem. Est quodvis simplex indivisibile (§. 994.). Primitivum ergo isthoc extensum non modo constaret indivisibilibus, sed etiam dum ad partem ejus trillionesimam, vel actuali, vel conceptibili divisione perventum fuerit, esset id, absolutissimo sensu, ulterius indivisibile. Ast ex demonstrata cujusvis extensi divisibilitate in infinitum sequitur, nulla dari in extenso indivisibilia, nec ullis terminis includi illam divisibilitatem (§. 872.). Fieri ergo nequit, ut dentur ejusmodi extensa primitiva. Sed sine his, ut fatentur ipsi adversarii, aliis derivativis non relinqueretur locus. Ergo ex simplicibus conjunctis nullum compositum & extensum oriri potest.

Illustrem *Wolffium* & sequaces, qui antea tacite, nunc autem expressis verbis, definitum simplicium numerum, ad quodvis corpusculum primi-

primitivum constituendum, postulant, adeo stringit & ferit hoc argumentum, ut contra divisibilitatem in infinitum varias quærant elabendi rimas, veras autem & reales nondum potuerunt invenire ullas (conf. §. 872. 682.). Illustri *Leibnitius* ad quodvis monadatum constituendum, non adsignabilem, sed inadsignabilem requirens monadum numerum, hoc quidem in puncto Wolfianis perspicacior & veritati propior videtur; vim tamen hujus argumenti penitus effugere nequit: Quia enim monadatum ex meris simplicibus constare putat Vir Illustris, in quolibet composito & extenso darentur aliquæ partes ultimæ, absolute indivisibiles. Sed ex divisibilitate in infinitum adserta fluit nos nulla ne quidem conceptibili, divisione ad indivisibilia unquam pervenire posse, neque dari ejusmodi partes in composito ultimas. Recte ergo ex adhibitis præmissis in genere collegimus ex simplicibus conjunctis nullum compositum oriri posse.

IV: tum. Quod ex partibus constat, nequit simul ex nullis constare partibus (§. 53.). Ea autem est compositi & extensi cujusvis natura; qua sine partibus componentibus ne concipi quidem potest (§. 832. 863.). Absolutam ergo involvit contradictionem statuere compositum & extensum dari, nullis constans partibus. Quoniam vero omnis compositi pars aliquam habere debet magnitudinem (§. 1011.), hypothesis, statuens com-

composita & extensa ex simplicibus, quæ omni carent magnitudine (§. 995.), tanquam partibus constitutivis esse conflata, cum ea plane coincidit, quæ fingit dari compositum & extensum, nullis constans partibus. Hæc autem contradictionem involvit (per demonstr.). Ergo etiam illa. Seu; contradictorium est statuere dari in compositis simplicia componentia.

Si dixeris hoc argumentum cum eo coincidere, quod primo loco allegavimus, non refragabimur, modo concedas illud esse aliter inflexum. Scilicet, quod in illo directe, heic indirecte demonstramus. Illud ante plures annos in lectionibus meis, tum publicis tum privatis in hac eadem controversia proposui; Hoc ex occasione eorum, quæ tradit Celeberr. Dñus *Iusti* in *Ergetzungen*. T. IV. S. 6. §. 26. formavi; Qui tamen, quod quarto hoc loco adhibui, argumentum, cum eo, quo Laudatissimus Vir citato loco utitur, data opera contendere velit, non levem utriusque perspiciet differentiam, in eo præprimis sitam, quod fundamenti loco supponat D. *Iusti* *nullum ens, quod partibus caret, posse esse pars alterius*, ipse autem, qui ex notionibus totius & partium universalitatem hujus propositionis, ut ingenue fateor, nondum demonstrare valeo, nec mihi sufficere videntur, quæ ad hanc ostendendam allegat Vir Celebratissimus in libro *Eristico*, cui titulus: *Die Nichtigkeit aller Einwürfe* & §. 23. & 85. ipse, inquam, proprius malui quam alienis pugnare principiis.

V: tum

V:itum. Antea demonstravimus (§. 997.) de essentia simplicis esse, quod nullum implere queat spatium; Sint jam simplicia A, B, C, D. &c. essentia cujuslibet horum repugnat implere aliquod spatium (§. cit.). Sunt essentia rerum absolute necessariae (§. 609.) & immutabiles (§. 610.) Etiam si ergo hæc simplicia juxta se invicem ponantur, neutrum tamen eorum dictam amittere valet affectionem, ita ut vel singula, vel aliquod eorum impleant aliquod spatium (§. 597.). Neque ipsa juxta positione simplicium efficitur spatium: fingamus contrarium. Est Spatium Extensum penetrabile (§. 877.) (neque aliam ideam spatii admittit præfens, de qua quæritur, res, respectu prædicati positi, quod est *non implere aliquod spatium*, quod vel ipsis adversariis concedentibus, nihil aliud involvit, quam esse cum spatio coextensum (§. 892.))]: Ergo ex plurium simplicium juxta positione prodiret extensum penetrabile, quodlibet igitur simplex aut definitum & indivisibile punctum occuparet, ita ut ex illis punctis inter se junctis oriretur extensum, quod spatii nomine designamus; aut impleat aliquam definitam spatii partem extensam, ita ut ex his partibus conjunctis prodiret totum illud extensum. Posterius repugnat mox demonstratis: Prius admitti nequit, nisiingas ex pluribus

ribus punctis indivisibilibus, & mathematicis generari extensum quod & ante demonstratis (§. 1012.), & ab utraque parte concessis (conf. not. ad §. cit.) contradicit. Taceo hanc ideam extensi repugnare divisibilitati extensi in infinitum (§. 872.). Nihil itaque ex his efficitur aliud, quam plura simplicia, juxta se invicem quomodocunque posita & combinata non posse aliquod spatium implere, & ideo ex illis, quomodocunque juxta se positis & combinatis non posse aliquod resultare, quod implet spatium. Verissimum autem est & ab utraque parte maxime concessum, omne compositum & extensum, a spatio diversum, quod materiæ vel corporum nomine denotare solemus, implere aliquod spatium (§. 893.). Ejusmodi ergo composita & extensa ex simplicibus, quomodocunque combinatis resultare nequeunt.

Contra hanc veritatem sequenti argumento pugnat Illustris *Wolffius* in sua *Cosmologia*: *Elementa rerum materialium, ex principio identitatis indiscernibitum, dissimilia intelliguntur, & per consequens extra se invicem posita existunt* §. 219. *Cosmol.* Et quatenus non in spatio, nec in tempore, nec in alia re extranea, sed in ipsis his simplicibus datur ratio cur hoc potius modo quam alio coëxistant §. 202. *ibid.* inter se unita sunt hæc simplicia §. 220. c. l. Habemus itaque entia plura diversa, seu extra se invicem existentia, in uno coëxistentia.

sientia. Quare quum extensum esse debeat, in quo plura extra se invicem existentia uniuntur, ex simplicium aggregatione oritur unum extensum §. 221. c. 1. Pace Summi, quem veneror, viri variis laborare hoc argumentum incommodis contendo. Primum enim innititur principio identitatis indiscernibilium Leibnitii, cuius falsitatem, jam suo loco, demonstratam dedimus (§. 507.). Deinde a quavis ratione sufficiente interna, qua intelligitur, cur hoc & non alio modo juxta se invicem positæ existant res, colligit ad earundem unionem, qualis ad continuum, ut extensum, constitutum requiritur. Quæ argumentatio eo minus valet, quo certius est multa hoc titulo juxta se invicem collocari, quæ tamen ideo unum continuum formare nemo dixerit. Sic etsi Mercurius, Venus, Tellus cum Luna, Mars, Jupiter cum Satellitibus, & Saturnus cum suis sint dissimiles & extra se invicem positi, hujusque suæ positionis, quam Systemate Planetario tenent, rationem habeant sufficientem, non in spatio, nec in tempore, nec in ulla alia re externa (Naturali Scil.), sed in ipsis illis planetis, quærendam; nemo tamen, nisi qui plane ignoraverit quid continuum sit, ideo dixerit hos planetas formare unum continuum, ad quod constituendum non sufficit qualiscunque plurium extra se invicem existentium positio, sed desideratur omnino ut plura ista sint contermina, h. e. ita unita, ut nullarum partium admittant existentiam intermediam (§. 864.), quod quamdiu ex præmissis, quibus Vir Illustris utitur, nullo modo sequitur, tamdiu

existentia. Quare quum extensum esse debeat, in quo plura extra se invicem existentia uniantur, ex spirituum aggregatione oritur unum extensum. En præcipitem avernidescensum, ex quo nisi mutata sententia se nunquam liberabunt adversarii: Nam eadem retenta, quicquid nobis hoc loco respondent, eis responsum esto.

VI: tum. Si compositum A coaluerit ex simplicibus *b, c, d, e, f*; Accedat simplex *g*. Quæro aut majus factum est compositum A, aut non? Si *posterius*, tum simplex *G* pro nihilo ducitur, nec proinde aliud accedens simplex *h*. & plura alia compositum augebunt (§. 685). Per consequens, quia non nisi ex simplicibus coalescere supponuntur composita, saltim, quæ simplicium defensoribus primitiva vocari solent, nullo modo augeri possent illa composita, quod prorsus absurdum (§. 849.). Si *prius*, hoc est, si accessu simplicis *g* majus factum est compositum A, tum habet *g* quantitatem (§. 678.), compositi A magnitudini (§. 848.) homogeneam (§. 685. in notis.), & ideo habet magnitudinem (nam quantitatem magnitudini homogeneam, magnitudinem esse nemo non sua sponte agnoscit). Sed *g* illud ex hypothesi simplex ponitur ens, quod omni caret magnitudine (§. 995.). Prius ergo membrum, æque ac posterius (per mox demonstr), recta in principium contradictionis

Q

nis

nis incurrit. Nemo itaque non agnoscit absolute impossibilem esse ortum compositorum ex monadibus, utcunque conjunctis.

Varia ad hoc argumentum, satis stringens, quarunt adversarii diverticula, sed frustraneo conatu. Dicunt numerum unitate augeri, neque tamen unitatem numerum aut multitudinem esse, sic extensum simplici substantia augeri, nec tamen simplicem substantiam magnitudinem habere. Sed mox ostendimus (ad §. 1010.) unitatem esse numero, seu, multitudini homogeneam, & ideo certam habere quantitatem, divisionemque admittere in partes, non quidem integras, fractas tamen (§. 688 in notis). Quare si substantiam simplicem cum unitate comparas, & extensum, ex substantiis simplicibus conflatum, cum numero contendis, fatearis necesse est substantiam simplicem esse extenso homogeneam, illamque æque ac hoc habere quantitatem molis. Quæ bina, sive conjunctim, sive seorsim sumta, non possunt non ipsam destruere simplicitatem. Et quid multis? Nihil est contradictorii ponere ex quantis additis & multiplicatis oriri quantum majus, at quo modo ex non quantis, nemo concipere valet. Instas: *Simplex g, respectu extensi A est infinite parvum, & ideo illud, hoc simplici addito, augeri non quantitate adsignabili, sed infinitesima. Hoc ergo augmentum in æstimanda 78 A magnitudine, pro nihilo ducendum, aut minus nihilo habendum est.* Verum nihil hac proficies instantia: Quantitas enim infinite parva, de qua Mathematici, & quam hic urges, in se considerata, non est nihilum, seu, nulla quantitas, sed solum

ad aliam datam & assignabilem evanescit, quem ad modum magnitudo arenulæ se habet ad integram montis altitudinem (vid. Wolfii Anal. Infin. §. 5.). Si ergo simplici g tribuis magnitudinem, infinite parvam, veram ei assignas magnitudinem simplicitati, quam una ei adjudicas, prorsus inimicam. Neque est quod dubites, unum simplex accedens augere extensum A , Nam si simplex g non auget extensum A , neque simplex b vel aliud quodcunque idem augebit: Eadem enim singulorum ad magnitudinem est ratio. Sit assignabilis simplicium numerus, quibus conjunctis oriatur, ut Wolfianis placet, compositum A determinatæ magnitudinis. Concurrent ergo mille monades ad magnitudinem A efficiendam, consequenter billio concurrentium monadum magnitudinem, magnitudine A duplo majorem, trillio, triplo majorem, & sic porro, constitueret extensionem. Nemo itaque non intelligit hypothesein de ortu compositorum ex simplicibus, certam cuilibet simplici assignare magnitudinem, simplicitati prorsus inimicam; manifestam idcirco involvere contradictionem. Tandem excipis: *ob nexum substantiarum fieri non posse, ut singulæ singulis accedant.* Sed nexum illum aut credis necessarium, aut contingentem; si prius, absolutam mundo tribuis necessitatem, & fatum, plus quam Stoicum introducis, a quo tamen te alienissimum esse scio. Si posterius, non repugnat, ut una substantia ad aliam accedat. Immo recentiores Philosophi, rectissime affirmantes, compositum omne majus & minus

fieri posse additione & ablatione partium, sibi ipsis in hoc puncto contradicunt; Nam hac adsertione manifesto concedunt accessum unius partis ad alteram; certamque competere cuilibet parti magnitudinem in altera autem partes istas non quantas, sed simplices volunt; illam ergo huic, & hanc illi contradicere quis non videt?

*Exami-
nantur ad-
versario-
rum argu-
menta con-
traria.*

Proposuimus jam argumenta, cum principiis immotæ veritatis, quæ antea demonstravimus, connexa, & hypothese de ortu compositorum ex simplicibus directe opposita. Nihil jam amplius in hac controversia restat, quam paucis adversariorum ponderemus rationes, quibus sæpius nominatam tueri conantur hypothesein. Illustres Viri *Leibniti*us atque *Wolfsius* provocant ad principium rationis sufficientis, quo salvo, fieri non posse arbitrantur, quin ex simplicibus conjunctis constet omne compositum. Hæc summa argumenti est: *Absolvitur quodvis compositum compositione partium, a se invicem distinctarum. Huius autem dabitur aliqua ratio (per Princip. Rat. suff.), non derivanda ex partibus iterum compositis, quia de his eadem rediret quæstio, unde ille componantur? idque sine fine quamdiu ad alias & alias compositas partes provocatur. Igitur aut daretur progressus rationum in infinitum, aut subsistendum in entibus non compositis, b. e. simplicibus. Prius est absurdum, Ergo posterius est statuendum. Ergo sine simplicibus, composita ingredientibus, existere nequeunt composita.* Conf.

Prin-

Princip. Philos. Leibn. §. 2. & Wolfii Ontol. §. 686. Huic prætensæ demonstrationi innititur tota illa, de ortu compositorum ex simplicibus doctrina, quæ una cum nexu rerum universali utramque fere paginam in Scriptis Leibnitio-Wolfianis absolvit. Nos autem celebrem hanc argumentationem, quæ multorum oculos jam aliquamdiu occæcavit, resoluturi, ut invictum & ab ipsis adversariis concessum ponimus in quæstione de ratione rei sufficienti & quidem interna, ut in præsentī casu, respectum haberi non nisi ad realitates, seu prædicata realia, quibus res constat. Jam vero ex ante demonstratis liquet, præter essentialia, attributa & accidentia nulla alia dari interna rei prædicata (§. 372.); attributa non modo ex essentialibus unice determinari (§. 340.), sed & re ipsa cum eisdem identificari (§. 454.); accidentia autem non competere enti, nisi quatenus existit (§. 368.), ipsamque existentiam in contingentibus esse eorum accidens (§. 626.). In quæstione igitur de ratione sufficienti rei respectum habere debemus aut ad essentiam, aut existentiam ejusdem. Non desiderant adversarii suo adducto argumento rationem existentiae compositorum ultimam, quam in voluntate DEI quærendam esse nemo dubitat. Essentiæ ergo compositorum rationem expetant necesse est, eandemque compositis non externam, ab intellectu Divino unice repetendam, sed internam. Verum enim vero nullius entis essentiæ ratio interna ulla datur, est namque essentia conceptus rei primus (§. 322.), in ipsa re aliunde

non determinatus (§. 315.). Frustra ergo
 quærunt adversarii compositionis in compo-
 sitis aliquam internam rationem. Sunt essentiae
 rerum omnium absolute necessariae (§. 609.),
 non ex principio rationis sufficientis, sed con-
 tradictionis deducendae (§. 729.). Nihil ita-
 que miri quod ab inconvenienti adhibito prin-
 cipio, inconueniens, immo absurda, infera-
 tur conclusio. Certe nulla argumentandi via
 magis apta statui potest ad quodvis ex quovis
 formandum, quam hæc ipsa, quam in præ-
 senti calu ingrediuntur adversarii. Nam eo-
 dem modo demonstrare liceret ens simplex
 quodvis constare compositis ingredientibus.
 Sumo namque, quod sumere licet, essentiam sim-
 plicis consistere in carentia partium (§. 992.).
 Sed ex principio rationis sufficientis dabitur ratio,
 cur & unde illa carentia partium in simplici sit.
 Hæc autem carentiæ partium ratio, in ipsa illa
 carentia partium collocari nequit, quia sic idem
 per idem explicaretur, quod est contrainemoratam
 principium, neque petenda est ex alio, quod parti-
 bus itidem caret, quia de eo eadem rediret quæ-
 stio, unde carentia partium resultaret? idque sine
 fine, quamdiu ad aliud & aliud, quod partibus
 caret, provocatur. Aut ergo daretur progressus
 rationum in infinitum, aut subsistendum est in ali-
 quo, quod non caret partibus. Prius per laudatum
 principium admitti nequit; posterius ergo est adsu-
 mendum, consequenter ratio carentiæ partium in
 simplicibus petenda esset ex eo, quod non caret par-
 tibus, seu, quod habet partes. Sed ejusmodi ens
 est compositum (§. 832.). Consequenter ultimara-
 tio simplicis in composito quærenda foret, seu sim-
 plex

plex ex compositis ingredientibus constaret. Hanc argumentationem, ut prorsus absurdam, quin rejiciant, contra quos pugno, adversarii, haud dubito, sed sic simul suam, qua effecta sua simplicia nobis persuadere conantur, ut nullius momenti exterminent, necesse est; nam in utraque idem est argumentandi modus, eadem sunt principia. Quia vero præconceptæ opiniones difficilius deponuntur, suæ itaque quavis adhuc arte patrocinari student nostri adversarii. Regerunt igitur: *longe aliam esse essentiae simplicis ac compositi considerationem, illam meris accidentibus non constare, hanc autem nihil præter mera accidentia involvere; hujus itaque non autem illius in aliquo substantiali, vi principii rationis sufficientis, quærendam esse rationem.* Sed suo loco, in Capite de substantia & accidente, sententiæ, quæ essentiam compositi in meris accidentibus collocat, manifestam demonstrabimus absurditatem. Deinde observent Monadologiæ patroni se in argumento, cui totam monadologiam inædificare non verentur, & cujus mox ostendimus infirmitatem, nulla uti præmissa, quæ essentiam compositorum in accidentibus collocat, quo nomine, aliquo saltim sensu, valeret allata exceptio; sed inverso potius procedere ordine, & accidentalem, ut putant, essentiam compositorum indolem ex primo isthoc argumento deducere velle. Circulum ergo in demonstrando vitiosum evitare si desiderant, ab hac instantia, ad servandam suam argumentationem, abstineant necesse est. Firmum itaque & inconcussum adhuc manet, sæpius nominatum

argumentum monadologiæ primarium, exactiori Philosophica bilance examinatum, nullius deprehendi ponderis.

Etsi plerique eorum, qui Leibnitii atque Wolfii delectantur auctoritate, præter modo destructum, aliud non habeant monadologiæ præsidium; quidam tamen in alio insuper erigendo non passi sunt suam desiderari industriam. Ita ergo ratiocinantur: *Constant composita ex partibus. Partes istæ vel iterum erunt compositæ, seu, habebunt alias partes, & hæc rursus alias & sic in infinitum, vel deveniendum tandem ad partes, quæ ex aliis non constant. Si primum; numerus partium infinitus erit, cujus existentia implicat contradictionem. Compositum ergo ex partibus constat, quæ alias partes non habent. Constat ergo ex simplicibus, seu, monadibus (per def. simplicium).* Facit ambiguitas infiniti partium numeri, ut in hoc ratiocinio nihil jure concludatur. Numerus enim infinitus aut sumitur actu, aut potentia, ille denotat numerum, sine ullius compossibilis numeri defectu; hic numerum significat, in quo nulli poni possunt limites, ultra quos amplius augeri vel minui repugnat. Ille est absurdus, hic eo minus aliquam involvit contradictionem, quæ certius est eam esse cujusvis numeri indolem, ut sine fine augeri possit & minui (§. 687. 688.). Eam habet omne compositum & extensum naturam, ut non priori sed posteriori sensu in partes numero infinitas sit divisibile (§. 872.), unde conficitur nullam esse in composito partem penitus indivisibilem, & nullam idcirco simplicis

plicis esse naturæ. Hoc observato discrimine in remotione membri primi propositionis majoris, hunc inire debuissent adversarii computum: *Si primum*, tunc numerus partium aut actu, aut potentia infinitus erit; non actu, quod & nos concedimus, neque vero esse potentia infinitum probandum ipsis erat prius, quam suam inferrent conclusionem. Efficit autem firmissima demonstratio divisibilitatis materiæ in infinitum, ut certissimi sciamus illam probationem eos, vel per omnem æternitatem, nunquam aut prolaturus esse, aut proferre posse. Nostra ergo non autem eorum thesis firmo innititur fundamento. Regerunt forte: *Si ea cujusvis, actu existentis, compositi est indoles, ut dividi queat in partes iterum iterumque, idque sine fine, compositas, non modo potentia, sed actu ipso numerum partium in composito erit infinitus.* Sed idem hac instantia experiantur necesse est fatum, quod subeunt, qui contra saniora præcepta a potentia ad actum colligunt. Nam eodem ratiocinandi modo ego dicerem, quia compositi, cujusvis existentis est natura, ut possit sine fine augeri, ergo non modo potentia, sed & actu ipso esse compositum quodvis infinitum. Verum falsitatem hujus conclusionis nemo non perspicit. Nemo igitur non intelligit allata instantia desideratum finem haud obtineri. Abeat itaque illa cum toto, cui correspondet, argumento, quo simplicium in composito existentiam inferre conatur monadistæ.

Verum alia adhuc argumentatione nos adgre-
diuntur inquieti monadum defensores. Magni-
tudes, inquiunt, tales & tales partium compo-
siti, aut sunt eorum attributa, aut accidentia; si
prius, absolute necessarie essent illæ magnitudines
& figuræ, inde pendentes, quod indifferentiæ
materiæ ad quasvis modificationes recipiendas omni-
no repugnat; Si posterius, tum sui rationem illæ
definitæ magnitudinis & figuræ in particularum
essentia pariter ac in aliis concurrentibus atomis.
Non igitur hæ figuræ & magnitudines sunt primi-
tivæ partium affectiones, sed resolvuntur in vires
motrices, h. e. substantias simplices, ex quarum
variâ determinatione variæ existunt magnitudines
& figuræ. At Licet contendamus extensio-
nem & magnitudinem, etiam figuratam, in
genere dum spectatur, esse compositis & ex-
tensis non accidentalem, sed essentialem; lar-
gimur tamen has vel illas definitas particula-
rum magnitudines & figuras esse earum non
attributa, sed accidentia. Fatemur quoque
rationem earum idèò desumendam esse, par-
tim ex particularum essentia, scilicet qua ea-
rum possibilitatem (§. 376.), partim ex alia
concurrente causa externa. Inde vero non se-
quitur, hanc causam esse vim motricem, seu,
substantias simplices, quæ ipsam materiæ com-
positionem ingrederentur; quum, si de ulti-
marum naturæ partium magnitudinibus & fi-
guris sermo est, omnino sufficiat rationem hu-
jus determinatæ magnitudinis, quam alterius,
a Sapientissima DEI voluntate repetere, qua
Ei placuit hæc potius, quam alia producere
composita. Deinde si ratio determinata ma-
gnitu-

gnitudinis particularum ex vi motrici derivaretur, & hæc necessaria consecutione ex substantiis simplicibus resultaret, quæ compositionem materiæ, ideoque ejus essentiam ingredi ponuntur, esset hæc determinata particularum magnitudo eis essentialis, quod absurdum esse ipse fateris. Tandem caveas precor, ne vitiosum in demonstrando circulum committas. Nonne existentiam monadum in compositas inde derivare cupis, quia nulla alioquin daretur ratio figuræ & determinatæ extensionis particularum, & per consequens ipsius extenti? Ita omnino. Sed anne vicissim extensum ideo ponis, quia conjunctæ monades, secundum Tuam mentem, illam efficiunt? Ita etiam. Sed perpendas velim anne hoc idem sit, ac si diceres: ex simplicibus oriuntur extensa, quia ex illis oriuntur? Ipse aliud non video, nec te, relictis præjudiciis, aliud visurum spero.

Quem ad modum una absurditas alteram generat, sic ex monadologia Leibnitio-Wolfiana, tanquam ex impura scaturigine, multa per universam Philosophiam promanant incommoda, quibus, quamdiu monades placeant, tollendis, vix ac ne vix quidem sufficit vel acutissimi Philosophi opera. Duo tantum hoc loco commemorare constitui, quæ ut nova quædam, a prioribus scilicet, quæ attulimus, diversa, contra monadologiam considerari possunt argumenta. Ad corporis, ut entis compositi, essentiam, duo requirunt recentiores,

Graviores monadologie difficultates.

tiores Phillosophi, qualitatem scilicet partium, & modum compositionis earum (§. 140. Cosmol. Wolf.). Partes vero ponuntur entia simplicia, ex quibus conjunctis origo corpusculorum primitivorum, & ex his derivatorum, statuitur (§. 229. c. l.). Essentiam ergo corporis ingrederentur simplicia, tanquam partes componentes. Sed ea porro ponitur horum simplicium qualitas, ut vis activa, sive motrix ex illis resultet (§. 180. c. l.), quorum quodlibet, dum existit, vim quandam necessario habere (§. 196. c. l.), hancque in corpore, pro substantiarum simplicium numero, multiplicatam, vim motricem exhibere statuitur (§. 294. l. c. in notis) corpus igitur sibi essentialiter inclusam habere vim motricem, sed hæc motui locali adhæret (§. 137. l. c.), & consistit in continuo conatu mutandi locum (§. 149. l. c.). Motus ergo localis per essentiam corporis actu ipso daretur, nisi quid externe illum impediret (§. 728. Ontol. Wolf.). Verum non modo essentiae rerum, sed etiam quicquid ex illis unice determinatur, absolutæ necessitatis legi subjacent. Effet itaque motus corporum non amplius contingens, sed necessarius. Absit tribuamus celebratissimis recentioris Philosophiæ principibus *Leibnitio*, atque *Wolffio*, quod determinatæ eorum non ferunt propositiones. Negant enim absolutam motus & legum ejus necessitatem, & adstruunt tum illius, tum harum contingentiam (vid. Leibnitii Theod. §. 345. Wolfii Cosmol. §. 527. & alibi passim.). Ergo præter eorum mentem ex monadibus deducitur absoluta motus

tus necessitas? ita quidem. Sed annon ex hypothesi de corporum ortu ex monadibus, vi activa præditis, sequatur vim motricem & per consequens motum esse corporibus essentialem? Putaverim sane, si suæ hypothesei conformiter loqui voluissent, aliam eos inde non deducturos fuisse consequentiam. Nam si simplicia sunt essentialia compositorum partes, sine quibus, ex mente eorum, nulla dantur, neque dari possunt composita & corpora, fietiam ab his simplicibus, sine destructione eorum, separari nequit vis agendi, necessitas motus & legum ejus non potest non sequi. Sed regeris; *Laudatissimos viros essentiam compositi & corporis in combinatione taliam atque talium partium collocare, & simul contendere ex qualitate partium, præcisa substantialitate, & modo, quo eadem inter se junguntur, non determinari aliquam agendi vim (conf. §. 795. Ontol. Wolf.); Ex eorundem ergo virorum hypothesei de monadibus haud sequi vim activam esse corporibus essentialem.* Sed hi iidem Philosophi arbitrantur essentiam entis compositi, a se positam in qualitate partium & earum conjunctione, præcisa earundem substantialitate, meris accidentibus constare (§. 789. Ontol. Wolf.), seu, esse merum aliquod accidens, scilicet prædicamentale, nam illud hoc loco substantiæ opponunt, quæ ut suo visuri sumus loco, per essentiam existentem recte definitur; atque adeo accidens prædicamentale præter attributa & accidentia prædicabilia, essentiæ existenti inexistencia, nihil involvit aliud, quorum neutrum, proprie loquendo, ipsam entis essentiam constituit. Essentia

sentia ergo compositi, ab his Philosophis allegata, secundum proprias eorum hypothesen non esset vera essentia, petenda proinde non nisi ex simplicibus, quæ quicquid habet corpus substantiæ, H. e. essentiæ existentis, constituerent (§. 792. Ontol. Wolf.). Vides ergo vim activam, ex substantialitate simplicium derivatam, secundum hypothesin horum Philosophorum, dependere ex ipsa corporum essentia. Deinde non nego te abstracta mentis operatione posse tibi animo sistere qualitates partium absque substantialitate, nego autem ex mentali abstractione sequi, re ipsa, a qualitate partium compositi ultimarum, quas entia simplicia esse ponis, remotam esse qualitatem simplicium, ipsamque eorum vim, quæ pro ipsa simplicium essentia ab his Philosophis habetur. Tandem quæro: Substantiæ simplices, aut pertinent ad 7^o esse corporum, aut ad id non pertinent? Si hoc, haud aliter ac accidentia, quæ salvis suis subjectis abesse possunt, considerari debent. Dari ergo sine illis potest compositum, quod tamen vi hypotheseos admittere nequis. Si illud; necesse est fatearis ex essentialibus ingredientibus, determinari vim activam corporum, vix ergo ac ne vix quidem posse quemquam cum monadologia Leibnitio-Wolfiana motus contingentiam coadunare.

Sunt, qui Leibnitium atque Wolfium, affirmantes ex simplicibus conjunctis oriri extensa, Idealismi reos ideo judicent; putaverim tamen inter hanc Leibnitii doctrinam, & Idealista-

alistarum figmenta dari aliquod discrimen. Idealistæ enim non nisi Spirituum concedunt existentiam, corpora autem in ideis nostris unice existere contendunt, & idcirco eis denegant existentiam. Leibnitius vero cum Wolfio realem existentiam materiæ non vult denegatam, & licet vel maxime statuerit, quod tamen totidem verbis non fecit, materiam non aliud esse quam congeriem spirituum; ideo tamen stricto sensu non est Idealista, qui ejusmodi non concedit aggregationem. Sin vero dixeris Leibnitii atque Wolfii monadologiam ad Idealismum inclinare, eumque in suo sinu fovere, non refragabor. Nam qui debita attentione, animoque a præjudiciis vacuo, evolvit Illustris Wolfii §. 793. Ontol. ubi demonstrare conatur compositum esse simplicium aggregata, nec non §. 221. Cosmol. ubi ostendere vult aggregata elementorum esse extensa, & alia passim loca, quæ in Philosophia Leibnitio-Wolfiana occurrunt, inveniet fundamentum demonstrandi sumtum esse ex simplicis natura in genere, prout composito opponitur. Quam ob rem, quia a genere ad speciem universalis valet concludendi ratio, de omni simplici sub generali simplicis idea comprehenso, eadem valerent assertiones. Possibilis ergo ex spiritibus esset conglomerata massa non spiritualis. Confer etiam si placet, quæ antea in hac eadem §pho, ad quintum argumentum adnotavimus. Hanc absurditatem, quæ si Idealismum non constituit, ad illum tamen quam proxime accedit, variis modis a se removere conantur recentiores Philosophi, sed frustra-

primeret; putaverim tamen hanc ejus cautionem sero nimis adhiberi, postquam singula, ex quibus ad perceptionem fit transitus, una cum Leibnitio suis simplicibus attribuit.

A prima scientiarum infantia, omni- *Historia*
que insequentem tempore, de pri- *questionis.*
mis corporum elementis magna exstiterent sententiarum divortia. Non loquar jam antiquata & silentio recondita. Quod recenti habemus memoria paucis recensere conabor. Neminem in Historia Literaria adeo hospitem arbitror, quin sciat Illustrem *Leibnitium*, summi judicii & acuminis virum hypothesein de ortu compositorum ex monadibus, a Pythagoreis olim adamatam (§. 988.), e cineribus resuscitasse, novoque habitu ornasse & perpoliisse. Hanc, sub nomine principiorum Philosophiæ in Actis Erud. Lips. Tom. VII. supplement. Sect. XI. p. 500 & seqq. proposuit, quam, multis & in Ontologia, & præsertim in Cosmologia additis propositionibus illustravit Summus præsentis seculi Philosophus, Illustris *Wolffius*. Statim ac in orbe eruditorum innotuit hæc doctrina; multos experta quidem est adversarios, sed qui sua opera, non satis elaborata, nihil efficere valuerunt magis, quam illam magis confirmarent in eorum præsertim animis, qui in verba Leibnitii & Wolfii, tanquam de tripode dicta & fallere nescia, jurare cœperunt, extra Leibnitii & Wolfii placita, quæ non ubique intellexerunt, parum vel potius nihil scire desiderantes. Quieta ergo mansit Monadologia Leibnitii, saltem

R

in

in animis Germanorum tantum non omnium, donec *Societas Regia Berolinensis*, scientiarum incremento omni studio & labore consulens, adcuratori examini monadologiam istam subijciendam esse decrevit, & aliquot ab hinc annis, quæstionem sub spe præmii proposuit: *An quousque Monadologia hæc aliquid conducatur ad phænomena naturæ explicanda?* Allexit varios tum propositæ quæstionis dignitas, tum præmium, quod pro ejus resolutione pollicita est Regia Societas ei, qui felicissime hanc quæstionem enodare posset. Primum, quantum mihi constat, lucem adspexit tractatus, cui titulus: *Gedancken von den Elementen der Körper, in welchen das Erdgebäude von den einfachen Dingen und monaden geprüft, und das wahre Wesen der Körper entdecket wird.* Non indicavit auctor eximii hujus tractatuli suum nomen, postea tamen innotuit hujus auctorem esse eximium & Celebrem apud Germanos Mathematicum *Eulerum*, qui hoc libello monadum tam existentiam, quam usum in explicandis naturæ phænomenis, destruere conatur. Fuit hoc Euleri Scriptum pomum Eridos apud Germanos & dissidii. Prodiit ergo scriptum: *Gegenseitige Prüfung der Gedancken &c. von C. A. K.* Post hoc lucem adspexit *Widerlegung der Gedancken &c.* auctore Anonymo. In Novis Literariis Lipsiensibus, seu, *Neuer bucker Saal. T. III. P. IV. pag. 355.* occurrit quoque examen Sententiæ Eulerianæ, magno exaratum judicio. Sed monadologiæ se opposuit solidioris doctrinæ Vir, *Johannes Henrichus Gottlieb Justi* in sexta parte quarti voluminis:

Er-

Ergetzungen der vernünftigen Seele der Sitten-Lehre, und der Gelehrsamkeit überhaupt. Ubi monadologiam Leibnitio-Wolfianam, accurate primum delineatam, multisque propositionibus novis egregie & ingeniose auctam, deinde vero, adeo magno ingenii flumine & judicii acumine, summa ubique condito humanitate, confutavit, ut proemium a Societate Regia Berolinensi promissum reportaret. Varioshic expertus est adversarios. Inter hos primum nominandus est Dominus Körber, Magister Hallensis, qui sub hoc nomine latere voluit: Einen Kenner der neuern Weltweisheit. Scriptum ejus plus invidiæ, quam veritatis spiravit, unde Opera ejus caussa fuit. Præterea Laudatissimum Justi adgressi sunt, Auctor Anonymus in sexta parte des Hamburgischen Magazins sub titulo: Zufällige Anmärkungen über des Herren Justi Preis-Schrift. Nec non Celeb. Prof. Stiebritz, variis operibus Philosophicis orbi Erudito notus. Neque sibi defuit Dominus Justi, sed dogmata sua contra oppugnatores apologia munivit, sub titulo: Nichtigkeit aller Einwürfe und unhöflichen Ansätze, welche wider seine Untersuchung der Lehre von den Monaden und einfachen Dingen zum Vorschein gekommen sind. Promisit quoque se velle addere ulteriorem monadologiæ refutationem. Non in jucundum & inutile foret ea heic adferre & ponderare argumenta, quibus Amplissimi Viri Eulerus & Justi pugnare, & adversariorum examinare, in præsentem tamen mihi propositum habui proprias potius, quas in Collegio Rydeliano, qua maximam partem,

ante duodecennium, & quod excurrit, proposui, potius, inquam, quam alienas adferre cogitationes; Etsi non negem Dominum Iusti in quibusdam mihi jam subministrasse ansam sæpius nominatam monadologiam uberius examinandi.

§. 1014.

Cur monadum affectiones non examinantur.

Licet non difficile mihi esset illa omnia, quæ de simplicibus suis, ut elementis corporum, prædicant recentiores Philolophi examinare; Quia tamen non-entis, quod cum absolute impossibili coincidit (§. 259), nullæ sunt affectiones, scilicet positivæ, (§. 264.), nulla quoque est scientia (§. 266.); modo autem ostendimus simplicia, ut partes constitutivæ compositorum considerata, esse absolute impossibilia (§. 1013.); intelligitur horum simplicium nulla esse positiva prædicata, nullam scientiam, nullum usum, nullaque idcirco ulteriori confutatione indigere universam monadologiam, splendide alioquin habitu vestitam, quam jure doctrinam de nihilo, hoc est, nullam doctrinam dixeris, qua etiam carere & potuit, & certo sensu debuit orbis eruditus.

§. 1015.

De quibus simplicibus.

Ortum, & interitum Esse entis contingentis prædicatum (§. 632.),

Enti

Enti autem necessario omnem re- ^{bus ortus}
 pugnare ortum & interitum ^{& interi-}
 (§. 631.), antea demonstravimus. ^{tus prædi-}
 Quicquid ergo hoc loco de ortu & ^{cari potest,}
 interitu entis simplicis differendum consti-
 tuimus, valere nequit nisi de ente simplici,
 quod contingens est. Quo circa statim &
 in ipso limine notari meretur sermonem heic
 non esse de causa hujus simplicis efficiente,
 quæ alia, quam ens Necessarium esse nequit
 (§. 633.), sed causa ejusdem, ut sic loquar,
 materiali, quam si non positive valeo, nega-
 tive tamen eruere conabor. Scilicet, eam
 ex perior præsentis doctrinæ difficultatem,
 ut sensu magis negante, unde non oriatur
 simplex? quam agente, unde oriatur? con-
 catenata ratiociniorum serie, exprimere mi-
 hi liceat,

§. 1016.

Ex composito ens simplex oriri Ortus sim-
nequit. Quoniam ens compo- ^{plis ex}
 situm ex partibus a se invicem di- ^{composito}
 stinctis constat (§. 832.), ipsa ^{negatur.}
 que ejus essentia modo compositionis par-
 tium absolvitur (§. 837.); possibilis si sup-
 ponitur entis simplicis ex composito ortus,
 de composito ille cogitari nequit, nisi qua-
 tenus ex modo compositionis partium de-
 terminetur. Hunc verò ubi respicimus, evi-

dens est ens simplex, si ex composito ori-
retur, originem trahere debere, vel per
transformationem compositi in simplex, ea-
dem in illo retenta partium compositione;
vel per mutatam partium combinationem.
Nam ex principio exclusi medi (§. 63.) li-
quet compositionem aut manere invariata
aut non. Prius, quum ens simplex nullas
habeat partes (§. 988.), compositoque, quod
partibus gaudet distinctis (§. 832.), contra-
dictorie opponatur (§. 990.), manifestam
involvit contradictionem (§. 54.). Poste-
rius ergo, si ex composito generaretur sim-
plex, locum haberet, sed quando mutatur
partium in composito combinatio, aut a se
mutuo dissolvuntur, prodeuntque partes il-
læ, ex quibus primum resultabat hoc com-
positum; aut non ita dissolvuntur, sed vel
omnes, vel aliquæ earum alio inter se com-
binantur modo. Tertium non dari ostendit
compositi essentia, in modo compositionis
partium collocata (§. 837.). Sed neque illo,
neque hoc modo ex composito oriri potest
simplex; non *illo*, quia partes, unde resul-
tat compositum, magnitudinem possident
(§. 1011.), qua entia simplicia penitus de-
stituantur (§. 995.); neque *hoc*, quia non
nisi aliud & aliud inde prodit compositum
(§. 832.), minime vero simplex, quod omnem
partium respuit conjunctionem (§. 988.).

Quivis

Quivis itaque intelligit, ex composito ens simplex oriri haud posse.

Qui hypothefi Leibnitii atque Wolfii de ortu compositorum ex simplicium combinatione favent, negant quoque ex composito oriri posse ens simplex, licet hypothefi fuæ convenienter hujus negatæ thefeos demonstrationem aliquanto aliter inflectant, quam in omnibûs fere compendiis Metaphysicis, quæ hoc feculo lucem adspexere publicam, videre licet.

Ceterum ex hoc, quod demonstratum ivimus, principio, expugnabuntur D. V. in Pſychologia Rationali falſæ eorum opiniones, qui animam humanam vel ex igne, vel alia quadam materia originem trahere dictitarunt: Omnia enim hæc absurda eſſe patebit, demonstrata animæ ſimplicitate.

§. 1017.

Composito contradictorie opponitur ſimplex (§. 990.), adeo, ut, quæ de illo dici nequeunt, & tamen poſſunt alicujus entis eſſe prædicata realia. de hoc ſint enuncianda (§. cit.). Simplicis contingentis ortus, quia poſſibilis (§. 1015.) eſt, & per conſequens aliquid (§. 138.), ideoque reale quid (§. 269.), tanquam ex composito reſultans, de composito prædicari nequit, ſeu, quod eodem redit, ſimplex ex com-

Ex alio, quam ſimplici, oriri nequit ſimplex.

posito oriri non potest (§. 1016.). Si ergo simplicia ex aliqua ente oriuntur, non nisi ex simplici alio originem trahere possunt.

Quod si itaque quis demonstrare valeat neque ex alio simplici, ullo modo, oriri posse ens simplex, tunc demum sequitur nonnisi ex nihilo prodire posse ens simplex. Videndum itaque quousque in hoc puncto perveniat ratio humana, sibi relicta.

§. 1018.

Quenam Oritur ens, dum existere incipit, cum antea non existeret *circa ortum* simplex ex (§. 308.), sed nullum ens alio existere potest modo, quam quem ejus infert essentia (§. 335.), seu, ut veteres loqui amant, modus existendi, sequitur modum essendi. Ens ergo unum si ex alio oritur, alio oriri nequit modo, quam quo per essentiam hujus est possibile. Quam ob rem, si ens simplex ex simplici oritur (§. 1017.), *ab hoc ortu removendus erit* omnis modus, *vel compositionem constituens, vel ex compositorum essentia unice fluens*; ille enim enti simplici plane repugnat (§. 990.).

§. 1019.

Modus quo Ex simplici oriri nequit ens *ens simplex simplex per separationem*. Quicquid

quid enim ex alio per separationem oritur, illud existentiam accipit, ab eo separatam (§. 308.), quam antea cum illo tenuit conjunctam. Sed ex simplici, quippe quod partibus caret (§. 988.), & indivisibile est (§. 994.), nihil separari, vel separatam ab eo accipere potest existentiam, quam antea cum illo tenuit conjunctam. Ex simplici ergo oriri nequit ens simplex per separationem, *ex simplici non oritur.*

Est modus per separationem compositis proprius, nam quem ad modum hæc entia ex aliis constant realiter inter se distinctis (§. 832.), ita eadem a se mutuo separare non repugnat, quæ ratione Chemici v. gr. ex una eademque minera aurum ab argento, & utrumque a cupro separant. Statim ergo patet hunc oriundi modum ab ortu entis simplicis ex simplici prorsus esse removendum (§. 1018.).

§. 1020.

Neque ens simplex ex alio ente simplici oriri potest per transformationem. Per transformationem oritur unum ens ex alio, si hoc in illud ita mutatur, ut illud, quod antea non extitit, existere incipiat. Quodcumque igitur ens transformatur, novo cui-dam ut originem præbeat, illius essentialia cum attributis aut mutantur aut remanent (§. 63.). Sed essentialia cum attributis mu- *Alius modus; quod idem negatur.*

tari nequeunt (§. 610. §. 615.). Remanent ergo tum essentialia, tum attributa entis. Sed his remanentibus, aut existentia eorum tollitur, aut non (§. 63.), si *prius*, relabitur ens in non-existens. Quam ob rem, si aliud ens simplex ex hoc oriretur, h. e. existere inciperet (§. 308.); hujus existentia in priori non-existente rationem haberet sufficientem (§. 83.): nam quod ex alio oritur, illius ortum ex alio sufficienter intelligere licet. Sed si aliquid existit, vel existere incipit, ejus existentiae ratio sufficiens contineri nequit in non-existente (§. 215.). Ex ente ergo simplici, cujus sublata est existentia, aliud nullo modo oriri potest. Si *posterius*, hoc est, si remanet existentia, immo & essentia cum attributis, & tamen ex ente simplici transformato oriretur aliud ens simplex, quia præter essentialia, attributa & accidentia nihil enti competit (§. 372.), & accidentia unice, non autem essentialia & attributa, mutari possunt vel transformari (§. 618.); ex priori ente simplici transformato nihil nisi novum accidens produci posset. Non ergo exinde fit novum aliquod ens simplex, quod tamen desideratur, & quod, quia cuilibet enti sua convenit essentia (§. 329.), essentiam habere debet a prioris entis essentia, unde transformaretur, diversam, non, inquam, fed

sed pristinum manet, accidentali saltem mutatione alteratum. Nulla igitur ratione ens simplex ex simplici transformato oriri potest.

Transformatio est modus oriundi in regno naturæ inter corpora scilicet, frequentissimus. Sic, ut alia innumera taceam, ex tritico fit farina, ex farina panis, ex pane chylus, inde caro alia scil. & alia partium compositione & ordinatione facta. Cujusvis compositi essentia, definita partium combinatione constituitur, qua mutata pristinum perit, & novum hac metamorphosi oritur compositum. Est itaque transformatio modus oriundi, compositis proprius, cui idcirco in ortu entis simplicis ex simplici nullus concedendus est locus (§. 1018.).

§. 1021.

Quamvis simplex ens ex alio *An ex his*
simplici transformato (§. præc.) *fluat ens*
vel non transformato per separationem (§. 1019.), *simplex ex*
oriri nequeat; *simplici non*
quia tamen hi oriundi modi, qui *oriri.*
a transformatione & separationem partium
nomen habent, ut mox ostendimus (§. 1019.
1020.), compositis, qua talibus, competunt, neque ex negatione & remotione horum modorum sine vitio colligitur ad negationem omnis modi, etiam illius, qui ex
sim-

simplicium essentia forte determinatur (conf. 1018.); *perspicuum evadit a vero eos discedere, qui circa ortum simplicis ex simplici, ex negatione horum modorum adnegationem omnis alterius colligunt, & ideo inferunt ens simplex ex simplici nulla ratione oriri posse.*

Ex simplici non oriri posse aliud ens simplex negat summus Recentioris ævi Philosophus Illustris Leibnitius, qui §. 5. Princip. Phil. ita ratiocinatur: *Ex eadem ratione non datur modus, quo substantia simplex naturaliter oriri potest, quoniam non aliter nisi per compositionem formari posset.* Hanc propositionem in formam Syllogisticam redigit D. Hantschius in principiis Philosophiæ Leibnitii more Geometrico demonstratis Theor. IX. *Monades naturaliter oriri non possunt.* Dem. *Ubi nullæ prorsus dantur partes, ibi nulla locum habet partium compositio, & proinde existentia monadum incipere non potest per successivam partium compositionem; Quare nihil in ortu monadum præcedit, ex quo ratio reddi possit ejus, quod sequitur, adeoque ortus monadum intelligi & explicari non potest per modum compositionis partium successivæ.* Ergo *monades naturaliter oriri non possunt.* Solent hinc, qui Leibnitium sequuntur ducem, exinde, quod simplex ex simplici non oriatur per modum separationis, universaliter inferre ens simplex ex simplici nullo plane modo oriri posse. Damus Illustri Leibnitio ortum simplicium neque successive explicari, quod mox clarius docebitur, neque per compositi-

positionem formari posse (§. 1018.). In eo autem cum Viro non convenimus, simplicia non aliter, vel alio modo, nisi per compositionem oriri posse. Assumit Philosophus tanquam veritatem infallibilem, modum oriundi per partes unice esse possibilem, quemcunque vero alium contradictionem involvere. Ast hic modus non determinatur per essentiam simplicis, sed compositi, simplici contradictorie oppositam. Non ergo est unice possibilis, nisi demonstrare valeas alium per essentiam simplicis non dari, quod ne ipse quidem Apollo in æviternum, credo, præstabit: Nam quæ quæso in argumtando consequentia: Per separationem partium oriri nequit ens simplex ex alio ente simplici, ergo nullo plane modo alterum ex altero originem trahere potest. Committitur, quod Logici vitandum jubent, vitium, quo plus in conclusione, quam quod in præmissis fuit, ponitur. Inde enim quod ens simplex ex alio ente simplici nequeat separari, nihil magis sequitur, quam illud ex hoc oriri non posse per modum separationis. Quare si universalem, quam intendunt adversarii, formare vellent conclusionem, prius demonstrandum ipsis esset præter modum separationis alium non esse possibilem ortus simplicis ex simplici, quam universaliter colligerent, ens simplex ex simplici oriri non posse. Dicunt se alium possibilem ortus modum concipere non posse. Sed vereor ne imaginationis placita huic immisceant negotio, quod, quia ortum simplicis ex simplici ferit, ab omni, compositionis modo, rationeque, qua composita, sen-

sensuum & imaginationis solitaria objecta, generantur, plane remotum (§. 1018.), nulla imaginandi vi percipi potest. Nemo nescit plerosque nostrum, sensualibus ideis delectari, dicere quoque ea se non concipere, immo concipere non posse, quæ sensui & imaginationi exhiberi nequeunt. Videant adversarii an eodem præjudicio animum teneant occæcatum? Si vero ulterius urgeant se, præter memoratum, alium ortus simplicis ex simplici modum, omni licet depuratæ mentis acie in subsidium vocata, definire tamen non posse; observent ex nostra ignorantia ad negationem rei non valere consequentiam. Regunt, *non modo per separationem partium, verum etiam per transformationem, impossibile esse ortum simplicis ex simplici; universalem ergo recte formari conclusionem, qua penitus negare licet ortum simplicis ex simplici.* Sed sciant se universalem hanc non prius obtenturos esse conclusionem, quam legitime demonstraverit inter modos, qui a separatione & transformatione habent nomen, alium vel alios non dari medios, quod tamen ex principiis modo positis, ut sua sponte, sine dubio, intelligunt, demonstrare haud valebunt. Verum instant, probabilitatem suæ hypotheseos ostensuri: *Si simplex oritur ex simplici, aut prodit ex hoc transformato, aut non transformato, seu, ut loqui amant, nudo; non prius, quia ejus jam demonstrata est absurditas, neque posterius, quia sic oriretur per separationem a priori, quod etiam ut absurdum rejecimus. Non ergo ex simplici oriri potest aliud ens simplex.* Largior propositionem
 majore

maiores in dilematico hoc argumento, concedo quoque evidentiam subsumptionis prioris membri, sed posterioris distributionem haud esse legitimam contendo, prius, quam mihi ostendere valeant adversarii alium modum ortus simplicis ex simplici non transformato, quam per separationem non esse possibilem. Hoc ergo necessario demonstrationis momento destituti, quod intendunt, nunquam a me, vel alio, præjudiciis non abrepto, obtinebunt, ut cunque contestentur se alium non contigere posse modum.

Nemo existimet nostras has meditationes esse mere speculativas, omnique usu destitutas: nam multum illæ habent utilitatis in quæstione, diu multumque vexata, de animarum propagatione. Nemo vel tantillum in Recentiorum scriptis versatus ignorat, hos Philosophos ideo noluisse animæ propagationem per traducem, h. e. animarum liberorum ex animabus parentum, admittere, ne in præsens nostrum problema impingerent. *Hunc enim in modum argumentantur: Simplex ex alio ente simplici oriri nequit, at anima est ens simplex, ergo ex anima anima oriri nequit.* Sed sublata jam majoris propositionis evidentia, tollitur omnis, quam conclusioni inesse contendunt, certitudo. Satis itaque causæ non habuere hi, quos loquor, Philosophi negandi propagationem animarum per traducem, quam tuentur Celebratissimi inter nostrates Theologi, Gerhardus, Calovius, Dörscæus, Meißnerus, Tarnovius, Flebenstreitius, & qui primo loco mihi nominandus

nandus erat B. *Lutherus*, qui teste *Chemnitio* in L. L. Theol. L. de Peccat. Orig. Cap. IV. in disputationibus conclusit quidem se nihil velle affirmare de hac quæstione, privatim tamen apud se tenuit sententiam de traduce. Idem de *Luthero* testimonium perhibet *David Chytræus* in Libr. de vita & morte *Lutheri* Part. II. p. 26. addens se ex ore ipsius *Lutheri* audivisse eum adprobare eorum sententiam, qui ex traduce propagari animas senserunt. Factor doctrinam, quæ originem animæ humanæ concernit, & de qua, D. V. in *Psychologia* rationali, plura mihi dicenda sunt; valde esse intricatam, multisque circumseptam difficultatibus, sed juxta fatendum est, a recentioribus Philosophis hanc Theologorum adserptionem nullo condigno adhuc argumento esse impugnata.

§. 1022.

An ens simplex ex nihilo oriri debeat. Quoniam itaque adhuc incertum est annon ex simplici præexistente oriatur aliud ens simplex (§. 1021.); certo adhuc constare non poterit, *an, si ens simplex oritur, ex nihilo illud semper oriri debeat,*

Est mihi heic sermo, ut quilibet, vel me non monente, intelligit, de ordinario & naturali simplicis ortu, non autem de eo, qui per creationem fit: Nam hoc sensu id commune habet ens simplex, de quo in præsentī differitur,

tur, cum omni alio contingenti, quod ex alio præexistente non sit creatum.

§. 1023.

Ens aliquod successive oritur, si ejus determinationes essentielles non simul, sed successive existere incipiunt. In instanti autem oritur, si omnes, quas habet, determinationes essentielles simul & sine successione existere incipiunt.

*Definitur
ortus suc-
cessivus &
instanta-
neus.*

Ortum successivum conspicimus in machinis, quarum partes, quæ earum constituunt determinationes essentielles, non simul ab artifice præparantur, nec præparatæ, simul, sed successive combinantur ad machinam, quæ desideratur, exhibendam. Instantanei autem ortus exempla præbent Lazarus & filius viduæ in oppido Nain, qui omnipotentissimo Christi verbo statim sunt resurrexerunt, & denuo existere cœperunt.

De cetero, quia omnis successio tempus inferat (§. 909.), instans vero omnis successionis & per consequens, omnis expers est temporis; notetur ortum successivum in tempore fieri, instantaneum vero in instanti, seu, per nullum temporis tractum.

§. 1024.

Ex stabilitis ortus successivi & instantanei notionibus statim & sua
S veluti

*Inter ora-
tum suc-*

cessivum veluti sponte fluit: *omne quod ori-*
Et instan- *tur, aut successive aut in instan-*
taneum ex- *ti oriri.* Quicquid enim oritur,
cluditur illud existere incipit, cum antea
medium. non existeret (§. 308.), omne au-
 tem existens ens est (§. 295.), & ideo es-
 sentiam habet; seu, determinationes essen-
 tiales (§. 332.), quæ quando ens illud exi-
 stere incipit, aut una & simul, aut non una
 & simul existunt (§. 63.), si prius, in in-
 stanti, si posterius, successive oritur idem
 ens (§. 1023.). Quicquid ergo oritur, aut
 successive aut in instanti oritur.

Sunt videlicet ortus instantaneus & successivus
 binæ species, sub ortu in genere comprehen-
 sæ (§. 308.), sibi mutuo per notiones suas ita
 oppositæ, ut non admittant aliam interme-
 diam.

§. 1025.

Entis sim- Si ens simplex oritur, ortus e-
plicis ortus *jus non est successivus sed instan-*
qualis. *taneus.* Nam si ens simplex suc-
 cessive oriretur, determinationes ejus essen-
 tiales successive existere inciperent (§. 1023.),
 esset ergo ens successivum (§. 901.). Sed
 nequit ens simplex esse successivum (§. 1001.).
 Non igitur successive oriri potest ens sim-
 plex. Q. E. U.

Ortus alicujus entis aut est successivus, aut instantaneus (§. 1024.). Sed ortus entis simplicis nequit esse successivus (per Dem.); Est ergo, ubi datur, non nisi instantaneus. Q. E. A.

Eandem hanc propositionem ex notione simplicis immediate hoc demonstrare licet modo: Quicquid caret partibus, id non per partes ideoque nec successive oriri potest. Atqui simplex caret partibus (§. 988.). Non ergo per partes, id est, successive oriri potest. Quod non oritur successive, id, si oritur, in instanti oriri debet (§. 1024.). Atqui ens simplex non oritur successive (per demonstr.). Si ergo oritur, in instanti oriri debet.

Habent hæc usum in explicanda animæ per traducem propagatione, quam plerique adprobant Theologorum, & quam negandi nos nullam hæctenus rationem habemus sufficientem (conf. not. ad §. 1021.): Nam si anima liberorum per traducem ex anima parentum propagatur, non potest successive & per partes crescere, sed in instanti talis existit, qualis esse debet, scilicet, qua essentiam, licet qua accidentia variam successu temporis, a primo usque conceptionis momento, subeat mutationem.

§. 1026.

Ortus simplicis notionem distinctam formare non valemus. notionem

S 2

Est

ortus simplicis formæ quædam. Est namque ortus simplicis non successivus, sed instantaneus (§. 1025.), quare in illo plura a se invicem distinguere non valeamus. Enim vero nullius rei formare possumus notionem distinctam, nisi plura, ut eidem rei competentia, a se mutuo discernere, & sigillatim nobis repræsentare valeamus, quod cuiusvis est cognitum & in Logicis doceri solet. Ortus igitur entis simplicis notionem distinctam formare non valeamus.

In eo igitur inter alia distant composita a simplicibus, quod illorum ortus notionem formare possimus distinctam (§. 859.), horum non item. Contradictorie nimirum opponitur composito simplex, ut, quæ de illo, ut tali affirmantur, de hoc, ut tali, i. e. sub formali sua notione spectato, negentur (§. 990.). Atqui de composito, qua tali, affirmavimus, quod ortus ejusdem dari possit notio distincta (§. 859.). Hoc ergo prædicatum de simplici a nobis negandum erit.

§. 1027.

Idem ulterius expeditur. Quia definitio genetica, ut in Logicis ostenditur, distincta notione explicare debet ortum definiti, & ortus simplicis notionem distinctam dare non licet (§. 1026.); *neque licebit exhibere definitiones geneticas entium simplicium*

placium. Non datur medium inter ens simplex & compositum (§. 999.), hujus autem ortus distinctam notionem formare licet (§. 859.), sed non illius (§. 1026.). Lique ergo *nonnisi entium compositorum dari posse definitiones geneticas.*

Sibi itaque nunquam constabit assertio *Job. Jac. Schillingii* in *Inst. Phil. Rat.* cap. X. §. 15. qua existimat definitiones geneticas, nonnisi de rebus valde simplicibus reddi posse, & quæ definienda est simplicior, eo facilius investigari definitionem geneticam, at rerum apprimè compositarum definitiones duntaxat nominales fingi posse. Sed posita hac, quam animo effinxit Schillingius hypothesi, inter alia sequeretur quoque Ens Infinitum, quo non datur, nec dari potest simplicius ullum, admittere definitionem geneticam, quam tamen cum infinitate essentiae ejus infinite pugnare quivis facile concedit. Multiplici igitur nomine a vero discedit hæc Schillingii opinio. Et quid miri? talso innititur fundamento; Putat enim definitionem nominalem non circa rem ipsam, sed rei nomen vel terminum versari, definitionem vero geneticam, non circa terminum, sed rem ipsam occupari, illam ergo non nisi ad symbolicam, hanc vero ad intuitivam referri cognitionem, quæ simplicium est, secundum mentem ejus, rerum, quem ad modum illa rerum creditur plerumque compositarum. Sed ostendit verior Logica definitiones nominales, æque ac geneticas, non circa terminos, sed res ipsas versari.

Corruit itaque tota, quam finxit Schillingius, argumentandi vis. His accedit, quod cognitio, quam nos habere possumus, rerum intuitiva, versetur quidem plerumque circa ideas, Logico sensu simplices, quas in alias resolvere non valemus, Symbolica autem circa ideas, Logico iterum sensu magis compositas, quæ in alias resolvuntur simplices, clare menti repræsentatas: Exinde tamen nisi sensum Logicum cum Metaphysico insulse confundere velis, non sequitur objecta idearum simplicium esse simplicia entia, compositarum composita. Quin & hoc addere liceat, nullam definitionem, siquidem completam, & per consequens distinctam, hoc est, in alias, vel clare vel distincte repræsentatas resolubilem, exhibebit notionem, esse, pro nostro res concipiendi modo, simplicem, sed omnem aliqua vel majori, vel minori laborare compositione. Unde si vestigiis Schillingii insistendum esset, eodem plane consequeretur jure in universum nullam a nobis dari posse entium simplicium definitionem, omnemque proinde versari circa res compositas, quod tamen falsum esse facile demonstrabit discriminis, quod Metaphysici recte stabiliunt inter distinctionem rationis & realem, haud ignarus Schillingii itaque dubia nos non movent, quin contendamus non nisi entium compositorum dari posse definitiones geneticas. Sed si quis de hac re ulterius dubitet, quamvis nullam dubitandi habeat ansam, is evolvat quæsumus definitionem geneticam spiritus, certi sumus cum nobiscum largitum esse, se non possidere

dere vires huic effectui producendo pares. Sed ne distinctissima confundas, observes tandem nos non accidentibus, quæ in anima ex adplicatione ejus activitatis oriuntur, quatenus illa distincte conscia est hujus suæ certæ adplicationis, denegare definitiones geneticas: Heic enim semper adest aliquid successivi, quod ut compositum considerare licet. Hinc est quod affectuum, immo & voluptatis ac tædii, prout ex Psychologicis uberius patet, tradere liceat definitiones geneticas. Plura quidem notatu digna addi possent de definitionibus geneticis, sed hæc obiter monuisse sufficiant.

§. 1028.

Si compositum ex alio præexistente oritur, successive oriri potest. *Modus, quo compositum est.* Quoniam enim compositi *ex præexistente ori-* essentia consistit in modo, quo *ripotest.* tales partes invicem combinantur

(§. 837.), omneque ens eo existit modo, quem ejus infert essentia (§. 335.), ens compositum existere incipit, consequenter oritur (§. 308.), ubi tales partes tali modo invicem junguntur. Compositum ergo, quod ex præexistente oritur, oritur ex partibus antea vel sigillatim existentibus, vel alio conjunctis modo, quam qui requiritur ad hoc præcise, cujus ortus desideratur, compositum generandum (§. 63.). In priori casu partes ad se invicem accedere, hoc

est, ad se invicem moveri debent, & desiderato inter se jungi modo. In posteriori, primum a se mutuo dissolvantur, deinde ex iisdem, alio modo ad se invicem accedentibus, seu, motis, novum formetur necesse est compositum. Utrumque igitur per motum peragitur (§. 986.), utrumque fit successive (§. 950.), seu, quod idem est, successive coëxistere incipiunt partes in hoc novo composito. Quam ob rem successive oriri potest compositum, quod ex alio præexistente oritur (§. 1023.).

Experientia idem fieri affirmat. Ex semine, accedentibus, quas aqua vehit & solvit, partibus terrestribus & salinis, successive crescit & generatur arbor. Successivam quoque genesin admittit pullus in ovo, ex materia ibi præexistente. Eandem ortus rationem conspicimus in machinis, quæ ex partibus, antea existentibus componuntur & fiunt.

Ceterum observes nos non negare ortum compositi instantaneum ex alio licet præexistente; nam qui præsentis nostræ thescoos demonstrationem debita evolvit attentione, videt nos eatenus asseruisse successivum compositorum ortum ex partibus præexistentibus, quatenus illæ ad hoc præcise & non aliud exhibendum compositum, per motum ad se invicem accedunt. Sed est motus materiæ non essentialis, verum accidentalis (§. 977.). Non ergo repugnat, ut is a materiæ particulis separetur (§. 366.), & proinde ex illis sine motu, in instanti

stanti, conjunctis, desideratum prodeat compositum. Hujus rei, ex historia creationis, exempla sunt opera secundi & sequentium dierum, ex materia informi, quæ primo creationis prodit die, infinita DEI potentia producta & creata, quæ quamvis ex materia prodire præexistente, nihilo tamen secius per Omnipotentissimi DEI virtutem, in cujuslibet separati Diei instanti, & sine omni motus successione talia potuerunt evadere, qualia placuit Summo Creatori. Sine motu nulla materiæ particula ad aliam accedere potest naturaliter. Nos ergo impræsentiarum affirmantes successive oriri compositum ex alio præexistente, de naturali, non autem supernaturali compositorum ortu agimus.

§. 1029.

Si ens compositum non oritur ex alio præexistente, potest vel in instanti, vel successive oriri. *Modus, quo compositum sine alio præexistente oriri potest.*
 In demonstratione præcedentis propositionis modo ostendimus, compositum, hoc vel illud determinatum, oriri, si tales partes tali & non alio modo invicem combinantur. Compositum ergo, quod non oritur ex alio præexistente, oritur ex partibus non-præexistentibus. Sed hæ partes aut in instanti producantur & simul inter se conjunguntur, aut non simul, in eodem, quo producantur, instanti, inter se combinantur (§. 63.).

§ §

Si

Si prius, in instanti oritur ipsum compositum (§. 1023.). Si posterius, perinde est ac si ex alio præexistente originem traheret, sed in hoc casu oriri potest compositum (§. 1028.). Si ergo ens compositum ex alio præexistente non oritur, potest vel in instanti, vel successive oriri.

Prioris rei exemplum præbet primum chaos, a DEO, initio creationis, productum, cujus partes componentes, simul cum composito inde formato, omnipotentissimo Dei verbo, existere incepisse, testatur Scriptura Sacra Gen. I, 1. docens DEum initio, hoc est, primo temporis instanti, cælum & terram creasse. Posterioris casus exemplum esset, si ex ovo non præexistente, sed ex nihilo creato, naturali via, hoc est, successive gigneretur pullus.

§. 1030.

Modus, quo simplex interirenguit. Ob materiæ affinitatem con-
nidis loco in hoc capite nonnulla
addere placet de modo, quo en-
tia composita & simplicia contin-
gentia intereant, quo circa primum teneamus, *Ens simplex non eo interire posse modo, quo composita intereunt.* Ens simplex est incorruptibile (§. 998.), non igitur dissolutione in partes interire potest (§. 860.). Omne autem compositum ens
est

est corruptibile (§. 861.), & proinde dissolutione in partes interire potest (§. 860.). Sed dissolutione & non dissolutione in partes interire posse, sibi mutuo opponuntur (§. 424), & ideo diversissima sunt (§. 429.). Simplicia ergo eodem ac composita modo interire nequeunt.

Sic dissolutione in partes perit corpus humanum, anima vero, quia simplex est, & partibus caret, hunc intereundi modum plane respuit.

§. 1031.

Si ens simplex interit, annihilandum est. Nam quum ens simplex sit incorruptibile (§. 998.), dissolutione in partes interire nequit (§. 860.), seu, quod idem est: *Ensis simplex suo interitu annihilatur.*

nequit ita interire, ut aliquod eorum, quibus constituebatur supersit; Interire ergo nequit nisi per annihilationem (§. 857.).

Idem indirecte sic ostenditur: Ponamus ens simplex absque annihilatione interire posse, si ergo interit, ita existere desinet, ut post illius existentiam, aliquid eorum, quibus constituebatur, existat (§. 857.). Quoniam vero, quæ actu a se invicem separari possunt, realiter distinguuntur (§. 442.); constitueretur simplex partibus realiter distinctis, in quas actu ipso dividi posset.

posset. Sed hoc repugnat indivisibilitati simplicium, prius demonstratæ (§ 994.). Fieri ergo nequit, ut, si ens simplex interit, alio, quam per annihilationem intereat modo.

Principio hoc evidentissimo, & sine omni exceptione verissimo, utemur D. V. in Psychologia Rationali, animæ humanæ indestructibilitatem ostensuri.

§. 1032.

Composita Circa compositorum interitum, *annihilari* quem citra annihilationem fieri possunt. id antea ostendimus (§. 858.), notari meretur, *illa, dum intereunt, in nihilum quoque relabi, seu, annihilari posse.* Omnia enim composita contingentem habent naturam (§. 862.), & per consequens, interire possunt (§. 632.), constant quoque partibus, certa præditis magnitudine (§. 1011.), & ideo compositis (§. 848.), quæ ergo eodem modo ac sua tota sunt contingentia ac interire possunt. Non igitur repugnat, ut ita intereat compositum, ut omnes ejus partes, quibus constituebatur, simul pereant. Annihilari ergo potest compositum (§. 857.).

Nibil itaque præsidii in principiis rationis habent, qui cum *Origene, Hieronymo, Augustino,* aliisque existimant mundum hunc extremo die,
qua

qua substantiam, non annihilatum, sed mutatum iri. An vero in Scriptura Sacra aliquod suæ hypotheseos habeant fulcrum, discutere & examinare præsentis non est loci.

§. 1033.

Composita etiam citra annihilationem interire posse antea ostendimus (§. 858.). Duplex ergo datur modus, quo interire possunt composita; *alter per annihilationem (§. 1032.), alter citra annihilationem (§. 858.).* *Duplex est modus, quo compositum interire potest.*

Prior, ut Theologi evincunt, obtinebit in consumatione Seculi. Posterior locum habet in mundo jam existente. Ille est supernaturalis, hic naturalis. Ille semel fiet, hic in multis corporibus quotidie se ostendit.

§. 1034.

Si compositum interit per annihilationem, interitus ejus est instantaneus, si autem citra annihilationem perit, interitus ejus est successivus. Nam si per annihilationem interit compositum, omnes quibus constituebatur, partes, illo pereunte simul intereunt (§. 857.). Sed instantaneus rei interitus est, si omnes, quas habet, determinationes essentielles simul & sine successione existere desinunt. Si ergo compositum per annihilationem *Interitus compositorum, quando est instantaneus, vel successivus.*

lationem interit, interitus ejus est instantaneus.

Ubi autem compositum citra annihilationem perit, dissolutione partium, quæ adhuc separatim existere pergunt, interit (§. 857. 858.). Quando autem partes a se mutuo dissolvuntur, quæ antea erant conjunctæ, accidit in composito aliqua mutatio (§. 592.), per motum (§. 986.), adeoque successive (§. 950.), peragenda. Compositi ergo, quod citra annihilationem perit, successivus est interitus.

Sic successive perit e vase aqua, quando partes ejus sub forma vaporum dissolvuntur & per aërem dissipantur. Interitus autem instantanei compositorum exemplum non habemus naturale, quum omnia, quæ naturaliter intereunt, composita, partium dissolutione existere desinant.



CON-



CONSPECTUS

Capitum, quibus tertius hic continetur Tomus.

D CAPUT I.
De Ente Composito

CAP. II.

De Extensione, spatio & loco.

CAP. III.

De duratione entium & Agnatis notionibus.

CAP. IV.

De motu & compositorum mutationibus.

CAP. V.

De notione entis simplicis, ejusque discrimine ab ente composito.

CAP. VI.

De ortu & interitu entium compositorum & simplicium.

INDEX

INDEX

Numerus Paragraphum indicat.

A.

Aegyptii statuebant mundum & materiam ab æterno
existisse 935.

Æt. num. 928

Æternitatis variz significationes 928. prædicat de existen-
te 929. De ente necessario 930. Successionis expers 931.
Falsæ æternitatis divisiones 932. 933. Æternitas a tem-
pore differt 934. Creaturis communicari nequit 935.
Augeri & minui nescia 940. participata non datur 936.
Non habet quantitatem 941. est immensa 942. Absolu-
tam dicit perfectionem 943. cum tempore commensurari
nequit 944.

Æviternum 927.

Ævitermitas competit spiritibus & speciatim cælicolis 927.

Anaxagoræ homoiomeria 1010. Sch.

Annihilari, quid 857. prædicatur de interitu simplicia-
um 1031. & etiam compositorum 1032, quæ citra anni-
hilationem quoque interire possunt 858. 1033.

Aristotelis ἀἰών 988. Sch. essentias rerum statuit æter-
nas 945. Sch. tempus definit 920. Sch.

Atomus 1007. Atomorum affectiones ex timente Democriti
& Epicuri Ibid. Sch. Atomus molis, materialis. Sch. Ato-
mi non sunt simplicia. 1008.

B.

Boëtius, Severinus æternitatis notionem evoluit 931. Sch.

Brucherus in explicando ideas Platonis Moshemio contra-
rius 945. Sch.

Buddetis creationem mundi ab æterno possibilem adstruit
935. Sch.

Bürgersdicii falsa temporis notio 911. Sch.

Bylsingerus creationem mundi ab æterno rationi non
prorsus absurdam dicit 935. Sch.

Caje-

I N D E X.

C.

- Casertanus** refutatur 1004 Sch.
Cartesius notatur; quippe qui luminis propagationem statuit
 non successivam sed instantaneam 951. Sch. corporum mo-
 tus ex geometrica eorum consideratione posse demonstrari,
 falso existimavit 977. Sch. assentientes habuit Lippstorp-
 um & Langium juniorem 980. retinuit Aristotelicam tem-
 poris notionem 920. Sch. Eius affecta recte extensione di-
 stingvunt corpus ab ente Simplici 993. Sch.
Celeritas seu **Velocitas**, quæ 968. in omni motu certa & de-
 terminata 970. estque quantitas quæ augeri & minui pot-
 est 971.
Clarchius, refutatur 910 Sch.
Compositum, quid 832. **Physicum**, **Metaphysicum** & **Hyper-**
physicum 833. **Compositi** essentia 837. 839. **Compositorum**
 similitudo 840. dissimilitudo 841. **compositi** illi unitati contra-
 dictio 852. **compositum** non est ens abs. perfectum 854. **com-**
positi corruptibilitas 861. contingentia 862. **Composita**
 quæ accidere possunt mutationes 983. 986. partium in
 composito qualitas 1010 seqq. ex compositis simplex oriri
 nescium 1016. **compositorum** oriendi modus 1028 seqq.
Corpus 876. quando moveri dicitur 947. ut indifferens ad
 motum & quietem 978. nec non ad varias formas. Ibid.
 Corporis nulla nisi mediante motu mutatio 987
Corruptibile 869
Crellius refutatur 931. Sch.
Cudvorthus explicat ideas Platonis 945 Sch.

D.

- Daries** collocat essentiam entis simplicis in impenetrabilitate
 indivisibili 994. Sch. **durationem** in genere dicit qua-
 ritatem existentie 96. Sch.
Directio mobilis 965. in quolibet motu definita 966. varia
 tamen esse potest 967.
Distantia 873
Duratio 906. **Successiva**, **simultanea** 907. **successive** indo-
 lis 908. **duratio** in genere est qualitas 914. defectibilis
 indefectibilis 924. **duratio** defectibilis competit entibus fi-
 nitis, 925. sub tempore absoluto continetur 926

T

Ecphan.

I N D E X.

E.

Elephantus explicat <i>μωαδα</i>	988 Sch.
Ens imaginarium 878. permanent, successivum 901. Successivi affectiones 902. seqq. ens æternum est ens necessarium 937. identificatur 938. quæ entia in tempore sint, quæ non 939. Ens simplex 988. absolute & secundum quid tale 989. opponitur composito 990. extenso 993. habet essentiam & attributa 991. loco essentia carentiam partium 992. Est indivisibile 994. Simplicis affectiones reliquæ 995. seqq. inter simplex & compositum non datur medium 999. Entia simplicia differunt a punctis 1006. Ens necessarium est ens simplex 1000. Ens abs. perfectum est ens simplex	1002
Epicurus perpolivit atomisticam Philosophiam	1007 Sch.
Eratostenis explicatio temporis	920 Sch.
Essentiarum æternitas expen litur	945
Existencia est qualitas	914
Extensum 863 ejus affectiones 866. sqq. est divisibile in infinitum 872. Penetrabile, impenetrabile 874. 875. uniforme & difforme 884. extenso proprie moveri competit 948 quas habere potest mutationes 984 ex punctis mathematicis oriri nequit	1012

F.

Figura 868. quo modo mutatur	870.
Futurum	923

G.

Gassendus resuscitavit Philosophiam democrito Epicuream	1007 Sch.
creationem mundi ab æterno possibilem concedit	935 Sch.
inepte dividit æternitatem	932 Sch.
laudatur	920 Sch.

H.

Hobbesius, Thomas, perperam tempus definivit	911 Sch.
Hugenius, Christianus, primus operam dedit legibus motus distincte evolvendis & corrigendis iis, quos Cartesius, irritato tentamine, a priori deducere conatus erat	980 Sch.
	Idealis.

I N D E X.

L

- Idealismum**, an. redoleat Monadologia Leibnitio - Wolfiana 1013 Sch.
Incorruptibile 860
In infinitum divisibile 871
Interitus simplicium quot modis fieri potest 1031. compositionum quot modis 1032. seqq.

L.

- Latinorum veterum** de ente simplici notio 988 Sch.
Leges motus, quæ 979. sunt contingentes 981. & proinde suspendi possunt 982
Leibnitii de monadibus doctrina 988 Sch.
Leusippus atomisticæ Philosophiæ stator. 1007 Sch.
Lippius notatur 960
Locus absolutus & relativus 980. ejus mutatio 891. 892. determinatione 896. differentia a corporibus 897. In loco esse nequit quod non est extensum 899
Λογος Platonis 945 Sch.

M.

- Magenus**, Joh. Chrysoft. Philosophiam Democriti restauratam voluit 1007 Sch.
Magnitudo 844. habet partes toti homogeneas 845
Mechanica, quæ 961 Sch.
Mitylenus cum æternitate ætæ connecti invariabilitatem voluit 931 Sch.
Mobile 947. describit lineam durante motu 961. terminus quo & ad quem quis 963. Mobile nullum sine his 964
Moderatus, distinguit unitatem ab uno 988 Sch.
Monadologia Leibnitio-Wolfiana Idealismi utrum sit interroganda, nec ne 1013 Sch.
Monas 988. originaria, primitiva, increata, derivativa Ibid. Sch. Monadum affectiones cur examine indignas judicet auctor 1014.
Moshemius notatur 935 Sch. explicat notionem veterum Latinorum & Græcorum de ente simplici 988 Sch.
Motus 947. cur de eo in Metaphysicis agendum sit 946. est aliquis

INDEX

aliqua duratio 949. successivum quid 950. sit in tempore
951. motus absolutus & relativus 952. hic sine illo possi-
bilis 953. Ille vero sine hoc non datur 954. motum
obstruatur quæ attendere debet 956 seqq. in motu certa
& definita obinet directio quovis temporis articulo 966.
motus æquabilis & inæquabilis, acceleratus & retardatus
972. motus determinationes quarum 973. ex quibus deter-
minatur 974. Ejus contingentia 975. motus æternus im-
pletur 976. corporibus non essentialis sed accidentalis 977.
Musa: definitio entis simplicis 988 Sch.
Muscenbrock non plane rejicit atomos 1007 Sch.

N.

Nominales, negant æternitatem essentialium 945 Sch.
Notio marginaria 878.
Numerus, intellectualis & scientificus 988 Sch.

O.

Ortus ex nihilo 857. Successivus & instantaneus 1023. or-
tus compositorum ex simplicibus negatur 1013. ut & sim-
plicium ex compositis 1016. inter ortum successivum &
instantaneum excluditur medium 1024. Ortus simplicis
notionem distinctam formare non valemus 1026.

P.

Plato æternitatem essentialium docuit 945. Sch. Tres Deos
agnoscebat. ibid. Ejus Sectatores statuebant mundum, Deo,
non tempore, sed natura posteriorem 935. Sch.
Præsens 923.
Præteritum 923.
Punctum Mathematicum 1005. Zenonicum ibid.
Pythagoras quæ æternitatem ponit elementorum numerum 988.
Ejus Deus. ibid. Asseclarum de monadibus doctri-
na. 988. Sch.

Q.

Quantitas molis. 844. virtutis 995. Sch. quantitas prædica-
tur de tempore 914

Quies

I N D E X

Quis 947. absoluta, relativa 952

R.

Regulæ motus, quæ 979

S.

Scaliger notatur 999. Sch.

Scheiblerus statuit creationem mundi, ab æterno possibili 935. Sch.

Schillingii opinio, qua putat definitiones geneticas non nisi de simplicibus reddi posse, ut falsa exploditur 1027. Sch.

Scotus notatur 945. Sch.

Sempiternitas 927

Senertus Dan. Atomos reducit 1007. Sch.

Simplex 988. Simplicis laxior notio relinquitur 988. Sch. Simplicitatis indoles positiva 1003. est perfectio 1004. Ex simplicibus non oriri potest compositum 1013. Nec simplex ex composito 1016. An ex alio simplici 1017. seqq. vel ex nihilo oriatur, si oriri debet incertum est 1022.

Simultanea 887

Situs 893

Sociniani successivam Deo tribuunt æternitatem 931. Sch.

Spatii definitio & existentia 877. Spatium non est ens imaginarium 879. vacuum, plenum 880. Non est necessarium 881. est mutabile 882. limitatum 883. Extra mundanum non datur 885. Absolutum, relativum 887. Spatii & corporum discrimen 889. spatium percursum, quid 962.

Successiva 900

T.

Temporalitatis natura 927

Tempus absolutum 909. non datur remota entium finitorum existentia 910. non est nihil 911. Temporis absoluti natura 912. est notio solum imaginaria 913. Absoluto tribuitur quantitas 914. temporis illimitati contradictio 915. tempus absolutum sine, non autem initio carens, nihil habet repugnantie 916. Est mensurabile 917. Modus generalis tempus metiendi 918. Specialis 919. tempus relativum.

INDEX.

lissimum 920. essentialiter non differt ab absoluto 921.
 Temporis tria momenta 922. præsens, præteritum, fu-
 turum 923
 Trinitas in Deo nullam infert compositionem 832 Sch.
 Tuissus laudatur 931. Sch.

V.

Velocitas seu celeritas, quæ 968. variz ejus determinatio-
 nes 969. in omni motu certa & determinata 970. est quan-
 titas quæ augeri & minui potest 971
 Wolfius laudatur ob distinctam evolutionem modorum col-
 ligendi motum corporis 956 Sch. non confundit puncta
 mathematica cum entibus simplicibus 1006. Ejus definiti-
 onis, numeri 1009. & durationis 906. Sch. suo non do-
 fraudandæ encomio.

ERRATA.

Exstat

Pag. 8. lin. 8. pronuncientur
 20. l. 21. at minui
 21. l. 10. 11. quod quo ulterioꝛis
 21. l. 23. linearum
 22. l. 20. illimitarum
 29. l. 9. minerali
 32. l. 6. quod
 45. l. 1. nam
 43. l. 25. in corpora non
 ratione quantitate
 71. l. 14. illud
 15. hoc
 79. l. 17. præcis
 cui
 80. l. 1. permanentis
 82. l. 1. præstabimus, non
 inquam, sed
 98. l. 18. tempus
 102. l. 20. περίοδος
 l. 28. εἰκόνα
 104. l. 2. insignere
 l. 21. quid
 105. l. 9. oportet
 106. ult. fluxa

Lege

pronunciantur
 ut minui
 quod ulterioꝛis.
 linearem.
 illimitatam
 mineralia.
 quod
 non.
 in corpora ratione
 quantitatís.
 ille
 hic
 præcis
 quibus
 permanentis
 præstabimus
 sed
 tempus
 περίοδος
 εἰκόνα
 insignire
 quod
 oportet
 fluxa

exstat.

110. l. 6. rationalibus
 112. l. 7. perpetam
 113. l. 11. de existentia realiter
 differunt §. cit. si
 competeret eternitas de
 existentia ejus unice
 120. l. 25. duraturus
 26. fit
 123. l. 13. qua
 125. l. 18. extenso
 129. l. 17. que
 131. l. 4. sine
 136. l. 9. distincte
 1. 25. veto
 26. habito
 141. l. 16. ab esse essentia
 143. l. 8. produxit
 31. interjacentes
 152. l. 24. qua
 171. l. 24. coatur
 177. l. 24. contraria
 181. l. 18. objectum
 25. esse in motrici
 185. l. 25. Oblatione
 189. l. 17. Concernat
 207. l. 10. vi
 212. l. 31. magi
 221. l. 19. capacia
 229. l. 8. concedit
 231. l. 6. si
 §. conjugi
 226. l. 13. magnitudinae
 234. l. 7. mens
 248. l. 4. plenisque
 259. l. 15. caussa
 262. l. 6. medi
 269. l. 14. argumentando
 270. l. 21. demonstraverit.

lege.

- rationalibus
 perpetuam
 de ex-
 sten-
 tentia ejus
 unice
 duraturus
 fit
 que
 eterno
 qua
 sine
 distincte
 vero
 habito
 ab esse existentia
 produxerit
 interjacentia
 que
 conatur
 contraria
 objecta
 esse vi motrici
 Ablatione
 concernit
 ei
 magis
 capaces
 concedit
 si
 conjungi
 magnitudinae
 meris
 plerisque
 causa
 medii
 argumentando
 demonstraverint

Sphalmatis , si quæ occurrent hisce exstan-
 tiora , facilis veniam dabit Lector , Bene-
 volus.



AD 1 1453352







22. J. 19.

